

NE NE JINIHODIYEREN

NE

RODIYATADOGENHTI,

KANYENGEHAGA KAWEANONDAHKON

NE TEHAWEANATENNYON NE KENWENDESHON

NOK ONI SHODIGWATAGWEN


NE WILLIAM HESS AND JOHN A. WILKES, JR.

NEW-YORK:

PUBLISHED BY THE YOUNG MEN'S BIBLE
SOCIETY OF NEW-YORK,
AUXILIARY TO THE BIBLE SOCIETY OF THE
METHODIST EPISCOPAL CHURCH.

Howe & Bates, Printers.

1835.



Bible. New Testament; Acts. Mohawk. 183

THE ACTS

OF

THE APOSTLES,

IN

THE MOHAWK LANGUAGE,

TRANSLATED BY

H. A. HILL,

WITH CORRECTIONS BY

WILLIAM HESS AND JOHN A. WILKES, JR.

NEW-YORK:

PUBLISHED BY THE YOUNG MEN'S BIBLE
SOCIETY OF NEW-YORK,
AUXILIARY TO THE BIBLE SOCIETY OF THE
METHODIST EPISCOPAL CHURCH.

Howe & Bates, Printers.

1835.

W. B.

M. E. T.

Checked
May 1913

NE

ROYADADOKENGHDY ACTS.

CHAP. I.

Keristus waghshakokwadako ne raotyoghkwadokenhdy ne ne aontkaghtho jideshodenh.

NE jinityawenhonh ji-nigonyerasesh I-ih gonweyeanentasesh, *O Theophilus*, ne nakwekonh ne ken-ikenh *Jesus* shondahhadaghsawen dejaronh ne ji-nihhoyerenh ony shakorihhonnyennyh,

2 Ji-niyore ne weghniserade ne ji-onenh donsahhonyayadaghkwe, oghnakenkeh raonhha rorihhonnyh ne Ronikonghriyughstonh shakorighwawyh nenhadishatssteke ro-nonhhakeh ne raotyoghkwadokenghdy ne shakoyadarakwenh:

3 Ro-nonhhakeh ony sagshakododaghsyase shisronhhe nen shihoronhyagea-onh eso yuriwanet jiodokenh-onhchonweh eghniyawenhonh, shonwakenghs ne ro-nonhha kayeryh niweghniseraghshenh, nokhony shodadyh ne ji-nikarihhdense ji-niyutyerenh ji-nonka ne raoyanertserakonh ne Niyoh:

4 Nokhony, eghnaawen enskatneh sahhontkennisa, waghshakawenhaghse toghsa erenh aonneghde ne *Jerusalem*, nok sewennonna ikenh rorharatstonh ne Ranihah, ji-nahhoden, rawenh, I-se dakwatthonde.

5 Ikenh ne *John* orighwiyu ne shakoghnekoseraghta oghnekanoghs ratha; nok n'I-se T'Kakonde ne ensewatnekoseraghde ne Ronikonghriyughstonh-neh yaghdedyudehniserakade ji-nenwe.

6 Neon; ethone nenh-enskatneh sahhontkennisa, wahonwarfghwaghdonghse raonhha, wahhonniron, Sayaner, engghskweiy-kenh ne nonwa enseghsheyeritshe are ne kayanertse ne Israel-neh?

7 Neoni raonhha wahheron ne ro-nonhhakeh, yagh-wahhy eghthayawen n'I-se naesewaderyendarake ne jinnonweh nakenhhatye nendenhens nen-yuweyenstane, asenkenh ne Ranihhah raonhha raowenh ne kashatsstenghs-era enthennonghdon.

8 Nok T'Kakonde ensewaye-na ne kashatsstenghs-era, oghnakenkeh ne Ro-nikonghriyughstonh ensewayadorenne: neoni I-se T'Kakonde sesewaderighwanonna orighwiyu enkenhhake n'I-ihneh yekakwekonh ne *Jerusalem*, nokhony yekakwekonh ne *Judea*, nokhony neh *Samaria*, nokhony ne jinnonka nakwah jinateyodondhwenjoktanihon ne jiyonghwenjade.

9 Neoni ne o-nenh shahhadewennenthon ken-ikenh jiniyadekariwakeh, jinnahhe dehhonwakanere, nendonsahonwayadaghkwe; neoni otshada sahnonwaye-na ok eghyonsahho-naghdonse.

10 Neoni jinnahhe yadehhdikanere ok thiyadeyughnirhaonh karonghyakeh nonkadyh jiniyonsare, sadkathoth, deghnonkwedakeh ehhinede raodiyughkwakonh kenrakenh ro-natsheronnayadonh;

11 Kenkayen ony wagniron, jonkweh, *Galilee*-aka, oghniyutyerenh kensewakennyade sewahonkwaweron karonghyakeh nonka? ne ne kenhenh shahhayadat ne *Yesus*, wahhy sayetshikwaghse karonghyakeh sareghde, T'Kakonde kady eghnenjawenne nendentre jinnawenne jideghjhisewakanere karonghyakonh sareghde.

12 Ethone nendonsahhontkarhadeny ne jiyunonde konwayats *Olivet*, sahnonneghde *Jerusalem*, ne neh jiniwathahinontseres jiniyore ne *Jerusalem* ne sewehniserat ne yawendadogenhtongeh.

13 Neoni ne o-nenh shiyahhondaweyade, yahhadirathen ne e-nekenh T'Kanakde, jinnon nihaditeron deghnijaronh ne Kwiter, nok *James*, ony *John*, neoni *Andrew*, *Philip*, nok *Bartholomew*, neoni *Matthew*, ony *Thomas*, *James* royenhah ne *Alpheus*, neoni *Simon Zelotes*, ony *Judas* ne yadadekenhah ne *James*.

14 Ne ken-ikenh radikwekonh okho-nenh skanikonrat ro-nadonh jiro-naderennayen ronwennidenghdase ronwarighwanekenny, enskatneh ony ne tyo-nathonwisen, nokhony ne Waryh ne ro-nistenhhah ne *Jesus*, ony ne radadeken-okonhah.

15 ¶ Neoni ethone weghniserade-nyonghkwe Kwiter dahhatyadakwarighsy raodinenhherhenh ne tekenyh shadire, neoni wahhenron, (ne ji-nikentyughkwa ne kaghseennaokon watkennison kenhonghdeh nikonh enskat Tewennyawe nok Tewaghshenh.)

16 Jonkweh ony dewadadekenhokonhah, ken-ikenh kaghyadonghseradokenghdy thiyuderihhokde deyodonghwenjohhonh ne eghnayawenhonh ayunaghnonhonh, kenwahhy Ro-nikonghriyughstonh jiraghsakaronde ne Dawed nenshithawennade ji-niyutyerenh ne *Judas*, ne wahhy shakoghshari-nonh ne nenshaonwaye-na ne *Yesus*.

17 Ikenh raonhha yedewakwekonne, nokhony rots-ristonne ne ken-ikenh ji-niyonkhinhaonh.

18 Nonwa ne ken-ikenh ronkweh rodatheghdaghni-nonseh ne na rotonhradahkwen ji atkaronnyat wathanonghwetshawerondatyé, wathade-nekwendankare shadewaghseennenh, nokhony akwekonh ne ji-nityutyerenne ne rayadakonh dakondiyakenne.

19 Neoni yakodokenghseh yekakwekonh ne ji-yenakeronnyon ne *Jerusalem*; ne kady yurihhonnihonh ne eghkahheghdayen konwanadonghkwenh nakwah ji-nih-hadiwennodenh *Aceldama*, ne nayairon ne jikahheghdayen ne Onekwenghsa.

20 Ikenh kaghyadon wahhy ne kaghyadonghserakonh ne *Psalms*, kayese enwahton-onweh jiyahhennakerade, toghsa onghka nonkweh neghyayonnakerade; ony jirajihhenghstajighkenghne thihhayadade desraghk.

21 Ne kady wahhonny ne ken-ikenh ji-nihhadyh ne shaonkwentyughkwat kenghne tyutkonh ne Royaner *Yesus* yetewagwegonhatyehskwe,

22 Jityudaghsawe shighshakoghnekoseraghs ne *John*, ne kady wahhonny ne shahheghniserat deshonwayadaghkwenh nonkyonhhakeh, T'Kakonde enskat enjondatyadarako ne nen-yonkwarighwaghniratstaghkwa ne jishotketskwenh.

23 Neoni sahhonwadiyadarako tekenyh, *Joseph* ronwanadonghkwenh *Barsabas*, dehhaghsennasere *Justus*, nok *Matthias*.

24 Neoni wakhonderennayen, ony rondon, I-se, Sayaner, wahhy jenderyh akwekonh nonkweryaghneghshon nakyonkweh, wagwarihwanegen nayongwaderyentara-ne kanikayen ne kea-igenh tehniyahshe sheyataragwen.

25 Ne kady akarihonny daaraghkwe ne ken-ikenh kanhatsera ony kayadadokenghtightsera, asekenh tyoderakwenh ne *Judas* yorihhonnyh rorighwayadaghdon-honh rodakeraonh, ne kady wakhony eghky enreghde jitho-nakde.

26 Neoni wahadiyentohji ne kadi wagahryenenhtahkwe jinonka ne *Matthias*; o-nenh eghwakhayadarane kentyughkwakeh ne enskat shadire rodiyadadokenghdy.

CHAP. II.

*Ne rodiyadado kenghdiokon wakanaghne wahhonwanaty-
enhaghse ne Kanikonghriyughstaghk.*

NEONI ne o-nenh weghniserade *Pentecost* nen-yahhonderighwihhewe, ne aoriwa radikwekonh skanikonrat ro-nadonh enskatneh radideron.

2 Neoni thahontyerenjiok waowennakareghre yurakare-nyh karonghyakeh nondawe ji-niyught ne kawerowanen yushatsste, ony wakanaghne akwekonh ne kamonghsakonh ji-nonweh nihhadideron.

3 Neoni etho ondodaghsy ne ro-nonhhakeh yuwennothiyese aweanahsa-ogon akwah ji-niyught nojire, neoni ji-nadehhadyh wahhonwanatyenhaghse.

4 Neoni ro-nonhha akwekonh wakanaghne ne kanikonghriyughstaghk, neoni ondaghsawen wahhondady ne ji-nonka ne thiyewennodenshon, jiky naawen ne kanikonra jishakowyh kawennaghnradonh.

5 Neoni wadokenh radideron ethoh *Jerusalem Jews*-haka, ne ne rodirighwiyughstonhchonweh, eghtyudera-kwenh ji-niyadeyakaonghwenjakeh eghdakeh nakaron-yadyh.

6 Nonwa ne o-nenh ne ken-ikenh shaoronghkwent-takareghre ne thiye-nakeraghserade-nyon, kentyughkowanen enskatneh waonderoroke, nok agwah wahodinehrago, no aoriwa ne ne niyadeyonkwedakeh ronwanathonde jiwahhondady ne raonhha ji-nihhawennodenh.

7 Neoni radikwekonh agwah wahhodirighwaneghrako, dehhondadenny rondonnyon, Jatthagthoh, yaghenh akwekonh neeh dekenh jiwahhondady *Galileans*?

8 Neoni oghnaawen yonkwathonde niyadetyonkwedakeh ne I-ih ji-nidewawennodenh, ji-nonweh onkweh niyonkwadonhonh?

9 *Parthians*, neoni *Medes*, neoni *Elamites*, neoni ne jiradinakere-nyon *Mesopotamia*, neoni *Judea*-tserakonh, neoni *Cappadocia*, *Pontus*-tserakonh, neoni *Asia*,

10 *Phrygia*, neoni *Pamphylia*, *Egypt*-tserakonh, neoni otyake enkarane ne *Libya*, eghnonweh ne *Cyrene*, neoni thihhadideshon ne *Rome*, *Jews*-haka nok *Proselytes*,

11 *Cretes* nok *Arabians*, yonkwathonde naah wahhondady ne Ijiyakwawenodense yuyudenghseraneghrakwaght ne Niyohneh.

12 Neoni akwekonh wako-neghrako, ony ok anyonh thikenh, dehhondaderighwanendonnyonny rondonnyon, Oghnahhoden ongedeh kendon ne ken-ikenh?

13 Nok notyake thihhonwadiyeron, rondon, Kenikenh ronnonkweh rodighnekirenh onghdeh ne ase *wine*.

14 ¶ Nok Kwiter, irade enskatneh ne enskat shadire, wahhadewennaketsko, neoni wahhenron ne ro-nonhhakeh, I-se jonkweh ne *Judea*, neoni yesewakwekonh ne eghsewanakere ne *Jerusalem*, ne sewaderyendarak ne ken-ikenh, nokhony jadahonghsadat nakewennaokon :

15 Ne ken-ikenh yaghna kanonghwaraghdonghtsera dekenh, ji-ne iseweghre, desewakanere wahhy ne ok naghshenhadond ji-niyughwisstaeh ji-niwadeghniserine.

16 Nok ne wahhy ne ken-ikenh ji-nahhoden rodadyh ne royadadokenghdy *Joel* ;

17 Neoni T^rKakonde eghniyen-yawen noghnaken yenweghniserade-nyonke rawenh ne Niyoh, I-ih yenkheseraghse ne nake-nikonra akwekonh nowaghronneh : neoni ne sheyen-okonhah T^rKakonde ohhendoh yen-yeriwaken, neoni sewanekenghderontsera yenhhadiken yokent, nok ne sewadexdensera enhho-nadetsheh adetshenghsera :

18 Neoni ne khe-nhaseokon neoni ne arekho deyudinyakhon I-ih enkheseraghse enweghniserade-nyonke nake-nikonra ; neoni T^rKakonde ohhendoh yenhhadiriwaken :

19 Neoni enkhe-nadonhaghse yutyanade-nyon ne karonghyakonh senhha e-nekenh, ony enwade-nyendenghstaghkwen n'Onwenjakeh ony nakonh; o-nekwenghsa, ony ojire, neoni kanakhwenh jiyutyenkwaronnyh:

20 Ne karaghwa denwatdeny naah entyukaraghwe, neoni n'Eghnida o-nekwenghsa nen-yawenne, ne ne arekho jiyukarowanenw weghniseranoron ne Royaner dentre:

21 Neoni T'Kakonde-se eghnen-yawenne, ne kady onghkakiok yenhonwaronghyenhhare ne raghsennakonh ne Royaner ne na enhhoyadadery.

22 I-se jonkweh Iserathaka, jathondek ne ken-ikenh owennaokon; Yesus Nazareth-aka, ne na ne ronkweh odokenhonh ne Niyoh ne sewentyughkwakonh yuneghrakwaght yutyanade-nyon ony wade-nyendenghstanyon, ne wahhy ne Niyoh eghnihhotyeranyon sewanenhhrenh, ony yadesewayadyh sewaderyendare:

23 Raonhha, eghniyawenhonh yehhodadaghtkawenhi- non nihhodennaghskonnnyh jikajenhhayan ony ehha-ondokden ne Niyoh, o-nenh wahhy eghjhisewaye-nah, ne ne karihwaneren sewasongeh ne ehjhisewayentanhare oni ehjhisewaryo:

24 Raonhha ne Niyoh shoketskwenh, shoghnerenghsyonh ne jikanonghwakdenghsera ne kenhheyatneh: ne aoriwa jiyahhoghthaadiyere naonwatye-nawaghston.

25 Ikenh Dawed rodatyaseh ne ji-niyutyerenh ne raonhha, Arekho shihhikenh ne Royaner tyutkonh akhendonh jikkonghsonde, ikenh raonhha ne jikeweyendeghdaghkonn kesnonkeh, ne ne yaghdeyaweght erenh ayonkyadenhhawighde:

26 Ne kady waghonny nakweryaneh yodonnahhere, ony akwennaghsonh yutshennonnnyh; senhha kady ony nakewaronh ne T'kakonde ayawen yaondorishen:

27 Ne akarihhonny yagh-Oneghschonh thiyaaghsyen nakwadonnhets, yaghony thadaesanikonrharen ne Sheyadadokenghdy ne nayeken ne wahhetken.

28 Onenh wahhy dakdokadennnyh ji-nen-yughdonhatye ne jikonnh; ji-ony naaghskyere akanaghne nadonnharaghk nokhony aaghskwadeweghkwen.

29 Jonkweh nokhony dewadadekenhokonhah, do-thikadadewenniyu-n kadadyh n'Isekeh ne ne royadadokenghdy Dawed, kenwahhy dejaronh rawenhheyonh ony ronwayadat, ne naah ne jironwayadat jiyondatyadaagstha yonkwanonghnatyese ne kenghweghniserade.

30 Ne kady waghonny wahhy royadadokenghdy, ony ne kanikonghrowanenghtsera ne ne Niyoh rorighwagh-niradonh ikene nyuderighwakwarighsyonh ne rowenendaseh, ken-ikenh yughyanyondaonh ne raotstyeghs-era, ne ne ji-niyught nowaghronneh, ne enshoketskwaghde Keristus egh-enhhoderon jirayadakwe-niyu;

31 Raonhha rotkaghtonh ne ken-ikenh arekho shih-howenninekenhonh ne jishotketskwenh ne Keristus, ne ne raodonnhets yagh oneghshonh thiyekayen, yaghony ne raowaronh deyokenh ne karighwaghhetkenghs-era.

32 Ken-ikenh Yesus ne na ne Niyoh shoketskwenh, ne waghonny dewakwekonh orighwiyu yonkwaderyendare.

33 Ne waghonny eghniyawenonh ji-nonka raweyendeghdaghkonh rasnonkeh ne Niyoh shotharadadonh shotketskwenh, neoni waghoyendane waghaye-na ne Ranihah ne ji-nihhorharatstonh ne Ro-nikonghriyughstonh, roghrironh yudiyakenhonh ken-ikenh, ji-nahhoden nonwa sewadkahtho nokhony sewathonde.

34 Ikenh ne Dawed yaghwahhy eghdehhawe-nonghonh jitkaronghyade-nyon: nok rawenh nakwah yadeh-hadyh, Ne Royaner waghawenhhaghse Nakyaneda, sattyen ji-nonka keweyendeghdaghkonh kesnonkeh,

35 Ji-nenkeweyennendane ne yesaghsweughse denghsaraghsidakenseraghkwe.

36 Ne kady waghonny wakwekonhhak ne jiyakononghsodon ne *Israel* yakoderyendarak ji-orighwiyu-onweh, ne ne kenhenh ne Niyoh roghson ne na shahhaya-dat ne Yesus, ne wahhy degjhisewayendanhare, dejaronh Royaner nok Keristus.

37 ¶ Nonwa ne o-nenh ro-nathonde ne ken-ikenh, eghnaawen watho-neryaghsaweeghste, neoni waghonwenh-haghse ne Kwiter nokhony notyake ji-nihhadyh ne rodi-yadadokenghdy, Jonkwehhokon ony dewadadekenhokonhah, oghnonwa nen-yakwayere?

38 Ethone Kwiter wahrenron ne ro-nonhhakeh, Jadatrewaght nok enjatnekoseraghwe ji-niyadejonh ne raghsennakonh ne Yesus Keristus ne enjakorighwiyughstaghkwen ne karighwaneren, neoni T'Kakode ensewaye-na ne shakowyh ne Ro-nikonghriyughstonh.

39 Ikenh I-sekeh eghjhisewarharatstennyh, nokhony nyejitshiyenhokonhah, nokhony ne ji-nonka nakwekonh ne i-nonghshon ityense, shaden-yawenne wahhy ne jikonh ne Royaner onkwa-Niyoh nyenghshakoronghyenhhare.

40 Neoni eso sane oya owennaokon raonhha rorighwahniradonh ony shakodeweyennonyenny shakaweyen, wahrenron, sasewadatyadakoh ne ken-ikenh ne jionka nyaghdetyaweryendiyugt jikaghnekwaghsade.

41 ¶ Ethone ji-nikonh ne wahrenshennonny wahhadiyena ne raowenna wahrennekoseraghwe: neoni ne shahheghniserat kennikonh yaeyeghste ro-nonhhakeh Aghsenh niwennyaweeghtseraghshenh adonnhetshokon.

42 Neoni okho-nenh ji-nondahhadiyere wahrenderighwaghdentyeghde ne rodiyadadokenghdy deghshakodirighwathedenny ne shaonkwariwat, ony wathadinadaryakhon, aderennayendaghtserakonh.

43 Neoni kaghderonghxhera wahrenrodiane ji-niyadewadonnhetsherakeh: neoni eso yunegrakwaghdenyon ony wade-nyendenghstanyon ji-naawenne jinahontyere ne rodiyadadokenghdy.

44 Neoni akwekonh ji-nikonh ne thoneghdaghkonh enskatneh kentyughkwayen, neoni rodiyen ji-niyadekarivakeh shadeyughdanyon;

45 Neoni wahrendeghninon jinihhodiyen nokhony naghkwennyashon-ah, ony wahrendekhaghsyonko akwekonh onkwehhokonkeh nonkadyh, niyadeyonekdakeh deyudonghwenjohhonh.

46 Neoni ro-nonhha, ok-o-nenh jinen-yughdonhakeh ji-niyadeweghniserakeh skariwat ro-nadonh ne Ononghsadokenghdikeh, ony radinadaryakhon jiyako-nonghshodon, wathontskaonh ase jisahrenshennonny ony thonsonderyaghsakwatho,

47 Ronwadonghrenny ne Niyoh, neoni en-yakoyendane enshakoye-nawase yekakwekonh nonkwehhokon. Neoni ne Royaner yathayeghste ji-nonka notyughkwa-dokenghdy niyadeweghniserakeh neneken eghnen-yugh-donhake nena enjakoyadadery.

CHAP. III.

Kwiter shakoderighwaghnodonse nonkwehhokon.

NONWA Kwiter nok *John* eghwaneghde enskatneh Ononghsadokenghdikowagheh nen-yakahhewe ne jikaghwistahex ne ji-nen-yonderennayen, nenkady tyughdonhhadond nakaghwistake.

2 Neoni rayadadokenh ronkweh rarenghsaxhenh ok eghshiyught kanekwendakonh ne ro-nistenhhah shon-dahhayakenne, eghronwenderonghs Niyadeweghniserakeh etho jiyudenhenghrakaronda ne Ononghsadokenghdikowah ne ne konwayats jiyuweyestonh, ne ne aaneke naonwendenre ne ro-nonhha ne ne eghrondaweyatha ne Ononghsadokenghdikowah-neh;

3 Raonhha yaghshakotkaghtno Kwiter nok *John* wahyadaweyadane ne Ononghsadokenghdikowah-neh waghshako-neken naonwendenre;

4 Neoni Kwiter, wahahnirate ne rakaghdekeh ne raonhhakeh ine *John*, wahhenron, Dakyataghtoh.

5 Neoni raonhha wahhadennikonraren ne ro-nonhhakeh, rorhareghkwe nothe-non aaye-na ne ro-nonhhakeh.

6 Ethone Kwiter wahhenron, Yaghdewakyeen ne karistanoron nokhony n'Ojinekwar; nok ji-nahhoden wkyen enkon-yon n'I-se: Ne ne Raghseennakonh ne Yesi Keristus ne *Nazareth*-haka satketskoh ony saghdendyh.

7 Neoni raonhha dahho-nontsha jiraweyendeghdaglkonh, ony wathodenghste: nok yukondatye ne raghskeh nokhony ne raghsinekodakeh noghstyen sahshoshat stenghserayendane.

8 Neoni wathadane wahhaghdendy, ony yahhadaweyade ronke Ononghsadokenghdikeh, rakhahhiyuh, no ratshinokaghdane, nok ro-nendonghsere ne Niyoh.

9 Neoni akwekonh nonkweh wahhonwaken ire no'hony ro-nendonghs ne Niyoh:

10 Neoni ronwayenderyh ne na raonhha eghrende-rondaghkwe ji-non-nyuraseh ne naonwendenre jiyudenhenghrakaronde ne Ononghsadokenghdy: neoni wakanaghne ji-nahhodineghrako neoni dahhondonneke wahodighderonne ne ji-nahhoden ji-nahhoyadawen ne raonhhakeh.

11 Neoni ne ratshinokaghtaghkwe sahnonwajende waghshakotye-nawaghste ne Kwiter ony *John*, akwekonh nonkwehhokon yatyonraghdade ro-nonhhakeh jikanakdahhere ne ne konwanadonghkwenh *Solomon* raowenh, kowanenghjionh jiwahodirihwanehrago.

12 ¶ Neoni ne o-nenh ne Kwiter wahhatkaghtho, daghshakodatyase nonkwehhokonkeh, I-se ne jonkweh *Israel*-haka, oghniyutyerenh sewaneghrakwaghs ne ken-ikenh? oghniyutyerenh ji-esojoy wadeghskwatkaneren nonke-nonhhakeh, ji-niyoh n'I onke-nishatsstenghsera nedenhens onke-nirighwadokenghdy jiwaake-nikweny ne ken-ikenh ronkweh jisahhaghdentyonko?

13 Ne Niyoh ne Akweren, neoni ne Aisac, neoni ne Yakwek, ne Niyoh ne akhinhahhokon, ne shakaonwesaghdonh ne Royenhah Yesus; raonhha eghyeghjhi-sewaghtkawenh, neoni oxhaok ehjhisewadonnhiyen jiwahhotkaghtho ne *Pilate*, sane roweyennendaonne naonsahhoghtkawen.

14 Nok wahhy wesewdaonniye nese ne Royadadokenghdy Enskat nokhony thorighwayery, nokhony desewadonghwenjonyh ne ongweh shagoryo ne ne aondayetshiyaghtkawen ne I-sekeh;

15 Neoni ehjhisewaryo ne rayadakweniyukowah ne adonnhets, raonhha ne Niyoh shoketskwenh ne kenheyatneh; ne wahhonny orighwiyu yonkwaderyendare.

16 Neoni ne raoghsenna deyaonkoghdonh ne Teweghdaghkonh ne raoghsennakonh kaghson ne ken-ikenh ne ronkweh ne kashatsstenghsera, raonhha waghjhisewaken nokhony ehjhisewayenteri: orighwiyuonweh, ne Teweghdaghkonh ne raonhageh tyoyenhtahkon ronwayyh ne ken-ikenh ji-nikaweyennendaonh jiskennenjy ne nonghwakeh yesewakwekonh.

17 Nok nonwa, dewadadekenhokonhah, Onkdokenghse wakadennikonraren ne yatyonkoghde eghnondawe kayadaghdonghtsera eghnisewayerenh ji-ony eghnihho-di-yerenh ne yetshirighwakwadakwase.

18 Nok ji-nikonh ji-niyadekariwakeh, ji-nahhoden ne Niyoh ne wahonnise shagonnatonni wahanhotongo ne radighse-neh ji-nikohh ne shakoyadadokenghdiokon, ne Keristus raronghyakenghsere, eghkady niyeyawenhonh royeridonh.

19 ¶ Sasewadatrewaght kady, neoni enjjadonnhakanonny, ne ne sarighwaneraaxhera kishenh aonsondaghsadarako, ne o-nenh yenwaderighwihhewe ase enskenhake entkayenghdaghkwe onghwajok ne Royaner-neh;

20 Neoni raonhha T'Kakonde entho-nhane Yesus Keristus, ne ne jiniyawe-onh yetshiyaderighwaghnodonse:

21 Ne wahhy ne karonghyakeh T'Kakonde ne enkaye-na ji-niyenwaderighwihhewe orighwakwekonh enkayerede, ne ne ji-nahhoden ne Niyoh rodadyh ne radighse-neh ne akwekonh ne raonkweda ne rodiyadadokenghdiokon ji-nahhe tyodonghwenjadaghsawe tyodaghsawe.

21 Ikenh ne Oses orighwiyu ji-nighshakawennyh ne yethi-nihhahhokon, Ne royadadokenghdy T'Kakonde ne Royaner sa Niyoh rotketskwaghdonh I-sekeh ony sewadadekenhokonkeh, shadeyught ony n'I-ihneh; raonhha enghjhijathondeke T'Kakonde ji-niyadekariwakeh jiok nahhoden enhhenron n'I-sekeh.

23 Neoni T'Kakonde eghse-nen-yawenne, ne ne niyadewadonnhetsherakeh, ne ne ji-nikonh nyaghthaonwathondeke ne ken-ikenh royadadokenghdy, T'Kakonde kady waghdonghsere ne onkwehhokonkeh.

24 Orighwiyu, ne akwekonh ne rodiyadadokenghdy tyudaghsawe *Samuel* nokhony ji-nikonh nen-yerighwaghsere, ji-nikonh ony ne ro-nadadyh, eghnityawenhonh ethone tyetshighroryh ne ken-ikenh wegghniserade-nyon.

25 I-se wahhy ne raodixhada ne rodiyadadokenghdy, neoni ne desewarihonde ji-nahhoden ne Niyoh shakoghsenhennyh ne yethi-nihhahhokon, wahhawenhaghse ne Akwerenh, Ne jienghsnekwaghsadatye ne na akwekonh ne she-nonghkwehokon ne n'Onghwenjakeh ne *na en-yondatyadaderighste*.

28 I-sekeh tyotyerenghdonh ne Niyoh, roketskwenh ne royenhah Yesus, yehho-nhaonh nenghjhisewayada-derighste, ne ne niyadejonkwedakeh donsaghjiwakar-hadeny saghjhisewayadonneke ne ji-nonka ne sewade-righwadewaghdonhhokon.

CHAP. IV.

Ne ne radiyadakwe-niyuse ne Jews-haka watho-nade-renghsaronkwaghse ne Kwiter ji-orighwadokenghdy raghtaraghk'wa.

NEONI jiwaghshako-nadady n'Onkwehhokon, ne radijihenghstajyh, neoni ne raghsennowanen ne Ononsadokenghdikowaghneh, nokhony ne *Sadducees*, yaghshako-natyadondy ro-nonhha,

2 Ne wahhodinikonghraxhade ji-ne waghshakodirih-honnyen ne Onkwehhokon, ne raderighwaghnodon ji-niyeyuderighwinonh Yesus ne shotketskwenh ne jirawenhheyonghne.

3 Neoni nenkenniyahhonwadiyere, neoni oghshon-wakonh yahhonwadideron ji-niyore waorhenne: ikenh o-nense yukaraghskhah,

4 Ethosane nenne eso yakonh ne yakothonde nowenna dayakeghdaghkwe; kenniyonkwedakeh nonkwehhokon wisk onghdeh niwennyawe-eghtseraghshen.

5 ¶ Neoni eghnaawenne jiwaorhenne, ne ne ronwadi-kowanenghse, nokhony ne thodixdenhase, ony ne shakodighyadonny (*scribes*.)

6 Neoni *Annas* ne Rajihhenghstowanen, ony *Caia-phas*, nok *John*, nokhony ne *Alexander*, neoni ji-nihha-nonghkwesera ne rajihhenghstowanen, wahhontyadaroroke enskatneh etho *Jerusalem*.

7 Neoni ne o-nenah yahhowadideron raodinenhher-hen, wahhonwadirighwanendonghse, Oghnikashats-stenghserodenh ne kenhenh, nendenhens oghnikaghshen-nodenh ne kenhenh, ne ken-ikenh ji-nejatyere ?

8 Ethoghkeh Kwiter, wakanaghne ne Ro-nikonghri-yughstonh, wahhenron ne ro-nonhhakeh, I-se ne sewarighwakwadakwaghs nonkwehhokonkeh, ony ne sewaxdenbah ne Iserathaka,

9 Dokat kenghweghniserade ayonkhinikonghrisake ne ne yuyanere orighwiyu ji-naotyerase ne ne royadane ntskhaonh ne ronkweh, oghnabhoden aoriwa jisahhaya dakwekhene;

10 Kengayen sewaderyentarak sewakwekonh nokhony akwekonh nonkwehhokon ne *Israel*-aka, egh tyuyenghdaghkonh ne raoghsenna ne Yesus Keristus *Nazareth*-aka, ne wahhy I-se degghisewayendanhare, raonhha ne Niyoh shoketskwenh jirawenhheyonghne, shatyawen wahonni ne raonhha ne ken-ikenh ne ronkweh thadeshodaonh kenthoh sewahhendonh akwekonh.

11 Ne wahhy ne ken-ikenh no-nen-ya nese ne kaken-seraghkwenh eghwakayesha ne jisewadennonghsonny nese enwatyadakwe-niyughste ne jideyude-nhonghdawenbeh.

12 Yaghden ony kaneka oya de kayen nayakoyadery he thakadeke: ikenh yaghse kaneka oya dekaghsennayen ne eghdakeh nakaron-yadyh ayondadawy ne onkweh, ne netthoh T'Kakonde enjonkwayadaderighste.

13 ¶ Nonwa ji-onenh wahhontkagtho ji-nihho-nadakaride thihhoditshanight ne Kwiter nok *John*, ony wahhodokenghse thontkwatho ne ne ro-nonhhah jiyaghdehadighyadonghserayenderyh ony thiyehhodirighwaronh, rodineghrakwaghs; neoni wahhodinikonghrayendane ne rononhha, ne wahhy ne ronneskwe ne Yesus.

14 Neoni wahhon watkagtho ne ronkweh ne ne shonwajendonh enskatneh radikennyade, yahhothenon dehdodikwe-nyonh naonwennenny.

15 Ok ne o-nenh shahhonwennenhaghse aonsahhadiyakenne ne jikajenhhayen, ne ne yadehhadiyadyh aontsharokwaghde,

16 Rondonnyon, Othonghdeh nayethiyere ne ken-ikenh ronnonkweh? ikenh wahhy sojy tokenghske orighwiyu yurihhowanenh yuderighwatyanade-nyon nenjinahhontyere thonderighwakwatho waorighwaghmirha nenakwekonh ne-nakeraghserakonh ne *Jerusalem*; yaghtaedewakweny aedewadonnhaye.

17 Ne ok ony ne yaghsenhha thiyadaonderighware-ny ne kentyughkwakonh nonkwehhokon, nihhennyoh karodkeh yuriihhothiyek deyethiyadonhharenronghk, ne ne kenghyenwadaghsawen yagnethaonsahhondatyade nonkweghneh ken-ikenh kaghsennakonh.

18 Neoni yahhonwadinonke, neoni wahhonwadiri-hon ne toghsa othe-non aonsahhadiwenninekenne yahhony thaonsaghsahakodiri-honnyen ne raghsennakonh ne Yesus.

19 Nok kady Kwiter ony *John* dondaghyadady wagh-niron ne ro-nonhhakeh, Doka nonkenh entkarighwaye-ri-ke jidehhakanere ne Niyoh ne nayongyadahonhsadate n'I-sekeh senhha enwadohhette ne Niyohneh, dese-niya-doreght.

20 Ikenh yaghse thayagwakweny ne yaghtayakwa-datyane ne ji-nahhodenshon ji-nahhoden yonkwatkaght-honh nokhony yonkwathonde.

21 Ne kady ji-o-nenh senhha wathonwanadonhharen-ronghkwe, sahnonwanaghtkawe, yahhothenon dehho-dirighwatshenryonh ji-naadiyere naonwadironghyakendon, ne wakarihhonny ne onkwehhokon: ikenh onkwe-dakwekonh ronwanendonghs ne Niyoh ne wakarihhonny eghnahhadiyere.

22 Ikenh ne ronkweh Issy nonweh ne kayeryh nihha-oghseraghshenh ji-nithoyenh, ne shahhayadat ken-ikenh yutyeron ne jiseghshakojendonh ne ro-natkaghtonh.

23 ¶ Neoni sahnonwanaghtkawe, eghsaneghde ji-nonka ne shahhodiriwat, neoni yonsaghniririhowanaght-de akwekonh ne ji-nondahhonwadiyerase ne ne thadiya-dakwe-niyu ne radijihhenghstajyh nokhony ne thodix-denbah ne ji-nahhonwennenhhaghse ne ro-nonhhakeh.

24 Neoni ne o-nenh shahhodidokenghse, wahhonde-wennaketsko Niyoh-neh skanikonrat wahhonde, nok wahhonniron, Sayaner, I-se Niyoh, saghsen ne karonya, nokhony n'Onwenja, ony kanyadarakeghkowah, ony akwekonh ji-niwat:

55 Ne wahhy jiraghsakaronde ne egtshe-nhase Dawed satonh, Oghnahhoden aoriwa eghnahhadiyere ne yaghddehdirighwi-yughstonh dahhodinakhwen, neoni ne Onkwehhokon yenrhonnyon thiyurighwendeh ji-ni-karihhodense?

26 Ne korah-kowatshon ne jiyonghwenjade wathadidane, neoni ne radirighwakwadakwaghs oghseronnyh waghontkennisa ronwarighwaghswehse ne Royaner, neoni ronwarighwaghswehse ne rao-Keristus.

27 Orighwiyu kady yahtehonwanonwese ne saxhadadokenghdy Yesus, ne wahhy ne kenhenk ehtseyenarnonh, deghnijaronh *Herod* nok *Pontius Pilate*, yekakwekonh ne yaghdehdirighwiyughstonh, neoni ne Iserathaka, enskatneh waghontkennisa,

28 Ikenh ne ne ji-naadiyere jinahotenshon ne ise sesongeh oni jinisarihwisson wahhi sarihwahniraton ne wahonnise ne ne tkagonte ehneyaweane.

29 Ne nonwa, Royaner, sadkathoh ji-nighshakodighderonghkweny: neoni kasheyonh nyurighwagh-nironh ne she-nhaseokon, yakonneghde akwekonh aonadewennadakarideke nen-aondady ne sawenna,

30 Ne wahhy jiwaghsade-nontshakwarighsy ne naonsayakojende; neoni ne-eh enwade-nyendenghstaghkwen ony ji-niyu-neghrakwaghde-nyon ji-nenkaweyenendahonh ne ne raoghsenna ne sawiradokenghdy Yesus.

31 ¶ Neoni ne o-nenh waghonderennayen, eghnonweh kady watyuwishonghkwe ji-nonweh enskatneh nihon-natkennison; neoni akwekonh ne ro-nonhha wakanaghne ne Ro-nikonghriyughstonh, neoni waghondady ne raowenna ne Niyoh rodiwennagnironh.

32 Neoni ne kentyughkwa ne ro-nonhha ne ne dahonneghdahkwe seweryaghsat waghonnonny nokhony skanikonrat: yaghony onhka jinihadih tehawenh Iih agwawenhk ne othenon ne jinigon royen; nok ro-nonhha radihhawe akwekonh jiniyadekariwakeh shadenyughdonh.

33 Neoni kashatsstenghserowanen ronwanawyh ne rodiyadadokenghdy ne ro-naderyendare ne rorighwagh-niratsstaghkonh orighwiyu jishotketskwenh ne Royaner Yesus: neoni wennidenrechtserowanen waghodirane akwekonh.

34 Yahhony kaneka deyeyadare ne ji-nihhodyughkwa ne ne dayakodonghwenjony: ikenh ji-niyakonh ne nen-yakodewenniyughstonh n'Onghwenja nendenhens kanonghsaakon yondenghninonh nenne-eh, nokhony yenshadihewe ji-niyukarodense ne ji-nahhodenshon wahondenghninon,

35 Neoni eghdakeh wahhadikeron jidehhonghsidade-nyon ne rodiyadadokenghdy: neoni eghnonweh nika-weyennerdaonh enghshakodikhaghsonkwaghse ji-niyadeyonkwedakeh ne T'Kawenniyu ji-nadehhodonghwenjonyh.

36 Neoni *Joses* onhka ne rodiyadadokenghdy raonh-ha wathonwaghseennaseren *Barnabas*, (ne na dekawennade-nyonh, Ne royenhah ne jiyutshennonnyat adorishengtsera,) ne *Levite* nahhayadoden, ne jitye-nakere ne *Cyprus*,

37 Raonghwenjayen, wahhanenghninon, nok wahhahewe n'Oghwista jidehhonghsidade-nyon ne rodiyadadokenghdy.

CHAP. V.

Nenshondonkoghde ne Ananias ony Sapphira raonhha rone jiwaghnnikonrhade ji-nighnirighwarweyehhkonh.

NOK odokenhonh rayadadokenh ne ronkweh ronwayats *Ananias*, yeghnikwekonh ne rone *Sapphira*, waghyadenghni-non ne rao-nawenghk,

2 Daghyaghseghde otyake ne ji-niyahhatke-ne, ro-ne ony wakarighwaghseghde eghnakayere, nok odokenhonh eghwahhahewe ne ji-niyuriwa ji-nikonh notyake, neoni eghwahhayen jidehhonghsidade-nyon ne rodiyadadokenghdy.

3 Nok Kwiter wahhenron, *Ananias*, oghnen-nee ne *Satan* waghyatyadadaaghse ne seryaneh jiwaghsenno-wenghde ne Ro-nikonghriyughstonh-neh, neoni daghsatye-nawaghste otyake ji-niyuriwa ji-nikanoron n'Onghwenja ?

4 Ji-nenwe shekonh yudadenronh, yaghkenh I-se de-sawenghk? nense shiwadenghni-nonh, yaghkenh I-se dedisennonghdonhhonh? oghnaah wagsye-na ne seryaneh ne ken-ikenh ji-nikarihodenh? yagh Onkweh-neh nonka desenowenghdonh, ok se denh Niyoh-neh nonkadyh.

5 Neoni *Ananias* rothonde ne ken-ikenh owennaakon eghwaghayatyenne, neoni waghrenhheye: neoni kowanenah waghodighderonne radikwekonh ji-nikonh ne ro-naderighwathonde,

6 Neoni ne radinekenghderon wathadidane, waghonwaghwenonny, ony waghonwayadinekenwe, nok yahonwayadada.

7 Neoni aghsenh onghdeh nakaghwistaheke ji-nakarwese oghnakenkeh, ne o-nenh ne rone, yaghdeyuderyendare ji-naawen, nen-ondaweyade.

8 Neoni Kwiter waghrenhhaghse, Takroiryh origh-wiyukenh wejadonghwenjaghninon eghniyahhatke-ne? Neoni wakenron, orighwiyu eghnikonh.

9 Ethoghkeh Kwiter waghrenhhaghse, Oghnaawen jiskariwat wejade Wadijadade-nikonghraseren ne wadeghjise-ninikonghraseren ne Raonigonra ne Royaner? satkaghthoh, ne ronghsikeh ne ne nenronwayadat ne dese-nderon kanhohhakda wahhy radikennyade, neoni T^rKakonde enjesayadinekenwe o-n'I-se.

10 Ethoghkeh wakayatyenne yahhontdakwarighsyade jidehhaghsidade-nyon, neoni ehondonriseraghdon wakenhheye: neoni ne radinekenghderon waghondaweyade, neoni wakonwayadatshenry yaweahheyonh, neoni, wathadighkwe wakonwayadinekenwe, eghyakonwayadada enskatneh ne rone.

11 Neoni kowanenah kaghderonghxhera waghodirane akwekonh ne kentyughkwadokenghdy, nokhony ne jikonh nyakothonde ji-neken nikarihodense.

12 ¶ Neoni ne radisonkeh ne rodiyadadokenghdy jighnaawen eso wade-nyendenghstanyon ony yuneghrakwaghde-nyon waghodiyuden kentyughkwakonh ne Onkwehhokon; (neoni eghniyught akwekonh skariwat ro-nadonh ji-nonweh ne *Solomon's* raowenah thennitskwaghrahk'wa.

13 Nok neh ji-nihhadyh notyake yaghnedekenh onghka n'Onkweh aonwanatyadarhaghse: nok ne Onkwehhokon wahhonwadikowanaghde.

14 Neoni ne tyakaweghdaghkonh senhha eso wahhon-derighwaghdentyade ne Royaner-neh, kentyughkwakwekonh ne ronnonkweh nokhony ne tyunathonwisen.)

15 Ne ji-nakanegh-rakwaghde ne ne waghshakodiyathehkonh ne yako-nonghwakdanyonny etho jidekanadokenghseron, eghyeyadakeron kanakdakeh ony kase-reghkheneh, ne ne nen-yahhondokdaghkwe ne jiyudaghsadaratye ne Kwiter eghwahhadohhetsste kashatsstenghsera aadirhoroce otyake ne ro-nonhha.

16 Etho wahhonnewe ony kentyughkowanenah dahadiyakenne kanadakonh jikanadayendon thadeyughkwadasedonh ji-nonka ne *Jerusalem*, eghyakohhehhaty nyako-nonghwakdanyonny, nokhony ne ne ro-nonhha ne ne kanikonghraxhenh yakoronghyakendonh: neoni niyadehhadyh sahnonwadijende.

17 ¶ Ethoghkeh ne rajihhenghstowanenah dahhatyadakarighsy, neoni akwekonh ne ji-nihhadyh ne ronneh, (kenkayen ne ne kentyughkwa shahhodinikonrat ne *Saducees*.) ony wakanaghne ne raodinakhwenghsera-waghshakodighswen,

18 Neoni yathonwennennisonghsaren ne rodiyadadokenghdy, neoni eghyahhonwadiyadinyonde jiyondade-nhodonghk'wa nenaghskwa.

19 Nok ne raoronghyakeghro-non ne Royaner aghsontheneh sayako-nhodonkwaghse ne jiyondade-nhodonghk'wa kanhokaghrondon, neoni saghshakoyadinekenwe, neoni wakenron,

20 Wase-neh, yadese-nidan nok jada-dyh ne Ononghsadokenghdikeh onkwehhokonkeh owennakwekjihhonh ne ken-ikenh yakonnhe-nyon.

21 Neoni ne o-nenh ro-nathonde ne ken-ikenh, wahhon daweyade Ononghsadokenghdikeh akwah orhonkeghjy, neoni waghshakorihhonnyen. Nok ne rajihhenghstowanen eghwarawe, neoni ne ji-nihhadyh ne enskatneh ronne, neoni nenwahhadijenhhayen enskatneh, neoni yehhadikwekonh ne radijenhhayenghs ne shakoyenhoknhah ne *Israel*, neoni yahhondennhane ne jithadinhdon nehhaonwadiyathewe.

22 Nok ji-o-nenh yahhonnewe ne radisennowanenghse, ne jiyondade-nhodonghk'wa yaghdeghshakodiyadatshenryonh, donsahhontkarhadeny, yonsahhonorory,

23 Wahhonniron, orighwiyu ne radinaghskwa yak-hinhodon yaghtadeyuderyentarah, nokhony eghradikennyade jikanhokaghrondon dehhadinhohhanonghne: nok ji-nenh wakwanhodonko, yahhonghka nonkweh de-yakhiyadatshenryonh.

24 Nonwa ne o-nenh ne rajihhenghstowanen neoni ne ratssteristha ne Ononghsadokenghdikeh neoni ne thadiyadakwe-niyu ne radijihhenghstajyh ro-nathonde jineken nikarihodense, waghshakodinowenghde kana-ondawe ne ken-ikenh ne aondeghyaron.

25 Ethone shayadat eghwarawe neoni waghshakogh-rory, wahhenron, Jatkaghtoh, ne ronnonkweh ne ne yetshinhodonghke eghyehhadikennyade Ononghsadokenghdikeh, ony shakodirihhonnyenny ne Onkwehhokon.

26 Ethone are eghsareghde ne rotssteristonh yehhadikwekonh ne rodighsennawenghde-nyon, ony dondahhonnwadiyadinekenne yaghten nokthaondahhonnwennennonghdonse: waghshakoditshanike n'Onkwehhokon: wahhonneghre onwa neken en-yonkhinen-yuyake.

27 Neoni ne o-nenh eghwahhonnwadiyathewe, ohhendonh waghshakodideron ne jikajenhhayen: neoni ne rajihhenghstowanen waghshakorighwanendonghse,

28 Wahhenron, Yaghkenh deyurihhothiye ji-nikwen-nyh ne ne T'Kakonde toghsa shekonh aonsayetshirihhonnyen ne ken-ikenh nikaghsennodenh? neoni, jatkaghtoh, nenwahhy wesewanaghne ne *Jerusalem* ne Ise waetshirihhonnyen ji-nisewarihhdodenh, neoni iseweghre kenbhahesewahhewe ne ken-ikenh ronkweh rao-nekwenghsa enghskwaseraghwe.

29 ¶ Ethoghkeh Kwiter ony ji-nadehhadyh ne rodiyadadokenghdy dakhondady wahhonniron, Yakwanonwese nenghshakwanikonghrayeride ne Niyoh senhha jiniyught nonkwehhokonkeh.

30 Ne Niyoh ne na shakwanihhah shoketskwenh ne Yesus, raonhha eghjhisewaryuh eghjhisewayadaniyonde karondakeh.

31 Raonhha naah Niyoh rokowanaghdonh ne na ne jiraweyendeghdaghkonh rasnonkeh nene Rayadanorokowah korah-kowah royenhah neoni Seghshonkwayadakwenh, ne nenghshakaon nadatrewaghdonh ne kani-konghranenghdane jinnonka ne *Israel*, neoni enseghshonkwarighwiyughsten ne onkwarighwaneraaxhera.

32 Neoni onkyonhha naah raorighwaghniratshera ne ken-ikenh jinnikarihodense; nokhony eghniyught wahhy ne Ronikonghriyughstonh ony, raonhha ne Niyoh naah shakowyh ne rononhha ne ne ronwawennaraghkwenh.

33 ¶ Ne onen ro-nathondaty ne kenhenh, akwah jiniyught nathoneryaghsaweeghste, neoni wathadiyadoreghde ne naonwanawenthon ne rononhha.

34 Ethoghkeh shayadat dahhatyadakwarighsy etho jirodijenhhayen, ne *Pharisee*, ronwayats *Gamaliel*, rotshinaghken norighwakeh, ne na thorighwayery ne kentiyughkwakonh akwekonh ne Onkwehhokon, neoni waghshakawenhhaghse yaghkenghdeyaweght oghst-honhah Issy nonweh ayetshinakdothaghse ne rodiyadadokenghdy;

35 Neoni waghshakawenhhaghse ne rononhhakeh, Ise ne jonkweh ne *Israel*-haka, sewadade-nikonrarak jinnahhoden iseweghre jinnen-yetshiyere jikenniyaetshiyere ken-ikenh ronnonkweh.

36 Ikenh wahhy tyutyerenghdonh shiweghniserade-nyon dehhodaonh *Theudas*, akwah radade-nyahhesenheghnayawen jiniyught nonghkaok; eghrayadare jinnikentyughkwa ne Onkweh, kayeryh onghdeh Tehhonyawe, waghontyadaren yathontyeghste: ronwadiryuh kady; akwah akwekonh, jinnikonh ne ronwawennaraghkwenh, wathonwanadokwaghde, ony eghyahhonthewe kathonghdeh yahhothe-non.

37 Oghnakenkeh ken-ikenh ronkweh wathadane *Judas* ne *Galilee*-haka jiweghniserade-nyonghkwe shahhadikaryake ne *tax*, neoni inonh niyore eso yonkwedakeh wahhonwaghsereghde: raonhha ony eghwaghrenhheye onghdon; akwah akwekonh, shatyawen ji-nikonh ne ronwawennaraghkwenh, wathonwanadokwaghde.

38 Nok nonwa kadon ne I-sekeh, Dondayetshiyadonek ne ji-nonkadyh ne ken-ikenh ronnonkweh, ony toghsa sheyatssterist ok thihho-neronhhatyeh: ikenh doka jineken nikajenhhayenghtserodenh nedenhens jineken nikayudenghserodenh onkweghneh naondayawe-non yahhothenon thiyadayurihhondane:

39 Nok doka nonkenh Niyoh-neh, yaghna thasewakweny aese-nirighwaghdonde; onwa neken akare en-yeyadaodokenne shadeyught naonwaderiwaxhaden ne Niyoh.

40 Neoni raonhhakeh dahho-neryendiyu: neoni ne on-nenh dahhonwadinonke ne rodiyadadokenghdy, nok wahhonwadikonghrehkon, wahhonwennenhghaghsa togksa shekonh ne sasewadatyat ne raoghsennakonh ne Yesus, nok sahnonwanaghtkawe.

41 ¶ Neoni ro-nonhha akwah oxhaok erenh sahnon neghde ne jirodijenhhayen, ro-nadonnhaghratye ne ne rononhha ondarade wathonderenghsaron wahhodironghyakende yodehhat aoriwa ne raoghsenna.

42 Neoni niyadeweghniserakeh yehhadideron Ononghsadokenghdikeh, neoni yehhadideron jiniyadekanonghsakeh, yaghdehhonaghtkawenh jishakodirihhonnyenny ony aderihhwaghnodonghtsera Yesus Keristus.

CHAP. VI.

Ne ne rodiyadadokenghdy, dehho-nadonghwenjonyh ne ne aonwennonnghtonnyonhheke ne adade-noronh ne yakodenght.

NEONI ne ethone weghniserade-nyonghkwe, ne on-nenh ne ji-nihhadyh ne raotyughkwa ne ne shakodirihhonnyenny nenghshahhontkadade, ehonderighwaketsko watyaonryakareghre wahhonde ne *Grecians* ronwennenny akde ne *Hebrews*, aodiriwa nyo-nadeghreonghse yudiyadondakwaghs ji-niyadeweghniserakeh ji-niyunatyerenh.

23 Ethoghkeh ne tekenyh shadire yaghshakodionke ne kentyughkowanenh ne shahodiriwat ne ro-nonhhakeh, ony wahhonniron, Yaghwahhy ne thakarihhonny ne ne aedewadoghdarho aedewaghtkawe ne raowenna ne Niyoh, nokhony daedewaghsnyene nadek'waghragk-okon.

3 Nekady wahhonnny, dewadadekenhokenhah, yetshiyadisak ne sewentyughkwakonh jadaghk nihhadyh ne ne thodirighwayery yurighwakare-nyh, ne ne kananonh ne Ro-nikonghriyughstonh nokhony ne kanikonghrowa-nenghtsera, rononha eyethiyatarago ne nahontsteriste ken-ikenh neghnikarihodenh.

4 Nok n'I-ih yadekakonde ok-o-nenh ji-nentyonkwayeren en-yonkwaderennayendake, neoni eghnonka ende-wadade-nhane ne owenna.

5 ¶ Neoni ne ji-nikawennodense dahho-neryendiyu kentyughkwakwekonh: neoni ne wahhonwayadarako ne *Stephen*, ne ne ronkweh kananonh thaweghdaghkonh ony ne Ro-nikonghriyughstonh, ony *Philip*, neoni *Prochorus*, ony *Nicanor*, ony *Timon*, neoni *Parmenas*, ony *Nicolas* ne thihaonhwenjade ok nonwa rayatare ne *Antioch*:

6 Eghwahhonwadideron raodihhendoh ne rodiyadadokenghdy: neoni ne o-nenh wahhonderennayendako, wathonwennennisonghsaren.

7 Neoni ne raowenna ne Niyoh ne wahho-nadeghyaghronhaghse; neoni ne ji-nihhadyh ne ne radighyadonghserayenderise yuneghrakwah wahhodityughkowunha ne etho *Jerusalem*; nokhony kentyughkowanenh ne ne skariwat wahhonde ne radijhhenghstajyh wahhadiwen-naraghkwe ne deweghdaghkonh.

8 Neoni *Stephen*, kananonh ne deweghdaghkonh ony ne kashatsstenghsera, yuneghrakwaght yutyanade-nyon ji-nihhoyerenh ne kentyughkwakonh n'Onkwehhokon.

9 ¶ Ethone wathadidane akwah radiyadadokenh ne ne *synagogue*, ne na ne konwanadonghkwenh *synagogue* (ji-nonweh ne raodinakdadokenghdikeh) ne ne shonwanatnerenhsyon on *Cyrenians*-aka, nok *Alexandrains*-aka, neoni ne ro-nonhha ne *Cilicia* neoni ne *Asia*, wathadirighwake-nha wathodirighwadeghdane ne *Stephen*.

10 Neoni ne yaghdehhodikwe-nyonh daondahhadawennokon ji-niwatdokhatserodenh nokhony ne kanikonra ji-nahhoden wahhadatyade.

11 Ethone ne ro-nonhha ok thiyeshodirighwaraonh ne ronnonkweh, ji-nahhoden wahnonniron, Yonkwathonde wahhadady wahhowennayesaghde ne Oses, nokhony ne Niyoh.

12 Neoni ro-nonhha waghshako-noryaneron waoristarane ne onkwehhokon, nokhony ne rodirighwaxdenhah, neoni ne radihyatonhs (*scribes*) neoni wahnonwarane, nok wahnonwayena, neoni eghwahnonwayathewe jiro-dijenhhayen.

13 Neoni ehonderighwaketsko o-nowenda ji-nahhonororyanyon, wahnonniron, Ken-ikenh ronkweh yaghta-aghtkawe jiroghthare rarighwayesaghdanyon ne kentho nonweh nikanakdadokenghdy, neoni ne kayanereghserakeh:

14 Iken shakwathonde radon, ne ne ken-ikenh *Yesus* ne *Nazareth*-aka T'Kakonde enhhaghdonde ne kenghwadonghwenjade, neoni T'Kakonde tenshateni ne jini-karihodense ji-nahhoden ne Oses shonkwarighwihhewyh.

15 Neoni akwekonh ne radideron ne jikajenhhayen, akwah wathonwatkaneren ok yatyughnirha, dehhadikane ne rakonxneh eghnihhakonghsodenh jiniyught ne karonghyakeghro-non.

CHAP. VII.

Stephen, ronwarighwawyh ne endeghshakodatyase jini-nonka ne ronwarennodase ne kayadaghdonghtsera.

ETHONE wahrenron ne rajihhenghstowanenah, Agh-eghkenna ne ken-ikenh nikarihodense?

2 Neoni wahhenron, Jonkweh, dewadadekenhokonhah, ony kwanihhah, jadahhonghsadat; Ne Niyoh ne raonwesenghtsera thihhotkwathoseh raonnhakeh negh-jhidewanihhah Akwerenh, ne o-nenh eghshireskwe *Mesopotamia*, arekho eghshiyehhanakere *Charran*,

3 Neoni wahhawenhhaghse ne raonnhakeh, Sajak-en-a ne jisenagere, neoni erenh sasegt ji-non nihshe-nonhkwe neoni eghyahhaseh ji-nonweh niwadonghwenjade ne ne I-ih naah enkonnadonhaghse.

4 Ethone kady erenh thawe-nonghdonh ne jiwadonghwenjade ne *Chaldeans*, nok eghsahhennakerade *Charan*: neoni erenh negh-dethawe-nonghdonh, ne o-nenh ne ro-nihhah shaghrenhheye, raonhha wahhennadakareny kenghnon-weh niwadonghwenjade ji-nonweh nonwa nisewanakere.

5 Neoni yahhothe-non dehhowyh naodewenniyughston ehhaondaghke, yaghden, yaghjideyuriwa ne nyaaradane ne ji-nadehhaghsida: nok shekonh rorharatsden-nyh ne ne raonha enhhaon nenhhadewenniyughste, neoni ne jienkaghwajiradatye ne raoghnaken, arekho sane dehhowirayen.

6 Neoni Niyoh wahhadady kennahhayere, Neneh ji-enhhaghwajiradatye denhho-nathahhaghkwenhhatye ji-nonweh tyaonghwenjanekherenh; neoni ne ne ro-nonhha yenhhonwadiyathewe ji-nonweh yen-yondennaghskonny, ony enhhodiwennathake ji-niwahhetken kayeryh Tewen-nyawe niyughserakeh.

7 Neoni ne ji-nakaonghwenjoden onghkaok ne rononhka wahhy yenhhondennaghskonny I enkhejenhhayen, rawenh ne Niyoh, ony oghnakenkeh yadekakonde enshadiyakenne, neoni I-ih enshonkewennaraghkwe ne kentoh wadonghwenjade.

8 Neoni raonha wahhaon ne watnirihhondaghkwe ne yurighwagnironh wade-nyendenghtonh: ony eghniyught ne Akwerenh yeshodonyh Aisac, ony wahhorighwagniratshe ne shadekonhhadond niweghniserakehdond; neoni Aisac yeshoyenhah Yakwek; neoni Yakwek yeseghshakoyenhokonhah ne tekenyh yawenre kaghwajirakwe-niyu.

9 Neoni ne jikaghwajirakwe-niyuse, dahho-natyadon-
dy ne kanoshaghtsera, wahhonwadenghni-nonh ne Yo-
sep *Egypt*-neh nonkadyh, nok waghnikwekonhhatye ne
Niyoh wane,

10 Neoni sahhoyadondako ne akwekonh ne ji-nihho-
ronghyakenghne, neoni wahhaon nensho-nikonghriyu
nokhony ne kanikonghrowanenghtsera ne jidenhhokane-
rake ne *Pharaoh* korah-kowah ne *Egypt*; neoni wahho-
koraghtseronny ji-niwa ne *Egypt* nokhony akwekonh
jiro-nonghsode.

11 Nonwa neghnonweh waondonghkaryake-kowah
yakakwekde ne jiwadonghwenjade ne *Egypt* nokhony
ne *Canaan*, neoni kowanenih deyuderyendakaryah: neoni
ne akhi-nihha yahhothe-non deshoditshenryonh naon-
sayonkwayadake-nha ne kakon.

12 Nok ji-o-nenh ne Yakwek wahharonke ne ne thodi-
yen ne o-nenghste ne ethoh *Egypt*, raonhha ne shakwa-
nihhah dontyerenghde yaghshako-nhane.

13 Ne kady ne teke-nihhadond Yosep nensahhonwa-
yenderene ne rondadekenhah; neoni ne Yosep jishako-
nonghkwe nenwahhodokenghse ne *Pharaoh*.

14 Ethone yahhadennhane ne Yosep, yahhonwennon-
ke ne ro-nihhah Yakwek raonhhakeh, nokhony akwe-
konh ji-nighshako-nonghkwe, Jadaghk niwaghshenh
wisk yawenre niwadonnhetsherakeh.

15 Eghkady naawen ne Yakwek eghwareghde
Egypt, eghwaghrenhheye, nokhony nakhi-nihhokon-
kenhha,

16 Neoni eghwaehhawighde ji-nonka ne *Sychem*,
neoni eghyahhonwayadada jiyondatyadadaaghtstha ne ne
Akwerenh ne roghni-nondaghkwenh ne jikaroronh ne
oghwista ne ne shakoyenhokonhah ne *Emmas* ne ron-
wanihhah ne *Sychem*.

17 Nok o-nenh thoah shiyaonderighwihhewe ne ron-
wadirharatstennyh, ji-nahhoden ne Niyoh rodewennagh-
niradonh ji-nonka ne Akwerenh, waondonkwedakadade
wakentyughkowanha waontkawe neghnonweh *Egypt*.

18 Ji-nahhe oya korah-kowah sondon, ne ne yaghdeh-
hoyenderyh ne Yosep.

19 Ne shakat ji-nihhonwadiyerenhhatye yaghdeyo-kent ji-niyurihhothiye ne ne shakwaghwajirat, neoni wah-betken ji-nihhonwadiyenhhatye nakhi-nihhahhokon, eghnaawen waghshakodiyadondako Issy yahho-nady ne raodixhadaokonkenhha, ehhenwadokden yaghtaonsah-honnonnheke.

20 Ethone kady n'Oses nighho-nakeradonh, ne nyade-wakde ne raxhadiyuh, nok eghwathonwaghsnye-ne ne ro-nihhah jiro-nonghsode aghsenh niweghmidakeh :

21 Neoni ne o-nenh Issy shiyahonwayadondy, *Pharaoh* shakoyenhah wathoyadaghkwe, nokhony wathogh-syene ji-niyught nakwah aonhha royenhah akenhake.

22 Neoni ne Oses ronwarihhonnyennyh akwekjih-honh ne kanikonghrowanenghtsera ji-nonneh *Egyptians*-aka, neoni rawennashatste nokhony ji-nihhatyerha.

23 Neoni ne o-nenh shiyakahhewe kayeryh nahha-oghseraghshenne, ethone onwe ne raweryaneh ne ne aon-saghshakotkensehha ne rondadekenhah ne ne shakoyen-hokonhah ne *Israel*.

24 Nok wahhotkaghtho shayadat ronwaronghyaken-tha, nok wahhoyadake-nha, ok raonhha sahhotkareng-h-rako ne roronghyakendonhhatyeskwe, neoni wahhoryu ne *Egyptian*-aka :

25 Ikenh wareghre ne ne shako-nonghkwe ne ne aon-ronke ot-akwah niyught ne Niyoh ne ne rasnonkeh aon-sayakoyadako nok yaghtthiyehhodinikonghrayendaonh.

26 Jikady waorkenne raonhha waghshakododaghsyase ne ro-nonnhakeh ji-niyught ro-nadaghriskonhonh kaya-daghdonghtserakonh, ony ne ne T'Kakonde shekonh en-skatneh aonsaghshakoderon, wahhenron, watkwanon-weron, I-se wahhy dewadadekenhokonhah ; oghniyulye-renh jakde ji-nadesewadatyerenh ?

27 Nok ne ne raonhha akde ji-nenhhoyere ne deg-hyennonghsanekenh ronwadekwaght erenh ireght kadon, Ongka yesakowanaghdonh ony denghskwayadoreghde nonkyonhha ?

28 Enghskwaryu kenk ony n'I-ih, ji-naghsyere ne *Egyptian*-haka ne thedenreh ?

29 Ethone ne Oses wahhadeko ji-neken naairon, ony ji-nonka tyakaonghwenjaya jityonghwenjade ne *Madian*, etho nonweh yahhowirayendane takenyh nijyn.

30 Neoni ne o-nenh kayeryh niyughseraghshenh yagarihwayerine, etho nonweh nahhonwadodaghsyase ne raonlhakeh karhakonghtserakonh ne jiyunonde *Sinai* ne raoronghyakeghro-non ne Royaner yudonghkodaty e ojire oyennokonghshon.

31 Ne o-nenh ne Oses wahhatkaghtho, wahho-neghrako jidehhakanere: neoni ji-nenthoad wareghde nakwah aakaen-yon, eghwaghshakowennaronke ne Royanerneh nondawe raonhhaken onwe,

32 Wairon, I-ih ne Niyoh ne nyetshinihhahhokon, ne na ne Niyoh ne Akwerenh, neoni ne Niyoh ne Aisac, neoni ne Niyoh ne Yakweh. Ethoghkeh Noses wahhoyadishonghkwe, neoni yathodennonghyanighden nyakaen-yonke.

33 Ethone wahhenron ne Royaner ne raonhhakeh, saraghdaghsyh: ikenh ji-nonweh nighsede aonghwenjadokenghdikeh naah.

34 Wakatkaghtho, Wakatkaghtho ji-nihhodinikonghranonwax nakonkweda neghradideron *Egypt*-tserakonh, wakathonde jiro-nonghshe-nha, neoni dakatsnenghde ne nensekheyadako. Nihhennyoh kady sathondat, yenkon-yadennyeghde *Egypt*-neh.

35 Ken-ikenh Oses raonhha yaghdehnonwanonghwehonn, wahhonniron, Onghka sarighwawyh nendeghsennonghdon nokhony enserighwakwadakwaghseke? ne se shakat ne Niyoh tho-nhaonh ne nenghshakorighwakwadakwaghse nokhony ne enseghshakoyadako ne rasnonkeh ne karonghyakeghro-non ne .ji-niyawenhonn jirokadennyh noyennakonh.

36 Raonhha saghshakoyadinekenwe, oghnakenkeh nenneeh nenshako-nadonnyh ne yuneghrakwaghde-nyon ony wadenyendenghstanyon ne jiwadonghwenjade ne *Egypt*, neoni ne Onekwenghdara nikanyadarodenh, neoni ne ji-nonkadyh ne .karhakonhhonweh kayeryh niyughseraghshenh.

37 ¶ Neeh ne kenhenh ne ne Oses, ji-nahhoden shakawennyh ne shakoyenhokonhah ne *Israel*, Ne na ne royadadokenghdikowah t'kariwakonde ne Royaner ne sewa-Niyoh ennhatketsko denhhadane ne I-sekeh ony ji-nonka ne sewadade-nonghkwe, shaden-yawen n'I-ihneh; raonhha naah T'Kakonde enghjhisewathondeke.

38 Raonhha neken-ikenh, ne ne rodaweyadonh ne ononghsadokenghdikeh ne karhakonh nikwekonh ne raronghyakeghronon ne wahhy rowennaraonh etho jiyunonde ne *Sinai*, neoni yekakwekonh ronne nyethinihhokon: ne rodiye-nah ne yonheghjionh kanikonghraghni-ratsstha atdokhatsera ne nen-yonkhiyon nonkyonhhakeh:

39 Ro-nonhha kady nyethinihhokon yagdehho-nadewennaraghkwenh, ok denghnon ronwayadonnonh ne ro-nonhhakeh, neoni ne rao-neryaneh donsontkarhadeny are eghnonsakayerade *Egypt*-tserakonh,

40 Wahhonwenhhaghse ne Aaronh, Takwaniyoh-tseronnyenh ne nen-yonkwahhendenghse: ikenh wahhy ne ken-ikenh ne Oses, ne daghshonkwayadinekenwe ne jityonghwenjayen ne *Egypt*, yaghdeseghjhidewadokatha kaonghdeh ne raonhha.

41 Neoni wahhadiyadonnighseronny niyakaah deyhonhskwaronde ne neghweghniserade-nyon, neoni eghyeshondadaghtkawaghs ne radirighwayenne ne kayadonnyh, neoni ro-natshennonnyh ro-nadonnhehhere ne ro-diyudenkonh ne ro-nonhha radisonkeh jirodighshon.

42 Ethone ne Niyoh donsahhakarhadeny, ne saghshakoon neghnonka yaonsahhadirighwaneke ne ojistohkhogon ne karonghyakeh; ase eghniyught jikaghyadon ne raodighyadonghserakonh ne rodiyadadokenghdy, O I-se, ka-nonghsa ne *Israel*, eghkenh naghskwayerase waghskwadatshe ensewaryu kondiryu neoni eghyahhejadadaghtkawe ne ji-nikariwes ne kayeryh niyughseraghshenh ne etho karhakonh-kowah?

43 Orighwiyu-onweh, ne wadisewaghkwe ne sewadaghskwaghraghkwenh ne *Moloch*, neoni ne ojisdoghk ne se wa-Niyoh kenh *Remphan*, kayadonnyh wejony nekenh ensewarighwanekennihheke: I-ih kady erenh enkwayadenhhawighde issy nonkadyh ne *Babylon*.

44 Yethinihahhokon rodiyendaghkwe ne ro-nadaghs-kwaghraghkwenh ne yurighwaghnrhaghstonh ne karhakonh, ji-niyawenhonh raonhha na royadarakwenh ro-datyaseh ne Oses, ne-eh eghnenhhayere ne entyuyanenh-hawe ne ji-nikarihodenh ji-nihhotkaghthonh.

45 Kenwahhy niyawenhonh ne yethinihkokon ji-nah-hoden noghnakenkeh onwe kahheh wahhy enskatneh ne Yesus ne ne aaghshakodewenniyughste ne ne niyadeya-kaonghwenjakeh nyaghdeyakorighwiuyughstonh, raonh-ha ne Niyoh shakoyadinekenhkonh ohhendoh jiradi-konghsonde ne yethinihahhokon, ne ne jirodeghnisera-de-nyonghkwe ne Dawed;

46 Ne wahhy rotshenryonh roye-nawaseh yuderihhon-koghdonh ne Niyoh, neoni rawennyh ne neh ne aatshenry jiwadaghskwahhere ne Niyoh ne Yakwek.

47 Nok *Solomon* ro-nonghsisaanyh.

48 Ethosane ne Naonhhaah Enekenghjy yaghdeye-nakere ne o-nonghsadokenghdiokonbeh ne ayakoghson ne osnonghsa ayakodon: jirawen ne royadadokenghdy,

49 Karonghyakeh na dewakennitskwarah, nokhony ne onghwenja ne na dewakaraghsidakenseraghkwenh: oghnikanonghsodenh enghskwanonghsosnyen? wahhen-ron ne Royaner: ne denhens oghnikanakdodenh ne jiyenwakonrishendane?

50 Yaghkenh kesnonkeh dewadonh jikaghson ji-niya-dekariwakeh?

51 ¶ I-se ne sewanikonghraxhense neoni yughnr-haonh ne seweryaneh nokhony ne sewahhonghdaokon, tyutkonh ne ok eghnisewayerenh deseweryentharha se-wadonnhiyase ne Kanikonghriyughstonh: ehhony nih-hodiyerenh ne yetshinihahhokon, ehho n'I-se niyugh.

52 Wahhy ne rodiyadadokenghdy yaghkenh ne yet-shinihahhokon degshakodironghyakendoh shako-na-tyesaghdonh? ony shako-nawenthonh ro-nonhha yawe-nehonh wahhy arekho shiroh ne Roderighwakwarigh-syonh-onweh Shayadat; ne wahhy ne I-se nonwa egh-niyawenhonh deyeshinikonrhaserha ony waondenryu yondenryughs:

53 Onghka yakoye-nah ne jiyuhade naderighwak-warighsyonghtsera ne ne ji-nityakorihhodenh ne karonghyakeghro-nonhokon, nok yaghdeyakotye-nawaghstonh.

54 ¶ Ne o-nenh ro-nathonde ken-ikenh karajhwaokon, watho-neryaghsaweeghste, neoni dehhonnokarany dah-hodinakhwen ne raonhhakeh.

55 Nok, ne raonhha, ne ne kananonh ne Ro-nikongh-riyughstonh, ok yekakonde yadehhaknere e-nekenh karonghyakeh, neoni dehhakanere ne raonwesenghtsera ne Niyoh, neoni Yesus irade jiraweyendeghdaghkonh rasonkeh ne Niyoh.

56 Neoni wahhenron, Jadkahtoh, Tekkanere ne karonghyakeh ondennhodonko, neoni ne onkweh Ronwayenhah irade ji-nonkadyh raweyendeghdaghkonh ne rasonkeh ne Niyoh.

57 Ethone wathonghshentho rodiwendeght, ony wathondahhonghdakwekhon, nok yathonwaraghdade skariwat wahhonde.

58 Neoni atsteh nakanadyh yahhonwayadondy, ony wahhonwanen-yuyake wahhonwaryu: neoni ne wakarighwagniratstaghkwe wahhadiyen eghdakeh ne raodinena jidehhaghsidade-nyon ne ranekenghderonhah, ne ne ronwayats *Saul*.

59 Neoni wahhonwanen-yuyake wahhonwaryu ne *Stephen*, yahhoronghyenhhare ne Niyoh, neoni wahhenron, Sayaner Yesus, je-nah nakwadonnhets!

60 Neoni wathadontshoden eghdakeh, neony wathaghshentho rowendeght, Sayaner, toghsa rodinondanhak ne ken-ikenh karighwaneren! neoni ne o-nenh ken-ikenh yahhadewennentho, wahhayatye-nenne wahhodawe.

CHAP. VIII.

Ne ji-naawen ne jiwakonwarighwaghsten ne Jerusalem.

N EONI *Saul* wahaweryentiyone ji wahonwaryo, Neoni ethone nonweh kowanenh wahhadirighwayesaghden ne o-nonghsadokenghdikeh ji-nikonh ne *Jerusalem*-neh; neoni radikwekonh thathondoko wahhadiyakenne ne ji-niye-nakeraghsera dakakwekde ne *Judea* ony *Samaria*, ne ok sahho-nadadenre ne rodiyadadokenghdy.

2 Neoni ne ne rodirighwiyughstonh yahhonwayadenhhawe ne *Stephen* ji-non yenhhonwayadada, neoni eghnaawen kowanenah wahhodinikonghraxhen wathongshshentho wahhonwanane.

3 Nok-neh *Saul*, wahhatyesaghde wahhahhetkenghde ne o-nonghsadokenghdy, wahhadaweyade jiniyadekanonghsakeh, waghshakodiyadinekenwe ronwadiyadisere-nontye nokhony ne tyo-nathonwisen radinaghskwa ondon wahhonwadinhodon.

4 Ne kady wahhonny ne ro-nonhha ne ne thiyadehonadokwenh rodiyakenhonh ji-ok nonweh niyehho-nenonh yahhonderighwaghnodon ne owenna.

5 Ethone *Philip* eghwareghde jitkanadowanenh ne *Samaria*, neoni ne yahharighwaghnodonghkwe Keristus ne ro-nonhhakeh.

6 Neoni ne onkwehhokon shariwat wahhonde ne na-ondennikonraren jineken nikarihodense jinahhoden ne *Philip* rodadyh, ro-nathonde nokhony dehhadikane ne jiniyuderighwatyanade-nyon jinihhotyerenh.

7 Ikenh ne kanikonghraxhenh, wadewaghshentho yuwendeght, sakondiyakenne yawedowanenh ne ne yakodewenniyughstennighne: neoni yawedowanenenh nyakoyadakenhheyonhonne nokhony nyerenghsaxhenskwe sayeyewendane.

8 Neoni eghnaawen kowanenah waontshennonnywa-ondonnahren neghkanadakonh.

9 Nok kennaawen rayadadokenh ne ronkweh, ronwanadonghk'wa *Simon*, ne ne nenwahhonnise neghkanadakonh shihhoriwarase aderenonnyaghsera, neoni shakoderenonnyennyh ne onkwehhokon ne *Samaria*, ronwenny ne nakwah rayadakwe-niyu neghnaorihhoden:

10 Ne jinaawen radikwekonh wahhondennikonraren, eghdondaghsawen nakwah kenniyehhonnasa nokhony nakwah radikowanenghse, rondonnyon, Ken-ikenh ronkweh kowanenah wahhy roshatstenghserawyh ne Niyoh.

11 Neoni ne raonhhakeh akwah ronwanoronghk'wa, ne aoriwa jinenkariwes jinahhe ronwayeronghkwe adaennaronghsera.

12 Nok ne o-nenh shondahhonweghdaghkwe ne *Philip* rarighwaghnodonghs ne ji-nikarihodense ji-niyutye-renh ne raoyanertsera ne Niyoh, neoni ne raoghsenna ne Yesus Keristus, waghontnekoseraghwe, yehhadikwekonh ne radijin nokhony ne tyunathonwisen.

13 Ethone *Simon* o-nenh ony raonhha daghreghdaghkwe: neoni ne o-nenh shahhonwaghnokoseraghwe, ok yekakonde inese ne *Philip*, neoni ronegrakwaghs, dehbakaghneratyese ne yutyanade-nyon ony wade-nyendenghstanyon ne ji-naawenghseron.

14 Nonwa ne o-nenh ne rodiyadadokenghdy nenshahonronke ne *Jerusalem* radideron ne ne nenrodiye-nah ne *Samaria* ne raowenna ne Niyoh, yahhonwanade nnyegh de ne ro-nonhhakeh Kwiter nok *John*.

15 Ro-nonhha no o-nenh shiyahhanewe, waghshakonaderennayenhaghse, ne ne aondon aadiye-na ne Kani-konghriyughstonh:

16 (Ikenh arekho othe-non shideghshakosenghdennyh naodiyadorene: ne ok ne nenro-natnekoserhonh ne raghsennakonh ne Royaner Yesus.)

17 Ethone ro-nonhha wadeghshako-nennisnonghsaren, nokhony waghadiye-na ne Ro-nikonghriyughstonh.

18 Neoni ne o-nenh ne *Simon* wahhatkaghtho ne ne rodiyadadokenghdy wadeghshako-nennisnonghsaren ne aoriwa waghonwennon waghadiye-na ne Ro-nikonghriyughstonh, rerhaghkwe oghwista yenkheyon,

19 Wahhenron, Tackyonh ony n'I-ih ken-ikenh kashatstenghsara, ne ne jikady ok onghka denkhayennisnonghsaren enwadon ennhaye-na ne Kanikonghriyughstonh.

20 Nok Kwiter waghawenhhaghse, Saghwista enjataronny na nenne-eh, ne enkarihhonny ji-ighseghre nekenh engshakaon neghnahoden ne Niyoh nekenh enyeghninondaghkwe noghwista.

21 Yaghkady thaesayadake-nha yahhony naderasfa ji-neken niyawenhonhhatye: ikenh ne seryaneh yaghdeyuanere jidehhakanere ne Niyoh.

22 Sasadatrewaght kady jisarighwaneraaxherayen, nok saderennayenh Niyoh-neh, doka nonkenh aontyeesenhake ne sennonghdonnyonghtsera ne seryaneh aondon aonsa-yesarighwiughsten.

23 Ikenh Tekkanere n'I-setserakonh iwat otshaghde ne yutskarateraxhenh, neoni sanondanhenh ne wahhetken.

24 Ethone dondahhady ne *Simon* ony wahhenron, Dakwaderennayenhaghs ne Royaner-neh, ne ne yahhothenon ne ken-ikenh ji-nikariwakeh wagsadady ne thiyaonkrane.

25 Neoni ro-nonhha, ji-o-nenh shahhadirighwagnirade neoni ne waghonderighwagnodonghkwe ne raowenna ne Royaner, eghsahhonneghde *Jerusalem* nonkadyh, neoni eghwaghonderighwagnodonnyon ne orighwado-kenghdy eso jikanadayendon ne *Samaritans*-aka.

26 Neoni ne raoronghyakeghro-non ne Royaner wahhowennarane ne *Philip* wairon, satketskoh Testan, kennyahhaseh entyekeh ji-nonka nityuthahhinonh ne ne dayenghde ne *Jerusalem* ji-nonka ne *Gaza*, ne ne karhagonh nonweh.

27 Neoni wathadane ony wahhaghdendy: Neoni, waghshakoken, ne na nahhayadoden *Ethiopia* ne eunuch ne nakwah yurihhowanenh ji-nihhoderihhonde eghdakeh ne *Candace* korah-kowah ako-nheghtyen ne ne *Ethiopi-ans*-aka, ne raderighwadeweyendonny ne akwekonh jiniyutshokowaghtsera; nok eghwareghde *Jerusalem* ne ne wahhorighwanekennire,

28 Nenkady shishoghdentyonhhatye, rayadidaghkhe raosereghtserakonh rawennagnodon ne royadadokenghdy *Esaias*.

29 Ethone ne kanikonra wahhawenhhaghse ne *Philip*, thoahseght, ony yadaejadida tho-ikenh kasereghk.

30 Neoni *Philip* eghniyahhadakhe raonhhakeh, nenrothonde jirawennagnodon ne royadadokenghdy *Esaias*, ony wahhenron, Saghronkha-kenh ji-nahhoden sewennagnodon?

30 Neoni wahhenron, Oghna-naakyere n'I-ih ji-erwahhy onghka odokenhonh nonkweh ayonke-nadonhaghse? Neoni wahhorighwanendonghse *Philip* ne ne raonhha ehhaarawe enskat-neh ayatyen.

32 Ne ne ji-nonweh ne kaghyadonghseradokenghdy ji-nahhoden rawennaghnodon kennikayerenh wadon, Eghyehhonwareh ji-niyught ne deyudinakarondonhah ji-nonweh nikonwadiryughtha; aniyught nityuyenhah niyakaah deyudinakarondonhah yaghdewadady arekho ji-nihhanonghkaronghs, ne kady wahhonny yaghdeshhohodonkwenh jiraghsakaronde:

33 Ne raonhha eghdakeh sahhadon raoyadoregh-daghtsera nen-erenh skahhawighdonh: neoni onghka na en-yerihhowanaghde jienhhaghnek waghssadaty? ikenh ne jironnhe enshonwakwaghse ne jiyonghwenjade.

34 Neoni ne *eunuch* dahhodatyase ne *Philip*, ony wahhenron, Wakon-yennidenghden, ne raonhha rodadyh ne yehhariwakenghs ken-ikenh? ne kenh nakwah raonhha, aden thihhayadade?

35 Ethone *Philip* wahhanhodonko ne raghseneh, neoni dondahhadaghsawen ok ne shakat ne kaghyadonghseradokenghdy, ony wahhaderighwaghnodonghkwe raonhhakeh Yesus.

36 Nekady neashihho-naghdentyonhhatye wanewe etho odokenhoh kaghneko: neoni ne *eunuch* wahhenron, Satkaghtoh, kenkaghneko; oghnahhoden wakatswadenny nakatnekoseraghwe;

37 Neoni *Philip* wahhenron, doka endiseghdaghton ne seryaghsakwekonh, eghki nen-yawenne. Neoni dondahhadady wahhenron, Tewakeghdaghton ne ne Yesus Keristus ne na ne Niyoh royenhah.

28 Neoni dahhaweronhhatye ne kasereghk okho-nenh jiwatkadane: neoni eghwaneghde deghnijaronh etho jikaghneko, ne *Philip* nokhony ne *eunuch*, neoni wahhogh-nekoseraghwe.

39 Neoni ne ji-o-nenh dondaghyadoko ne awenkeh, ne rao-nikonra ne Royaner erenh sahoyadenhawighde ne *Philip* ne *eunuch* yaghdeshokenh: neoni donsahhataghkwe rodonnaghhatye.

40 Nok eghyeshonwayadatshenryonh ne *Philip Azotus*: neoni nenrodonkoghdonh roderighwaghnodontyese akwekonh jikanadayendon, ji-niyore yahharawe ne *Cesarea*.

CHAP. IX.

Saul wabhawe-nonghdonhhatye Damascus, wathoghkwade adatkonron eghdakeh onghwenjakeh wabhayendane.

NEONI Saul, shekonh radonryese wabhethken dahhoni konrenghde neoni wabhonwanawentho wabhonwanatkonden ne ronwaghyadonsehhaghkwe ne Royaner, wareghde rajihhenghstowanenneh,

2 Neoni dethonwadonghwenjonyh thonwaghyadonseghs ne *Damascus* ne etho *Synagogues*, ne ne dokat nonken aarighwatshenry ne ji-neken nikarihodenh, kaok nikayen doka ejin dokadenhens tyunathonwisen, ne naondon yaonsaghsakoyathewe yayontyen-onweh ne etho *Jerusalem*.

3 Neoni ne jirathahhine, nenniyureah nire ne *Damascus*: neoni okhontyakjy watyughswathene thathoghkwadasede kaghswatheghtsera karonghyakeh daweghde:

4 Neoni eghwabhayatyenne onghwenjakeh, neoni waghshakowennaronke wabhonwenhhaghse, *Saul, Saul*, oghnaah dakwatyesaghta n'I-ih?

5 Neoni wabhonron, Onghka na n'I-se, Royaner? neoni ne Royaner wabhonron, I-ih wabhay Yesus ne wabhay shakyadat ne dakwatyesaghta: senhha wabhay naaghsaraghsentho kanoron ehhaesatkondake ne jikahheghdayen.

6 Neoni wabhoyadishonghkwe nokhony wabhonneghrako wabhonron, Sayaner, oghnenkon-yatyerase? neoni ne Royaner wabhawenhhaghse, Sathetskoh tesdan, ony yasaghdendyh etho kanakonh, neoni ehhentyesaghrory ji-nahoden ne T'Kakonde eghnenghsyere.

7 Neoni ne ronne ne ronnonkweh watkadane jirondatyatha, ro-nathonde ji-watyakohhenreghe, nok yabhonghka degshakodikenh n'Onkweh.

8 Neoni *Saul* sahhatketsko nonghwenjakeh; neoni ne onenonh donsahhatkaghkwarighay ne rakaghdekeh, yabhonghka degshakokenh nonkweh: nok yabhonwaweyaghsine, neoni etho yabhonwayathewe *Damascus*.

9 Neoni aghsenh niweghniserakeh nyaghtihyeshaken, yabhony deshodekhonnyh aaghnekira denhens.

10 ¶ Neoni ne etho rayadadokenh ne ne shakoghya-donny ne *Damascus*, ronwanadonghk'wa *Ananias*; neoni ne Royaner waghawenhaghse ne kaserenghdakonh, ne *Ananias*, neoni wahhenron, Satkagthoh, Kenghwahhy wakewe, Sayaner.

11 Neoni ne Royaner, waghawenhaghse ne raonh-bakeh, Satketskoh, ony was kenniyahhaseh jidekanadokenhhatye ne ne konwayats orighwiyu Yadeyudokenghdonh, neoni serighwisak ne rao-nonghsakonh ne *Judas* ne ne enskat ne ronwanadonghk'wa *Saul*, ne *Tarsus*-aka: igen sadkahthoh, roderennayendaghkwe,

12 Neoni rotkaghtonh ne oserenghdakonh ne ronkweh raoghsenna *Ananias* eghwawhadaweyade, nok watho-nisnonghsaren, ne ne aondon aonsahhakenne.

13 Ethone *Ananias* dahhadady, Sayaner, Wakaghronkenh yutkade ne ken-ikenh ronkweh, do-onghdeh niyaweda wahhetken ji-nihhoyeren nighshakoyerenh ne sonkwedadokenghdy-okon ne ji-non ne *Jerusalem*:

14 Nok ne kenthoh ronwashatstenghserawyh ronwarighwawyh ne thadiyadakweniyu ne radijihhengstajyh ne ne akwekonh enghshakoghwanhake ne nen-yesaronghyenhare ne saghsenna.

15 Nok ne Royaner waghawenhaghse, Waghnyoh jisabhade: ikenh raonhha naah karakwenh nyeraghk'wa n'I-ihneh, ne ne denhhaghsnye-ne naxhenna raodihhendonh ne nyaghdehhodirighwiyughstonh, ony korah-kowatshon, neoni ne shakoyenhokohah ne *Israel*:

16 Ikenh I-ih enhhidokaden enhhinadonhaghse jini-karihhowanenghse ne T'Kakonde enhharonghyaken ne ne I-ih axhenna enkarihhonny.

17 Neoni *Ananias* waghaghdendy jirohhade, neoni eghyahhadaweyade kanonghsakonh; neoni yarho-nisnonghsaren wahhenron, Tyadadekenhah *Saul*, ne Royaner, shadekade Yesus ne ne waghyaatyadadatshe jini-yore nondaghse, yehhakighnonkonh, ne ne aontyesenhake-aonsaghskenne, neoni akanaghne ayatyenhaghse ne Ronikonghriyughstonh.

18 Neoni yukondatyne sonsenne ne ji-niyught ne yuts-taraghkwe ne rakaghdekeh: neoni oxhaok sahhakenne, neoni wahhatketsko, neoni oxhaok wahhatnekoseraghwe.

19 Neoni ne o-nenh sahhaye-na ne kak'wa, sahhoyadagnirha, Ethone o-nenh ne *Saul* weghniseradonyon wahhonne ne rodiyadadokenghdy eghnonkadyh ne *Damascus*.

20 Neoni dahharighwakondaghkwe wahhaderighwaghnodonghkwe ne Keristus raorighwaokon etho *synagogues*-tserakonh, ne ne raonhha naah Royenhah ne Niyoh.

21 Nok akwekonh ne ronwathonde waakorighwaneghrako, waironnyon; Yaghkenh raonhha dekenh ne shakoghdondanyon ne neh ne-waontrory neghnikagh-sennodenh shakaghsennat ne *Jerusalem*, ony eghwenghde thoah aoriwa ne ronnerhonnyon, ne ne onwa neken eghyenghshakoghwanhake yenghshakoyathewe jiradideron ne thadiyadakwe-niyu ne radijihhenghstajyh?

22 Nok *Saul* wahhotyeghstase senhha eso wahhashatstenne, neoni wahhonwaghswen ne *Jews*-aka ne ne eghradinakere ne *Damascus*, ondodaghsy odokenhonh ne ne ken-ikenh ne na norighwiyu Keristus.

23 ¶ Neoni oghnakenkeh nen-yudeghniserakade nen-yakanaghne, ne *Jews*-aka nenwahhadijenhhayen ne naonwaryu:

24 Nok etho dehhonwanenghgrayennyh roderiyendare nenne-eh ne *Saul*. Neoni wahhonnonna ne jiyudenghgrakaghrondon jiweghniserade ji-ony waghsondade ne naonwaryu.

25 Ethone ne rodiyadadokenghdy wahhonwaye-naghsontenne, neoni yahhonwathereghde erenh nondenhenradyh.

26 Neoni ne o-nenh ne *Saul* yahharawe ne *Jerusalem*, wahhade-nyenden ne shahhodiriwah aondon ne rodiyadadokenghdy: nok akwekonh ronwatshanighse, ony yaghdethonweghdaghkonh ne royadadokenghdy akenhake.

27 Nok *Barnabas* wathoghsnye-ne, ony eghyahhoyathewe kentuyghkwakonh ne ronderighwaghnodonghs norighwadokenghdy, neoni waghshako-nikonghgrayendaghden ji-naawen jiwahhoken ne Royaner ji-nithawenonh, neoni ethoh ronwawennaraonh, neoni ji-nihhowenaghnironh jiwahhaderighwaghnodon ne etho *Damascus* ne gahsennakonh ne *Yesu*.

28 Neoni roanese shonneghs neoni ronneghtha jinonk:
ne *Jerusalem*.

29 Neoni rowennaghnironh ne raoghsennakonh ne
Royaner Yesus, nok watharighwake-nha ne *Grecians*-
aka: nok wathondawenrye ne naonwaryu.

30 Ne-neh ji-o-nenh ne radade-nonghkwe wakodo-
kenghse, eghkady yahhonwayathewe *Cesarea*, neoni
yahhonwadennyeghde t'kaghsterihhenhonke *Tarsus* non-
kadyh.

31 Ethone ji-niyawenhonne ne o-nonghsadokenghdio-
kon wao-nonrishendane yatyuhhetste akwekonh ne *Judea*
nokhony ne *Galilee* ony *Samaria*, neoni eghdaonsayondekhah-
haghkwe kaghderonghxherakonh ne Royaner-neh, neoni
ne adaghskatsherakonh ne Ro-nikonghriyughstonh,
ehnaawen ontkatade.

32 ¶ Neoni nen-eghnaawenne, ne ne Kwiter shiyat-
rohhetste akwekonh neghinonweh, ehony nondare ji-
nonweh nihhadideron ne rodiyadadokenghdy e-nake-
raghserakonh *Lydda*.

33 Neoni etho wahnoyadatshenry rayadadokenh ron-
wanadonghk'wa *Eneas*, nenshadekonh niyughserakeh
shiyu-nakdanendakdonh, ro-n-rare yudakenhheyon ne ra-
yeronkeh (*palsy*.)

34 Neoni Kwiter wahnawenhaghse, *Eneas*, Yesus
Keristus saghyayadakwekheghste: satketskoh, ony swe-
nonnyh ne sanakda, Neoni dahhatketsko yukondatye.

35 Neoni akwekonh neghye-nakere *Lydda* ony *Saron*
wahhonwatkaghtoh, neoni donsahhontkarhade-ny Ro-
yaner-neh nonka.

36 ¶ Nonwa ne ji-niyawenhonh ne etho *Joppa* ne odo-
kenhonh kayadadokenghdy konwanadonghk'wa *Tabi-
tha*, nok jidekawennade-nyonh konwayats wahy *Dor-
cas*: ne nekenhenh tyuthonwisen kananonh ne kayu-
denghseryuse ony yunidenronh yurighwaghnironh
eghniyuyerenh.

37 Neoni eghnaawenne eghweghniserade-nyon, wao-
nonghwakden wakenhheye: nenshakonwayadohharegh-
kwen tho, e-nekenh yakonwayatyonnide.

38 Neoni ne aoriwa ne *Lydda* kenniyureah ne *Joppa*, neoni ne rodiyadadokenghdy nenro-naghronkenh ne ne Kwiter eghyehhenderon, yahhonwadinhane degghniyaghshah ne raonhhakeh, dehhonwadonghwenjonyh ne ne toghsa tho-niskoh thaghdendyh ro-nonhhakeh.

39 Ethone Kwiter wathadane ony sahhone. Ne o-nenh yahharawe, yahhonwarathenghste e-nekenh: neoni akwekonh ne yunadeghreonghse ranihhakda watkondidane kontstarha, ony ronwanadonny nokenhha atyadawit-okon ony jiok kanenaokon ne ne *Dorcas* yughson, ji-nahhe shekonh shiyonnhe.

40 Neoni Kwiter akwekonh wadeghshakoghsterihhade, ony eghdakeh wathodontshoden, nok wakhaderennayen; neoni wathatkarhadeny jikayerodayen wahrenron, *Tabitha*, satketskoh. Neoni wadewatkgaghkwarighsy: neoni ne o-nenh wahhotkaghtho ne Kwiter, ontketsko ontyen.

41 Neoni yathaghjadade dahhanontsha, nok wathadenghste, neoni ne o-nenh yaghshako-nonke ne rodiyadadokenghdy neoni nyunadeghreonghse, nensronnhedonh.

42 Neoni waakodokenghse yatuhhetste akwekonh ne *Joppa*; neoni yawedowanenh dayakeghdaghkwe Royanerneh.

43 Neoni eghnaawen, neoni eghwahhatyen yudeghni-serakade ne etho *Joppa* ne enskaghne *Simon* raghnakenghsosny.

CHAP. X.

Cornelius rorighwiyughstonh-kowah, karonghyakeghronon ronwanhaonh, yahhonwadennyeghden ne Kwiter.

NE ne rayatatogen ne ronkweh eghranakere *Cesarea* ronwayats *Cornelius*, raghsennowanenh kadokenh nihhotyughkwa radinadonghk'wa ne *Italian* skentyughkwat,

2 Akwah royadadokenghdy, ne shayadat nakwah rotshanighse ne Niyo yekakwekonh ne rao-nonghsakonh, nokhony eso shakodenraghs nonkwehhokon, neoni tyutkonh roderennayen ne Niyoh-neh.

3 Wahhatkagtho raoserenghdakonh ok thontkwatho tyughdonh onghdeh niyughwista-eh entyeghke-neh ne raoronghyakeghro-non ne Niyoh wahhodaweyaden, nok wakenron ne raonhhakeh, Kerenis.

4 Neoni ne o-nenh wathotkaneren wahhoghderonne, nok wahhenron, Oghna nahhoden, Sayaner? Neoni wahhenron ne raonhhakeh, Saderennayenght nokhony ne ji-nisennidenronh yekondawenrats ne aoriwa ne en-weghyaghraghkwen raohhendoh ne Niyoh.

5 Neoni nonwa yashe-nhan nonkweh eghyeyenh *Joppa*, neoni yaghjhise-ninonk ne shayadat *Simon*, raonhha deghshennasere wahhy Kwiter:

6 Eghrenderon enskatneh ne *Simon* ne raghnakenghsonny, eghro-nonghsode etho kanyadarakda: 'T'Kakonde ne enghyaghrory ji-nahhoden ji-nenghsatyere.

7 Neoni ne o-nenh ne karonghyakeghro-non ne ne shahhodatyase raonhhakeh ne Kerenis nen-erenh saweghde, yaghshako-nonke deghniyaghsheh ne rao-nonghsakonh ne shakonhase, neoni ne rorighwiyughstonh ne shodar ne ro-nonhha tyutkonh ronwanonghne;

8 Neoni ne o-nenh akwekonh shaghshakorihhokthaghse ji-neken nikariwakeh ne ro-nonhhakeh, ethone yaghshako-nhane ji-nonka *Joppa*.

9 ¶ Jiwaorhenne, nenwathonthahhaghkwe, neoni nenkenniyureah ne jikanadayen, Kwiter wahharathen kanonghsaken-yade eghyahhaderennayen yayak orighdeh niyohwistaeh:

10 Neoni akwah eghnaawerf' wahhadonghkaryake, ranonwese, naadekhonny: nok ji-nikariwes jiwaekhonny, eghwahhayatye-nenne wahhodawe wahho-nikonghraghdon,

11 Neoni wahhatkagtho karonghyakeh ondennhodonko, neoni orighwiyu ne yeraghk'wa dahhonwadennyeghden, akwah ji-niyught ne kowanenh ye-nakdoroktha o-nyadaraah kanenwenh jikayeryh nikanetsker, ony eghdakeh onghwenjakeh yakayendane:

13 Ji-nikonh ikare akwekonh ji-nikondiyadodense ne kayeryh nadekonghsidonde kondiryu ne onghwenjakeh, ony karhakonghro-non kondiryu, nokhony ne kondeserese nikondiyadodense, ony jidenhokonhah kondityese.

13 Neoni etho wahhonwawennarane wairon, Satketskoh, Kwiter; seriyuh, nok enghseke.

14 Nok Kwiter wahhenron, Yahheghdeyuht, Sayaner; ikenh yaghnonwendonh dowakekonh nok thikawen-niyu nedenhens nokthiwahhetken.

15 Neoni are sahnonwawennarane ne ne teke-nihhadond, Ji-nahhoden Niyoh rokwadakwenh, yaghdeya-weght ne aaghse-nadonghkwe ok thikawenniyu.

16 Aghsenh nontnateda nen-eghniyawenhonh: neoni ne yeraghk'wa donsondeghkwe e-nekenh are saweghde karonghyakeh.

17 Nonwa ji-nahhe ne Kwiter shadade-nowenghtha ji-naawen ne raodetshenghsera ji-nahhoden wahhatkaghtho nahhoden onghden kendon, sadkahtoh, ne ronnonkweh ne ne thonwadinhaonh ne Kerenis-neh ronwanonghsisax ne *Simon*, neoni ehhirade jiyudenhenghrakaronde,

18 Neoni yahho-nonke, ony wahhorighwanendonghse aden I-se ne *Simon*, ne ne deghtshennasere Kwiter, ne kengrenderon.

19 ¶ Ji-nahhe ne Kwiter rennonghdonnyon ne jirodetshenhonh, ne kanikonra wahhawenhghaghse, Satkaghthoh, aghsenh nihhadyh yesayadisax.

20 Satketskoh kady, yonsasatsnenght ony, nok sase-weh, toghsa othe-non serighwayudat: ikenh I-ih yekhenhaonh.

21 Ethoghkeh Kwiter yahhatsnenghde jithadikennyade ne ronnonkweh ne ne Kerenis degshako-nhaonh; nok wahhenron, Takwatthagthoh, I-ih naah ne dakwayadisax: oghnahhoden aoriwa jikenghwesewawe?

22 Neoni wahhonniron, Kerenis ne raghsennowanen ne skentyughkwah, ne ne royanere, ne enskat ne rotshagnhse ne Niyoh, neoni yuyanere jironwaghronkaghs ronnonghwenjakwekonh ne *Jews*-aka, kenniyawenhonh ronwadokadennyh Niyohneh tyuyenghdaghkonh ne ne raoronghyakeghro-nontseradokenghdy ne ne thonwanhaonh ne ne I-se sewariwa etho rao-nonghsakonh, ne ne ao-nathondeke ne sawennaokon.

23 Ethone yaghshako-nonke yahhondaweyade, enskatneh wahnnonnwede. Jikady waorhenne Kwiter, wahhaghndy sahonne, neoni odokenhonh rondadekenhah eghthoyenghdaghkonh *Joppa* enskatneh sahonne raonhha.

24 Neoni ji oya sayorhenne yahhondaweyade etho *Cesarea*. Neoni Kerenis makodinonghne ro-nonhha, neoni nen-yeghshakoghnonkhon ne shakononghkwe nokhony ne dehhondade-noronghk'wase.

25 Neoni ji-o-nenh Kwiter yahhadaweyade, Kerenis yathoderaghde, neoni eghdakeh wahhatyadondy jideh-hagsidade-nyon, nok wahhorighwaneken.

26 Nok Kwiter sahhoketsko, wahhenron, Testan; Onkweh wahhy ony n'I-ih.

27 Neoni jiwatnightharen, nen-yahhadaweyade, wahhatyerok eso neghyakotkennison.

28 Neoni wahhenron ne ro-nonhhakeh, Sewaderyendare kenh ji-niyught ne wahhy yaghdetkarighwayery ji-nikarihodenh ne ne doka ne ronkweh skariwat aayade yadayatyeghste ne ne *Jew* nahhayadoden, nedenhens thiyakaonghwenjade enskat yaondon; nok Niyoh rak-dokadennyh ne ne yagnethaakhe-nadonghkwe ji ok onkweh yughhetkenhonh ne denhens deyunonyanight.

29 Nekady wahhonny wakewe I-sekeh yaghtakwarighwayadaghdonden, ji-niyughsnore Shiyaonkinonke: Wakerighwanendon kady oghnahhoden akwah iseweghre jidaghskwennonke?

30 Neoni Kerenis wahhenron, Kayerygh nennonda jinahhe Shiwakendontyeghdonh yakahhewe kenhhiwade jikaghwistaex; neoni ne tyughdonhhadond nakaghwistaeke Wakaderennayen ake-nonghsakonh, neoni, wakatgagtho, ronkweh wathadane akhendonh dehhoghkwennyathe,

31 Nok wahhenron, Kerenis, yughronkat naah ne saderenmayenght, nokhony ne ji-nisennidenronh wahhy ne weghyaghraghkwenh jidehhakanere ne Niyoh.

32 Yasadennhan kady ne ji-nonk *Joppa*, karo itreght ne *Simon*, raonhha dehhaghseennasere Kwiter; eghrenderon rao-nonghsakonh ne enskat *Simon* raghnakenghsonny etho kanyadarakda: raonhha, ne o-nenh enrawe, enghyawennare I-se.

33 Yokondatye kady. Eghyakennhane I-sekeh; akwah kady waoyanerenne eghnaawen waghsewe. Ne kady nonwa nendewakwekonh kenthoh dewenderon raohhendoh ne Niyoh, ne nakwekonh en-yonkwathon-deke ji-nikariwake, yarighwawyh ne Niyoh.

34 Ethoghkeh Kwiter wahhanhodonko ne jiraghsakaronde, nok wahhenron, Akwah tokenghskeonweh I wakatyeghwaden kyenderyh ne ne Niyoh ne yaghtshahakorighwanoronghk'wake ne ji ok onkweh:

35 Nok ne niyadeyakaonghwenjakeh raonhha ne ne enhhotshaghnihsakeh raonhha, neoni enhhoyudeke nyuderighwakwarighsyonh, ne na enghshakoye-na enskatneh raonhha.

36 Ne nowenna ne Niyoh thodende-nyeghdoh ne jionka ne shakoyenhokonhah ne *Israel*, yonderighwaghnodonghs ne kayanerenh ne ne Yesus Keristus: (raonhha naah Royaner nakwah akwekjihhoh:)

37 Aoriwa owenna, Kadon, sewakeryendare, jimahoden karihhowanaghdoh yatuhhetste akwekonh ne *Judea*, eghtyudaghsawe *Galilee* nonweh, oghnakenkeh ne adatnekoserhon ne wahhy ne *John* rorighwaghnodon;

38 Wahhy Niyoh rawen-ye-narhoh ne Yesus ne *Nazareth*-aka kakwekonhhatye ne Kanikonghriyughtonh nokhony ne kashatsstenghsera: raonhha wahhy dehhodawenryeh yuyanere ji-nihhatyerha, neoni seghshakojendoh akwekonh ne ne yakotyennighne ne o-neghshonghro-non; ikenh Niyoh ineskwe.

39 Neoni onkyonhha wahhy yurighwaghniratstonh yonkwaderyendare orighwakwekjihhoh ji-nihhotyerenh yekakwekonh jiro-nadonghwenjade ne *Jews*, nokhony ne *Jerusalem*; raonhha wahhonwaryu ony ronwayathare karondakeh:

40 Raonhha Niyoh shoketskwenh ne aghsenhhadond niweghniserakeh, neoni shodadodaghsyonh ok adenno-serhenh;

41 Yaghden nokwedakwekonh, nok ky karakwenh ne norighwiyu-onweh yakoderyendare raohhendoh ne Niyoh, eghkady o-n'l niyught, deshondontskwe ony enskatneh sahhadighnekira nensshishotketskwenkeh shilhawenhheyonghne.

42 Neoni shonkwennyh jaderighwaghnodonh nonkweh-hokonkeh, neoni ne enkarighwaghniratste orighwiyu naah raonhha royadarakwenh ne Niyoh ne enghshakojenhha-yen nyakonke-nyon nokhony nyakowendaonh.

43 Raonhhakeh nityawe-nonh shakowyh akwekonh ne rodiyadadokenghdy ne yurighwaghnirhaghstonh, ne neghtyuyenghdaghkonh raoghsennakonh onghkakiok entyakaweghdaghkon ne raonhha-tserakonh ne na enyeye-na nenjakoderonkwaghden nakorighwaneraaxhera.

44 ¶ Ji-nahhe Kwiter shekonh nihhoghthare ken-ikenh owennaokon, ne Ro-nikonghriyughstonh dahhonnadasenghden akwekonh ji-nihhadyh ne ro-nathonde ne owenna.

45 Neoni ro-nonhha ne ne nenkayeronnitstonh nadat-nekoserhon ne ne tho-neghdaghkonh ne waghodinegh-rako, ji-nihhadyh ne ronnene ne Kwiter, wakarihhonny ne ne yaghdehdirighwiyughstonh ony waghshakose-raghde ne waghshakaon ne Kanikonghriyughstonh.

46 Ikenh ro-nathonde jiwahhondady ji-niyadeyewen-nodenshon, neoni waghonwakowanaghde ronwanen-donghs Niyoh. Ethoghkeh dondahhadady Kwiter.

47 Onghka na nonkweh aye-nhe noghnekanoghs, ne ne ken-ikenh ayerihhonny yaghtayondatnekoserafhe, ne ne nen-yakoye-nah ne Ro-nikonghriyughstonh shaden-yawenne wahhy n'I-ih?

48 Neoni waghshakawenhhaghse sewatnekoseraf ne raghsennakonh ne Royaner. Ethone waghonderennayen ne ne raonhha enskatneh nyareghkwe aontyen wadokenh niweghniserakeh.

CHAP. XI.

Kwiter, ji-niyught ne waghonwarighwaghretsten ji-eghwareghde ji-nonka nyaghdetyakorighriyughstonh.

NEONI ne rodiyadadokenghdy nokhony ne ronden-dekenhokon ne ne eghradideron *Judea* ro-nathonde ne ne yaghdehdirighwiyughstonh o-nenh o-ne rodiye-nah ne raowenna ne Niyoh.

2 Neoni ne o-nenh Kwiter nenshiyonsarawe etho *Jerusalem*, ro-nonhha ne ne nenkayeronnyh nadatnekoserhon, wathadirihwagennha,

3 Rondonnyon, Eghwaghseghde ji-nonweh narekho dekayeronny nayakorighwiyughston, nok wadisewadonda.

4 Nok kwiter dondahhatnaneda ne ji-naawenne akwah jityudaghsawe, ony donsahharighwathede waghshakorihhon ji-niyeyuderighwinonh ro-nonhhakeh, wahhenron,

5 Eghkiderondaghkwe kanadakonh ne *Joppa* wakerennayen: neoni eghnonweh nonke-nikonghraghdon anaawen osereghda eghkady Wakatkagtho, Akwah odokenhonh yeraghk'wa donsenne, akwah ji-niyugt ne kanyadarowanenh, karonghyakeh donsenne kayeryh nikanetsker; neoni onwe shatyawenne I-ihneh:

6 Ne kady ji-naawenne ne o-nenh agwah wakkahrayentane, Watkyadoreghde, nok wakatkagtho kayeryh nadekondighsinonde kondiryu nonghwenjakeh konnese, nokhony ne karhakonh kondiryu, ony ji-nahhoden ne kondeserese, nokhony ne jidenhokonhah ne kondityese.

7 Neoni Wakhewennaronke waonkwennhaghse, Satketskoh, Kwiter; seriyuh nok enghseke.

8 Nok Wakiron, Yahheghthayawen, Sayaner: asekenh yahhothe-non nok thakawenniyoke nedenhens nokthiwahhetken eghnayawenhonh kaok nonweh nikenhatye ayudaweyadon ne xhakonh.

9 Nok shekonh are sayonkwennhaghse ne karonghyakeh daweghde Ji-nahhoden ne Niyoh rokwadakwenh, yaghdeyaweght ne aaghse-nadonghkwe ne thiwahhetken.

10 Neoni ken-ikenh eghniyawenhonh aghsenh niyutanet: neoni akwekonh are sontharadade karonghyakonh sakonneghde.

11 Neoni, wakatkagtho, yukondatye ne aghsenh nihhadyh eghwahhonnewe jikanonghsode ji-nonweh nikideron, eghthonwadinhaonh *Cesarea* wahhonkyadorenne.

12 Neoni ne kanikonra onkwenhaghse saseweh nisa, toghsa othe-non ne daesanikonghrakehhake. Senhaha kady ken-ikenh yayak onkwadadekenbah enskatneh yakwe, neoni eghyakwadaweyade jiro-nonghsode ne ronkweh;

13 Neoni waghshonkwaghroory ji-naawen jishakokenh ne karonghyakeghro-non ne rao-nonghsakonh, eghwatyedane nok waonkwenhaghse, Yashe-nhan ronnonkweh ji-nonka *Joppa*, yaghjhi-nonk ne *Simon*, ne na raonhha dehhaghsennasere Kwiter;

14 Raonhha wahhy enghjhisewaghroory nowennaonkon, ji-ony nen-yawenne n'I-se nokhony akwekonh ne sanonghsakonh ne T'Kakonde na densewadonkoghde.

15 Neoni Ji-nendakadaghsawen nakadady, ne Ronikonghriyughstonh wahho-nadasenghden, ji-niyawenhonh nonkyonhha ne jityudaghsawe.

16 Ethone Sakeghyarane ne raowenna ne Royaner, ji-nahhoden rawenh, *John* orighwiyu shakoghnekose-raghtha oghnekanoghs ratha; nok n'I-se T'Kakonde enghjhisewaghnekoseraghwe ne Ronikonghriyughstonh enrade.

17 Neneken ethone ne Niyoh shakowyh ne shadeyught ji-n'I niyught jishonkwawyh, onghka entyakawaghdaghkon ne Royanerneh Yesus Keristus; oghnahoden n'I-ih, nekenh Akkweny aiyatswaden ne Niyoh?

18 Ne o-nenh ro-nathonde ken-ikenh ji-nikariwakeh, yahhothe-non desho-nenh, nok wahhonwanendon ne Niyoh, rondonnyon, Nenkady ne Niyoh ony nenne neghnonweh jiyaghdetyakorighwiyughstonh nen-yaghshakaon nenjondatreuwaghde ji-nonka ne en-yakonnhake.

19 ¶ Nonwa ne ro-nonhha ne ne dehho-nadokwenh ji ok nonweh niyudaronghyenhonhatyese jiye-nakeronnyon rodironghyakenhhatyese ne ne aonsonderighhwaketsko ne ji-niyuderighwatyerenh ne *Stephen* ji-nadehhodawenryeh ji-niyore inonh *Phenice*, nok *Cyprus*, neoni *Antioch*, roderighwaghnodontyese ne owenna yahhonghka kane-ka noya ne ok ne *Jews*-akakeh nonka.

20 Neoni otyake ne ji-nihhadyh *Cyprus*-aka nok *Cyrene*, kennaawen, ne o-nenh shiyahhonnewe ne *Antioch*, waghshakodiwennarane ne *Grecians*, yaghshako-naderighwaghnodonse ne Royaner Yesus.

21 Neoni ne raosnonghsa ne Royaner ronnesse ro-nonh-ha: neoni yawedowanenh ne dayakeghdaghkwe, ony Royaner-neh sayontyadontyeghde.

22 ¶ Ethone orighwaseshon ji-naawenghseron ne ken-ikenh ji-nikarihodense yahho-nahhonghdokade ne kentyughkwadokenghdy ne ne eghradideron ne etho *Jerusalem*: neoni yahhonwanhane ne *Barnabas*, ne neghniyore yaare *Antioch*.

23 Raonhha ne o-nenh yahharawe, neoni nenrokenh ne rao-nidenrechtsera ne Niyoh, rotsheennonnyh, nokhony akwekonh waghshakoghrejaron, nese enkarihhonnyade ne akaweryaneh eghnonkadyh enjoranendake Royaner-neh.

24 Ikenh thorighwayery, neoni kanaanoh ne Roni-konghriyughstonh nokhony ne deweghdaghkonh: neoni eso ne onkwehhokon sontyeghste ne Royaner-neh.

25 Ethone erenh sareghde ne *Barnabas* kensareghde *Tarsus*, waghoyadisakhe ne *Saul*:

26 Neoni ne o-nenh shiyahhoyadatshenry, eghwahho-yathewe *Antioch*. Neoni nen-eghnaawenne, waghnoh-seriyake ro-natkennison yadehhadiyadyh ne kentyughkwadokenghdy, nokhony eso waghshakodirihhonnyen nonkwehhokon. Neoni ne ne raotyohkwadogenhti ne Royaner ne Tyutyerenghdonh ronwadinadonghkwenh Rodirighwiyughstonh ne ethoh *Antioch*.

27 ¶ Neoni ne kenghweghniserade-nyonghkwe wah-honnewe *Jerusalem* dahhonneghde yahhadinonnen *Antioch*.

28 Neoni shayadat dahhatyadakwarighsy ronwayats *Agabus*, neoni waghshako-nikonghrayendaghden ne ne eghse nen-yawen kowanenh kanoronghjonh denwadonghwenjo ok thiyonghwenjakwekonh: ne ne eghnen-ya-wenne ne eghniserakonh ne *Claudius Cesar*.

29 Ethone ne raotyohkwadogenhti ne Royaner, niyadehhadyh ne dayuyanenhawe ji-nihhodishatsstenghsera ji-nihhodinikonrase, waghadiweyennendane ne nyenh-hondennhane nyenhhonwadiye-nawase aonwanadorishen-those nonkwadadekenhah neghradinaakere *Judea*:

30 Eghkady ony nahhadiyere, ony yahhondennhane ji-nonweh thodixdenhah ne nisonkeh ne *Barnabas* nok *Saul*.

CHAP. XII.

Korah-kowah Herod dehhannikonrharha rarighwaghswenghse ne yakorighwiyughstonh, ne roryuh ne James neoni ro-nhodonghkwe ne Kwiter :

NONWA ji-naawenne ne ne ethone nonweh ne korah-kowah Herod eghyabhennontshakwarighsy ne norighwiyu ashako-nikonghraronghyakende ne kentyughkwadokenghdy.

2 Neoni wahhoryu ne James ne yadadekenhah ne John asharekowah warade.

3 Ne aoriwa jiwahhatkaghtho dahho-neryendiyu ne Jews-aka, yahhaderighwaghdyentade senhha inonh ne raonwaye-na ony ne Kwiter. (Ethone wegghniseradenyonghkwe ne nyaghdeyontdenkwaghtha kanadaroghk.)

4 Neoni ne o-nenh shahhaye-na, wahho-nhodon wathoristodarho, neoni eghyabhoghtkawe ne kayeryh nikentyughkwakeh ne shodar ne nenhonnwennonna; ne enthonwennonghdonse ji-nenwe enwadohhstede jina-deyehonghsox ethone denthonwayadinekenwe enhchonwayathewe onkwehhokonkeh.

5 Kwiter o-nenh wahhonwanhodon dehharistodarhonnok naderennayenght kaweyennendaonh yaghnenne deyakoghtkawenh ne kentyughkwadokenghdy ronwaderennayennyh ne Niyoh-neh.

6 Neoni ne o-nenh Herod nenwareghre ehhaonwayathewe, ne waghsondade Kwiter rodas t'ninihho-kenh ne degghnighshodarhakeh, ranerenh tekenyh ne deyondaderistodarhoghstha: neoni ne dehhadinhohhanonghne jiranaghskwayen.

7 Neoni, sadkahtoh, ne raoronghyakeghro-non ne Royaner onwe raonhakeh, neoni ne watkaghswathede jiranaghskwayen: neoni wahhonaaghdayake kenthahhothawa ne Kwiter, neoni wahhoketsko, wahhenron, Satketskoh karokdeh. Neoni jidehharistodarhonnok ne rasnonkeh akwekonh sonsenne.

8 Neoni ne karonghyakeghro-non wahhawenhhaghse, Satyadanhak, neoni saraghdaghkwanerenk. Neoni eghnabhayere. Neoni wahhawenhhaghse sahkwase ne sosa ne sanena, nok daknonderatyeght.

9 Nok sahayakenne, ony wahhognonderatyeghde; neoni yalhakwah dereghre tokenghske kenh ji-naeyere ne karonghyakeghro-non; ireghre adenneken akese-renghdakonh ji-naawen jiwakatkagtho.

10 Ne o-nenh wahhondonkoghdde ne tyutyerenghdonh neoni ne teke-nihhadond dewennenrayen, yahhanewe etho karistajy ne yu-nhohhendon ne ne kanadakonh enyenghde; wahho-nadennhodonkwaghse raonhha dah-hennonghdon: neoni nensaghniyakenne, ony yat'yadonkoghdde enskat jidekanadokenh; neoni yukondatye ne karonghyakeghro-non nendonsaghyadekghaghsy nen-akwah.

11 Neoni ne o-nenh ne Kwiter yonsakayerine, wahhenron, Nonwa Nonwakaderyendare orighwiyu, ne ongh-kekenh ne Royaner tho-nhaoh ne raoronghyakeghro-non, ne sahhakyadako sakatnerenghsy ne rasnonkeh ne *Herod*, neoni ji-nonka nakwekonh ne thonwarhareghkwe ne onkwehhokon ne ne *Jews*-aka.

12 Neoni ne o-nenh akwah sahhennonghdonnyonwe ne ji-naawen, eghyahharawe jiyu-nonghsode ne Waryh ne ne ro-nistenhhah ne *John*, raonhha dehhaghseennasere *Mark*; eghnonweh kentyughkowanenh enskatneh yakot-kennison yakoderennayen.

13 Neoni ne Kwiter nen-yahhanhohhayaakhon ne jiyudenkenghrakaronde, kayadaseah ehonwe ne nyaon-dahhonghsadade, konwayats *Rhoda*.

14 Neoni ne o-nenh wahhowennayendere-ne Kwiter, yaghdeyunhodonkwenh ne jiyudenhentakaronde ne ne ji-nontshennonny, nok donsonraghdade, ony wakenron Kwiter neken ken itrade jiyudenhenghrakaronde.

15 Neoni wakonwenhhaghse, Wadeghsennonghwara-wenrye. Ok senhha dakarighwareke orighwiyu-se egh-naawenne. Ethone sahhonniron, ne-eh wahhy ne raoronghyakeghro-non.

16 Nok Kwiter okho-nenh ji-nithoyerenh rakonghrek-hon; neoni ne onenh wahhadinhodonko ne jikanhokaronde, neoni nenwahhonwaken, wahhodineghrako.

17 Nok raonhha, yathennontshakarenron ne ro-nonnhakeh ne ne thaonodode, waghshakoghrory ji-naawen ne Royaner sahhoyadinekenwe ne jiranhdonghkwe deharistodarhonne. Neoni wahhenron, Wase-neh yaghjhiseninadonhaghs ken-ikenh jini-karihodense ne *James*, nokhony nonkwadadekenhokonhah. Neoni nendonsahondekhaghsy, neoni wahhaghdendy ji oya dewadonghwenjade.

18 Nonwa akwah neok waorhenne, yaghkendewaah jiwathodinenghradihhendonwe ne shodar, oghneken naawen kaneken ne Kwiter.

19 Neoni ne onenh ne *Herod* nenwahhoyadisake, nok yaghdehhoyadatshenryonh, nenwahharighwisake ne dehdodinenghrayendaghkwe, nok waghshakawenhhaghse wadisewenhheye. Neoni wahhaghdendy dahhayenghdaghkwe *Judea* wareghde *Cesarea*, neoni etho yahhatyen.

20 ¶ Neoni ne *Herod* yeyudohhetstonh nyaghdehha-weryendiyughs jishakat ro-nonhha ne *Tyre* ony *Sidon*: nok jiwahhonnawe skariwat jinahhonwayerase, neoni, rodighson ne yontdokatha ne *Korah-kowah* rotsteristase ne rondenro, dehho-nadonghwenjonyh kayanerenh; ne aoriwa ne jiradinakere ne ronwadinondenghs dehhonwadighsnye ne korah-kowah jiranakere.

21 Neoni ronweghniserarakwennyh ne *Herod*, enhonwaghseronny wahhonwayadaghseronny, enhhatyen jikayada kwe-niyu rao-nitskwaghraghkneh, neoni eghnonweh nikaweyennendaonh nodokenhonh denwattharonnyon ne ro-nonhhakeh.

22 Neoni ne onkwehhokon wathondondarikde ro-nats-hennonnyh, rondon, ne wahhy nekenhenh nakowenna ne niyoh, yaghden ne onkweghneh.

23 Neoni yukondaty ne raoronghyakeghro-non ne Royaner wathoghkwade wahharonghyaken, ne aoriwa jiyaghdehhaonwesaghdonh ne Niyoh: neoni oji-nowa wahhoyadakary, neoni waghrenhheye wahhadonriseraghdon.

24 ¶ Nok ne raowenna ne Niyoh ondeggharon yahhontkadade.

25 Neoni *Barnabas* nok *Saul* sanewe dondaghniyenghdaghkwe *Jerusalem*, ne o-nenh shiyaghninaghne jinihhonwadinhaonh, ony yonsahhonneghde ne *John* raonhha dehghagsennasere *Mark*.

CHAP. XIII.

Paul nok Barnabas ne wahonwadiyadarako kenhennege
de ji-nonka nyaghdetyakorighwiuyughstonh.

NONWA nen-yehho-nadaweyadon etho ne o-nongh-
sadokenghdikeh ne etho nonweh *Antioch* orighwi-
yu rodiyadadokenghdy nokhony shakodirihhonnyenny;
ji-niyught ne *Barnabas*, ony *Simeon* ne ne ronwana-
donghk'waghkwe *Niger*, neoni *Lucius Cyrene*-aka, ony
Manaen, ne ne enskatneh ronwe-neghyaron ne *Herod* ne
ronwakowanenh, nok *Saul*.

2 Ne kady jirodirighwayeridonh ne Royanerneh, nok-
hony ronendondyehnton, ne Ro-nikonghriyughstonh wah-
henron, Dondake-nikhaghsyh ne *Barnabas* nok *Saul*
ikenh ne kayudenhonh ne eghnonweh I-ih naah yek-
heghnonkonh.

3 Neoni ne o-nenh shihho-nendontyeghdonh ony ro-
nadere�nayan, neoni wadeghshako-nennisnonghsaren,
neoni erenh saghshakodiyadenhhawighde.

4 ¶ Ne kady rononhha, ji-eghyeghshakodinhaonh
ji-non ne Ronikonghriyughstonh, wathondekhaghsy etho
Seleucia; neoni erenh sahhonneghde neghnonweh ken-
sahhonneghde awengehshon *Cyprus*.

5 Neoni ne o-nenh shiyahhonneuwe ne etho *Salamis*,
waghyaderighwaghnodon ne raowenna ne Niyoh etho
Raodimonghsadokenghdikeh ne *Jews*: eghkady ony ra-
yadareghkweh ne *John* ne ronwajihhenghsta.

6 Neoni ne o-nenh kaweghnoghk'wakwekonh nonda-
neghde ne etho *Paphos*, eghwahhonywayadatshenry ne
orighwiyu radefaghsosha, ne o-nowen jidehharighwa-
thetha *Jew*-aka, ronwayats *Bar-jesus*:

7 Ne na ne royadawenghde jiyakotsteristonh neghye-
nakere, *Sergius Paulus*, radennikonghrowanaghtha;
raonhha yahho-nonke ne *Barnabas* neoni ne *Saul*, ne ne
deyudonghwenjohhonh naothondeke ne raowenna ne
Niyoh.

8 Nok *Elymas* ne radefaghsosha, (ikenh ethose nih-
hoghsennodenh jidekawennade-nyonh,) shakotswadenny,
ne resax ne daonsontkarhadeny aonsahoyatondago ne
royatawenhte ji thawehtahkon.

9 Ethoghkeh *Saul*, (raonhha na ony ronwanadongh-
k'wa *Paul*.) yu-naghnnonhon ne Ro-nikonghriyughstonh,
akwah wathotkaneren,

10 Neoni wahhenron, O kanaanoh ne nakwehoh *ka-
nikonrhodon* neoni akwekonh ne sewaderighwadewagh-
donh, I-se raoxhada ne o-neghshonghro-non, ightswengh-
se ne akwekonh ne aderighwakwarighsyonghtsera, yagh-
wahhy deyaweght aahsahtkawe ji serihontyese ne rao-
thahhakwarighsyonghtsera ne Royaner?

11 Nok nonwa, satkaghtoh ne Royaner wat'yennis-
nonghsaren, denghseronweke kady, yaghtaonsaghsken
ne karaghkwa ji-nenwe yenkakhewe. Neoni yukonda-
tye waghosenne nikentshadenshah neoni dahhoka-
raghwe; neoni erenh ok niyeshawe-nonh shakoyadisax
ne onghka aonwaweyaghsine.

12 Ethoghkeh ne shakoyadanonghne, ne o-nenh wah-
hatkaghtio ji-nahhoden ji-naawen, daghreghdaghkwe,
akwah wahho-neghrako ne ji-nihhaweyennodenh ne Roya-
ner.

13 Nonwa ne o-nenh ne *Paul* nokhony ne ji-nihhoty-
ughkwa ne shahhodiriwat dondahonwadighnerenghsy
ne *Paphos*, eghyahhonnewe *Perga* waghondaweyade
Pamphylia: neoni ne *John* nendeshondekhaghsyonhhe
ne ro-nonhha keaniyonsare *Jerusalem*.

14 ¶ Nok ji-o-nenh shadonsahhondekhaghsy ji-non-
weh ne *Perga*, eghyahhonnewe *Antioch* jiwadonhwen-
jade *Pisidia*, neoni eghyahhondaweyade jironderenna-
yendaghk'wa yawendadokenghdonkeh kenwende neoni
waghondedarayen.

15 Neoni nenshaerihhokden jiwakonwawennaghnodon
ne ne yuderighwakwarighsyonh; neoni ne rodiyadado-
kenghdy ne ne ro-natsteristonh ne o-nonghsadokengh-
dikeh yahhonwadinhane ro-nonhhakeh, waghonniron,
Jonkweh ony dewadadekenhokonhah, dokat nonken ense-
wawennayendake ne kaghrejaronh ne onkwehhokonkeh,
jadewennaghdendyh.

16 Ethone *Paul* dahhatyadakwarighsy, neoni wagh-
shakoriste rasnonkeh warade wahhenron, Jonkweh ne
Israel-aka, neoni jonhha ne ne eghjhisewatshanighse ne
Niyoh, dakwakahhonsadat.

17 Ne na Raodi-Niyoh ne ken-ikenh onkwehhokon ne *Israel*-aka yonkhirakwaseh nakhinihhahhokon, neoni ronwadikowanaghdonh ne onkwehhokon ne o-nenh egh-shahho-nakerade ji-niyught ne thihhadide neghnonweh niwadonghwenjade ne *Egypt*, neoni yekakwekonh jira-dinontshashatste eghkady seghshakoyadinekenhoh.

18 Neoni etho onghdeh nonweh ji-nahhe ne kayeryh niyughseraghshenh wahharonghyaken ne ji-nihhodirih-hodense etho karhakonghtserakonh.

19 Neoni ne o-nenh shaghshakoghdonde jadaghk nih-honnonghwenjakeh jiyonghwenjayen ne *Chanan*, raonh-ha waghshakokhaghsyonkwaghse ne rao-nonghwenja skahheghdatshon.

20 Neoni oghnakenkeh nenwaghshakaon ne denhha-diyadoreghthaka ji-nikariwes ne kayeryh tewennyawe nok wisk niyughseraghshenh, ji-niyenkahhewe ne *Samuel* ne royadadokenghdy.

21 Neoni ji-nensenhha oghnakenkeh watho-nadongh-wenjoghse naodikoraghtserayendane: neoni Niyoh wagh-shakaon ne ro-nonhhakeh *Saul* ne royenhah ne *Cis*, ne ronkweh ne na shaghniyat ne *Benjamin*, ji-nikariwes ne kayeryh niyughseraghshenh.

22 Neoni ne o-nenh erenh shonsahhoyadaghkwide, sahhoketsko ne ro-nonhhakeh Dawed raodikorah enken-hake; raonhha ony waghshakaon enwe-neghstaghkon jiyurighwaghnironh, nok wahhenron, wahhiyatshenry Dawed ne royenhah ne *Jesse*, ne ronkweh nakwah I akweryaneh, ne na T'Kakonde enghanaghne akwekonh ji-nitkenonwese.

23 Ne ken-ikenh ronkweh raoghnekwaghsa rowyh Niyoh jiky nityawenhonh jirorharatstonh roketskwenh raonhhakeh ne *Israel* ne Seghshonkwayadakwenh, *Jesus*:

24 Ne o-nenh ne *John* ne tyutyerenghdonh shahhade-righwaghnodon arekho shiroh ne enghshakoghnেকে raghwe ne naonsayondatrewaghde nonkwedakwekonh ne *Israel*.

25 Neoni ne *John* nenshahhawayennendane jiniyahhak-wathoghseron, wahhenron, Jennonghdonyonh onghka ne I-ih? yaghwahhy I-ih dekenh. Ok ensewatkagtho, dare shayadat aknaken, raonhha dehhoghdaryon yah-heghdeyuriwa n'I-ih ne nakerighsy.

26 Jonkweh ony dewadadekenhokonhah, exhaokonhah ne na raoghwajira ne Akwerenh, neoni onghkakiok ne ji-nisewentyughkwa enhhonwatshaghnighseke ne Niyoh, I-sekeh ne kenhenh nowenna dowadennyeghdonh ne nen-jakoyadako nayaihheye-onweh.

27 Ikenh ne ne ro-nonhha ne ne eghradinakere *Jerusalem*-ne, nokhony ne shakodikowanenghse, aoriwa ne jiyaghdeshonwayenderyh, yakhony shekonh dehhonwadiwannayenderise ne rodiyadadokenghdy ne na wahhy sane konwawennaghnodon ji-niyadewendakeh, wahhadinaghe ro-nonhha nenaonwadewendeghde.

28 Neoni ethosane yaghdeshadirighwatshenryese naoghtonde narenhheye, nok dehhonwadonghwenjonyh ne *Pilate* ne ne raonhha T'Kakonde arenhheye.

29 Neoni ne o-nenh shahhadiyeride akwekonh ne jikaghyadon ji-nenhoyadawen, dondahonwayadatsnenghde ne oyendakeh, neoni eghyahonwayadayen jiyon-datyadadaaghshta.

30 Ok Niyoh shoketskwenh jirawenhheyonghne:

31 Neoni shonwakenghskwe yudeghniserakade ne ro-nonhha ne ne ronnene raonhha nitho-ne-nonh *Galilee* yehhodyt *Jerusalem*, raonhha wahhy wahhonwarigh-waghniratshe orighwiyu ne nonkwehhokonkeh.

32 Neoni wakwarihhowanaghde ne I-sekeh yutshen-nonnyat wakwarighwihheghse, eghnnyawenne ji-nitkaweyennendaonh jirondirharatstennyh ro-nonhhakeh ne yethiniahokonkenhha,

33 Niyoh wahhy royeridonh ro-nanonh ok ne shakat nonkyonhhakeh ne yonkhiyenhokonhah, nese raonhha shoketskwaghdonh *Yesus* are; ase eghniyught ony jikaghyadon ne ne tekenihhadond *Psalm*, I-se wahhy Kon-yenhah, kenghweghniserade sakon-yatye-naghstene.

34 Ne kenneh ji-niyutyerenh raonhha shoketskwenh jirawenhheyonghne, nonwa yahhoya eghthiyaonsaya-
wenne ne eghyaonsesaghwaeghste ji-nonka yuhhetken-
honh jikarighwaneren, wahhenron kennityuderighwaye-
radonh, I-ih naah enkyon ne norighwiyu rao-nidenrecht-
sera Dawed.

35 Kenwahhy ony nihhoyerenh shekonh oya ne *Psalm*,
Toghsa ok ayakorane ne Sheyadadokenghdy ne nayeken
ne yutkenhonh.

36 Ikenh ne Dawed, noghnakenkeh nenghshahhayeri-
de nakwah raonhha raoghnekwaghsa ne ne ji-nithanon-
wese ne Niyoh, eghwahhayatye-nenne wahhodawe, nok
eghyahhonwayatyonnde ro-nighnehbah, nok wahhat-
kaghtho yutkenhon.

37 Nok raonhha, ne na ne Niyoh shoketskwenh are,
yaghdeshokenh nayutkenhon.

38 ¶ Ne kady wahhony nensewaderyendarake ne
I-sekeh, jonkweh ony dewadadekenhokonhah, ne ne ya-
den-yuhhetste ne ken-ikenh ronkweh ne na yetshiyade-
righwaghnodonnih n'I-sekeh ne nenjakorighwiyugh-
staghkwen ne karighwaneren:

39 Neoni raonhhakeh deweghtha akwekonh ne ne
tyakaweghdaghkonh wahhy enjondadewenniyune nok
thiyurighwakwekonh, ne ne ji-nahhoden nyaghtaese-
wakweny aonsesewaderighwakwarighsyonne ne Oses
raoghtyawenraghtsera.

40 Ne kady wahhony sewadade-nikonrarak, onwa
neken I-se ensarane, ji-nahhoden ro-nadadyh ne rodiya-
dadokenghdy;

41 Jatkaghthoh, I-se ne sewarighwayesaghtha, sewa-
nehrago oni wadisewenheye: ikenh I-ih wakyude kayu-
denghsera ne sewadeghniserakonh, ne kayudenghsera
ne ne yahhoghthaonsese-niyere naondiseweghdaghkwe,
sahethoh ne ronkweh wahharihho-wanaghde ne I-sekeh.

42 Neoni ne o-nenh ne *Jews*-aka nenshishodiyaken-
honh ne o-nonghsadokenghdikeh, (*synagogue*.) ne nyagh-
dehhdorighwiyughstonh wahhadirighwanendon ne ne
ken-ikenh owennaakon aondon onghdekenh naonwana-
derighwaghnodonse ne noya enjaondadokenghdane.

43 Nonwa ji-o-nenh ne yakoderennayendaghkwe nen-wakarighwendane, ro-natkade ne *Jews*-aka ony rodirighwi-yughstonh desho-nadonnhad-nyonh wahhonwadighnon-deratyeghde *Paul* ony *Barnabas*: ro-nonhha, waghshako-nadady, aondesewanikonghradironrake okho-nenh ne ayurighwadaye ne rao-nidenreghtserakonh ne Niyoh.

44 ¶ Neoni ji-o-ya sayaondadokenghdane waonhohon thoah nakwekjihhonh ne kanadakwekonh enskatneh waontkennisa ne nayakothonde ne raowenna ne Niyoh.

45 Nok ji-o-nenh ne *Jews*-aka waghontkagtho kent-yughkowanenh, wakanaghne ne ro-nonhha ne kanoshaonh, neoni eso akde ji-naghshako-nenhaghse ne ne ji-nikariwakeh ji-niyawenhonh ne *Paul* shakodadyh, deshonwadirighwaghrighdenny ony wahhadirighwayesaghdanyon.

46 Ethoghkeh *Paul* ony *Barnabas* kennaawen wagh-yadakaridade, nok wagniron, Neneken deyudonghwen-johhonh yuwayenstonh ne ne raowenna ne Niyoh ne denghnon aondayutyerenghdon ayetshiyadatyadaghkwenny ne n'I-sekeh: nok sewatkagthoh erenh sewadaderighwaghkwidennyh, ne ok ne yadesewayadyh desewadatyadoreghdonh yahhothe-non thiyadeyurihhonde nayakoyadake-nha ne ji-niyenhhenwe ayakonnheke, jatkagthoh, nenky kennakatyerade ji-nonka ne yaghdetyakorighwi-yughstonh.

47 Ikenh eghse nighshonke-niyerasesh ne Royaner, rawenh, I eghyake-nideron ne dayetshighswathedon ne ne yaghdeyakorighwi-yughstonh, ne ne eghnaesewayere ne nayakonnheke ne kenhheyon ne jiwadonghwenjokdane.

48 Neoni ne o-nenh ne nyaghdehhodirighwi-yughstonh nenronathonde ken-ikenh, waghontshennonny, neoni wahhonnonwesaghde ne raowenna ne Royaner: neoni ne ji-nihhadyh ondeweyennendane wahhonwadiyadarako ji-nonka ne ji-niyenhhenwe yenshonnonnheke watyagehtahkwe.

49 Neoni ne raowenna ne Royaner nenkarihhowanaghdonh yatyuhhetste akwekonh jiye-hakeronnyon.

50 Nok ne *Jews*-aka wahnodirighwarane ne rodirigh-wiyughstonh nokhony nynnatkonyenghste-nyon tyu-nathonwisen, neoni ne thadiyadakwe-niyu ne kanada-konh, neoni eghwahnoderighwaghdenyade noghkiok naonwadiyere ne *Paul* nok *Barnabas*, ne kady naonsahonwanadekwaghde thaondaonwennennonghdonse ya-daonsaghyadohhetste jiyadehhonadonghwenjakde.

51 Nok waghyaakenrawake ne yaghsidakonh yuken-rare ne enwatrory akde ne ro-nonhhakeh, nok eghyah-hanewe *Iconium*.

52 Neony ne ne raotyohkwadogenhti ne Royaner (*disciples*) wakanaghne wahnondonharen, neoni yekakwe-konh ne Ro-nikonghriyughstonh.

CHAP. XIV.

Paul nok Barnabas wahnowodirighwaghswase ne jinnonka ne *Iconium*.

NEONI nen-eghshaawenne ne etho *Iconium*, ne ne deghnijaronh eghwaneghde jironderennayendagh-k'wa ne *Jews*, neoni eghnaawen waghyaady, neoni akwah kentyughkowanenh yehhadikwekonh ne *Jews*-aka nokhony ne *Greeks* dahhonneghdaghkwe.

2 Nok ne ne yaghdetho-neghdaghkwenh ne *Jews*-aka wadeghshakodinikonrharen ne yaghdehhodirighwiughstonh, neoni waghshakodinikonghrahhetkenghde wadeghshakodinikonrharen waghshako-natkarenghrako ne rondadekenhah.

3 Ne wahnony kariwes eghwaghyaatyen rodiwennagh-nironh ne raorighwakeh ne Royaner, ne shakowyh nyurighwaghnriratstonh nowennakeh ne raodenrat, nokhony shakowyh nenwe-neghstaghkon ony yutyanaade-nyon eghneh-yawenne en-yudiyuden ne nisonkeh.

4 Nok watyonnityughkyake ne jikanadowanenh: ot-yake eghnonka wahnadiye-na *Jews*-akakeh, nok otyake ne enskatneh ne rodiyadadokenghdy.

5 Neoni ne o-nenh eghnaawen thathonnikonryake yehhadikwekonh ne yaghdehhodirighwiughstonh, nokhony ne *Jews*-aka yehhadikwekonh ne ronwanaderigh-watsteristase, ne ne aonwadihhetkenghde neoni aonwadinen-yuyake.

6 Waghyadadennikonraren, neoni waghyadeko waneghde *Lystra* nok *Derbe*, jikanadowanenghse ne *Lycaonia*, neoni ji-nonka wadonghwenjade-nyon yenakere-nyon ne ne eghnon thadeyughkwadasedonh :

7 Neoni eghnonweh naghyaderighwaghnodonyon ne orighwadokenghdy.

8 ¶ Neoni eghnonweh nihhenderon rayadadokenh ne ronkweh etho nonweh *Lystra*, thiyawenhheyonh ne raghsidakonh, eghniyught ratshinokaghtha ok eghshiyught onkweh shahhadon, ne ne yaghnnonwendonh nasghdendy :

9 Ne shakat rothonde *Paul* wahhadady : raonhha ok yatyughnirha wathotkaneren, neoni roderiyendare yehahheghs jiroyen ne deweghdaghkonh ne naonsahhojende,

10 Wahhenron rowendeght, destan saraghsidakwarighsyh. Neoni dondahhadenghstajy nok wahhagh-dendy.

11 Neoni ne o-nenh ne onkwehhokon waontkaghtho ne ji-nahhoden ne *Paul* ji-nahhayere, wahhondewenna-ketako, rondon ne ne ji-nihhadiwennodenh ne *Lycaonia*, Ne onkwaniyoh dahhadasenghde onkyonhhakeh eghnihhayadodenh ji-niyught ne onkweh.

12 Neoni wahhonwanadonghkwe ne *Barnabas*, *Jupiter* ; nok ne *Paul*, *Mercurius*, ne wakarihonyonny ji-ne-eh rayadakweniyu shakorihonyenny.

13 Ethone ne rajihhenghstajy ne *Jupiter*, ne na raodihhendonh jikanadowanenh, wakonwadiyathewe deyudinakares ony dekaghseriyehhon ojijaokon etho jiyudenghrakarondon, neoni ne T'Kakonde eghnayawen ehhayondadaghtkawe nonkwehhokon.

14 Ne kady ji-o-nenh ne rodiyadadokenghdy, *Barnabas* nok *Paul*, nenwaghyaronke, wagnirajonko ne raodinena, neoni yat'yaraghdade raodinenrakonh ne onkwehhokon, deghyaghshenthoghshere,

15 Neoni yadon, Dekwanonghweradon, oghnaah egh-nese-niyere ken-ikenh ji-nikarihodense? Onkweh nenkenhenh ony n'I-ih shadeyonkwaronghyakenh enskatneh n'I-se, nokhony kwaderighwaghnodony nisekeh ne ne aonsesewatyadondako ne ji-nonka nyahhothe-non thiyadayurihhondane ne ji-nonka ne ronnhonweh ne Niyoh, ne ne roghson ne karonya, nokhony nonghwenja, neoni ne kanyadarakeghkowah, neoni orighwakwekonh ji-niwat ne ethoh:

16 Ne wahhy ji-nondaweghde tyudonkoghdonh tahaweronhatye ne ji-niyadeyakaonghwenjakeh ne ne ronnhha ji-nithodinikonghrodenh nihhodiyaerenhhatye.

17 Ethosane nenneh yaghtiyadehhayadyh deyrighwaghnirhaghtonh, jieghnihhoyerenh yuyanere, neoni shonkwawyh yukennorese karonghyakeh t'kayenghdaghk'wa, neoni onghyanyondonnyon ontkadade yahonderighwihhewe waodiweyenstase, sayonkwaghdaghden nonkweryaneh ony yudonharaghk yutshennonnyat.

18 Neoni yekakwekonh ne ken-ikenh ji-nahhonnighronnyon ok thaontyeren nehhayakoye-nawakonhake ne onkwehhokon, ne ne yahheghdehhodiyaerenh neghyaon-sahho-nadadaghtkawen ro-nonhhakeh.

19 ¶ Neoni waonwe orighwiyu *Jews*-aka tayeyenhtahkwe *Antioch* ony *Iconium*, rononha wahshagodinigonronni ne Onkwehhokon, neoni, ne onenh wahonwaneayoyake ne *Paul*, atssteh yahonwayatondi ne kanadokonh, waenhre dokat nonkenh waghrenhheye.

26 Etho nenne-eh wathonwatkennyadon ne ronnonkwediyuse radighyadonghserayenderise, sahhatketsko, neoni kanadakonh sahhadaweyade, neoni ne jiwaorhenne erenh sareghde yeghnikwekonh ne *Barnabas* kenniyahhane *Derbe*.

21 Neoni ne o-nenh shiyaghyaderighwahnodon ne orighwadokenghdy ne etho jikanadowanenh, neoni eso ji-naghshakodirihonnyen, kensaneghde are *Lystra*, ony ji-nonka ne *Iconium* ony *Antioch*,

22 Saghshakodinikonghrakwarighsyonko ne rodiyadadokenghdy, nokhony shakodighrejaron ne ne okhonenh ayurighwadatye tyutkonh jiaondahho-neghdaghkon, neoni ne ne T^r Kakondeonweh yadaedewadohhetste ji-niyawedase karonghyakenghsera aedewadaweyade ne raoyanertserakonh ne Niyoh.

23 Neoni ne o-nenh shahhonwadiyadarako ne ro-nonhha ne thodixdenhase radikowanenghse ji-niyadekanonghshakeh no-nonghsadokenghdy, neoni ro-naderennayen aoriwa ro-nendontyeghtha, aonwanyahhesen ro-nonhha ne Royanerneh, onghkaok entyakeghdaghkwe.

24 Neoni nen-oghnakenkeh nenghshaghyadonkoghde yatnohhetste *Pisidia*, yahhanewe etho *Pamphylia*.

25 Neoni ne o-nenh shaghyaderighwaghriodon ne owenna ne etho *Perga*, kegsaneghde *Attalia* :

26 Neoni nen-eghyaghyaghdendy kahhonweyakovaghnesh yaghyatshiroden *Antioch* nonkadyh, crenh saneghde ninyahhesen ne ji-nonka ne raodenrat ne Niyoh eakarihhonny ne ji-nikayudenghserodenh waghninaghne.

27 Neoni ne o-nenh shiyahhanewe, neoni waghshakonatennisaaghde ne kentuyghkwadokenghdy enskatneh nonweh, dondaghyatnaneda akwekonh ne ne Niyoh jinihshakotyeraseh, nokhony ro-nhodonkwenh ne jikanhokaronde ne deweghdaghkonh ro-nonhhakeh ne yaghdhohdirighwiyughstonse.

28 Neoni etho waghontyen kariwes ji-nahhe enskatneh ne raotyohkwadogenhti ne Royaner (*disciples*.)

CHAP. XV.

Kowanenh wathondennikonghradihha onderighkwaketsko ondoryaneron ne karighwiyughstaghk. Ne rodiyadadokenghdy wathadiyadoreghdanyon.

NEONI odokenkonh ronnonkweh eghdadhadiyenghdaghkwe *Judea* waghshakodirihhonnyen jiok onkweh naeyadoden, neoni waghonniron, nyareghkwe sewadaderighwiyughst shadenyawenne ne jinihhorihhodenh ne Oses, yaghdewaweght aonsesewayadadery noya naesewayere.

2 Ne waghonny ne ethone nonweh *Paul* nok *Barnabas* ne onenh yah keanayorihwahska tegenh ji tahodinigonhratiha wathadirihwagennha, thodirighwareh net-hoh *Paul* nok *Barnabas*, neoni odokenhoh thaadideke, ne eghyaonne *Jerusalem* ro-nonhhakeh ne rodiyadadokenghdy ony ne thodixdenhah radikowanenghse aoriwa ken-ikenh aonwadirighwanendonghse.

3 Neoni no-nenh eghshahhonneghde ronne ne kentyohkwadogenhti, eghwathondohhetste *Phenice* ony *Samaria*, rodirihhowanaghdonhhatyese ji-nathodiriwawen wathadirihhonden ne nyaghdehhodirighwiyughstonh: neoni rononhha waghadirihonny kowanenh waghondonnharen onkwedakwekonh.

4 Neoni ne o-nenh shiyahhonnewe etho *Jerusalem*, waghadiye-na ne o-nonghsadokenghdy, neoni ne rodiyadadokenghdy nokhony ne thodixdenhah thadikowanerighse, neoni waghadirihhowanaghde orighwakwekjihonh ne ne Niyoh ne ji-naghshakotyerase.

5 Nok etho onderighwaketsko odokenhoh waghonnityughkonny ne ne *Pharisees* ne ne dahhonneghdaghkwe, rondonnyon, ne wahhy neken deyudonghwenjohonh ne neh ne enwe-neghstaghkon ne ro-nonhha, neoni ne aonwadirihon ne aodiye-nawakon ne Oses ronwaghtyawenraghtserawyh.

6 ¶ Neoni ne rodiyadadokenghdiokon nokhony ne thodixdenhah ne radikowanenghse enskatneh waghonne we ne ne daadiyadoreghde ne ken-ikenh ji-naoriwawen.

7 Neoni ne o-nenh wathadiyadoreghde eso wathodirighwadeghdane wathadirighwake-nha, Kwiter dahhatyadakwarighsy, neoni wahhenron ne ro-nonhhakeh, Jonkweh ony dewadadekenhokonhah, sewaderyendare wahhy ji-nityawenhonh ne ne nenwaghonnise ji-nahhe Niyoh shakoyadarakwenh onkwanenrakonh, ne ne yaghdehhodirighwiyughstonh I jixhakaronde enhho-nathondeke ne owenna norighwadokenghdy, nok oni aontayagehtahkwe.

8 Neoni Niyoh, wahhy roderyendare ne awerihhokon, dekonidikanere jiorighwiyu, shakowyh ro-nonhha ne Ronikonghriyughstonh, shaden-yawenne ji-nihhoyerenh nonkyonhhakeh,

9 Neoni yahhothe-non thadehhodihhenh ne tyukenh ne onkyonhha nokhony ne ro-nonhha, ne enjakaweryaghsiyughste ne jideweghdaghkonh.

10 Ne kady wahhonny nonwa oghnaah eghjhisewanakonny Niyoh thiyese wennowenghdonh wadisewadenakeraghde Niyoh, ne nayetshiyendanyake ne rodiyadadokenghdy, yahhony ne yethinihhahhokon yahhony n'I thaedewakweny neghnayawen?

11 Nok dayakweghdaghkwe nenne-eh eghse tyuyenghdaghkonh ne kendenrat ne Royaner-neh Yesus Keristus ne enjonkwayadako, shaden-yawenne ji-niyught ne ro-nonhha.

12 ¶ Ethoghkeh kentyughkwakwekonh saghk ondon, neoni wahhonwanadahhonghsadade ne *Barnabas* nok *Paul*, waghyatrory ji-niyutyanade-nyon neoni yuneghrakwaghde-nyon ne Niyoh ji-naghshakotyerasa ji-naghshakoyudenghse raodinenrakonh ne yaghdehhodirighwi-yughstonh.

13 ¶ Neoni ji-nahhe thathondodade jiyuristare, *James* dahharighwaserako, wahhenron, Jonkweh ony dewadadekenhokonhah, dakwadahhonghsadat:

14 *Simon* wahhy shakorihhowanaghdennyh ne ji-nihhoyerenh ne Niyoh ji-nonweh tyutyerenghdonh nighshakoghkdennyh shakotkenseh ne nyaghdehhodirighwi-yughstonse, ne ne aonsaghshakoyadoghjhonko ne onkwehhokon akarihhonny ne raoghsenna.

15 Neoni ne ne ken-ikenh skanikonrat enwadon ne radiwenna ne rodiyadadokenghdy; ase eghniyught jikaghyadon,

16 Oghnakenkeh ken-ikenh T'Kakonde yenskewe, neoni T'Kakonde enske-nonghsonny are shekonh ne jirodaghsawahhere ne Dawed, ne na ne eghdakeh yuyendaonh yurye-nenhonh; neoni T'Kakonde enske-nonghsonny are shekonh ne ne ji-niyuhhetkenserone ne ethoh, ne kady ensekkwadako ensekketsko:

17 Ne kady nenhho-nadadenron nonkwehhokon ne naondon aonwayadisake ne Royaner, neoni akwekonh ne yaghdehhodirighwi-yughstonse, ok thikawennyu onghka entyonke-nadon naxhenna, radon ne Royaner, onghka eghnen-yeyere akwekonh ji-neken nikariwakeh.

18 Ro-naderyendare wahhy Niyoh akwekonh raoyu-
denghseraokon ne jityudonghwenjadaghsawe.

19 Ne kady wahhony nenkherighwaeghsten kenni-
yught, ne ne yaghtadayethinikonrharen, kenwahhy
kentyughkwakonh ne nyaghdehdirighwiyuhgstonh wah-
hy donsahhontkarhade-ny Niyohne nonkadyh :

20 Nok yeyakhighyadonnyh ne ro-nonhhakeh, ne ne
aondaderihhoghdarhose dakadane ji-niyuhhetkenhonh ne
kayadonnyh radirighwanekennighs, neoni dakadane ne
kanaghkwa yerighwanerax, nokhony ne ji-nonka ne jina-
hoten gonwadihnyataren 'tohsa aayeke nok oni ne oneg-
wenhsa.

21 Ikenh ne Oses ne norighwakayonh kennityugh-
donne ji-niyadekanadakeh ro-nonhha ronwaderighwagh-
notha, tyutkonh konwawennaghnodonghs ne raodinongh-
sadokehghdikheh niyadewendakeh.

22 Ethone dahho-neryendiyu ne rodiyadadokenghdy
nokhony ne thodixdenhah radikowanenghse, o-nonghsa-
dokenghditserakwekonh, ne nyaonwadinhane nakwah
ronwadiyadarakwenh ne ne ro-nonhha akwah raodity-
ughkwakeh ne ne ehhaonneghde *Antioch* enhhonne ne
Paul ony *Barnabas* ; ronwadinadonnyon, *Judas* deh-
haghssenasere *Barsabas*, nok *Silas*, ne ne radiyadakwe-
niyuse ne raodityughkwakonh ne rondadekenhokonhah :

23 Neoni yehhonwadiyadonnighs yehhonwadinyegh-
tha kennikayerenh ; Ne ne rodiyadadokenghdy nokhony
ne thodixdenhah radikowanenghse neoni ne rondadeken-
hokonhah yadeghshakodinonghweronnyon ne rondade-
kenhokonhah ne ne jiyaghdetyakorighwiyughstonh ne
etho *Antioch*, ony ne *Syria* nokhony ne *Cilicia* :

24 Ne kady ne ji-niyuriwakeh yonkwaghronkenh, ne
ne odokenhonh orighwiyu ne kenghyakayakenne onky-
onhhakeh ne wadisewanikonrharen ne owennaakon, tyu-
senseron yuhhetkenseran sewadonnhetshokon, wahhen-
ron, I-se T'Kakonde enskayeronnitston, neoni sewade-
righwenhhawa ne ne jiniweani: yahhonghka eghdeka-
rihhodenh deyakhirighwawyh :

25 Anyoh ji-niyught waonkwayanerenghse, ne jiyon-
kwatkennisonhonne ne skanikonrat waakwade, yakhiya-
darakwenh yeyakhinhaonh I-sekeh ne nyakhinorongh-
k'wa *Barnabas* nok *Paul*,

26 Ne na ronongweh ehnaadiyere ne deyuderyentha-raghk ne jiyakonnhe-nyon ne enkarihhonny ne raogh-senna eghjhidewayaner Yesus Keristus.

27 Ne kady waghonny yeyakhinxaonh ne *Judas* nok *Silas*, ro-nonhha ony T'Kakonde en-yetshighrory ne shaoriwat nighsakonh nendewe.

28 Ikenh anyoh yuyanere ne Ro-nikonghriyughstongh-ne, nokhony nokyonhhakeh, ne ne yaghthaesayadora-rake ne yuxde kendenghnon kaye ne ji-nityaweryendiyuse ne ji-nikariwakeh;

29 Ne ne dakadane o-nenh aesewarihhoghdarho kakon gonwatkehronni ne kayadonnyh gonwarihwane-ganihs, neoni ne onegwenhsa, neoni sewatyadondakoh ji-nahhodenshon gonwadihnyataren ne ahesewake, neoni sewatyadondakoh jikarighwaneren kanaghkwa: ne ne ken-ikenh doka enjathondade ne ense-niye-na, o-nenh endisewarighwayeride. Nenkady watkwanonghweradon.

30 Ne kady ji-o-nenh sahnonwanaghtkawe, yonsah-honnewe etho *Antioch*: neoni ne o-nenh shaghshakonatkennisaaghde enskatneh kentiyughkowanenh, waghshako-non ne kaghyadonghsera.

31 Ne ne ji-o-nenh waghadiwennaghnodon, waghonn-haren aoriwa waghontshennonny wahho-nonrishendane.

32 Neoni *Judas* nok *Silas*, ne na ne rodiyadadokengh-dy ony ro-nonhha, shakodirejaron shako-nadeweyennon-nyenny ne onkwehhokon yawedowanenh nowennaokon, neoni shadenkayeren ne ro-nonhha.

33 Neoni oghnakenkeh ji-nikariwes eghnideron, sah-honwanaghtkawe skennen rodiyadadokenghdikeh rionka.

35 Etho kady nenne-eh dahhaweryendiyu ne *Silas* ne ne okheghyaenderondake.

35 *Paul* nokhony ne *Barnabas* okho-nenh eghtnide-ron *Antioch* shakodirihhonnyenny nokhony yaderigh-waghnodon ne raowenna ne Royaner, thiyonkwedakwe-konh ony noya.

36 Neoni ondeghniseradohhetstanyon *Paul* wahenron raonhhakeh ne *Barnabas*, eghyejide-neh are shekonh jethiyatkensehhah nonkwadadekenhokonhah jiniyadekanadakeh ji-nonweh yeyonkyaderighwaghnodon ne raowenna ne Royaner, aetyatkaghtho doshikenh nihhontyerhak.

37 Neoni *Barnabas* wahharighwakwadako ne naonne ne *John* raonhha na dehghagsennasere *Mark*.

38 Nok ne *Paul* wareghre yahhonghdeh deyuanere ne raonhha nayakwe, wathondekhaghsy ne ro-nonhha etho *Pamphylia*, neoni yahhenskatneh thiyehho-ne-nonh ne naodiyuden.

39 Neoni ne shadehhodinikonghranegrakwah yaght-hadehhodiriwaraght rodirihhothiye t'ninihhokenh, o-nenh donsaghyadekhaghsy thiyathodiyadighste, neoni ne *Barnabas* yahhoyadenhhawe ne *Mark*, neoni waghyat-shiroden ji-nonka ne *Cyprus*;

40 Neoni *Paul* wahhoyadarako *Silas*, neoni wat'yadekhaghsy, eghnaawen wathonwadirenghsaron ne ron-dadekenhokonhah ne nashakodenre ne Niyoh.

41 Neoni wahhaghdendy yatrohhetste ne *Syria* nokhony ne *Cilicia*, odokenhonh wahharighwakwadonko wahharihhōwanaghdanyon ne o-nonghsadokenghdiokon.

CHAP. XVI.

Ne ne Paul sahho-nikonriyughste ne Timothy.

ETHOKEH shiyahharawe etho *Derbe* ony *Lystra*; neoni sadkahtoh rayatogen royadadokenghdy eghrenderon, ronwayats *Timotheus*, ne royenhah *Jews*-aka nakayadoden nok tyaweghdaghkonh; nok ne ro-nihhah *Greek*-aka:

2 Ne na nethoh nyaonweskwa jiyerighwaghronkha wadewaderighwareny ne rondadekenkehah ne ne eghyenakere *Lystra* nok *Iconium*.

3 Raonhha rodondaghk ne *Paul* ne naane; neoni wahhoyadenhhawe ony wahhorighwiyughste raonhha aoriwa ji-*Jews*-aka ne ne eghnonweh niwadonghwenjade-nyon ye-nakere-nyon: ikenh ro-naderyendare akwekonh ne ro-nihhah *Greek* nahhayadoden.

4 Neoni ne ji-nen-eghsahhondohhetste ne jikanadayendon, yaghyaghtkawe ro-nonhha ne karihhowanaghdonh kayanerenhhokon ne aodiye-nawakon, ne ne eghthonwadiyadarakwenh rodiweyennendaonh ne rodiyadadokenghdy nokhony ne thodixdenhah radikowanenghæe ne ne eghradinakere *Jerusalem*.

5 Neoni eghnaawen ji-nonweh ne o-nonghsadokenghdiokon ondeweyennendane deweghdaghkonghtserakonh, neoni niyadeweghniserakeh waotyeghstonhhatye jiniyonkwedakeh.

6 Nonwa ne o-nenh akwah akwekonh shondaneghde ne *Phrygia* nokhony ne jiwadonghwenjade jiye-nakeratye ne *Galatia* neoni jiniyught eghnayawen ne Ronikonghriyughstonh ne yahthahyaderihwahnoton ne owenna ne etho *Asia*,

7 Oghnakenkeh nen-eghshiyahhanewe ne etho *Mysia*, ok thighyadon tyade-nyendeh ne kenniyaedene jionka ne *Bithynia*: nok ne kanikonra yahheghthiyehhodinikonghrehhah.

8 Neoni eghwaghyadohhetste *Mysia* yahhanewe etho *Troas*.

9 Neoni ne kaserenghda wahhodokaden ne *Paul* aghsondakonh; Wahhatyerok ehhirade ronkweh ne *Macedonia*, ony roderennayennyh, radon, Karo nondaseh jion *Macedonia*; nok dakwaye-nawas.

10 Neoni nen-oghnakenkeh shahhatkaghtho ne adets-hensera, yukondatye watyakwennikonrharen nehhaonneghde *Macedonia*, orighwiyu-onweh onghdeh jiteyongwayatorehton ne neh ne Royaner daghshonkwennonke onghdeh aoriwa neghyaedewaderighwaghnodon ne orighwadokenghdy ne ro-nonhhakeh.

11 Ne wahhonny sayongwadatnerenhsi ne jionka ne *Troas*, eghnondayakwe ok thiyatyakwadokenghde jionneh *Samothracia*, neoni ji-o-ya sayorhenne yaakwawe *Neapolis*;

12 Neoni ehjonsayagwahtenti jionka ne *Philippi*, ne na ne kanadakwe-niyu ne ne eghnonweh niyagwagwenrare ne *Macedonia*, ony kayenthonkeh: neoni nenkanadakonh eghwatyakwadane odokenhouh jiniweweghniserakeh.

13 Neoni yaondadokenghdonkeh wakwayaken ne ne kanadakonh kayyohonhakda waakweghde, ji-nonweh na-deyudonghwenjohhonh nayakwaderennayen: neoni egh-wakwatyen, neoni waghshakodady ne o-nonhhakeh ne tyunathonwisen ne na ayondatsteronghse ayondenrharade neghnonkadyh.

14 ¶ Neoni kayadadokenh ne tyuthonwisen konwats *Lydia*, wadenghninonghs kanekwaraghjyh niwenserodenh, kanadakonh ne *Thyatira* aonhha rorighwane-kenny ne Niyoh, waonkwawennaronke: aonhha aweryaneh wahhanhodonko ne Royaner ne ne aonhha watkagh-snye-ne eghnakayere wakanoronghkwe ne ji-niyadekariwakeh ji-nihoyerenh jirodadyh ne *Paul*.

15 Neoni ne o-nenh shontnekoseraghwe, neoni aogh-wajira, waonkwennidenghden, wakenron, Doka nendakwajenhhayendakwenh ne naondonkweghdaghkon ne Royaner-neh, kase-neh jadaweyat jiwake-nonghsode, neoni eghse-niderondak. Neoni waonkwaghsteronghse thaonkwennikonghryakden.

16 ¶ Neoni aenshondonkoghde, nen-eghwaakweghde jiyen-yakwaderennayen, kayadadokenh kayadaseah yutyadenghdennyh ne kanikonra ohhendongh yekariwakenghs watrorighs ne kady watyakwaderane, ne eghwa-konwayathewe ne konwawennyuse eso waderighwat-kwe-nyese yekariwakenghs ji-nen-yawen:

17 Ne shakayadat waghghnonderatyeghde ne *Paul* ony onkyonhha, dakawennodatye dewaghshenthoghse, wadonne, Ken-ikenh ronnonkweh ne wahhy ne shak-nhaseokon ne raonhhaah e-nekenghjy Niyoh, ne na ne shonkwanadonny ne jiyuhade ne naonsayakwatsshen-nonnyadaghkwe aonsayakwanyakenne kenhheyon.

18 Neoni ken-ikenh eso weghniserakeh neghnikayeranese, Nok *Paul*, nendahharonghyaken, wathatkarhadeny nok waghrenhhaghse ne kanikonra, I wakon-yen-haghse ne raghsennakonh ne Yesus Keristus dondajaken-n naonhhakeh. Neoni sahhayakenne ok ne wadatye jikaghwistahex.

19 ¶ Neoni ne o-nenh ne konwawenniyuse waghont-
kaghtho ne ne jirodirhareghkwe rondewennodaghkonne
o-nenh kathonghdeh joyakenhoh, waghonwadiye-na
Paul nok *Silas*, neoni eghdakhonwadiyadadironde
jityontkeghronkaghk'wa ji-nonweh thadirighwakwadak-
waghs,

20 Neoni eghyahonwadiyathewe nihhadideron ne
radijenhhayenghs, waghonniron, Ken-ikenh deghnonk-
weh, *Jews*-aka, ne nyadewakde nytyonkhinikonrharen
nonkwanadakoh,

21 Neoni ne waghshakodirihhonnyen ji-nikarihho-
dense, nese ne yaghdeyuderighwakwarighsyonh ne I-ih
aedewaye-na, yaghse-ony thadaedewaghsnye-ne ehniyag-
wayatodense *Romans*-aka.

22 Neoni ne kentyughkowanenh wathadidane enskat-
neh waghonwanatkonden ro-nonhha kenniyahonwadi-
yere: neoni waghonwadirajonkwaghse ne raodinena ra-
dijenhhayenghs eghnahnadiyere, neoni waghshakodi-
rihoh waghshako-nenhhaghse yetshikonghrekoh yet-
shiyaraghsendoh.

23 Neoni ne o-nenh waghonwadikarewaghdaghkwen-
tho eso waghonwadinonghwareke, ethone yahonwadin-
hodon wathonwadiristodarho, waghonwarihoh ne rats-
steristha ne jiyondade-nhodonghk'wa akwah deghsha-
koghnye toghsa sninyaken :

24 Raonhha, waghaye-na neghniyurighwaghnironh,
yaghshakoreke nakwah o-nakonghji yathonwadiristo-
darho, neoni ne yaghsikeh dekarondoghrarakoh kagh-
niradonh.

25 ¶ Neoni eghsonthenh *Paul* ony *Silas* ro-naderen-
nayan, dehhodirighwaghkwenh ronwanendonghs ne
Niyoh : neoni ne enaghskwa-ogon waghonwanaronke.

26 Neoni akwah ok ontyakji yunegrakwah watya-
onghwenjishonghkwe, ne kady ne jikanonsakensere
ontharadade ne ji-ninaghskwayen watyuwishonghkwe:
neoni yukondatye akwekoh ne jikanhokaghrondon
ondennhodonkohhadon, nok ji-niyadehhadyh sahhontne-
renghsy jiradighnerenghne.

27 Neoni ne rayadakwe-niyu rotssteristonh jiradinhon yahhayeghdaghkwe ne jirodaskwe, neoni wahhatkaghtho ne jiyondade-nhodonghk'wa yudennhodonkohadon jikanhokaghrondon, dahhasharoghtsyade, raweronne radaderiyuh, wareghre nense-non shodinyakenhonh ne radinaghskwa.

28 Nok *Paul* yahhadewennayendonwe rowendeght, wahhenron, Toghsa sadatkarewaght: yakwenderon ne kenhenh akwekonh.

29 Ethoghkeh nenwahhahhaghseronden, nok yahhanhohhokade, yahharawe royadishonghkwane, neoni eghdakeh wahhatyadondy raodihhendonh ne *Paul* nok *Silas*,

30 Neoni saghshakoyadinekenwe, nok wahhenron, watke-ninonweron, do Naakyere ne dakadonkoghde?

31 Neoni waghniiron, Kaseghdaghk ne Royanerneh Yesus Keristus, ne ok enwadon denghsadonkoghde, nokhony ne sanonghsakonh saghwajira.

32 Neoni yaghyadady ne raonhhakeh ne raowenna ne Royaner, neoni yekakwekonh ne eghyederon raononghsakonh.

33 Neoni yaghshakoyadenhhawe ok ne wadatye ne jikaghwistahex jiwaghsondade, ony saye-nohhare ne jironwadikonghrekhon; neoni waontnekoseraghwe, raonhha nokhony akwekonh ne raoghwajira yukondatye ok yahhonderighwatkonden.

34 Neoni ne o-nenh eghyaghshakoyadinyonde jirononghsode, waghshakok'wakeghronhaghse, neoni rotshennonnyh, daghreghdaghkwe, Niyoh-tserakonh yekakwekonh ne rao-nonghsakonh.

35 Neoni ne o-nenh jiwaorhenne, ne ne radirighwakwadakwaghs yaghshakodinhane ne rodighsennawenghde-nyon, wahhonniron, sayetshiyaghtka tho-ikenh rononkwewh.

36 Neoni ne rotssteristonh ne jiyondade-nhodonghk'wa ne yahhohgrory ne *Paul* wahhenron, Ne ne radirighwakwadakwaghs ro-nhadennhaonnhatye ne nenskwaghika-we; nenkadi wase-neh, neoni skennen thenjaghdendy.

37 Nok *Paul* wahhenron ne ro-nonhhakeh, Ro-nonhha wahy yonkhikonghrekhon yonkhiyaraghsenthoghseron ok thontkwatho yahhothe-non dejonkyaderighwade-waghdonh, aoriwa jy n'I *Romans*, ne kady ne eghyaonkhiyadondy jiyondade-nhodonghk'wa: nennonwa ro-nonhha eghnahhadiyere atssteh yonsayonkhireke ok adagh-seghdonkeh? orighwiyu yaghden nok ro-nonhha denghnon karo thonneght jonkhiyadinekenh.

38 Neoni ne rodighsennawenghde-nyon yonsahhontory ji-neken nikawennakeh ro-nonhhakeh ne radirighwakwadaghwags: neoni wahhodighderonne, ne ji-o-nenh wahhonronke ne onghkekenh ne *Romans*.

39 Neoni eghwahhonnewe nok wahhonwennendenghden; ony sahnonwadiyadinekenwe, ony dehhonwanadonghwenjonyh erenh aonsaneghde aonsaghniyakenne ne kanadakonh.

40 Neoni saghniyakenne ne jiyondade-nhodonghk'wa, neoni eghyaghyadaweyade jiyunonghsode ne *Lydia*: neoni ne o-nenh saghshakodiken ne rondadekenhokonhah, neoni wahhonwennonnhade neoni nendonsahhondekhaghsy.

CHAP. XVII.

Paul eghyahhaderighwaghmodon Thessalonica, eghnonweh otyake deyakeghdaghkwe, nok otyakeshon wahhonwarighwaghswase.

NONWA ne o-nenh shathondonkoghde *Ahipolis* ony *Apollonia*, eghyahhonewe *Thessalonica*, eghnonweh nikanonghsode ne raodinonghsadokenghdy ne *Jews*-aka.

2 Neoni *Paul*, jiki-nihhorihhodenh, jiwaghshakodaweyaden, neoni aghsenh naaondadokenghdane ronnikonghrayendonghs ne ji-niyught ne kaghyadonghseradokenghdiokon,

3 Wahhanhodonkwaghde yatharighwadokenghde yurighwaghnironh watharighwathede, ne nekenhenh ne Keristus T'Kakonde deyudonghwenjohhonh ne roronghyakendaghkwenh, nokhony shotketskwenh are ne jirawenheyonghne; neoni ne ne ken-ikenh ne *Jesus*, Wakwadewighwaghnodonghkwen n'I-sekeh raonhha, ne naah ne Keristus.

4 Neoni otyake ji-niyakonh dayakeghdaghkwe, neoni yathontyeghste ne *Paul* ony *Silas*; neoni ne ne yakon-nhiyuse yakoderighwakwarighsyonse ne *Greeks*-aka akwah kentuyghkowanenh, nokhony ne kondiyadakwe-niyuse ne tyunathonwisen yaghkendekondiah.

5 ¶ Nok ne *Jews*-aka ne ne yaghdetho-neghdaghkonh, kanosshaonh dahho-natyadondy, ne wahhadiye-na ne rononhhakeh orighwiyu ne ne karighwaxhenhhokon ne wahhadighnonderatyeghde ne niyadewahhetkenghserakeh, neoni skentyughkwat wahhondon, neoni kanadakwekonh thiyadewadawenrye watyako-nikonrharen, neoni thondaonwennonnghtonse wahhonwadinakonny ne rao-nonghsakonh ne *Jason*, neoni ronnesax ne naonsaghshakodiyadinekenwe onkweghneh yaonsaghshakodiyathewe.

6 Neoni ne o-nenh yaghdeghshakodiyadatshenryonh, eghyahhonwayadondy *Jason* nok radiyatatogen rondadekenhokonhah yahhonwadiyathewe ji-nonweh nihhadirighwakwadakwaghs ne kanadakonh, radiwennodatye, (rondonne.) Ken-ikenh ne wahhy ne waonkhiyonghwenjakarhatho nenkady kenthoh wahhonnewe ony;

7 Raonhha *Jason* roye-nah; neoni ken-ikenh akwekonh ji-naawen thiyuriwade ji-nonka ne waondaderighwarakwaghse ne *Cesar*, rondonnyon kense wahhy oya korahkowah, enskat ne *Yesus*.

8 Neoni wathodinikonrharen ne onkwehhokon nokhony ne radirighwakwe-niyuse radikowanenghse ne jikandayen, ji-o-nenh wahhonronke ji-neken nikarihodense.

9 Neoni ji-o-nenh ronwaye-nah ne *Jason* nen-orighwiyu yudonhonh, nok ne oya, sahhonwanaghtkawe.

10 ¶ Neoni ne rondadekenhah yukondatye yonsahonwanadennyeghde i-nonh niyore ne *Paul* nok *Silas* aghsonthenneh ji-nonkadyh ne *Berea*: ro-nonhha eghyahhanewe yaghyadaweyade raodinonghsadokenghdy ne *Jews*-aka.

11 Ken-ikenh senhha nenne eso ro-natkonyenghs ro-nadakaride ji-niyught ne *Thessalonica*-aka, asekenh nenne wahhadiye-na ne owenna yekakwekonh rodiweyen-nendahonh ne raodinikonrakonh, nokhony akwah ronnesax ne kaghyadonghseradokenghdiokon niyadeweghniserakeh, dashikenh eghniyughdonhhak ji-neken nikarih-hodense.

12 Ne kady wahhonny yawedowanenh yakonh daya-keghdaghkwe; nokhony ne yunatkonyenghste-nyon ne tyunathonwison ne na ne *Greeks* nakondiyadoden, nokhony ne radijyn, yahhony kendekonhah.

13 Nok ji-o-nenh ne *Jews*-aka ne *Thessalonica*-aka nenwahhodinikonghrayendane ne na ne owenna ne Niyoh ne na rarighwaghnodon ne *Paul* ne ethoh *Berea*, eghkady o-ne wahhonnewe, neoni waghshako-noryaneron nonkwehhokon.

14 Neoni ethoghkeh yukondatye ne rondadekenhah erenh yaonsahhoqwadennyeghde ne *Paul* neghyaare jiniyught ne kanyadarakeh: nok ne *Silas* ony *Timotheus* ok eghyeghnideron.

15 Neoni ro-nonhha ne ne wahhonwaghsharine ne *Paul* yahhonwayathewe etho *Athens*: neoni waghniyena ne ji-nahhonwennenhhaghse ne ro-nonhhakeh ne *Silas* nok *Timotheus* ne nyaonwayadorene nakwah ayatyadaghsnorade, erenh saneghde.

16 Nonwa ji-nikariwes ne *Paul* waghshako-nonna ne etho *Athens*, ne rao-nikonra nen-ondoryaneron ne raonh-hatserakonh, ne o-nenh wahhatkaghtio ne jikanadowanenh tyukwekdonh ne yondadawyh kayadonnyh konwarighwanekenny.

17 Ne wahhonny watharighwake-nha wathorighwadeghdane etho o-nonghsadokenghdikeh ne *Jews*-aka, neoni yehhadikwekonh ne rodirighwiyughstonh ronnonkweh, neoni ji-nonweh niyontkeghrondaghk'wa niyadeweghniserakeh radikwekonhhatye ne ne dehhonwaderaghdonh ne raonhha.

18 Ethone odokenhonn ne ne rontdokhase ne ne *Epicureans*-aka, o-nenn ne ne *Stoics*, tahonwanigonrharen. Neoni ottyake wairon, Oghnahhoden onghdeh enhhennon ne ken-ikenh rendorha nihoderighwatye-nighkowah? thikade hotyake Anyoh ji-niyught ne aaghshakokeghronnihheke ne nyaghdeye-niyohserayenderyh: ne aoriwa ne raonhha raderighwaghnotta ne ro-nonhhakeh ne Yesus, ony ne enjontketsko.

19 Neoni wahhonwaye-na, neoni eghyahhonwayathe-we *Areopagus* (ji-enthowade-nyenden) wahhonniron, Yakweghre ayonkwadokenghse oghnahhoden ken-ikenh ase ji-nikarihodense, ji-nahhoden sheyadatyadenny, ne naah?

20 Ikenh ise waghserighwihhewe orighwiyu ne yut-yeron ji-nikarihodense yeyonkwahghondokatha: ne wahhonny yakweghre akwah ayonkwadokenghse jinahhoden kendon ken-ikenh.

21 (Ikenh akwekonh ne *Athenians*-aka neoni ne aka onghwenjayashon ne ne eghwaako-nisko yahhothenon ne oya, nok ne ahshagodihrori, nenedhens ne ayakothondeke ottyake noriwase.)

22 Ethone *Paul* wathadane raodinenhherhenh ne *Mars'* yonghnyahhere, ony wahhenron, I-se jonkwehhokon ne *Athens*-aka, Dekwayadoreghtha ne ne akwekonh jiniyadekariwakeh ise wahhy yeyudohhetstonh sewaden-nikonghrakade ne akdey.

23 Ikenh ji-niyught neghshondakadonkoghde, neoni wakwariwakense jini-sewayerenh I-ih waketshenry ne jiyeyadaraghstha ne ken-ikenh eghkayeronnitstonh, **JINONKA NYAGHDEDEWANIYOHSERA YENDERYH.** Ne wahhonny ise wahhy kayadaghdonghtsera sewarighwanekenny, raonhha wagwarihowanahthe ne isekeh.

24 Niyoh wahhy raonghwenjison neoni orighwakwekonh jini-wat, desewakanere ne na ne Royaner ne karonghyakeh nokhony nonghwenjakeh, yahheghdehhanakere jikanonghsodon nosnonghsa wadonh;

25 Yahhony ne akonwarighwanekennihheke ne onkweh osnonghsa, ethosane raonhha daodonghwenjony jio-kenh nahhoden, desewakanere shakowyh no akwekonh ne yakontthe, neoni yondonryese, ony orighwakwekonh;

26 Neoni skaghnekwagsah jiroghson nonkyongh-wanjakwekonh ne onkwehhokon ne ne ehhaye-nakereke ne akwekonh akonwathonden ne onghwenjakeh, neoni roweyennendaonh ne yakayerine arekho shikaweyennendaonh, neoni ne eghnonweh nen-ye-nakerekeonweh.

27 Ne ne aonwayadisake ne Royaner, doka aontyesen aondon yayontdoke aonwayadatshenry, nok enhhonwayadatshenry, etho-nenne yahhinonh thadedewadere ne ji-niyadetyonkwedakeh:

28 Ikenh raonhhatserakonh yetyonnhe, ony jidewatyadoryaneron, nokhony ne shonkyonnhedonh, ji-niyurighwiyu ony sewawenghk-onweh ne ji-nikaghyadonnyon nen-yudadyh, ikenh ony nonkyonhha raonhhakeh nityonkwe-nonh.

29 Ne wahhonny denghnon ji-onkyonhha wahhy eghtyonkwadonnionh Niyoh-neh, toghsa naedewerheke ne kenh ne jikayadakweniyu ne Niyoh aniyught ojinekwar, ne denhens karistanoron, ne denhens o-nen-ya, akayanadiyoseke ne onkweh ako-nikonghrowanenghtsera ji-nayakoyeren thiyeyako-nowenghdonh.

30 Neoni ne kaok nonweh nikenhhatyeh ne ken-ikenh ji-nikayadaghdonghtserodenh Niyoh denhhatkaghrondy; nok nonwa yonkhiyennyh wahhy akwekonh ne tyonkwehhokon ji-ok nonweh ne naonsedewadatrewaghde:

31 Ne wahhonny raweghniserarakwenh, ne o-nenh denthayadoreghdane ne jiyonghwenjade ne atdakwarighsyonghtserakonh kaok nihhayadare raonhha shakorighwakwadakwennyh; kaok niyuriware enghshakowy norighwiyuonweh nakwekonh nonkwehhokonkeh, endewerheke raonhha wahhy shoketskwenh jirawenhheyonghne.

32 ¶ Neoni ne o-nenh ro-nathonde ne ne jiyontketskwaghs ne yakawenhheyonh, ottyake wahhonwaghtsteriste: nok notyakeshon wairon, Enkwadahhongsadade wahhy are ne ken-ikenh ji-nikarihhdonh.

33 Eghkady naawen ne *Paul* erenh sareghde ne raodityughkwakonh:

34 Etho kady nenne radiyatatogen ronnokwehhokon raonhhakeh waotyeghde, ony dahhonneghdaghkwe: raodityughkwakonh ne na neh *Dionysius* ne *Areopagite*, neoni ne tyuthonwisen konwanadonghk'wa *Damaris*, neoni shekonh oyashon ne konne.

CHAP. XVIII.

Paul *royude rasnonkeh ratha*, neoni *yehhaderighwagh-nodon etho Corinth ji-nonweh ne nyaghdehhodirigh-wiyughstonh*.

OGHNAKENKE nenshonderighhonkoghde ne ken-i-kenh ji-nikarihodense *Paul* erenh sareghde ne *Athens*, neoni eghyahharawe etho *Corinth*;

2 Neoni wahhonwayadatshenry odokenhonh *Jew*-aka ronwayats *Aquila*, eghtho-nakeradonh *Pontus*, onghwakhah iroh thoyenghdaghkonh *Italy*, yeghnikwekonh ne rone *Priscilla*; (ne aoriwa ne ne *Claudius* shakawenyh akwekonh ne *Jews*-aka ne erenh daondahhonneghde ne etho *Rome*;) ony ehshonnewe ro-nonhhakeh.

3 Ne wakarihony ne raonhha ji ok ne shahhontdok-hatserah, enskatneh radinakere, ony shahhodiuydengh-serat: ne ro-naderihhonde yonde-nyadarodaghk'wa nonnyanyon.

4 Neoni shako-nikonghrisax raodinonghsadokenghdi-keh niyadewendakeh, neoni ne nashako-nikonghratshenry ne *Jews*-aka nokhony ne *Greeks*-aka.

5 Neoni ne o-nenh ne *Silas* nok *Timotheus* eghdon-daghniyenghdaghkwe *Macedonia*, *Paul* nendehhonnets-toghrarakonh ne rao-nikonrakonh, thahhakwatho wahharigh-waghnirade ony ne ethoh *Jews*-akakeh ne na ne *Yesus* ne *Keristus*.

6 Neoni ne o-nenh wathondade-nikonrharen ok ro-nonhha, wahhadirighwayesaghdanyon, waghrondawede ne rao-nena, nok waghshakawenhhaghse, Sewanek-wenghsa dakarane sewanonjineh; Wakade-nohhareh n'I-ih kenghkady Yenkaagdendy ji-nonka ne yaghdetho-dirighwiyughstonh.

7 ¶ Neoni erenh sareghde neghnonweh, neoni raya-dadokenh ne ronkweh ro-nonghsode eghyahhadaweyade, ronwayats *Justus*, ne shayadat ne na ne rorighwanekenny ne Niyoh, ne wahhy dekyennonghsanekenh ne raodionghsadokenghdy ne *Jews*.

8 Neoni *Crispus*, ne rayadakwe-niyu rakowanenh ne *synagogue*, daghreghdaghkwe ne Royaner-neh yekakwekonh ne rao-nonghsakonh; eso ony ne *Corinthians* ronathonde dahhon-neghdaghkwe, ony waontnekoserahhon.

9 Ethoghkeh wahhowennarane ne Royaner ne *Paul* aghsondakonh raodetshenghsarakonh, Toghsa saghderonsek, sheyadadyh denghnon, toghsa thasadodat ne kayanerenh:

10 Ikenh I-ih ide-nese, nokhony yahhonghka nonkweh thadaesatrennhose ne navesakarewaghde: ikenh esose Wakonkwedayen ne kenh kanadayen.

11 Neoni yahharighwakondaghkwe, ne etho nonweh joghserat nok yayak niweghndakeh, shakorihhonnyenny ne raowenna ne Niyoh raodityughkwakonh.

12 ¶ Neoni ne o-nenh ne *Gallio* ne na ne royadonoghne ne *Achaia*, ne kady ne *Jews*-aka dahhadirighwanekare ne skanikonrat wahhonnony ne naonwatkon-den othe-non naonwayere ne *Paul*, neoni eghyahhonwathewe jikanakde nadewendeghtsera,

13 Wahhonniron, Ken-ikenh onkwedaxhenghskwa shakawenny nonkwehhokon eghhisewennidenghdas ne Niyoh akdeji ne ji-nonka niyeyuderighwinonh ne kayanerenh.

14 Neoni ne o-nenh ne *Paul* ne nonwa nenshahhanhodonko ne raghse-neh *Gallio* waghshakawenhghaghsa ne *Jews*-aka, Dokat nonkenh ne enkenhhake ne akde ne denhens nakwah karighwaxenh, O I-se ne *Jews*-aka, ayonnikonghrayendonwe aondon onghdekenh ne ne I-ih akeronghyaken yaedenikwekon:

15 Nok doka nonken ne ayerighwanendon ne owennaokon nokhony ne kaghseennaokon, neoni ne ji-nise wagh-tyawenratsherodenh, sewarighwakaen-yonh, ikenh yagh-thaakjenhhayen ne eghnikarikhodense.

16 Neoni saghshakodory ne jiyontyendaghk'wa ne adewendeghtsera.

17 Ethoghkeh akwekonh ne *Greeks*-aka wahhonwaye-na ne *Sosthenes*, ne thayadakwe-niyu rakowanenih ne o-nonghsadokenghdikeh, neoni wahhonwayenghdanyon wahhonwakarewaghdanyon etho ji-nonweh nihhontyen-daghk'wa naghshako-nadewendeghde. Neoni *Gallio* yaghkariwa othe-non dehhaonnyh ji-neken nikarihho-dense.

18 ¶ Neoni ne *Paul* wahhonnise ji-nahhe oghnaken-keh shekonh eghrenderon, neoni ethone nensaghshakoyadondy ne radadekenhokon, neoni wahhadida kahonwakonhi erenh sareghde ne ethoh ken-yahharawe *Syria*, noni ronne ne *Priscilla* nokhony ne *Aquila*; nenrode-nonghkaronh ne rao-nonji-neh ne ethoh *Cenchrea*; inkenh othenon rorihwison ne yorihwahniron.

19 Neoni eghyahharawe *Ephesus*, neoni eghyahshakoderon: nok raonhhaah etho yahhadaweyade o-nonghsadokenghdikeh, neoni wathondade-nikonghrisake ne *Jews*.

20 Neoni ne o-nenh wathonwadonghwenjoghse, neh-haenderondake ayonnisa ne ro-nonhhakeh; yaghdehhot-hondadonh;

21 Neok ne degshako-nonghweradon donsahhondek-haghsy, radon. Yahhoghthaakyere T'Kakonde denxnye-ne ne ken-ikenh wadennyude ne ne enwawe etho *Jerusalem*: nok enskewe are ne I-sekeh, dokat ne Niyoh en-reghre eghniyawen. Neoni yahhatshiroden yahhayenghdaghkwe *Ephesus*.

22 Neoni ne o-nenh shiyahhaghrarho etho ne *Cesarea*, ony yahhaghdendy, nok yathanonghweradon ne otyughkwadokenghdy, eghwareghde *Antioch*.

23 Neoni oghnakenkeh ne ji-ok thaadenniskwaghdde ne etho, nenkady erenh sareghde, neoni wahhaghdendy wareghde ne akwekonh ne jiye-nakeronnyon ne *Galatia* ony *Phrygia* nyaakwadako, yaaghshakoyadaghnirade akwekonh ne ne ronwaghnonderatyeskwe, (ne *Yesus*.)

24 ¶ Neoni rayadadokenh *Jews*-aka ronwayats *Apollos*, ehonkweh thodonhonh *Alexandria*-neh, roshats-tenghsrayen ro-nikonghratshanight, nokhony rarighwashaatste ne kaghyadonghseradokenghdikeh, eghyahharawe *Ehpesus*.

25 Ne ne ken-ikenh ronkweh ne ronwarihhonyennyh ne ji-niyeyuderighwinonh ne royaner-neh: neoni o-nenh yudarihhenh ne rao-nikonrakonh, wahhadady ony waghshakorihhonyen wahhatste-nyaron ne ji-nikarihhdense ne Royaner-neh, ne ok ne aodinikonradane ne shakoghnekoserhonh ne *John*.

26 Neoni dahhadagsawen wahhadady rowennagh-ironh ne etho o-nonghsadokenghdikeh: raonhha ne o-nenh ne *Aquila* ony *Priscilla* nenro-nathonde dahhonnennonke ne ro-nonhhakeh, neoni wathorighwatheden ne ji-niyeyuderighwinonh ne Niyoh-neh senhha yatharighwadokenghde wahhawayennedane.

27 Neoni ne o-nenh wathennikonrharen nen-aadonkoghde niyaare *Achaia*, ne rondadekenhah yehhonnwagh-yadonnyh, ronwadighrejaron ne rodiyadadokenghdy ne ne aonwatsteriste; raonhha, ne o-nenhshiyahharawe, senhha ese waakoye-nawase ji-nikonh ne nentyakaweghdaghkonh ok thiyuderihhokde kendenreghtsera:

28 Ikenh raoshatstenghsarakwekonh jiwaghshakonikonghrayendaghden ne *Jews*-aka, ne nekenhenh thonderighwakwatho ne kanenghrakeh, waghshako-nadonhaghse ji-niyught nekaghyadonghseradokenghdiokon ne na ne *Yesus* ne *Keristus*.

CHAP. XIX.

Ronwawyh ne kanikonghriyughstonh rasnonkeh ne Paul.
NEONI nenshondonkoghde, aoriwa, jinahhe ne *Apollos* eghshirese etho *Corinth*, *Paul* eghnahhadonkoghde jiyudokdanyon e-nekenh dewadonghwenjaddaghkwenh yahharawe ethoh *Ephesus*: nok waghshakoyadatshenry ne rodiyadadokenghdy,

2 Wahhenron ne ro-nonhhakeh, Sewaye-nekenh ne *Ro-nikonghriyughstynh* ji-nahhe shedediseweghdaghkonh? Neoni wahhonniron ne raonhhakeh, Yahhothenon ne ok ony ne ayakwaghronkaghseke ne kaok nakayendake ne *Ro-nikonghriyughstonh*.

3 Neoni saghshakawenhhaghse ne ro-nonhhakeh, Oghkady neken nahhoden ne ethone aoriwa sewatnekoserhonh? Neoni sahhonniron, Ne ne *John* shakoghnekose-raghtha.

4 Ethone sahhenron ne *Paul*, *John* orighwiyu ne eghhisewaghnekoseraghdonh ikene ne adatekoserhon ne enjondatreuwaghde, wahhenron ne onkwehhokonkeh, ne ne aondahhonweghdaghkwe ne dare ne naoghnaen, ne naah, ne Keristus Yesus.

5 Ne o-nenh ro-nathonde ken-ikenh, nenwahhontneko-seraghwe ne raghsennakonh ne Royaner Yesus.

6 Neoni ne o-nenh ne *Paul* shadeghskaho-nisnonghsaren onwe wahho-natyenhaghse ne Ro-nikonghriyughstoh; neoni wahhondady niyadeyewennodenshon, ony yahhadiriwaken.

7 Neoni akwekonh ne ji-nihhadyh ne ronnonkweh tekenyh onghdeh yawenre.

8 Neoni etho wareghde o-nonghsadokenghdikeh, ony rowennaghnironh rodewennadakaride kennakariwese-ne aghsenh niweghnidakeh, dehhoriwadeh dehhorighwake-nhenh nokhony shakodeweyennonnyenny neghniyayako-nikonghrehhawe ne ji-nikarihhdense ne ji-niyutyerenh ne raoyanertsera ne Niyoh.

9 Nok ne ji-o-nenh yawedowanenh yutkade nenyughnirhaonh, wahhondennowenghde, akwah ne ok neh wahhetken rodighthare ne kentyughkwakeh, erenh sareghde donsahhondekhaghsy ne ro-nonhhakeh, neoni nendonsahhondekhaghsyonko ne rodiyadadokenghdiokon, dehhodiriwadeh niyadeweghniserakeh etho jiyondaderihonnyennitha ne enskat *Tyrannus*.

10 Neoni Ken-ikenh onderighwaghdende deyughserakeh ji-nikariwes; eghkady niyught akwekonh neghradinakeraghserakonh *Asia* ronghronkaghs nenne-eh ne raowenna ne Royaner Yesus, yehhadikwekonh ne *Jews*-aka nokhony ne *Greeks*-aka.

11 Neoni Niyoh royude yutyudenghseratyanadonh ne rasnonkeh ne *Paul*:

12 Eghkady ne ne raoyerondakeh daweghde eghyah-hoyathewe ji-nonka t'kanonghwakdenghsera wahhiraghse o-nyadaraah yontkonghso-kewaghtha dokadenhens yonnighnanyax, ethone ne kanraxhenseokon erenh enskonneghde ne ro-nonhhakeh, nokhony ne kanikonghrah-hetkense sakondiyakenne ne ro-nonhhakeh.

13 ¶ Ethoghkeh radiyatatogenh yahtehodirihwatogen ok thihonnese *Jews*-aka, radefaghsotha, eghkady naawen ro-nonhha. raodinikonra eghwabhonneghde ji-nonweh ne ne ro-natyennyh ne kanikonghraxhenh ne raoghsenna ne Royaner Yesus wabhonniron, Wakwenhaghse (yurih-hothiye) ne Yesus raonhha, ne *Paul* rorighwaghnodon :

14 Neoni etho nonweh Jadaghk nihhowirayen radijin ne shayadat ne *Scava*, *Jews*-aka, rayadakwe niyu ne radijenhhengstajyh, eghkady nihhodiyyerenh.

15 Neoni ne ranikonghraxhenh sahharighwaserako wahhenron, Yesus riyenderyh, nok *Paul* riyenderyh, nok onghka neken nise ?

16 Neoni ne ronkweh ne raonhha ne ranikonghraxhenh degshakoghskwenghdondh ne ro-nonhha ony nenshakotkonnyenghstennyh ne ro-nonhha ony rotyadakwe-niyughstonh shakotkonde ro-nonhha, eghkady naawen nensahhadiyakenne neghkanonghsakonh sahhondeko raodiwaseronjy nok ro-natkarewaghdanyon.

17 Neoni ne ken-ikenh nensithadirighwayenderyh akwekonh ne *Jews*-aka nokhony ne *Greeks*-aka ony neghradinaakere *Ephesus* ; neoni kaghderonghxhera wahho-nadasenghden akwekonh, neoni ne raoghsenna ne Royaner Yesus nenronwakowanaghtha ronwanendonghs.

18 Neoni kentuyghkowanenhe ne ne tyakaweghdaghkonh eghwaonwe, ony yondonderese, ony thaekwatho ne ji-niyakotyeranyon norighwiyo.

19 Eso ony yakonh ne ne yontstaghkwe ne ne yude-righwatyeron ji-niyuyanerehe, enskatneh wahhadihhewe ne raodighyadonghseraokon, eghkady wahhontshaaghde raodihhendondh akwekonh ne onkwehhokon : neoni dahonrade ne ji-niyukara nethoh, nok wahhaditshenry wisk niwaghshenh niwenyawe-eghtseraghshenh nikaghwistakeh.

20 Eghnaawen wakashatstenne onderighwaghdendy ne raowenna ne Niyoh nokhony ontyadakweniyughste.

21 ¶ Oghnakenkeh nenshonderihhokoghde ne ken-ikenh ji-nikarihodense, *Paul* yahhadadaghtkawekani-konrakonh, ne o-nenh shathadonkoghde ne *Macedonia* ony *Achaia*, nen *Jerusalem* niyenhhenre, wahhenron, Oghnakenkeh nenshiyakkwatho ne ethoh, wakeghre T°Kakonde ony yenkatkaghttho ne *Rome*.

22 Eghkady yaghshako-nhane kennonweh *Macedonia* degghniyaghshah ne ne dehhonwarighwakanere ne raonh-hakeh, *Timotheus* nok *Erastus* ; nok ne raonhha ok egh-yehhenderon *Asia* aoriwa wahhoweyenstase.

23 Neoni akwah shatkariwaghde ne ethoh ehonde-righwaketsko yaghkendeyuriwa dejoderighwaghdeyentyonh ne ne eghnonkadighkonh.

24 Asekenh rayadadokenh ronwayats *Demetrius*, raristanorontseronny, ne wahhaghsaaghse enwatyadagghseronnyade ne *Diana*, waehhewe yaghkendeyukaraah ne ji-nihhaweyenniyuh ne ronkweh ;

25 Raonhha waghshakoyadaroke enskatneh jini-konh ne shadehhodiyudenghserodense, nok wahhenron, dekwononghweradonnyon, sewaderyendare wahhy ne ne ken-ikenh jini-kaweyenniyuh jiyonkwayen nonkwatshokowaghtsera.

26 Senhha jiniyaawen sewatkaghtoh desewakanere sewathonde ony, yaghne ok thiyadeyuyadighstonh ne ethoh *Ephesus*, nok se nenthoah yadayuhhetste akwekonh ne *Asia*, ne ne ken-ikenh *Paul* wadeghshako-nikonghkarhadenyonko eso donsayontkarhadeny ne onkwehkon, radon yaghneken kaneka dekaniyohserayen, ne ne osnonghsa aondon jikaghson.

27 Yaghneken ne ok dekenh ken-ikenh onkwatdokhatsera ne na deyuderyentharaghk ne neh ne aontyadakweniyughste ne jini-nonweh nyahhothe-non thiyadayurihhondane ; nokhony shaden-yawen ne ononghsadokenghdy (*temple*) ne ne kaniyoh-serowanen jikariwakenghs ne *Diana* nese ne watswadane, nokhony jini-kaweyenna jiniyudaghsyonghs ne ne waghdonghsere, eghwahhy akwekonh *Asia* ony ne onghwenjakwekonh ne-yerighwanekhake.

28 Neoni ne onenh ronathonde ne ken-ikenh jini-karighwakweniyuse, dahhodinak'wen, nok wathodihhenreghe, rondon, Kakowanen-se ne *Diana* ne jini-nonweh ne *Ephesians*.

29 Neoni ne kanadakwekonh wakanaghne watyako-nikonrharen yuneghrakwah deyunikonrharaght: ony wahonwanatyenawaghste *Gaius* nok *Artarchus Macedonia*-aka, *Paul's* rondenrotyese ne jironthaghhine, yahhadinenghrareke skanikonrat wahhonde ji-nonweh nikanongh-sode rontkaghritseronnyatha niyadekonh enyeken.

30 Neoni ne o-neih ne *Paul* nenshathadenenghrawe-eghste ne onkwehhokonkeh, ne kady ne *disciples* yaghdéhodinhonghweonh.

31 Neoni odyake ne ne radiyatagweniyose ne *Asia*, ne na ne rondenrookon, yahhondennhane ne raonhhakeh, ne ne yaonwenhhaghse toghsa aaghshakotsterise ne ne jidehhontyeronnyonghk'wa.

32 Ne kady wahhonny ottyake dehhodihhenregghtha joriwat, nok notyake thikade; ikenh ne jiwatkennison wathondennikonghradihhanon; nok ne kenyughkowanen ne yaghderyakodokadaonh jimahotenh wagarihonni enskatneh wahhontkennisa.

33 Neoni yahonwayadadironde ne *Alexander* ne kentyughkwakonh, ne ne *Jews*-aka ohhendonh yathonwadenghste. Neoni ne *Alexander* waghshakoriste rasnonkeh warade, neoni thorighwareh ne raoyadake-nhaghtsera ne onkwehhokonkeh.

34 Nok ji-o-nenh wahhodidokenghse *Jews*-aka onghkekenh nahhayadoden, akwekonh sharitstah wahhonde tekenyeh onghdeh watkaghwistaeke ji-nakariwese-ne jidehhodihhenregghtha (rondon) kayadakwe-niyu naah ne *Diana* ji-nonweh ne *Ephesians*.

35 Neoni ne o-nenh ne ne kanadakonh rarighwakwadakwaghs nensaghshakorighwakwadakwaghse ne onkwehhokon skennon sondon, wahhenron, jonkwehhokon ne *Ephesus*, onghka onghdeh nonkweh ne ne yahghtyakoderyendarake jiniyutyerenh neghkanadayen ne ne *Ephesians* ne wahhy nekonwarighwanekenny ne konwakowanaghtha ne konwaniyoh *Diana*, neoni ne ne joyerenh ne nahhoden ne yudasenghdennyh tyuyenghdaghkonh *Jupiter* ?

36 Se-nikaen-yonh denghnon ne ne ken-ikenh karighwaokon yaghderyaweght othe-non, akonwenhhaghse, thadaewadodeke denghnon, neoni toghsa othe-non najatyer ne t'kaghrerihhenhonkeh.

37 Ikenh kenthoh waetshiyathewe ken-ikenh ronnonkwenh, yaghwahhy degshako-naghseghtha ne kentyughkwadokenghdiokon, shekonh yaghdekonwarighwayesaghdanyonghs ne sewaniyoh, (ako-nheghtyen.)

38 Ne kady waghonny dokat ne *Demetrius*, neoni ne radiyanadaweyenhonh ne ne radikwekonhhatyese ne raonhha, rodiriwayen enghshako-natkonden ne ji ok onkweh, o-nenh karighwanhodonkwenh ne kayanerenghsera, neoni kenwahhy ne ronwadirihhondon: ne denghnon dehhondatyenawas ne radiyanenhhah.

39 Nok doka aesewarighwisake ne ji ok nahhoden ne ji-niyutyerenh ne oya ji-niyawenghseron, T'Kakonde nenne enwaderighwakwarighsy jiyuderighwakwarighsyon ehhendewatkennisa.

40 Ikenh eghdewenderon ji-nonweh nadeyuderyentarah nen-ehhentyonkhinonke jienwaderighwisake ikenh ne kenweghniserade-nyon yaghdeyokwaghts, yaghwahhy ne thakarihonny kaok niyuriware naondon yayethiyon ne enkarihonny ne ken-ikenh jiwatkennison.

41 Neoni ne o-nenh shiyahhadewennenthon onenh saghsakoghtkawe ne kentyughkwa wathennison.

CHAP. XX.

Paul *kenwareghde* Macedonia, *eghyahharihhowanaghde* ne *Royaner yukaraghskhah kakon*, *nokhony waghaderighwaghnodon.*

NEONI ne o-nenh shiyadonsakayendane jiyaghthiyokwaghtstheonh, *Paul* yaghsako-nonke raonhha-keh ne rodiyadodokenghdy, neoni wadeghsako-netstorarake daghsakorighwarexhe, neoni erenh sareghde *kenwareghde Macedonia.*

2 Neoni ne o-nenh eghshiyahharawe jiyenakeronnyon, neoni eghnonweh yaghsakaon ne kaghrejaronh, nenyahharawe ethoh *Greece,*

3 Neoni etho wathadane aghsenh niweghnidakeh. Neoni ne o-nenh ne *Jews*-aka eghwaghonwennonna, (wathonwaghsnye-ne) ne ji-o-nenh radidaanhe enhhatshiroden *Syria* nonkadyh, nok ireghre kenniyenhhenske *Macedonia.*

4 Neoni etho enskatneh wahhonne ne raonkha ji-nonka ne *Asia*, *Sopater* yahhayenghdaghkwe *Berea*; neoni ne ji-nonka ne *Thessalonians*, *Aristarchus* ony *Secundus*; nok *Gaius* ne ji-nonka ne *Derbe*, neoni ne *Timotheus*, nok ne ji-nonka ne *Asia*, *Tychicus* nok *Trophimus*.

5 Ne ken-ikenh waihonghdendy ohhendondh ehentyonkhiyennonna *Troas*.

6 Neoni nenwakwatshiroden erenh sayakweghde ne *Philippi* nenshondegghniseronkoghdanyon ne yaghdewatdenkwaghdondh kanadaroghk, neoni yaghshakodiyadonne etho *Troas* wisk nonda, eghwatyakwadane jadaghk nonda.

7 Ne kady ne dondegghniseratyerenghde ne jinandekyadendadere, o-nenh ne *disciples* enskatneh waihontkennisa ne ne daadinadaryakhon, *Paul* waihaderighwaghnodon ne ro-nonhhakeh, nenshihhadenrharats nenhaghhdendy nen-yorhenne; nok okho-nenh ji-nithoyerenh rorighwaghsawatye ji-nikariwes aghsonthenh.

8 Neoni eghnonweh yawedowanenh deyughswathe ne enekenh nikanakde, eghnonweh enskatneh nihho-nat-kennison.

9 Neoni eghrenderon jiyughsendakaronde rayadadokengh ranekenghderonhah ronwayats *Eutychus*, eghwaihodawe nakwah waihoserenghdaghnirha: ne kady ne *Paul* ji-wahhariwetste jirarighwaghnodon, eghrodaskowah, neoni eghdahhayadenne ne naghsehhadond nadeyunakdanet, nok eghdonsahhonwayadaghkwe rawenhheyonh.

10 Nok *Paul* yahhatsnenghde, neoni ok egthiyahhottyadondy, neoni yahhoye-na yahhognnyasa wahhenron, *Toghsa* desewaderyentharenh; ikenh ne jironahe iwat ne monhhatserakonh.

11 Nekady ji-o-nenh shiyonsahharathen are, neoni nenshadehho-nadaryakon, ony nenrodikonh, neoni kariwes ji-nahhe roghthare, yakahhewe jinondawendoden, nen-erenh sareghde.

12 Neoni eghsahhonwayathewe ne ranekenghderonhah ronze, neoni yaghkendeyurighwaah jisahhourishandane.

13 ¶ Neoni eghwaakweghde jtkahhonyen, nok yaakwatshiroden ji-nonka ne *Assos*, etho nonweh ronnerhaghkwe aonwatye-nawaghste ne *Paul*: eghkady ne naawen ne wakhadaderakwaghse, wareghre eghdakeghshon niyenhhenke.

14 Neoni ne o-nenh watyakwaderane etho *Assos*, o-nenh waghshakwayadida, yaakwawe etho *Mitylene*.

15 Neoni nenwaakwaghdendy ne kenthoh waakwatshiroden, neoni ji-oy sayorhenne yaakwawe deyudokenghdonh ne *Chios*; nok jiwaorhenne nen-yaakwawe etho *Samos*, nok eghwatyakwadane *Trogyllium*, nok jiwaorhenne eghyaakwawe *Miletus*.

16 Ikenh ne *Paul* tho-nikonrakonde rodadeweyenendaonh ne eghnonka yenshatshironde *Ephesus*, wahhony yaghdereghre aonke-nisko ne etho *Asia*: ikenh wathoghsterihhen, doka nonken eghnayawen aondon ne raonhha, yadakavery yaarawe etho *Jerusalem* ne weghniserade ne wendowanen ne *Jewish*.

17 ¶ Neoni kenthoh *Miletus* yahho-nhane jinsonka ne *Ephesus*, ne yaghshako-nonke ne thodixdenhase ne kentuyghkwadokenghdy.

18 Neoni ne o-nenh eghshahhonnewe raonhbakeh, waghshakawenhhaghse, Jaderyendare, ne shondondenghniseratyerenghde ne Eghshakewe *Asia*, oghnakenkeh ne ji-nikarihhdodenh ne shidewakwekonhhatyeskwe ethone nakwekonh shiyakayerine shiyahhonderighwihheghseron,

19 Eghshidewayudenghse ne Royaner onkwankonghrakwekonh ji-niyonkwashatstenghsera eghdakeh yonkwadadonnyh, nokhony deyonkwakaghserendonhonyeh, nokhony deyonkwanihaghrodonghs ne wahhetken, ji-nahhoden wakadasenghdenny daweghde ne o-nowenda ne neh ro-natyennyh ne *Jews*-aka:

20 Neoni yahhothe-non dedewakerighwenronh ne nensewadonghradaghkwe nisekeh, akwekonh kwanadonnyh, nokhony kwarihhonyennyh thontkwatho wesewaken, akwah skanonghsatshon donderade ji-niyadekanonghsakeh,

21 Wakerighwaghnrade yekakwekonh, ne *Jews*-akakeh, nokhony ne *Greeks*-neh, aonsayondatreuwaghde Niyoh-neh nonkadyh, daondayakeghdaghkwe ne Royaner-neh Yesus Keristus.

22 Nok nonwa, jatkaghthoh, Enkaghndendy akwah ake-nikonrakonh ji-nonka ne *Jerusalem*, yaghdewakaderyendare ne ji-nahhodenhokon ne ne T' Kakonde oghkiok nenwakyadawen ne ethoh :

23 Ne ok ne kea-igenh ne-nenne ne Ro-nikonghriyughstonh ne rorighwaghnrathontyese ne ji-niyadekanadakeh, radon ne ne thoikenh yeghnerenkhon ony yakoronghyakenhhatyese ne aonsahhakwatyenhaghse.

24 Nok yahhothe-non ne ken-ikenh karighwaokon ne aonkwadakeraghkwen, yahhony dekeghre yadakyadiake jikonhe ake-noronghkwe, ne ne eghnayawenne ne ne dokat Akeweyennendane ji-niyahhonkwe-nonhhatye naonkwadonnharake, neoni ne ji-nenwakyeren, ne nahhoden Nenwakye-nah ne Royaner-neh Yesus, ne kady wakerighwaghnrade thakerighwakwatho ne raodenrat ne Niyoh.

25 Ne kady nonwa, jatkaghthoh, Kwayenderyh sewakwekonh, sewanenhherhenh wahhi gwarihwahnotonni ka ok niyewagenon ne raoyanertsera ne Niyoh, o-nenh yaghtaonsaghskwakonghsaken.

26 Ne wahhonny I-se wakonnyahhese ne nenghsaderighwadeweyendon kenghweghniserade, ne neh Wakadenohhareghkventhonh ne jikaghnekwagsade ne akwekonh ne onkwehhokon.

27 Ikenh yahhothe-non dekaderighwadekwaghs ne nakaghtkawe jikwarihhowanaghdeny ne isekah akwekonh ji-nighshonkwawyh ji-nighshonkwarihonnennyh ne Niyoh.

28 ¶ Ne kady wahhonny sewadennikonrarenh yadesewayadighshon, nokhony akwekonh ne kentyughkwa, senhha yenwadohhetste ne Ro-nikonghriyughstonh eghjhisewayadison ne-eh eghjhisewaka-en-yonghs, ne naesewanonde ne raononghsadokenghdy ne Niyoh, ne nahhoden roghni-nondaghkonh rokaryakdonh nakwah raonhha rao-nekwenghsa.

29 Ikenh wakaderyendare ne kenhenh, ne ne nenhen-
sewakaghdentyonh T^rkakonde na en-yakodironghyaken-
de nokwahho-okon enkondayade sewanenrakonh,
yahhenskat thaonsayakodidenre ne ji-nikaghnekwagha.

30 Eghnensewayadawen nakwah yadesewayadigh-
shon T^rKakonde nonkwehhokon den-yedane, en-yetshi-
yadatyase ne yodeh nakarihodense, ne ne aonsesayadon-
dako ne ji-niyehho-ne-nonh ne rodiyadadokenghdy.

31 Ne kady wahhonny sewatyeghwadenh nokhony
seweghyarak, ne ne ji-nikariwes ne naghsenh niyughse-
rakeh Yaghdewakaghtkawenh ne ne kwaghrory kwa-
rihhonnyenny niyadejonh akkaghserakonh kenwendekeh
ok yewaghsondare.

32 Nok nonwa, dewadadekenhokonhah, Wakyonwe-
saghde ne Niyoh-neh, nokhony ji-nonweh ne owenna ne
rao-nidenrechtsera, ne wahhy enhhakweny enseghjhisewa-
ketsko, neoni ne enseghjhijon ne wadawayadaghtseriyuh
akwekonh ne ro-nonhha ji-nikentyughkwa ne wahhy en-
yondatyadadokenghdighste.

33 Yahhothe-non dekhe-nosshaghs onghka ne onkweh
akoristanoron, doka ony ojinekwar, ne denhens ne
ratsheromnyatha.

34 Orighwiyu n'I-se yadesewayadighshon sewader-
yendare, ne ne ken-ikenh ji-nikasnonghsakeh gonwadin-
haonh ne ne i-ighneh ji-nadewakadonghwenjonyh, nok-
hony ne ro-nonhhakeh ne ne yakweskwe.

35 Onenh wahhy wakwanadonhaghse orighwakwek-
jihonh, ji-nen-yawenne nensewadatyudenghse yetshiya-
dake-nhah ne yakoyadanetskhah, nokhony aese-negh-
yarake ne raowenna ne Royaner Yesus, oghnahhoden ra-
wenh, Orighwiyu senhha eso kayadaderightsera adonn-
haghraghxhera ne ayondaton jiniyoht ne en-yeye-nagh-
seke.

36 ¶ Neoni ne o-nenh shiyahhadewennentho, watha-
donthoden eghdakeh, neoni wahhonderennayen yehha-
dikwekonh.

37 Neoni akwekonh wathonghshentho wahhadirongh-
yaken, nok yahhonwaghnayasa, ony wathonwakwanyon.

38 Yawedowaneeh ne wahhedimikonghramonwakde ne ji-nikawennakeh ne ji-nahhoden wahhadady, wahhenron yaghden shekonh thaonsaghskwakonghsaken. Neoni ro-nonhha wathennityughkonden ji-nonka ne kahonweyakowaghneh, (yenhhadida.)

CHAP. XXI.

Paul yahhothe-non thao-nikonghrakweny ao-nikonghrakarenghrako ji-eghwaahhanonghdonhhaty Jerusalem.

NEONI nen-eghshaawenne, ne ne ognakenkeh nenshiyejonkhighnonkonh ne ro-nonhhakeh, nenkady kanyadarakeghkowah, akwah okthiyatyakwadokenghde ji-nonweh ne Coos, neoni ne weghniseradatye ethoh yaakwawe Rhodes, neoni nen-erenh sayakweghde ne ethoh yaakwawe Patara:

3 Neoni wakwatshenry kahonweyakowah wahhegdane ji-nonka ne Phenicia, eghkady wakwadida, ony wakwaghdendy.

3 Nonwa o-nenh yakwatthagtho yaokendane ne Cyprus, jakwanekwadgh nonkadyh, kenniyaakwe ji-nonka ne Syria, nok yakwaghrarho etho Tyre; ikenh eghnonweh naakedaghko ji-nahhoden yuxdetye ne kahonweyakowaghneh.

4 Eghwakhiyadatshenry ne rodiyadadokenghdy, eghwaakwatyen jadaghk niweghniserakeh: wahhonwenhaghse ne Paul yatyughhetste ne Kanikonra, ne ne yahheghthiyaonsare ne Jerusalem.

5 Neoni ne o-nenh shaakwaweyennendane neghweghniserade-nyon, erenh sayakweghde wakwaghdendy ne jyonkwahhade; neoni akwekonh eghwaghshakodiyathchhon ji-niyen-yakwe, rodineokon nokhony nexhaokonhah, ji-nahhe nenwakwayakenne ne kanadakonh: nok eghwatyakwadontshoden ajakda, nok waakwaderennayen.

6 Neoni ne o-nenh watyakwadade-nonghweronghkwentho, nensayakwadida kahonweyakowaghneh; nenkady sahghonghdentyonko jithodinonghsodon are.

7 Neoni ne o-nenh shaakwaweyennendane ji-niyen-yakwe kenghyakwaghdendy Tyre, yaakwawe etho Ptolemais, neoni watyakhinonghweradon nonkwadadokenhokon, eghkady enshatneh: waakwatyen seweghniserat.

8 Neoni ne jiwaorkenne ne ne ji-niyakyonh ne *Paul* shaonkwentyughkwat nenwakwaghdendy, neoni yaakwawe etho *Cesarea*: neoni eghwaakwadaweyade raononghsakonh ne *Philip* ne ne rarighwaghnodonghs norighwadokenghdy, ne na ne shayadat ne jadaghk nihadyh; ony raonhha enskatneh wakwatyen.

9 Neoni ne shahhayadat kayeryh nikondyh ne shakoyenhokonhah, kondiwinonh, ne na nohhendonh yeyu-diriwakenh.

10 Ne kady ji-nahhe eghwatyakwadane yodeghniserakade, eghwarawe dahhayenghdaghkwe *Judea* ne norighwiyu ne ne royadadokenghdy, ronwayats *Agabus*.

11 Neoni ne o-nenh eghwarawe onkyonhakeh, watraghkwe ne *Paul* raotyadanha, nok wahhanerenke rasnonkeh ony raghsikeh, nok wahhenron, Kennihhoyerenh ne Ro-nikonghriyughstonh, Ehho-ne-nen-yawenne ne *Jews*-aka ne ethoh *Jerusalem* ronwanerenk ok ne ne raotyadanha, nok eghyenhonwaghtkawe radisnonkeh ne yaghdehdirighwiyughstonh.

12 Neoni ne o-nenh wakwaronke ji-neken nikarihho-dense, shatyawen nonkyonhha, nokhony neghradinakere, waghshakwanonghstatshe toghsa neghyaare *Jerusalem*-neh.

13 Ethoghkeh ne *Paul* sahhariwaserako, Oghnahhoden sewendon dakwatstarase, nokhony ji-niyught ne ne daaghskweryaghsarighde? ikenh wakeweyennendaonh yaghdense ne ok ne ayonknerenke, nokse ony ehhenkihheye *Jerusalem*-neh enkarihhonny raoghsenna ne Royaner *Yesus*.

14 Neoni ne o-nenh yaghdehhothondadonh ne nashakwanikonghrakarenghrakwen, eghnatyakwarighwakdade, wakwenron, Ji-nentanonwene ne Royaner eghnen-yawenne.

15 Neoni oghnakenkeh jiweghniserade-nyon watyakwaghkwe nonkwasereghk, nok wakwaghdendy *Jerusalem* waakweghde.

16 Waakwe ony odyake ne ne ronaderighwakwarighsyonh *Cesarea*-aka, nok ronwaihawy shayadat *Mnason* ne *Cyprus*-aka, roxdenhah ne ne rorighwiyughstonh, rononhha enskatneh en-yakwatyen, (jiwakwennonwede.)

17 Neoni ne onenh eghyaakwawe *Jerusalem*-neh, ne nonkwadadekenhokonhah dayonkhiye-na dayonkhiyats-hennonny.

18 Neoni ok neweghniserade enskatneh ne *Paul* yaak-wadaweyade jirenderon ne *James*; nokhony akwekonh ne thodixdenhah etho enskatneh.

19 Neoni ne o-nenh wadeghshako-nonghweronghkwentho, wahharihhowanaghde ne karighwakweniyu thaa-righwakwatho ji-nahhodenshon ne Niyoh ji-maghshakotyerase ne kentyughkwa ne nyaghdeyakorighwiyugh-tonh ne ne raonhha ne ne raonhha shakorihhowanagh-dennyh.

20 Neoni ne o-nenh wahhonronke wahhonwanendon ne Royaner, neoni wahhonniron ne raonhhakeh, Wagh-satkaghtho kenh, tyadadeken, do-onghdeh niwennyaweghtseraghshenh ne *Jews*-aka ji-nikonh dayakeghdagh-kwe; radikwekonh wahhy radirighwanorongh'wa ne yuderighwakwarighsyonh:

21 Neoni nenrowanaghronkadonh ne ise, ne ne ise sherihhonnyeny akwekonh ne *Jews*-aka ne ne eghradi-yadare kentyughkwakonh ne yaghdehdirighwiyugh-tonh ne naonwaghtkawe ne Oses, yakawenh ne ne rononhha nyahheghthaadiyere ne nakayeronnitston ne raodixhada, yahhony ne thayerighwaghsera ne ji-nikarih-hodense.

22 Nahhoden kady neken aoriwa? ne kentyughko-wanenh t'kakonde ne deyudonghwenjohhonh ne enskat-neh aonkennisa: asekenh wahhy enhhonronke ji-o-nenh isah.

23 Ne wahhonny eghnajer ji-nahhoden yakwadon nisekeh: Yonkwayen kayeryh nihhadyh ne ne rodiyen ne ji-nikarharatstonh ne karighwiyughstaghk;

24 Ro-nonhha desadadeghkwaa, ony sadennikongh-rohhareh shaden-yawenne ne ro-nonhha, nokhony eghna-jadennikonrarenh ji-niyugt ne ro-nonhha, ne ne doka-nonkeh enhhontkenkare ne raodinonjineh: neoni akwe-konh naah en-yakodokenghse ne ne ken-ikenh ji-nikarih-hodense, kaok nonweh eghronwanaghronkadonh ji-niyutyerenh nise, wahhy yaghse othe-non; nok ne ne ise-yadeghsyadyh shaden-yawenne ji-ighse yajeryt, nokhony serighwenhhawak ne kayanerenh.

25 Ji-niyugt kenniyakhiyere ne nyaghdehhdorigh-wiyughstonh ne ne nenthoneghdaghkonh, nen-yonkwaghyadon nokhony eghniyonkwarighwison yonkwayeyennendaonh ne nenrodirihhondereonh yahheghdeka-rihhodenh, ne ok enjakoyadadery ne ne en-yondoghdarho ne ji-ni karihhodense ne ji-eghyeyondadaghtkawaghs ne ne kayadonnyh konwarighwanekenny, ji-ony nahotenh ne onegwenha agarake ji-ony nahotenh yoyatohraragon ji gonwaryo, ji-ony kanaghkwa karighwaneren.

26 Ethoghkeh *Paul* yaghshakohhawe ne ronnonkweh, neoni ne jiwaorhenne o-nenh wahhadadonnhakwadako nenwahhonne yahhondaweyade etho o-nonghsadokenghdikeh, ne ne ne akendonhheke ne aonsonderighwakadade aonsakanaghne ne jiweghniserade-nyon ne naonsayakao-nnhakanonnyade, ji-niyore nyare ne en-onwadiyenhaghse nese karharatstonh enthonwanaghtkawen ji-niyadehhdadh ne ro-nonhha.

27 Neoni ne o-nenh thoah ne jadaghk niweghniserakeh aondokden, ne ne *Jews*-aka ne ne eghradideron *Asia*-neh, ne o-nenh wahhonwatkaghtho etho o-nonghsadokenghdikeh, watyukennyadihhendonwe akwekonh ne onkwehhokon, nok yathonwennisonghsaren.

28 Wathodihhenreghde, Jonkweh ne *Israel*-aka, dakwaye-nawas; Ne wahhy ne ken-ikenh ne ronkweh, ne ne shakorihhonnynny akwekonh ne onkwehhokon ji ok nonweh waghshakorighwaxhaden ne onkwehhokon, ony ne kayanerenh, ony ne kenthoh: senhha kady issy nonkadyh waghshakoyathewe ne *Greeks*-aka ony ne o-nonghsadokenghdikeh, waghshonkwahhetkenghden ne kenghkanakdadokenghdy.

26 (Ikenh nense shitho-natkaghtthonh ronnene etho jikanadowanenh *Trophimus* ne *Ephesian*, re-nonhha ok thahhonneghre ne kenneken ne *Paul* shakoyadinyondonh ne o-nonghsadokenghdikeh.)

30 Neoni ne kanadakwekonh onderon-yenghde, neoni ne onkwehhokon watyonraghdade enskatneh yaontken-nisa: neoni wahhonwaye-na ne *Paul*, nok atsteh yansahonwayadondy ne o-nonghsadokenghdikeh: neoni yukon-datye wahe-nhodonnyon ne jikanhokaghrondon..

31 Neoni nenwathondawenrye ne naonwaryu, wahn-rihodase ne rayadakwe-niyu ne raghsennowanenah ne jikentyughkwayen, ne ne akwekonh ne *Jerusalem* yaghthiyewaghtstheonh.

32 Ro-nonhha yukondatye eghyahhonwadiyadenhha-we ne shodar nokhony ne radighsennowanenghse, nok yathonraghdade ro-nonhhakeh: neoni ji-o-nenh yahhon-wakaghtho ne rayadakwe-niyu ne raghsennowanenah nokhony ne shodar, wahnontkawe jironwakonghrehkon ne *Paul*.

33 Ethone ne rayadakwe-niyu ne raghsennowanenah nen-eghwarawe, nok waghoye-na, nok waghshakawenh-haghse eghjhise-ninrenk tekenyh dejat ne deyondade-ristodarhoghstha; wahnonwarighwanendonghse onde-righwisake onghka ne raonhha, nokhony oghneken nahhatyere.

34 Neoni ottyake yewennode joriwat, ottyake thikade, ne kentyughkwakonh ne ji-nikentyughkwa: neoni ne o-nenh yaghdehhokwe-nyonh naoderyendaraonh norigh-wiyu-onweh ji-niyen-yawen jiyaghthiyewaghtst, waghshakawenhaghse ken-eghjhiise-niyadenhhawight kanonghsakonh jiyondadennonghnaghstha.

35 Neoni ne o-nenh yahharawe kanekodakeh, eghni-yawenhonh, ne ne ronwanonghnatye ne shodar ne ne nihhodiweyennatshanight ne onkwehhokon.

36 Neoni ne kentyughkowanenah nonkwehhokon ronwadighnonderatye, yuritstaratye, Erenh eghjhise-niyadenhhawight.

37 Neoni ne *Paul* etho yenhhonwaghsharine ne jiyon-dadennonghnaghk'wa, wahnawenhaghse ne rayadakwe-niyu ne raghsennowanenah, Enwadonkenh nenkonwen-narane? Onghka radon, Saghronkhakenh ne *Greek*?

38 Yaghkenh ise dekenh ne *Egypt*-aka, ne oya de-weghniserade-nyonghkwe wadeghse-nikonrharen, neoni kenwaghtsiyughkwenhhawighde karhakonh kayeryh niwennyaweeghtseraghshenah onkwehhokon ne ne shako-diryugs?

39 Nok ne *Paul* wahhenron, I-ih wahhy ne ronkweh ne *Jew* nakyadoden ne *Tarsus*, ne kanadakonh ne *Cilicia*, ne n'I-neh kanadakonhhaka kadadewenniyu ne nyaghdeyunadakenrat: ne kady, Wakon-yennidenghden, dake-nakdothaghs ne nakadady nonkwehhokonkeh.

40 Neoni ne o-nenh wahhorihhon wahho-nakdothaghse, *Paul* wathadane kanekodakeh, nok yathennisonghsakerenron (waghshakoriste) ne onkwehhokonkeh. Ne kady ne o-nenh eghnaawen kowanenh saghk ondön, wahhadady ne ro-nonhhakeh ne ne *Hebrew* ji-nihhadiwennodenh, wahhenron.

CHAP. XXII.

Paul wahharihhowanaghde, jideshodonnhadenyonk ji-niyawenhonh jidethaveghkonh.

JONKWEH, dewadadekenhokon, ony kwanihhah, jathondek ne nakyadake-nhaghtsera ji-nahhoden Wakeweyennendane nonwa ne isekeh.

2 (Neoni ne o-nenh ro-nathonde ji-newaghshakodatyase ne *Hebrew* ji-nihhadiwennodenh, senhha saghk wahhondadonny: nok wahhenron.)

3 I-ih naah norighwiyu ne ronkweh *Jews*-aka nakyadoden, onkweh dewakadonhonh etho *Tarsus*, ne kanadakonh ne *Cilicia*, etho sane kenghwakadeghyaron kanadakonh jidehhaghsidade-nyon ne *Gamaliel*, neoni yonkerihhonnyennyh etho nonweh ne ne yutyeridonh ne aoskon yunaghnonhonh ne ji-niyeyuderighwinonh ne kayanerenh ne yethinihhahhokon, neoni ne yurihhothiye kaghseronnyaghkwenthonh ne Niyohneh eghniyught sewakwekonh ne kenghweghniserade.

4 Neoni kheyaronhyagenton ne kea-igenh nakarihoten ne kenhheyatneh. wakhenerenke nokhony yakheyahkawe etho jiyondade-nhodonghk'wa ok shatyawenne ne ronnonkweh nokhony ne tyunathonwisen.

5 Ehho-ne nahhayere ne rajihhenghstowanenah wahhake righwaghniratshe. ony akwekonh ne ji-nadewa ne thodixdenhase: ne shahhadiyadat ony Wakye-nahhatye thonkyadonnighs onkwadadekenhokonkeh, ony eghniyewake-nonh *Damascus*. ne naondakhehhawe ne ne eghthadinaghskwayen *Jerusalem*-neh, ne nenthonwadighrewaghde.

6 Neoni eghmenne naawenne, tho-ikenh, ji-nenh Shikathahhine, neoni nenkenshiyureah shike ne *Damascus* entyeh onghdeh ok ontyakjy wadewaderonronden daweghde karonghyakeh kaghswatheghtserowanenh wadewakaghkwadasede.

7 Nok okenghrakeh Wakyadayendane, neoni wakhewennaronke waonkwennhhaghse, *Saul, Saul*, oghnaah waghskwatyesaghde?

8 Neoni Sakerighwaserako; Onghka nise, Sayaner? nok wahhenron n'I-ihneh, I-ih naah ne *Yesus* ne *Nazareth*-aka, ne wahhy ne eghtsewennayesaghdonh.

9 Neoni ne ro-nonhha ne ji-nihhadyh ne yakwe wahhontkaghtho jiwatyughswathene orighwiyu naah, ony wahhodighderonne; nok yaghdehhonwawennaghronkenh ne ne ji-naonkyerese.

10 Nok Wakiron, Otkady nenkatyere, Sayaner? nok ne Royaner wahhakwennhhaghse, Satketskoh, kenniyahaseh *Damascus*; eghnonweh T'Kakonde wahhy entyesaghrory orighwakwekonh ji-nahhoden yesayadarakwenh ji-nenghsatyere.

11 Neoni ne o-nenh yathadesekkanere ne onwesenghtsera ne ne kendeyughswatheghkwe eghkady naawen wahhonke-nontshine ro-nonhha ne ne yakwe, Yahhakewe etho *Damascus*.

12 Neoni shayadat *Ananias*, roderighwakwarighsyonh rayanenhhawy ne nyoderighwakwarighsyonh rarihhowanenh jitharighwayery ronwayenderyh akwekonh ne *Jews*-aka neghradinakere.

13 Eghwarawe i-ihneh, eghwathadane, nok wahhakwennhhaghse, Tyadadeken *Saul*, enseghsyena enseghskenne. Ok ne iwade ne jikaghwistahex Wahhiyat-kaghtho.

14 Neoni wahhenron, Ne Niyoh ne eghjihidewanihhah ne waghayadarako, ne ne aesaderyendara ne ne ji-nithanonwese, neoni enghsatkaghtho ne ne Yuderighwakwarighsyonh Enskat, neoni wahhy ensathondeke enghshewennaronke ne raghsakonh nendewe.

15 Ikenh ise wahhy T'Kakonde enghtserighwagh-nirhaghsten ne akwekonh nonkwehhokonkeh ne jinnahhoden waghstakaghtho ony sathonde.

16 Nekady nonwa oghnaah ken ok jideron? satket skoh, ony satnekoseraf, ony ensewade-nohhare ne sarigh waneraaxhera, enghtseronghyenhare ne raoghsenna ne Royaner.

17 Neoni eghnaawenne, ken-ikenh, ne o-nenh Shiyon-sakewe are ne *Jerusalem*, ony ji-nahhe Wakaderennayen ne o-nonghsadokenghdikeh, onke-nikonghraghdon waka-donnharen;

18 Neoni wabhiken wabhakwenhhaghse, Saghstoronh, neoni yukondatye erenh saseght ne kenthoh *Jerusalem*: ikenh yaghse thaonthondade aadiye-na ji-nisarigh-waghnironh iih akerihhonyat.

19 Neoni Wakiron, Sayaner, ro-naderyendare net-hob I khenahskonnihne ony wakheyesahte ji-niyadekanongh-sakeh ne *Jewish* ronderennayendaghk'wa ro-nonhha ne ne tho-neghdaghkonh nisekeh.

20 Neoni ne o-nenh shahhonwaryu waonwanekwengh-sinekenwe ne ronkwediyuh *Stephen*, ehho-n'I-ikede akda, ony wakadewennare jirawenhheyonh, neoni wakathawa ne raodinena ne ne wahhonwaryu.

21 Neoni wabhakwenhhaghse, Erenh-seght: ikenh Yenkon-yadennyeghde inonh niyore ne kenthoh ji-nonka ne nyadetyakorighwiyughstonse.

22 Neoni nen-akwah wahhonwadahhonghsadatshe ne ken-ikenh owenna, neoni nendenghnon ethone wahhon-dewennaketsko, nok wabhonniron, Erenh ireght neghni-yonkwedaxhenghskwa nonghwenjakeh: ikenh yagh-wahhy thadeyudonghwenjohhonh naronnheke.

23 Nekady ji-nendehhodihhenreghtha, neoni wahha-dirighsy ne raodinena, nok wathondakenghrokweghde e-nekenh yehho-natyese,

24 Ne ne raghsennakwe-niyu dahhennonghdon ne ehhenhchonwayadenhhawighde ne jityondadennongh-naghk'wa, neoni wahhetken ne ne ne enhhonwaen-yonghkwe nenhchonwaghsoghkwawishon; ne ne aontyese aoderyendarake ji-nahhoden aoriwa wathodihhen-reghde ji-esojy wahhonwaghswen.

25 Neoni ne jironwanerenh aghseriye ronwaghne-
ranghtonh, *Paul* wahhawenhaghse ne roghsknrakegh-
dekowah ne ne ehhirade, T'Karighwayery kenna nise
saghjhisewaghsoghkwawishon ne *Roman* nahhayadoden,
neoni nyaghthaonwadewendeghde?

26 Ne o-nenh ne raghsennowanenh rothonde ken-
ikenh, eghwareghde nok yahhohgrory ne raghsennakweni-
yu, wahhenron, Se-nikonrarak ji-nenghjhery: ne kenikenh
ronkweh *Roman* nahhayadoden.

27 Ethone ne raghsennakwe-niyu eghwarawe, ony
wahhenron ne raonhhakeh, Takroryh, isekenh ne *Roman*?
Wahhenron, Orighwiyu.

28 Neoni ne raghsennakwe-niyu sahharighwaserako,
Yurihhowanenh wakkaryake ne Iih jigadadeweaniyo.
Nok *Paul* wahhenron, Ok shikadadewenniyo onkweh
shakadon.

29 Ethone akwah oxhaok erenh sahonneghde ne
raonhhakeh ne ne ronwakaen-yonnene: neoni ne ragh-
sennakwe-niyu ony wahhohghderonne, ji-nenwahhodo-
kenghse ne na ne *Roman* nahhayadoden, neoni ne aoriwa
ji raonhha roghnerenghne.

30 Jiwaorhenne, ne aoriwa rerhaghkwe T'Kakonde-
onweh en-yonkwadokenghse ne norighwiyu-onweh
kanikariware jiwahhonwarighsten ne *Jews*-aka, sahhogh-
nerenghsy jiranerenh, neoni waghshakawenhaghse ne
radiyadakwe-niyu ne radijihhenghstajyh, nokhony akwe-
konh ne rodijenhhayen ne thonneh denhhontkaneren,
neoni ne *Paul* dondahhonwaya datsnenghde, neoni
raodihhendoh wahhonwenderon.

CHAP. XXIII.

Paul donsaaarihodarighsy raonhha ji-naoyadawenhonh.

NEONI *Paul*, akwah odokenhonh dehhakanere ne
jirodijenhhayen, wahhenron, Jonkweh ony dewada-
dekenhokonhah, Ji-nahhe konnhetyese tyutkonh akwe-
konh wakeryendiyuh ne raohhendoh ne Niyoh yakah-
hewe kenghweghniserade.

2 Neoni ne rajihhenghstowanen *Ananias* waghsha-
kawenhaghse ne ne thoah yehhadikennyade ji-irade ne
nayekonreke jiraghsakaronde.

3 Ethoghkeh wahhenron ne *Paul* ne raonhhakeh, Niyoh naah enghyaghdonde, sarakenghstonh desade-nen-yadon: ikenh eghjideron nise ne naaghskenh hayen ne ne jiyuderighwakwarighsyonh, neoni sheyenny eghjise-nikonrek akdey wahhy ne jiyuderighwakwarighsyonh?

4 Neoni ne ro-nonhha ne ne thoah radikennyade waghonniron, Waghjhiserighwayesaghden ne Niyoh raojihhenghstajighkowah?

5 Ethone wahhenron ne *Paul*, Yahhakwah dewakaderyandareonweh, dewadadekenhokonhah, doka nonkenh raonhha ne rajihhenghstowanen: ikenh kaghyadon wahhy, Toghsa othe-non sheyenhaghs ne wahhetken ne ne yesarighwakwadakwase ne onkwehhokon.

6 Nok ji-onenh ne *Paul* wahhatkagtho ne ne ji-nihhodityughkwa otyake *Sadducees*, nok ne otyake *Pharisees*, wathaghshenthoh wathohhenregnde etho jikajenh hayen, Jonkweh ony dewadadekenhokonhah, I-ih nanh *Pharisee*, ne yonkyenhah ne *Pharisee*: ne ne ayonkwarhareke nayawenkenhha ony aonsaghshonkwaketsko ne kenhheyatneh I-ih na tyonke-nadon ji-enwaderighwisake.

7 Neoni ne o-nenh ne shahhenron, ethononweh onderighwaketsko wathondennikonghradihha ne thadinyenhokenh ne *Pharisees* nok ne ne *Sadducees*; neoni ne kentuyghkowanen wathonnityughkyake:

8 Ikenh ne *Sadducees* rondon yaghneken thaonsayontketsko, yaghony ne karonghyakeghro-non, yaghony ne kanikonra: nok ne *Pharisees* ronneghre eghse-ne-yawenne dejaronh.

9 Neoni ehhonderitstaketsko karitstowanen wathonghshenthoh: neoni ne radighyadonghs (*scribes*) ne ne enskatneh ne *Pharisees* otyake o-ne wathadidane, nok waghonde-nyenden, waghonniron, Yaghdeyakwarighwatshenryese ne wahhetken ne raonhhatserakonh kenkenh ronkweh: nok doka ne ne kanikonra ne denhens ne karonghyakeghro-non neeh enbhonwadadihake, toghsa ki-asa dewaderiyuh ne Niyoh.

10 Neoni ne o-nenh etho onderighwaketsko yuneghrakwah wathonnikonghradihhanyon, ne ne raghsennakwe-niyu, waghoghderonne onwaneken ne *Paul* onwahens anthonwarajonko, waghshakawenhhaghse ne shodar eghyaese-ne, neoni ne naonwaye-na thondaghjihjennongh-dons ne etho raodityughkwakonh, neoni ehhaonsahhonyathewe etho jiyondadennonghnaghk'wa.

11 Neoni ne ji-niwaghsondes ne Royaner wathadane ranihhakda, neoni wabhhenron, Sanikonghragnironhhak, *Paul*: ikenh ise wahhy dakerighwaghniradyh ne etho *Jerusalem*, eghkady o-ne-nen-yawen T'Kakonde ise o-nenghserighwaghnirade ne ethoh *Rome*.

12 Neoni ne o-nenh waorhenne, odyake ne ne *Jews*-aka waghonnityoghkonny enskatneh, neoni akwah waghondaderighwisaaghse ro-nonhha adewendeghtserakonh, waghoniron yahhothe-non thaonsedewake yaghony thaonsedwaghnekira ji-nenwe nyare enghjhidewaryu ne *Paul*.

13 Neoni ne ji-nihhadyh issy onghdeh nonweh ne kayeryh nihhadiyadaghshenh ne ne kenikenh ji-nahondaderighwisaaghse skanikonrat.

14 Neoni eghwaghonnewe jiradideron ne radiyadakwe-niyu ne radiji-hhenghstajyh ony ne thodixdenhase radikoraghshon, nok waghonniron, Wakwadaderighwisaaghse yadeyakwayadyh nakwah eghdakeh ne kowanenh ne adewendeghtsera, ne ne yahhothe-non thaonsayakwake ji-nenwe nyare enghshakwaryu ne *Paul*.

15 Nonwa ne karihhonny jonhha sewajenhhayen ne kendon nayurihhondane ne ne raghsennakwe-niyu raonhha enhhoyathewe isekeh en-yurhenne, ethosane doka sewanonwese nise enwaderighwisake othe-non shekonh akwah enkadokenghjy ne ji-niyutyerenh ne raonhha: ony onkyonhha ne denhens kaok nikenhhatyeh ne kenhthoah dentreghde, yonkwaweyennendaonh enshakwaryu.

16 Neoni ne o-nenh ne *Paul* yadennosenhhah royen-hah rothonde o-nenh dehhonwanengh rayennyh, eghwareghde neoni yahhadaweyade etho ne jiyondadennonghnaghk'wa, ony waghoghronkade ne *Paul*.

17 Ethone *Paul* yahho-nonke shayadat ne raghsennowanen raonhhakeh, wahhenron, Etho eghjhædenhhawight ken-ikenh ranekenghderonhah jithenderon ne raghsennakwe-niyu: ikenh roriwayen ne norighwiyu jinnahhoden ennhoghroy.

18 Eghkady naawen yahhoyadenhhawe, ony eghyahhoyathewe jithenderon ne raghsennakwe-niyu, ony wahhenron, *Paul* ne ranaghskwa thakighnonkonne ne raonhhakeh, waghakwennidenghden ne nyaiyathewe ken-ikenh ranekenghderonhah ne isekeh, raonhha othe-non roriwayen nen-yenhhaghse.

19 Ethone ne raghsennakwe-niyu wahho-nontshine, ony wane erenh waneghde adaghseghdonkeh, neoni wahhorighwanendonghse, Oghnanahhoden sariwayen naaghskroy?

20 Neoni wahhenron, Ne ne *Jews*-aka wahhadirighwisa deyesadonghwenjonyh ne ne aaghsathondade ehjhadenhhawighde ne *Paul* en-yorkenne ethoh jithodijenhayen, ne ne shekonh ro-nonhha enshadirighwisake ne ne raonhhakeh nothe-non akwah kady enwadeweyennendaghjy.

21 Nok toghsa eghnase-niyer yaejadadaghtkawe ne ro-nonhhakeh: ikenh dehhonwanenghrayennyh ne raonhha issy onghdeh nonweh ne kayeryh nihhadiyadaghshenh, akwah yurighwagh-nironh jirodiwennendaonh, ne ne yahhony othe-non thaonsahhadike yahhony thaonsahhadighpekira jiniyore nyareghkwe enhhonwaryu: nenkady nonwa ro-nadadeweyennendaonh, rodirhare ronnesax ne naaghsherharatsten.

22 Ne kady ne raghsennakwe-niyu ethone nendon-saghyadekhaghsy ne ranekenghderonhah, neoni wahhenron, Sadennikonrarenh toghsa onghka sheghroryh ne onkweh jineken nikarihodense waghskerrighwadokaden.

23 Neoni yaghshako-nonke ne raonhhakeh deghnighsennakeh, wahhenron, Jadenrharat tekenyh dehhonyawe shodar ne ne ehhenhhonneghde *Cesarea*, nokneh yakoghsadenghse-neh jadaghk nih-hadiyadaghshenh; nokneh radighshekwarenhhawe tekenyh tehhonnyawe. aghsenhhadond niyughwistaeh jiniyukaraonh;

24 Neoni wahhadikwadako katshe-nen, ne ne jienthonwentskwaren ne *Paul*, ehhenghise-niyathewe jirenderon ne *Felix* ne rakoraghtserowanen,

25 Neoni yaghshakoghyadonse kennahhayere :

26 *Claudius Lysias* ji-nonkadyh ne rakoraghtseriyughkawah *Felix* yajadennha T'Kanonweronh.

27 Ne ne ken-ikenh ronkweh ne na ronwaye-naghne ne *Jews*-aka, akwah ky ronwaryughsere-ne ro-nonhha : ethone newake-nenghrodakwenh, ony sahhiyaghtkawe, nense onktogenhseh ne ne *Roman* nahhayadoden.

28 Neoni ne o-nenh Wakeghre T'Kakonde aonkdokenghse ne aoriwa ne wahhonny ne ji-nahhonwarighwaeghsten ne wahhetken, Wahhiyathewe etho jirodiyenhayen :

29 Ne shahhayadat Jiwakatgaghtho ne wahhonwarighwaeghsten ne jionderighwisake ne ro-nonhha jinihhodiyanerenghserodenh, nok se yahhothe-non dehhoriwayen neghniyuriwa ne narenhheye nedenhens naadenaghskonny.

30 Neoni ne o-henh shaonkrory ji-nenh ne *Jews*-aka shihhonwadeshennonnyh thonwarhare ne ronkweh, Yakadennhane jiniyughsnore ne isekeh, ony wakherihon ne ne ronwarighwaghretstenny ony ne ne ehhayondady sahhendoh ji-nahhoden ronwarighwaghretstenny. Nenkady watkonnonweron.

31 Ethone ne shodar, eghnahhadiyere jinihnonwadi-righwawyh, wahhonwaye-na ne *Paul*, neoni aghsonthenneh eghyahhonwayathewe *Antipatris*.

32 Jikady waorhenne wahhonwadiyadondy ne yakoghsadenghsneh raditskwahhere ne enshonne ne raonhha, neoni eghyenshonnewe jiyondadennonghnaghk'wa :

33 Nekady, ne o-nenh shiyahhonnewe *Cesarea*, neoni yahhonghtkawe ne kaghyadonghsera etho korahneh eghyahhonwaghtkawe o-nenneh ne *Paul* raohhendoh (ne korah.)

34 Neoni ne o-nenh ne korah wahhawennaghnodon ne thonwaghyadonnyh, raonhha wahhorighwanendonghse kanonweh niye-nakere jidisaghdentyonh. Neoni ne o-nenh wahhodokenghse ne ne eghthoyenghdaghkonh *Cilicia* ;

25 Enkon-yadahhongsadatshe ky naah, wahrenron, ne o-nenh ne yesarighwaeghstennighs, o-ne wahnonne. Neoni wahnawenhaghse eghdehchonwaghnsye ji-non-weh ne *Herod* nighshakodewendeghdaghk'wa kanak-dowanenh.

CHAP. XXIV.

Paul *eghnahhoyadawen wahnonwarighwaghsten Tertullus eghnaghayere ne ne rarighwakowah.*

NEONI oghnakenkeh wisk nonda *Ananias* ne ne rajihhenghstowanenh eghwareghde wahnonne ne thodirighwaxdenhah, ony wahnonne rayadadokenh ne ne rarighwakowah, ronwayats *Tertullus*, wahnoghronkade ne korah ne naonwaghswen ne *Paul*.

2 Neoni ne o-nenh yahhonwennonke, *Tertullus* dahhadaghsawen wahnorighwaghretsten, wahrenron, Satkagthoh netthoh ne nise sariwa yonkwadonnharaghkwe kowanenh thadeyonkwadodeghkwe, ne kady ne ken-ikenh nakwah orighwiyu eso yurihhonde jinnagh-satyere ne kenghnonweh jinnakonkyonghwenjoden ne ne ise sanikonrowanenghtsera.

3 Yonkwaye-nahhatye tyutkonh, nokhony akwekonh ne ji-ok nonweh, kowanenh satagarite skowanenh ne *Felix*, wakwekonhak kady deghhidewanonghweronhhek.

4 Ethosane nenne, yaghna I dekenh nisy nonweh senhha dakwanikonrharen ne isekeh, Watkwanonweron nise ne ne aejathondade ahesathondeke ne seanitenrehtsera enhsate toghkara nikawennakeh.

5 Ikenh nenwaghshakwayadatshenry ken-ikenh ronkweh rahhetkenghtha shaderighwadewaghdanyon onkwe-daxhenghskwa, ony dehharighwawenry dehhanikonharha kentuyghkwakwekonh ne *Jews*-aka yatuyhetste thiyonghwenjakwekonh, neoni ne rayadakwe-niyu ne wahhetken deyunikonrharah ne rentuyghkonny ne naonderighwakwe-niyughste ne ne *Nazarenes*-aka:

6 Ne shahhayadat ony ken-irese ne ne aendaxhade ne ononghsadokenghdy: ne wahhy shakwayenaghne, yakwerhaghkwe denghshakwayadoreghde ne entuyyanenh hawe jinni niyonkwayanerenghserodenh.

7 Nok ne ne raghsennakwe-niyu *Lysias* warawe onkyonhhakeh, akwah ro-nakhwenhonhatye erenh sahoyadenhhawighde saghshonkwayadakwaghse,

8 Waghshakawenhhaghse ne ronwarighwaghretstenny enthonneghde isekheh: atserighwanendonghse ony nakwah yadeghsyadyh doka aondon aesanikonghrayendane ne akwekonh ken-ikenh ji-niyadekariwakeh, jiniyutyerenh waghshakwarighwaeghsten.

9 Neoni ne *Jews*-aka shatyawen skanikonrat wahhonde, wahhonniron ne ne ken-ikenh jini-kariwakeh eghniyawenhon.

10 Ethoghkeh ne *Paul*, oghnakenkeh ne ne *Korah* wahhodennakeraghdonghtseronny ne raonhhakeh ne naadady, saharighwaserako, Ji-nondaweghde jinahhe jy Wakaderyendare ne ne jinisayeren nen-yodoghserakade shiyutsjenhhayen ne kenghnonweh niye-nakere, Eghniwakyerenh ne ne senhha eso aonkyadaghnekarone ayonwesenne aonsakerighwaserako ne nyadekyadyh:

11 Ne aoriwa ne ne doka nonkenh ahesanigonhrayentane, ehhok wahhy shijodadenronh jinahhe Eghwake-nonghdonh *Jerusalem* nonka ne naiyennidenghdase.

12 Yakhony thaadirighwatshenry niih ne o-nonghsadokenghdikeh daonkerighwake-nhen onghka ne onkweh, yakhony thadekhe-nikonrharen ne onkwehhokon, yakhony ne *Jewish* jironderennayendaghk'wa, (*synagogues*), yakhony ne jikanadowanenghse.

13 Yakhony thaadikweny aontrory norighwiyu ne karighwaakon ne jiniyutyerenh nonwa ronkerighwaeghstenny.

14 Non ken-ikenh Wakadonderene nisekeh, ne ne oghnakenkeh ne jini-karihodenh ne yehhadinadon ne kayadakwe-niyu ne sewaderighwadewadonh, nok riyennidenghdase n'I-ih ne Niyoh rake-nighnehah, endewakeghdaghkonhake jini-konh kaghyadon nyoderighwakwarighsyonh nokhony ne rodiyadadokenghkeh:

15 Nok Niyoh-neh ok nonkadyh wakerhare, ne ne akwah ro-nonhha yadehhadiyadyh ony yaonsahhondadaghtkawe, ne ne etho nen-yawen enjontketskwaaghseke ne yaihheyonghse, dejaronh ne ne yakoyanere nokhony nyaghdeyakoyanere.

16 Neoni kenghononweh nikadeweyenstha nyadekyadyh, ne naonkyendake tyutkonhkhonweh aonkweryendi-yohake aokon ne sewaderighwadewaghdonh ne Niyohneh nokhony nonkweghneh.

17 Nonwa ji-nahhe nen-yudoghserakade ne Wakheh-heghse ne adadidenron ji-nonka ne ji-nonkonghwenjoden, ony akheyon nyuanerese.

18 Eghnonweh radiyadadokenh *Jeros*-aka thodiyenghdaghkonh *Asia* wahonttoke wahongyadatsHenri wakadade-nikonghrohHare o-nonghsadokenghdikeh, yakhony nakentyukowanen, yakhony ne dayunikonrharaghdonh.

19 Ongka ne oya ne kenhHayenseke ne sahhendonh, deho-naraghsare, doka nonkenh enhhonkerighwaghs-wenghseke.

20 Kendenhens kayen ok ne shaeyadat ken-ikenh kenthoh ne yaronh, doka nonkenh othenon en-yakorigh-watsHenryon ne wahhetken ji-naonkwatyeren niih-teserakonh, aghsonh nonwa shekonh Ehhikede ohhendonh ne jikajenhHayen,

21 Doka nonkenh ne aoriwa ne ken-ikenh jowennat, Watkaghshentho ikenh raodityukwakonh, Onderihhoryaneron ne nenjontketsko ne yakawenhheyonghseron I-ih naah yongerihwaeHsteanih kenghweghHniserade.

22 Neoni ne o-nenh rothonde ne *Felix* ken-ikenh karighwaakon, ne ne senhha eso ao-nikonghrayeghsten ne ji-nityuderighwayeradonh, raonhha issy waghshakorighwaghkwiden, wahhenron, Ne o-nenh *Lysias* ne ne raghsennakwe-niyu t'kakonde enrawe, Nen akwah enwakaderyendarane ne ji-niyadekade ne sewariwa.

23 Neoni wahhawenhHaghse ne raghsennowanenH eghtshadeweyendonh ne *Paul*, nokhony radadewenniyo-hak, nokhony toghsa ony yetshinhes ne shako-nonghkwe ne ne daonwaghsnye-ne doka denhens ne nenhHawatkensehheke.

24 Neoni oghnakenkeh eghniserakwe-niyukeh, o-nenh ne *Felix* eghwanewe ine ne rone *Drusilla*, ne na o-nenne ne *Jeioess*-aka nakayadoden, yahhadennhane yahhonenonke ne *Paul*, ony nenronwathonde ne ji-niyutyerenH ne deweghdaghkonh ne Keristustserakonh.

25 Ne kady ji-nahhennikonghrayendonwe ne jinenwatrightharen ne yuderighwakwarighsyonh, aede-wadeweyendon, neoni dawe den-yonkhiyadoreghde adewendeghtsera, *Felix* wahhoyadishonghkwe, nok sahharighwaserako, (wahheron,) Was eghniyonsaseh jidise-nonh ne nonwa; nyare ne noya ensewakeweyenstase o-nenh are Yenskonnonke.

26 Raonhha ony wareghre ayawen aonwaghwistawy ne *Paul*, ne naonsahhghnerenghsyade: ne wahhony yutkade yahho-nonke, ne nakwah danightharonnyon.

27 Nok deyughserakeh *Porcius Festus* eghwanewe jirenderon ne *Felix*: ony ne *Felix*, ranonwese ne ashakonadonhaghse ne *Jews*-aka ne nao-neryendiyuhake jironwanerenh ne *Paul*.

CHAP. XXV.

Ne Jews-aka wahhonwarighwaeghsten ne Paul raohkendoh ne Festus.

NONWA o-nenh ne *Festus* nensharawe ji-nonweh niye-nakere, oghnakenkeh naghsenh nonda dareghde ji-nonka *Cesarea* eghyeroh *Jerusalem*.

2 Ethone ne rajihhenghstowanen nakhony ne radiyadakwe-niyu ne *Jews*-aka nenwahhonwaghronkade jironwaghswenghse ne *Paul*, nok wahhonwarighwaneken,

3 Ne kady dehho-nadonghwenjonyh nashakoye-nawase jironwaghswenghse, ne ne yao-nonke raonhha ehhaareghde *Jerusalem*, dethodinenrayense ji-niyeyutahhinonh ne nenhhonwaryu.

4 Nok *Festus* sahharighwaserako, ne ne *Paul* yuweyenstonh etho dethonwaghsnyek *Cesarea*, asekenh akwah raonhha niyurighweshah eghnonweh yenrawe.

5 Thenhhononghdon, wahhenron wahhy ne sewentyughkwakonh sewakwe-nyonh endewe niih, neoni enghjhidewarighwaeghsten ne ken-ikenh ronkweh, ne ky t'kaweeniyu nenhhorighwayendake ne karighwaxhenh.

6 Neoni ne o-nenh eghrenderon raodityughkwagonh issy nonweh noyery nonda, nen-eghsareghde *Cesarea*; ne kady ji-oya sayorhenne eghrenderon jideyondatyadoreghdaghk'wa nadewen deghtsera jikanakde waghshakawenhaghse karo thonwayadenhhawight ne *Paul*.

7 Neoni ne o-nenh eghwarawe, ne *Jews*-aka ne ne dahhadiyenghdaghkwe *Jerusalem* nenwathonwatkennya-don, neoni nen eghwaeriwakeron yawedowanenh nakwahyunikonghraxhat ne ji-nahhonwarighwaeghsten waghho-derighwakeghronhaghse ne *Paul*, nok denghnon yaghdehdirighwatshenryonh nonghka ayakoderyendarake-onweh.

8 Nen eghdahhawenninekenne rodatyadake-nhenh, Yahhony othe-non dekenny ne raodiyanerenghsera ne ne *Jews*-aka, Yahhony dexwenghse ne o-nonghsadokenghdy, Yahhony othe-non dekenny *Cesar*, nahhoden kady onghdeh aonke-nikon, (yahhothe-non.)

9 Nok ne *Festus*, ranonwese nashakaweryendiuyghste ne *Jews*-aka, dahhadady ne *Paul*, ony wahhenron, Eghkenh yensewe nise *Jerusalem*, neoni eghnonweh yenwatsjenhhayen ne ken-ikenh ji-nikariwakeh nakhendonh?

10 Ethone wahhenron ne *Paul*, Eghdenkdane jionweh ne *Cesar* nihhajenhhayendaghk'wa nadewendeghtsera nikanakde, eghse denghnon nonweh nayonkjenhhayen: yahhothe-non Desewakaderighwadewaghdonh ne *Jews*-akakeh, nokhony akwah sewaderyendaraghjihhonh.

11 Ikenh dokat I-ih akwarighwahhetkenghdennihheke, ne denhens ji-naonkwatyeren shadayuriwaghske ne nakihheye, Yaghthadewakerihhoronh nakihheye: nok dokat yahhothe-non ne ken-ikenh ji-nikarihhdense ka ok nikariware ne ken-ikenh dakwarighwaeghstenny; yaghwahhy onghka nonkweh eghthiyayonkwaghtkawe rononhhakeh. Wakaderighwadeweyendon ji-nonka ne *Cesar*.

12 Ethone ne *Festus*, ne o-nenh shahhadewennenthone jikajenhhayen, saharighwaserako, Saderighwadeweyendon ne ji-nonka ne *Cesar*? eghkady seght *Cesar*-neh.

13 Neoni oghnakenkeh toghka nonda ne korahkwah *Agrippa* nok *Bernice* wanewe etho *Cesarea* dehhonwanonweronne ne *Festus*.

14 Neoni ne o-nenh eghnideron nen-yudeghniserakade, *Festus* wahho-nikonghrayendaghden ne korah-kowah ne *Paul* raorihhoonyat, wahrenron, akwah rayatatozen ne ronkweh yehhonderon ranaghskwa etho *Feliz*-neh.

15 Ji-niyutyerenh ne ronkweh, ne ne ethone Eghshitekese *Jerusalem*, ne kady ne thadiyadakwe-niyu ne radijihhenghstowanen nakhony ne thodirighwardenhase ne ne *Jews*-aka ne wahhonkwaghronkade, dehho-nadonghwenjonyh naiyadewendeghde.

16 Sakherighwaserakwen, *Yaghwahhy* eghdehhdodirihhodenh ne *Romans* ne ne eghyayondadaghtkawe ne ji ok onkweh ne narenhheye, nyareghkwe ne raohhendoh ne ne rorighwaeghstenny ne kady ne shakorighwaeghstenny ne denghyadatkonghskanerake, nokhony ronwarihhonh nenthadady nenhhadatyadake-nha nyadeh-hayadyh oghkiok nahhoden aonsahhoderighwadewaghdon ronwarighwakeghronnyh ronwaghswenghse.

17 Ne kady ji-o-nenh eghwahhonnewe ne etho, yahhothe-non dewake-niskwaghdennyh jiwarhenne nok eghyekideron jikanakde nadewendeghtsera, ne kady nenwakheyenhhaghse karo thonwayadenhhawight ne ronkweh.

18 Ne ne ronwaghswenghse ne o-nenh eghdehhdidan ne ne ronwarighwaghretstenny, yaghkady enskat eghdeghshakoyatheh naonwarighwaeghstennighheke neghnikarikhodense ok ne Shikeghre:

19 Ne ok onghdeh karighwadokenh waderighwisax ne dehhoderighwawenhex nese ne ro-nonhha rodirighwayadaghdonhonh, (ne karighwiuyughstaghkneh,) ne ji-ne ok enskat ne *Jesus*, ne na ne rawenhheyonghne, ne kady ne *Paul* orighwiyu ne dehhorighware-nyadonh jiron-nheghjionh.

20 Neoni ne aoriwa Thadewake-nikonrakeh ne neken jinikarikhodenh ne waderighwisax, *Wahhirighwanendonghse* yenhhaghdendy onghdekenh ne *Jerusalem* yaare, neoni etho-nonweh yenkjenhhayen ne jineken jinikarikhodense.

21 Nok ji-o-nenh ne *Paul* yalhonderighwadihhentho naonwaye-nawase ne ne aonsahhonwaghtkawe skonenhah eghnonka enthode-nyenden ne *Augustus*, Eghkady nahhiyerasa eghdekhhonwaghsnye-ne ji-nikariwes Nenhenkkweny yenshiyadennyeghde ji-nonka ne *Cesar*.

22 Ethone wabhawenhaghse ne *Festus*, I-ih ony dewakadonghwenjonyh naiyathondeke ne ronkweh nakwah iih. En-yorhenne, wabhennron, eghnen-yawen engtshathondeke.

23 Neoni jiwaorhenne, o-nenh ne *Agrippa* warawe, nok *Bernice*, kowanenh ji-niyutyerenhhatye ji-nadekarenghsarontye, neoni nenwahhadaweyade ji-nonweh nikanakde ne dewadadennakeraghtonkeh, yekakwekonh ne radiyadakwe-niyu ne radighsennowanenghse, nokhony ne thadiyadakwe-niyuse ne kanadakonh, ne ne *Festus* dahhaweronhhatye ne *Paul* nendahhonwayadinekenwe.

24 Neoni *Festus* wabhennron, Korah-kowah *Agrippa*, ony jonkwedakwekonh ne ne kenthoh nonwa yedewakwekonh, eghjihjatkaghtoh ken-ikenh ronkweh, ne ne jiniyutyerenh ne raonhha kentyughkwakwekonh ne *Jewsaka* nense kenniyeyonkwayerenh, yeyakwakwekonh ony ne *Jerusalem*, nokhony ne kenthoh, yotsjidokwenh yuristare yondonnyon yaghdeyuweyestonh ne shekonh ayonnisa aronnheke.

25 Nok ji-o-nenh Wakerighwatshenry yahhothe-non oghnahhoden dehhoderighwaeghstennyh nao-nhikon ne narenhheye, ony nakwah yadehhayadyh rodaderighwadeweyendonnyh ne ji-nonka *Augustus*, Wakeweyennendaonh nyenshiyadennyeghde.

26 Ne kady n'I-ih yahhothe-non dewakeriwayen norighwiyu jinaakarikhodenhhake nyaonsahhighyadonse nakyaneda. Ne wabhonny I-ih dahhiyadinekenwe wahhiyathewe sewahhendoh, nok se denh kayadakweniyu fise sahhendonh, O korah-kowah *Agrippa*, aoriwa, oghnakenkeh nensonderighwakaen-yon, I-ih aonkkweny onyake nahhoden aonkyadonke.

27 Ikenh jiniyuyght anyoh niuh-neh yahhakwah anyoh ethoh dekenh nyaiyadennyeghde ne ranaghskwa, neoni yahheghdekare ayuderihhodaghsyon ne ne akendonhheke naorighwanhighaeke wabhethen aonwarighwakeghronhaghse.

CHAP. XXVI.

Paul o-nenk akda ne Agrippa, roghrory ji-nighronnho-
denh tyudaghsawe kensihhazhadaah.

ETHONE Agrippa waghawenhhaghse ne Paul,
Yesarighwawyh ne naaghsadady ne nasadatyadake-
nha. Ethoghkeh Paul waghennontshakwarighsy, nen-
dahhawenninekenne waghadatyadake-nha :

2 I keghre nyadekyadyh wakadaghskats, korahkowah
Agrippa, aoriwa T^oKakonde I-ih enkerighwaserako
enkadatyadake-nha kenghweghniserade sahhendonh
enkerihhoryaneron akwekonh ne ji-niyadekariwakeh
kanikariware Yonkerighwaeghstenny ne *Jews*-aka ;

3 Senhha kenkayen aoriwa jikon-yenderyh akwah
serighwayenderighkowah orighwakwekjihhonh ji-nika-
rihhodense nokhony ji-niwaderighwisax ne raodityughk-
wakonh ne *Jews*-aka: ne kady waghonny Wakon-
yennidenghden ne naaghskwathondeke sadennikongh-
katstat.

4 Ne ne Ji-nondakonnhodenhhatye tyudaghsawe shi-
dewakyenah, ne ne ji-nityawenhonh ji-non ne tyut-
yerenghdonh nikyadare nakwah ji-nonkonghwenjoden
etho *Jerusalem* ro-naderyendare akwekonh ne *Jews*-aka ;

5 Wahhy rongyenteri jityudaghsawe, doka kady
aadirighwaghnrade orighwiyu, ne wahhy noghnaken-
keh ne nakwah yutdakwarighsyonh orighwiyu ji-nikent-
yughkodenh ne nonkwarighwiyughstaghxhera ohnigonn-
hotenh *Pharisee*.

6 Ne kady nonwa Ehhikede ony yonkjenhhayen ne
aoriwa ne ji-nadeyudonghwenjohhonh ne karharatsheri-
yuh roghsen ne Niyoh yethinihahhokonkeh :

7 Kenghwahhy karharatstonh tekenyh yawenre yonk-
wadarakah, yukondatye kady watyakwaghsnye-ne ne
raorighwakeh ne Niyoh weghniserade ok yewaghsondare,
ayawen aondawe ne deyudonghwenjohhonh, Ne akarih-
honny nayawen, korahkowah Agrippa, I-ih wahhy nyon-
kerigh waeghstenny ne *Jews*-aka.

8 Oghnanenne waonnonghdonnyonwe ne ken daya-
keghdaghkwe shatyawen nise, ne ne Niyoh enseghsha-
koketsko ne yakawenhheyonh ?

9 I-ih akwah odokenhonh kennonghdonnyon nakonh-hatserakonh, ne ne eghse Naonkyeren eso yuriwakeh akdey j-non ne raoghsenna ne Yesus ne *Nazareth-aka*.

10 Kenwahhy ehho-ne niwakyerenh ne *Jerusalem*: nokhony eso ne rodiyadadokenghdy I-ih kenh khe-nhodon ne jiyondade-nhodonhk'wa, ronkeshatstenghserawyh wahhy ne radiyadakwe-niyu ne radijihhengstajihhokon nok ji-o-nenh shahhonwanawentho, I-ih yakadady wak-wakheyatkonden.

11 Neoni I-ih kheghrewaghdonh yutkade ne ji ok non-weh ne kanonghsadokenghdy, thondakheyennonghdonse ne jiradirighwayesaghdanyon; nokhony ne nyadewakde onke-nak'wen ne ro-nonhhakeh, I-ih wakheronghyakende shatyawen ony ne ji ek nonweh nikanadayendon.

12 Ji ony naawen ne kenshakeghde *Damascus* wake-shatstenghserayendatye nokhony yonkerighwawyh ne radiyadakwe-niyu ne radijihhengstajyh,

13 Entyeh nikare, O korah-kowah, Wakatkagtho ne jikathahhine watyughswathene karonghyakeh dawegh-de, yadewadohhetste ji-nadeyughswathe ne karaghkwa, ne watyughswathene thatyonkwaghkwadasede ji-nikonh ne enskatneh yakwathahhine.

14 Neoni ne o-nenh akwekonh o-kenghrakeh eghdakeh wakwatyadondy, Wakhewennaronke waonkewennarane, *Hebrew* waondewennondaghkwe wairon, *Saul, Saul*, oghnaah waghskerighwayesaghdanyon, nise? yurigh-wanhight wahhy nise ne ehhasaraghsentho jiyutnyon-waradonnyon.

15 Nok Wakiron, Onghka neken nise, Sayaner? Nok wahhenron, I-ih wahhy ne Yesus ne na eghtserigh-wayesaghdenny.

16 Nok satketskoh denghnon, neoni destan saghsikeh: ikenh wahhy Wakon-yatyadadatshe kenkayen wakagh-stonde, ne nakon-yonny ne naaghskowanka asaderigh-waghnodonghseke nokhony aaghserighwagnirade deyu-riwakeh dejaronh ne ken-ikenh ji-nikariwakeh ne ji-nah-hoden waghstatkagtho, neoni ne ken-ikenh ji-nikariwa-keh ne ne ji-nenseghskwatagtho;

17 Enjesaghtkawe nise nonkwehhokon, nokhony ne ji-nonka ne yaghdehhodirighwiuyughstonh, ro-nonhhakeh nonwa nonka Yakonnhane,

18 Ne ne dashekaghkwarighsy, neoni denseghshekarhadeny dondasheyaghkdat ne ji-nonka tyukaraghs jideyughswathe enjontyadontyeghde, nokhony enjontyadon-dako ne jirashatste ne *Satan* Niyoh-neh enjontyadontyeghde, ne enkarihonny en-yeye-na enjondaderighwi-yughsten nakorighwaneraaxhera, neoni enshondadewen-niyune ne ne enshadirighwadokenghdighste ne jideweghdaghkonh ne na niightserakonh.

19 Ji ony nonwa, O korah-kowah *Agrippa* yaghden na neh yaghtakhewennaraghk'wake ne karonghyakonh dakayenghdaghkwe enwaktokaden :

20 Nok khenattonni tyotyerenhton ne rononhhakeh ne *Damascus*, neoni ne *Jerusalem*, neoni nok thiwakwekonh ji ok nonweh akwekonh ji-nadewadonghwenjakdatye ne *Judea*, nendenghnon ethone ji-nonweh nyaghdehhodirigh-wiyughstonh ne ne T'Kakonde aonsahhondatreuwaghde Niyoh-neh aonsahhontyadontyeghde, nok enhhodiyuden ne enhhontkennisaaaghe nadatreuwaghdon.

21 Ikenh kenkayen ne aorighwashon ne *Jews*-aka yonkye-nah ne o-nonghsadokenghdikeh, neoni wathon-dawenrye ne naonkeriyu.

22 Ne wahhonny onghdeh jiyudonhonhhaty rakye-nawase ne Niyoh, ok o-nenh Ji-nidewakyerenh nonwa kenghweghniserade, dekerighwakanere wakerighwagh-nirathontyese dejaronh niyurighwaah nokhony nyorih-howanenh, katonh yaghkaneka ne thakadeke ne ji-nakar-rihhodenseke ne ok ne kenkayen ne ji-nahhoden ne rodi-yadadokenghdy nokhony n'Oses ro-nenh wahhy enwawe naah :

23 Ken-ikenh ne Keristus raronghyakenghse, neoni ne ne raonhha naah denthatyerenghde ne ne enshatketsko ne kenhheyatneh, nokhony engshako-nadonhaghse ne kaghs-watheghtsera ne onkwehhokonkeh, ony ne ji-nonka ne arekho dehhodirighwi-yughstonh.

24 Neoni ji-o-nenh yahhadewennenth jirodatyadake-nhenh, *Festus* dahhadady rowendeght wahhenron, *Paul*, ok ise thasadadarighst; sojy yawedowanenh serighwa-yenderyh ok ne wadisennonghwarawenryede.

25 Nok wahhenron, yaghna Thadekennonghwara-wenry, sojy wahhy sayadaneghrakwah *Festus*; nok denghnon kadatih T^rKayaken ne owennaokon ne ne T^rKarighwayerionweh nokhony agenigonhragweyon.

26 Ikenh ne korah-kowah rarighwayenderyh ne ken-ikenh ji-nikarihodense, sewahhendoh ony Wakadady thiwakatyesehhah thiyutkwathonh: ikenh I-ih eghni-yewake-nikonghrehhhah ne ne yahhothe-non ne ken-ikenh karighwaokon ji-nikariwakeh ne nayudaghseghdon ne raonhhakeh; ikenh ne ken-ikenh ji-nikarihodenh yaghden ne kenhenh ne ne jiyekanetsker ehhaodayuderigh-wison.

27 Korah-kowah *Agrippa*, daghseghdaghkwekenh ne rodiyadadokenghdy? Wakaderyendare daghseghdaghkwe naah.

28 Ethone ne *Agrippa* waghawenhhaghse ne *Paul*, aonsayureka daaghske-nikonghrakarhadenyon ne naonkerighwiyughstane.

29 Neoni *Paul* wahhenron, I-ih ke-nonwese ne Niyohneh, yaghne ok dekenh nise, nok kenkayen shaden-yawen ne iih akwekonh ji-nikonh ne yonkwadewennathonde ne kenghweghniserade, ji-nonweh ne dejaronh nenthooah, ony thaondakakwekde eghnayawen ji n'I niyught, ne ok yadetjodadenre ne ken-ikenh yeghnerenkhon.

30 Neoni ne o-nenh shiyahhadewennenthoh, ne korah-kowah wathadane, nokhony ne rarighwakowah, ony *Bernice*, nokhony ne ro-nonhha ji-nikonh ne enskatneh radiderondaghkwe:

31 Ne kady ji-o-nenh shonne thishonnonhhaah, deshodightharonnyontye ro-nonhhaah, rondonnyon, Ken-ikenh ronkweh yahhothe-non thayerighwatshenry naoghstonde ne narenhheye yaghony naodatneren.

32 Ethone wahhenron ne *Agrippa* waghawenhhaghse ne *Festus*, Ken-ikenh ronkweh yuweyestonh onghdonh naonsahhadadewennyune, saetho ony ne yaghtaorigh-waghseronnyenny ne *Cesar*.

CHAP. XXVII.

Paul kakhonweyakowaghne wahhadida wareghde Rome.

NEONI ne o-nenh dayakwennikonghrakondaghkwe ne ne t'kakonde nenwakwatshiroden kenniyyenyakwe *Italy*, yahhonwaghtkawe ne *Paul* nokhony notyake ne odokenhoh ne radinaghskwa, ne ne ronwayats *Julius*, raghsennowanen ne ne *Augustus* shahhodityughkwah.

2 Neoni nenwaakwadida ethoh kakhonwakonh ne *Adramyttium*, o-nenh wakwathonwanendaghsy, yakweghre kenniyyen-yonkwatshirodatye ji-nonweh ne *Asia*; shayadat *Aristarchus*, *Macedonia*-aka ne *Thessalonica*, ne yakwe.

3 Ne kady jiwaorhenneke yaakwawe ethoh *Sidon*. Neoni *Julius* akwah wathorhodon ne *Paul*, neoni wahhodeshennon thahhowenniyughste ne ne ehhaonsareghde jityederon ne shako-nonghkwe ne ne yaonrishendane.

4 Neoni ne o-nenh erenh sayakweghde ne ethoh kanyadarakeh niyaakwe, nakonh nonka wakwadonkoghdaghkwe ne *Cyprus*, ne aoriwa jiajde nityuwerenhha.

5 Neoni ne o-nenh shatyakwanyadariyake ne *Cilicia* ony *Pamphylia*, eghyaakwawe *Myra*, jikanadayen ne *Lysia*.

6 Neoni etho nonweh ne raghsennowanen wahhohonwatshenry ne *Alexandria* wahheghdane *Italy*; eghkady waghshonkwayadida.

7 Neoni ne o-nenh yonkwatshirodatye ske-nenhah yudeghniserakade, neoni akwah serenghke-neh eghyaakwawe deyudokenghdonh ne *Cnidus*, ne noweronh yaghtadeyonkwaderyendakaryaghdonh, nakonh nonka wakwadonhetstaghkwe ne *Crete*, yatyakwadokenghde *Salmone*;

8 Neoni, otskeronke waakwadonkoghdde, eghyaakwawe ji-nonweh t'konwayats Ne wennonghwetsheriyuh: niyureah ne jikanadayen ne *Lasea*.

9 Nonwa ji-o-nenh eso ondonkoghdde kayese ji-naawen, ne nonwa jiyonkwatshirodatye o-nenh watyuderyentharaghdane, ne aoriwa ji-nenyuderihhohhetstonh nonwa nyakawendontyeghtha, *Paul* waghshakodokaden rononhha,

10 Neoni wahhenron ne ro-nonhhakeh, Watkwanon-
weron, Wakatkaghtho onkdokenghse ne ne ken-ikenh
kanyadarakeh deyonkwadawenryehhatye ne en-yonkwa-
karewaghde nokhony eso endewatkaronny, yaghne ok
dekenh ne ji-niwat ne kakhonwakonh, ok se shaden-yawen
ne jityonnhe.

11 Ethosane nenneeh ne raghsennowanenah ne ken-
tyughkwa ne rodewennodaghkonh ne rawenniyu ne
kakhonweyakowah, senhha nenne ji-neken nikarihho-
dense ji-nahhoden rodadyh ne *Paul*.

12 Neoni ne aoriwa ne jiyondaghseghdaghk'wa yagh-
wahhy deyuweyestonh nehhayondoghseron, ne senhha
ayondade-nikonghrayendaghden ne ne erenh ayenghde
ne eghnonweh, doka nonkenh aondon yadaodiyerighse
ne etho *Phenice*, neoni eghnonweh yaondoghseron; ne
na ne jiyondaghseghdaghk'wa ne *Crete*, neoni eghnon-
weh niyaayen tyokenh ne entyekeh nok jiyadewatsho-
thoghs nokhare tyokenh ne othorekeh ne jiyadewatsho-
thoghs.

13 Neoni ne o-nenh entyekeh nondakawerenhhawe
akwah ske-nenhah, ne ne ronneghre eghyayakwawe
akwah thodironghyakenh, wakhontnerenghsy ne ethoh,
thoah wakhondokoghde ne *Crete*.

14 Nok yaghdeyaonnisheonh ji-nahhe nok akde na-
dondakawerenhhawe wakaneghrakwaghde, konwayats
Euroclydon.

15 Neoni ne o-nenh ne kakhonweyakowah waoye-na
ne oweronh, neoni yaghdeyukwe-nyonh ayuweraghira-
onh, waakweghre thiwennonghdonh ji-niyekahhah.

16 Neoni eghniyakadakhe nakonh nonka ne jika-
wenoden ne ne aoghsenna, *Clauda*, eso waonkwayuden
nenyaakwawe nikakhonwaaghnehah :

17 Ne kady ji-o-nenh yahhodighwaeghste, dehhon-
wadiyenawase, aadinerenah no-nonghkwe-neh ne kakhon-
weyakowah; neoni, rodighderonse onwa neken o-negh-
saronghkwa enkanonwireghde, dekakhenh nyontshiro-
daghk'wa, neoni eghkady niyught waonkwadory.

18 Neoni ne ji-naonkwayadawen yuneghrakwah wa-tyonkwaweraghkwe, jikady sayurhonne nenwahhonne-daghko ne kahhonwakonh;

19 Ne kady naghsenhhadond niweghniserakehhadond nenwaakwade-nyenden nakwah iih akwasnonkeh waakwade ne ne ji-niyotstanyon ne kahhonweyakowah isi waongwati.

20 Neoni ne o-nenh yaghdejokent ne karaghkwa yah-honny nojistoghkhokon yudeghniserakade, neghnyught, yaghna kendekaweraah naonkwayenghde, akwekonh deyonkwadonghwenjonyh nayawen dayakwadonkoghde ethone na aondayonkwaghdonhoh.

21 Ne kady ji-nenwakariwesene oghnaken sahhodiya-dontyeghde *Paul* raodinenhherhenh nathadane, neoni wahhenron, Watkwanonghweradon, ayawen aaghskwadahhonghsadadon nihneh, yagnene thayonkwatyonh ne *Crete*, neoni ayonkwatkwe-nyon nenne ken-ikenh wah-hetken ony atkaronnyat.

22 Nekady' nonwa I-ih wakwaghrejaron ne naesewanikonghraghniro: ikenh yaghneken onghka ne ronkweh thaatkaronny ne jironnhe ne sewentyughkwakonh, ne ok ne kahonweyah.

23 Ikenh ke-nihhakda wathadane kenghwaghsondade ne raoronghyakeghro-non ne Niyoh, onghka na raowenhk n' I-ih, neoni onhka riyotenhse,

24 Wairon, toghsa saghderonsek, *Paul*; T'Kakonde wahhy yen-yesayathewe raohhendoh ne *Cesar*: noeni enghtsken, Niyoh naah wayon sane yesewakwekonh ne ro-nonhha ne enskatneh sewayadidaghkhe.

25 Ne kady wahhony, watkwanonghweradon, sewanikonghraghnirohak: ikenh Tewakeghdaghkonh ne Niyoh, ne ne eghse nen-yawenne ji-nityawenhoh jiyonk-roryh.

26 Ethosane nenne T'Kakonde kaweghnoghkwardo-kenh jiyen-yonkwaghwagheghe.

27 Ne kady jio-nenh yakayerine kayeryh yawenre sawaghsondare, eghwaonkwadoryade *Adria*, aghsonthenh onghdeh ne radihonweyakeghro-non wathadiyadoreghde nanniyureah jiye-nakere;

28 Nok wahhonde-nyenden ji-niyughnodes dewaghshenh kady niwadeweyakeh; neoni ne o-nenh senhha oghsthonhah yahhonthonwaghdendy, nokhare sahonde-nyenden, wisk nonwa yawenre niwadeweyakeh.

29 Ethone wahhodighderonne ne ne onwaneken daoditstenghroyenghde, kayeryh nikonh nyeristoghk'wa awenkeh wahho-nady oghnaken nonkadyh, ronneghre ayawen oxha ayurhenne.

30 Ne kady ne radihhonweyakeghro-non ronneghre aondidaghko ne kahhonwakonh, nenwahhadihhon-yo ne nikahhonwaah yahhonsenghde etho kanyadarakheh, wahhadinyadane ok ne wahhadirighwaraghkwe ji-niyught nyao-natyeghsere ne yeristoghk'wa nohhendonh ne kahhonweyakowah,

31 *Paul* wahhawenhhaghse ne raghsennowanenh yakakwekonh ne shodar, Ne ok enwadon ne kenhenh nok yendewayadidaghke kahhonweyakowaghnah, yaghnecen deyaweght daesewadonkoghde.

32 Ethone ne shodar wathadighseryetyakhon ne kahhonwanerenghstonh nikahhonwaah, ne kady nen ok thiyahhonsenne.

33 Ne kady ji-nahhe nendayorhenhonhatye, *Paul* waghshako-nidenghden akwekonh ne ne daadighkwe ne kak'wa wahhenron, Kenghweghniserade nenkayeryh yawenre niweghniserakehhadond ne nok o-nenh ji-niyught sewenderon sewendontyeghdonh, yahhothe-non dejisewakonh.

34 Ne kady wahhony watkwanonweron ne naonseseneke ne kak'wa: ikenh ne neken nenjisewadakaridade: yahhony skanonghkwiserat thaonsenne ne sewanonjineh ne ji-nijonh,

35 Neoni ji-nen-yahhadewennenth, nenwathanadraghkwe, nok wahhadonghraghseron, Niyohneh dehhodikanere akwekonh: neoni nenwathayakhon, dahhadaghsawen nenwarake.

36 Ethone eghnaawen radikwekonh sahhodi-nikonh-rahgnirhna nyoyanere, nokhony ne ro-nonhha donshontskaon kak'wa.

37 Neoni ne ji-niyonkwenyughkwa nyakwayadit ne kahhonweyakowaghnah tekenyh tewennyawe nok jadaghk niwaghshenh nok yajak nadonnhetshokon.

38 Neoni ne o-nenh shahho-naghdane, nok wahhadighwisharako ne kahhonweyakawah, nok kanyadarakeh wahho-nadyh nennekery.

39 Neoni ji-nenwaorhenne, yaghdehhonnonghwenjayaenderyh: nok wahhadiken orighwiyu yughsaronde, ronneghre eghniyaonne, doka aondon, ne ne ehhaontshaghrinyonde ne kahonweyagawah.

40 Neoni ne o-nenh sahhadiristoko, o-nenh yahhondadaghtkawe kayadarakeh, nensayeghnerenghsy ne jityekwadonkwaghtha, ony nensahhadighshiraketsko ne kayadakwe-niyu jinityowerenhah, ajakda nahhadiyerade.

41 Neoni eghwaoyadontyeghde ji-nonweh nadeyuna-de-nyadaraderaonh, neoni ne ohhendonh nonka akwah yaoghuirha, eghwatkadane, nok noghnaken nonka nendondakarine ne ne ji-niyushatste jideyonkwareeghstha.

42 Neoni ne shodar wathadiyadoreghde ne naonwanawentho ne radinaghskwa, onwa neken kaneka ne jinihhadyh yen-yontnyasoden yen-yondoko enje-nyakenne.

43 Nok ne raghsennowanenh, ranonwese naronneke ne *Paul*, toghsa thonnonghdonh; nok wahhonwennenh-haghse ne ne radiweyendeh naondawen ne thontyerenh yehhontyadondyh ne kanyadarakeh, nok yen-yondoko eghdiyukeh:

44 Nok notyake, ohswengaragehah wahhondida, nok otyake ne ne jiwatkahhonwarine ne wahhodiyaendehhawa. Neoni eghkady naawenne, ne ne sahhadinyakenne akwekonh yahhodighwaeghste eghdiyukeh.

CHAP. XXVIII.

*Paul ne noghnakenkeh nensathohhonwarise wahhonwade-
weyendon wathonwaghsnye-ne ne ronnonkwedaxenh.*

NEONI ne o-nenh shonsahhadinyakenne, ethone nenwahhodidokenghse ne-eh ne jikawe-node ne konwayats *Melita* neoni aoriwa jiyothore.

2 Neoni ne nyaghdehhondokenghtha radinanakere yahten ohstohhah ok tegenh deyonkhinoronghkwenh: wahhondekade, neoni waonkhiye-na niyadeyakyonh, aoriwa jiwaokennore, neoni aoriwa jiyothore.

3 Neoni ne o-nenh ne *Paul* wahhaghnyentakwiraroke, nok waghrontho, eghkady dakayakenne kagnyaxhenh ethoh jiyudekha, ranontshakeh ontwadase.

4 Neoni ne o-nenh ne ronnonkwedaetken waghontkaghtho ne yuderyudatkon yuyadendon ranontshakeh, waghonnighronnyon, Yaghdeyukondonh ken-ikenh ronkweh shakoryughs wahhy, raonhha, ethosane wathadonkoghde ne jikanyadare, shekonh kady wahhorane naokarewaghde wahhoronghyakende nyaghthaonsaghronneheke.

5 Neoni waghrondawede sontyadanyondako ojistakeh, yakayendane, nok yaghthiyehhotdokenh naokarewaghdon.

6 Etho-nenne dehhonwakanere katkeh shikenh nihhade-nontshoh, doka denhens enhhayatye-nenne thenwatyakjy enghrenhheye: nok kariwes ji-nahhe wathonwakaneren, nok waghontkaghtho yahhothe-non dehhoghraonh naokarewaghde, ony donsahhondennikonghrakarhadeny, neoni waghonniron t'kakonde raonhha radade niyoh.

7 Ok ne shakat ji-nonnihhodighwaeghstonh ye-nakere ne raowenghk neghnonweh nihhayadakwe-niyu ne ronkweh neghkawe-node, raoghsenna *Publius*; waghshonkwayadinyode, eghwakwatyen aghsenh niweghniserakeh akwah waghshonkwadeweyendon.

8 Neoni eghnaawenne, ne ne ro-nihhah ne *Publius* rononghwakdani rodonghkwahoghse ony o-nekwenghsa dehhotyadonkoghtha: raonhha *Paul* eghyahhadaweyade, ony wahhaderennayen, neoni watho-nisnonghsaren, ony sahhojonde.

9 Ne o-nenh ken-ikenh shahhawayennendane, nokhony notyake, ji-nikonh nyako-nonghwakdanyonny neghkweghnoghkwaakonh, waonhhon, sahhonwadijende:

10 Ro-nonhha ony waonkhikonnyenghste eso yutkonnyenghste-nyon; ne jio-nenh erenh sayakweghde, waonkhikeghronhaghse ji-niyadekonh yeyutyery.

11 Aghsenh niweghnidakeh oghnakenkeh nen-erenh sayakweghde sayakwadida kahhonyeyakowaghneh ne *Alexandria* tyoyenhtahkon yodohseronhkwe kaweghnoghkwaakonh, ne na wade-nyendenghstonh jiyujistoghkware ony *Pollux*.

12 Neoni eghwakwaghrarho *Syracuse*, eghwatyakwadane aghsenh niweghniserakeh.

13 Neoni nen-erenh sayakweghde yaakwako ne entyeh yughjade, eghkady yaakwawe; *Rhegium*: enskat onda ji-nahhe o-nenh entyeh nondakawerenhhawe, jikady oya sayorhenne nen-yaakwawe etho *Puteoli*;

14 EghwakhiyadatsHenry nonkwadadekenhah, neoni eghwakwarighwisa enskatneh en-yakwatyen jadaghk niweghniserakeh: neoni nen-eghniyonsayakwe ji-nonkadyh ne *Rome*.

15 Neoni erenh dondayakweghde ne ethoh, ne o-nenh nonkwadadekenhah, wahhodidokenghse kenghyakwenderon, eghwatyonkhiyaderaghde ji-niyore ne *Appii-Forum* neoni Ne aghsenh niyontnekaghninonghs: ne ji-onenh ne *Paul* wahhatkaghtho, watho-nonweron Niyoh, ony sahho-nikonghraghnirha.

16 Neoni ne o-nenh yaakwawe *Rome*, ne raghsennenwanenh eghyaghshakoghtkawe ne radinaghskwa jirenderon ne rakowanenh ne ne dehho-nenrayen: nok ne *Paul* ok ne eghyehhenderon enskatneh ne shodar ne ne ronwanonghne.

17 Neoni eghnaawenne, ne kady nonghnakenkeh aghsenh nonda *Paul* nen-yaghshako-nonke ne radikowanenghse ne *Jews*-aka enskatneh: ne kady ji-o-nenh wahhontkennisa, wahhenron ne ro-nonhhakeh, Jonkweh ony dewadadekenhokonhah, ethosane yahhothe-non dewake-nhikon nonkwehhokonkeh, ne denhens ne ji-nihhodirihhodense ne yethi-nihhah, shekonh kady eghtyonkenaghskwenhhah *Jerusalem* ne radisonkeh ne *Romans*.

18 Ro-nonhhah, ne o-nenh wahhonke-nikonghrisake, radinonwese naonsayonkwaghtkawe, aoriwa jiyahheghdewakeriwayen nakarihony ne akihheyade.

19 Nok ji-o-nenh ne *Jews*-aka dahhondady yaghdeh-hodinonghweonh, Thondahhonkwennonghdonse yahhonkerighwakwadakwaghse ne ji-nonka ne *Cesar*: yaghnedekenh ne akarihony ayonkerighwaeghsten ne ji-nonkonghwenjoden.

20 Ikenh ken-ikenh aoriwa ne wahhony yakwenonke, nakwaken, neoni akwawennarane: aoriwa ne ne ji-niyurharatsheryuh ne *Israel* I-ih naah knerenghstonh ken-ikenh dekaronwarodarhonh.

21 Neoni sahhonwenhaghse ne raonhhakeh, Yahhony deyonkwaye-nah naondayonkhighyadonny ne *Judea* ne ise sarihonnayat, yahhony nokthikawennyu ne onkwadadekenhah ne ne ayonwe ayonkhinadonhaghse nedenhens nayondady ne naesakarewaghdaghkwe akenhake.

22 Nok deyonkwadonghwenjonyh nakwawennaronke ji-nahhoden sennonghdonnyon: ne aoriwa ji-niyutyerenh ken-ikenh yudonkwedakade enskat yonnonghdonnyon, yonkwaderyendare ne ne ji ok nonweh tyakonghthare yesarighwaghstany.

23 Neoni ne o-nenh wahhonweghniserarakwen, etho waonwe eso raonhhakeh ji-nonweh nihhonwanakdodanyh; ro-nonhhakeh watharighwathede nokhony wahharighwaghuirade ne royanertsera ne Niyoh, shakodeweyennonyenny ne ji-niyutyerenh ne Yesus dejaronh ne raotdakwarighsyonghtsera ony Oses, nokhony ne ji-niyawenhonh ne rodiyadadokenghdy, dahhadaghsawen orhonkenh ji-niyure yukaraghskhah.

24 Neoni ottyake dayakeghdaghkwe ji-nikarihodense ne ji-nahhoden waihghronyon, nok ottyake yaghdethoneghdaghkonh.

25 Ne kady ji-o-onenh wathonderighwadihhanyon nok ro-nonhha, nendonsahhondekhaghsy, oghnakenkeh kady ne *Paul* dondahhadady skawennat, Yuyanere jiwahhodayase ne Ro-nikonghriyughstonh wahhony ne *Esaias* ne royadadokenghdy ne ro-nonhhakeh ne yethinihhokon:

26 Wahhenron, Was ken-ikenh onkwehhokonkeh, nok enghsiron, Sathondek enghsaronke naah, nok yaghtaesamikonghrayendane: neoni enghsken t'kakonde enghsatkaghtho, nok yaghthasadennikonraren:

27 Ikenh na werihhokonh ne ken-ikenh onkwehhokon ne ok yuneghrakwah yudeghraron ne waderaswaxhenh, neoni jidehhonhhonghdonde yaghdejoghronkat, neoni ne radikaghdekeh rodimondekonh; onwa neken ennhontkaghtho ne enhhonde ne radikaghdekeh, neoni ne aahhontste ne rao-nahhonghda, neoni aodinikonghrayendane ne rao-neryaneh, neoni daonsahhadonnadeny aonsahhadonnhakanonny, neoni ne eusekhejende.

28 Ne kady wahhonny sewaderyendarak ne isekeh, neneken nakotshennonnyaghtsera ne Niyoh ne thodennyeghdonh ne ji-nonweh ne arekho deyakorighwiyughstonh, neoni ne ne t'kakonde ayonronke.

28 Neoni ne o-nenh shahhadady ne ken-ikenh owennaokon, ne *Jews*-aka erenh sahonneghde, neoni kowannenh wahhonnikonghrayendonwe raodinenrakonh.

30 Neoni *Paul* akwah deyughserakeh eghrenderon ji-nonweh nakwah raonhha ranhaonh jikanonghsode, neoni shakoye-nahhatye yakohhatye ne raonhhakeh,

31 Rarighwaghnodon ne raoyanertsera ne Niyoh, neoni shakorihhonnyenny kenkayen ne karighwaokon ne ji-niyutyerenh ne Royaner Yesus Keristus, ony akwekonk ji-niyudewennodaghk orighwiyu, yahhonghka dehonwatswadenny.



NE NE SHAGOHYATONNI
PAUL NE ROYATADOGENHTI
JINONKADIIH NE ROMANS

KANYENGEHAGA KAWAANONDAHKON

NE TEHAWEANATENNYON NE KENWENDESHON

NOK ONI SHODIGWATAGWEN

NE WILLIAM HESS AND JOHN A. WILKES, JR.

NEW-YORK:

PUBLISHED BY THE YOUNG MEN'S BIBLE
SOCIETY OF NEW-YORK,
AUXILIARY TO THE BIBLE SOCIETY OF THE
METHODIST EPISCOPAL CHURCH.

Howe & Bates, Printers.

1835.

ible. New Testament: Romans. Mohawk
1835.

THE EPISTLE
OF
PAUL THE APOSTLE,
TO THE
R O M A N S,
IN
THE MOHAWK LANGUAGE,
TRANSLATED BY
H. A. HILL,
WITH CORRECTIONS BY
WILLIAM HESS AND JOHN A. WILKES, JR.

NEW-YORK:-

**PUBLISHED BY THE YOUNG MEN'S BIBLE
SOCIETY OF NEW-YORK,
AUXILIARY TO THE BIBLE SOCIETY OF THE
METHODIST EPISCOPAL CHURCH.**

Howe & Bates, Printers.

1835.

NE ROYADADOKENGHDY
PAUL YEHHODADYH
NE ROMANS.

CHAP. I.

PAUL ne Ronhahonk ne Yesus Keristus, ne ronwandaonghkwenh ne Royadadokenghdy, akde-ji-nadekayerenh Kense-kayen ne Raorighwadokenghdy ne Niyoh.

2 Kenwahhy Shakorharatsstennyh tha-o-nenneh wahhy ne ne Rodiyadadokenghdy-okon Norighwadokenghdi-keh,

3 Ne yurihhonnihonh ne Royenhah Yesus Keristus Eghtshidewayaner, ne-se yonnyadonh ne Kareenna Dawed yurihhonnihonh ne Howaghronne.

4 Neoni Karihhowanaghdonh ne-naneh Royenhah ne Niyoh ony Raoshatsstenghsera, Jityorighwaniyonde ne Rao-nikonra Jiroyadadokenghdy ne ne Jishotketskwenh ne Jirawenhheyonghne:

5 Raonhha shonkwawyh wahhy ne Kendenrad neoni Ji-Royadadokenghdyonweh aoriwa ikenh Aonwennidenghdasehheke Aodayakaweghdaghkon ne Niyadeyakamonghwenjakeh ne Ra-Oghsennakonh.

6 Jonhhakeh Onghka-ki-ok shaden-yawenne ne yetshironhyenharon ne Yesus Keristus.

7 Yesewagwegonh se ne *Rome*, ehtshisewanoronhkwha ne Niyoh, ne En-yondade-nadonghkwe ji-niyught ne Rodiyadadokenghdy: Kendenron ne-Isekh ony Kayanerenh, Entkayenghdaghkwe Niyoh-neh Eghtshidewanihhah, neoni ne Royaner Yesus Keristus.

8 ¶ Tyotyerenghdonh, I Wathi-nonwenon Ake-Niyoh wahhonny Yesus Keristus Ikenh ne yesewakwekonh jidisewehtahkon nense yeyakodadyh Deyaonghwen jawerhonh.

9 Ikenh Niyoh Dehhakerighwakanere (ne Norighwi-yu-onweh) raonha riyotenhsehs ne Ake-nikonrakonh ne Orighwadokenghdikeh *Gospel* ne na Royenhah, ne-eh ne Yaghtakaghtkawe Thonwakkwathon ne Isekeh Tyotkonh Akwaderennayenghserakonh;

10 Wakyude ne kerighwisax doka-ad nonkenh ne akarihonny nonwa ayurighwadaty ne n'lih aonkwadera-swi-yughste Jikathahhine ne Enthennonghdon ne Niyoh ya-akewe ne n'Isekeh.

11 Ikenh wahhonnise shikon-yadisax ne akonken, ne akarihonny aagyon ne kanikonrakonh adadawy, Jiye-yodo-okde Aaghseghre wadeweyennendan;

12 Ne ne, ne na naondayonkwadeweyendon yahedewakwekon (Enskaghneh) ne Ise ne ayonny orighwi-yu-Aondayonkweghdaghkon Dejaronh Ise neoni I-ih

13 Nonwa yaghdewakeryendiyughs Thiyesewatsstaronghs yaghdewaghronkha, Dewadadeken-okonhah, ne ne yotkade Neghniwakerihhodenh Ehha-akeghde Isekeh, (ok sane eghnenyawenne,) ne ne a-akkweny dokaad otyake Akanenhhondane ne Jonhhakeh, ji-ony niyught ne otyake ne arekho Deyakorighwi-yughstonh (*Gentiles.*)

14 Iih na-ah yonkkarodanyh Dejaronh ne *Greeks*-neh neoni ne yaghdetyerighwayerits, Dejaronh ne Rodi-nikonghrowanenghse neoni ne yaghdelhodi-nikonghrowanenghse.

15 Eghniyught, ji-niwakkwe-nyonh n-Iih, Wakeweyennendahonh ne Enkaderighwaghnodon Norighwadokenghdy *Gospel* ne Isekeh etho ony Jisewanakeronnyon ne *Rome* Shaden-yawenne.

16 Ikenh yahhothe-non dekadehhenghse ne Raorighwadokenghdy *Gospel* ne Keristus: Ikenh nese Raoshatsstenghsera ne Niyoh etho Yen-yakonnheke-onweh Niyadeyakonh ne Nentyaka-weghdaghkon, etho Jewshaka Tyotyerenghdonh, neony Shadeyawenhonh ne *Greek*.

17 Ikenh Eghtyoyenghdaghkonh ne Aderighwakwarighsyonghtsera, Niyoh-neh Eghtyoyenghdaghkonh Jityakaweghdaghkonh ji-niyught Jikaghyadon, ne Nyakoyanere ne En-yakonnheke Nentyakaweghdaghkon.

18 Ikenh ne Rao-nak'wenghsera ne Niyoh Ehhentka-yenghdaghkwe Karonghyakeh En-yakorane akwekonh ne yaghdeyakorighwiyughstonh neoni Yaghdeyakode-righwakwarighsyonh Nonkweh, Onghka en-yakoye-na wakon orighwiyu ne Yaghdeyuderighwakwarighsyonh:

19 Enkarihhonny ne ne En-yakoderyendarake Niyoh-neh ne thiyntkwathon ne Ro-nonhhakeh; ikenh ne Niyoh Shako-nadonnyh Ro-nonhha-tserakonh.

20 Ikenh ne yaghdedewakenghs ji-niyadekonh Raonhhakeh nenneh tyoyenghdaghkonh Thondondongh-wenjadaghsawen Eghshiyught odokenhonh nenne-eh weneh Ji-niyonkwanihonghrayendahonh, nenne-eh Jini-kaweyennendahonk, shadeyught ji-niyenhenwe-onweh Raoshatsstenghsera neoni Niyoh Rayadakwe-niyu-onweh: ne kady wahhonny yahhothe-non thiyahedewaraghse.

21 Wahhonny ne-eh, ne o-nenh En-yakoderyendarane ne na Niyoh, yaghtaonyonwesaghde Raonhha ne na Niyoh, yahhonny Thaonwadol ghrennihheke, ok eghnaawenne kayese-ondon Ji-niyakorihhodenh (Nako-nikonrakonh) neoni Kendeghsera Akaweryaneh ne Dayukaraghwe.(Aghsadakonh.)

22 Jini-yakodade-nikonghrodenghstonh Akaonhha-tserakonh iyenghre katdokha, Akaonhha Eghnaawen yakodeh (kendeghsera;)

23 Neoni tahontteni ne Nakaonwesengh-tsera ne neh-nonka ne Raoderighwakwarighsyongh-tserakonh Niyoh etho Ayondatyadonnighseronnyen Daonsakyyatyeren ne yahtehoderihwagwarihsyon Ronkweh, ne akonwarighwanekennihheke Jidenhokonhah, neoni Kayerih Nadekaghsinonde Karyu, neoni kondeserese. (Nahhondenshonhah.)

24 Ne wahhonny ne Niyoh ony rawerongh Yakaweronnhatyeh Ji-eghyakodatyadare ne Yaghdeyakoderighwakwarighsyonh nen-yakohhetkenghdonh Nakaweryaneh yaghdejotkonnyenghst Nakoyeronda Tye-nihhokenh.

25 Onghka deyakode-nyonh ne raodokenghske-tsera ne Niyoh yondennowenghtha, neoni Akonwarighwane-kennihheke neoni Akonwayudenghsehheke ne akde Kayadaghdongh-tsera senhha eso akde Ji-naonwayerasehheke ne shakoyadison, ne se-nenne-eh ne Kayadaderigh-tsera ji-niyenhhenwe. Awend.

26 Ikenh ne se Enkarihhonny Niyoh Denghshakoghjaren ne Karighwanera-axhera En-ye-nonwene; ne En-yughnirha: shadeyught ne Ako-nheghtyen-okon Watkondonnhadeny oya nakondiyere jidenghnon Nikonnonnhodenh.

27 Neoni shatyawenne shadeyught ne Radijinhokon, wahho-nady ne Ji-nihhonnnonnhodenh ne Aaratsste ne Ako-nheghtyen, Enhhatsshaaghde nonkadighkonh Kanaghkwa karighwaneren Enskat Enwaderade yaden-yuhhetsste tminiogengh Radijinn shakat Radijinn kayudenghsera na-ah wahhetken akde (yokent) neoni wahhadiye-na Ro-nonhha-tserakonh ne na Nayuyanerenhonh ji-niyught ji-akde Kayadaghdongh-tsera nese watthonderane.

28 Neoni Shaden-yawen ne ji-nikonhne yaghdehnonwaraghk'wa ne Niyoh ne ne ji-niyakoderyendare, Niyoh shakowyh Ro-nonhhakeh nakonwanhese jiyonnonghdonnyon, Ji-nikariwakeh ne yaghdeyuweyestonh.

29 Ji-niyught ne Akananon Tyokwekdonh ne yaghdeyuderighwakwarighsyonh, Kanaghkwa karighwaneren, Yeghserohenh karighwaneren, Kanosshagh-tsera, yodewennaxhadanyonghs, Kananonh kanosshahonh, yontswatha Onkweh En-yondenryu, yonderighwadekwaghs, yondonnhiyaghs, ye-nikonrhatha, Deyerighwakarany, yerighwenhhawise, Deyakojahhontyese, karighwanenghskwen.

30 Yerighwanenghskwaghs ronwaghswenghse ne Niyoh, ye-nikonghraxhenh yakotswentskonh, ye-nayah, yerighwanonweh, ok thiyakodadewendeghdonh ne wahhetken orighwakwekonh, yaghdeyondadewennaraghk'wa ne Ondade-nihhah ony Ondade-nisstenhhah.

31 Ji-niyught ne yaghdeyako-nikonghrayendase, Deyerighwaghrihtha nyuyanare, yaghthiyewadase nyuyanere ye-nikonghraxhenh, yaght-deyako-nidenreghskonh.

32 Onghka yakoderyendare ne Raojenhhayengh-tserakonh ne Niyoh, (ne ji-niyako-nhikon ji-niyuriwakeh nese yadenke-ne En-yahihheyade,) yaghnok thakarih-honny neghnayeyere, ji-niyakodonwesshonghkwe Na-kaonhha neghniyakotyerenh Nakaonhhakeh.

CHAP. II.

*Re-nonhha ne ne Rodirighwaneron, neoni shekonh eghya-
yeragh-se dokahens Jews, nedenhens Gentiles.*

NE WAHHONNY n'Ise yahhothe-non Thiyaaghse-
raghse, O Ronkweh, onghkakiok Ise ne na Deghsy-
adoreghtha: ikenh 'kaok nonweh Nadenghsyadoreghde,
thiyeyadade-nyon, Waghсадadewen-deghde sonhhaah,
ikenh ne Ise ne tehsheyatrehtha ok ne shakat jini-
sayerenhatye.

2 Ok yonkwaderyendare orighwiyu ne Raojenhha-
yengh-tsera ne Niyoh ne T'Kawenniyu ne Tokenghske-
onweh, Akaonhhakeh sayutyeghde ji-niyako-nhikon ji-
nikariwakeh.

3 Neoni sennonghdonnyonh genh ne Ken-ikenh, O
Ronkweh, ne-eh shejenhhayenh ne-eghnen-yeyere ne
Ken-ikenh, neoni Eghnenghsyere ne shaden-yughdon,
ne ne Aonsaghse-nyakenne ne Raojenhhayengh-tserakonh
ne Niyoh?

4 Ne denhens Ensakenghraden n'Ise ne Atshokowagh-
tsera ne ne Raonhha ji-nihhoyanere, neoni rodaghkats-
stadonh, neoni wahnonnise shihhoronghyakenh; yagh-
desewaderyendare ne Ji-nihhoyanere ne Niyoh Eghts-
hisewaghsharineghtha ne Naonsayondatrewhaghde?

5 Ok oghnakenkeh ne Ji-niseweryaghsgahnironh,
neoni Yagh-desewennidenghtha sewatye-nighdonhhatye
Jonhha kanak'wenghsera Enweghniseradeke Kanak'
wenghsera, neoni o-nenh enwenene theayotkwathon ne
yoderihwagwarihsyon raojenhayentsera ne Niyoh;

6 Onghka enhshagorihwayeritshe Ji-niyadehnonn-
kwedakeh yaweryendiyuh ji-niyakotyerenh:

7 Ro-nonhhakeh, Onghka, yakodewennaraghk tyot-konh ne yuyanere Ji-niyakotyerenh, yakesax, ne Onwesengh-tsera neoni Atkonnyengh-tsera neoni Karighwakatsste ji-niyenhhenwe Yonhe-onweh;

8 Ok Ro-nonhhakeh ne yakoyste-nyaron ne yaghdekonwawennaraghkwenh ne Tokenghske-onweh, ne Deyerighwaghsnye ne karighwaxhense ne Nenhho-nakonnyadaghkwe ne Rao-nak' wenghsera,

9 Kaneghrakwaghdasere neoni dewadonhharenghtonkeh, ji-nen-yawen Niyadewadonnhetsherakeh Nonkeh ne ne wahhetken ji-niyontyerha, Jewshaka Endewatyerenghde, neoni shaden-yawenne naneh *Gentiles*: (ne Yakorighwaneraaxkonh.)

10 Ok Onwesengh-tsera, Yotkonnyenghst, neoni Kayanerenh, Niyade-yonkwedakeh ne ne Kayodenghseryuh Ji-niyontyerha, Jewshaka Endewatyerenghde, neoni shaden-yawenne *Gentiles*: (ne Yakorighwaneraaxkonh.)

11 Ikenh yaghdense Dejokent ne Onkwehhokon ne Niyoh-neh.

12 Ikenh ji-nikonh ne yakorighwaneren ne yaghdeyoderighwakwarighsyonh, T'kakondane shaden-yawen Enhhonwadighrewaghde ji-nonweh yaghdeyoderighwakwarighsyonh, T'Kakondane etho Denwatyadoreghde Kajenhhayengh-tserakonh ne Jiyoderighwakwarighsyonh;

13 (Ikenh ne yaghdeyonghronkaghs ne ne Jiyoderighwakwa-righsyonh Enwatdakwarighsy ne ra-ohhendonh-Niyoh, ok neh Ji-niyontyeranyonghs ne ne yoderighwakwarighsyonh T'Kakondane nenne Tentthonwadirighwayeritshe.

14 Ikenh ne o-nenh ne *Gentiles*, (ne ne yaghdeyakoderighwakwarighsyonh) ne ne yaghdeyerighwenhhawe ne yoderighwakwarighsyonh, Eghnen-yeyere Ji-niyakonnodenh ne ji-ok nahhodenshon yenkaserenne etho At-dakwarighsyonh-tserakonh, Ken-ikenh ji-nikonh, ne yaghdeyerighwenhhawe ne Nyoderighwakwarighsyonh, Akaonhhakeh karighwayen-daghkonh Ji-enwaderighwakwarighsy:

15 Ne na En-yodaghsy ne kayudenghsera ne ne yotdakwarighsyonh Kaghyadon-se etho Akaweryaghsakonh, nok ony Nakaweryendakeh, shadeyught Jiyakoderyendare-onweh orighwiyu-onweh, neoni Jiyonnonghdonnyon, Eghse nonweh niyondadatswadenny, nedenhens yondadatswadenny Enskatshon donderade Dakakwekde;)

16 Enweghniseradeke ne o-nenh Niyoh T'Kakonde Wahnajenhhayen ne Ji-niyudaghseghdanyon ne Onkweh-hokonkeh, Raonhha ne Yesus Keristus, Ji-nitkarigh-wison Nakerighwadokenghdy *Gospel*.

17 Jatkaghtoh, yetshi-nadonghk'wa Jewshaka, neoni ihsehre ensayatagennha nyoderigh wakwarighsyonh, neoni ene-sewadadonni ji ehjisewayenteri ne Niyoh.

18 Neoni Sewaderyendare wahhy Ji-nihhorihhodenh, neoni sewade-nyendenh ne orighwakwekonh senhha isyonweh Ji-nikarighwakwe-niyu, yetshirighwaweyensten-nyh wahhy ne Kayanereghsеракеh;

19 Neoni Wesewadadewennodaghkwe Katshaghniida ne na egnonkadyh Ise wesewadadaghsharineghde jiononka deyeronwekonh, ne kaghswatheghsера ne rononhhakeh ne na-ah Aghsadakonghtsера,

20 Ne yetshirihhonyennighs ne yahteyagonigonh-rowanenhse, yondaderihhonyennighs ne Owira-okon, Sewayendaghkwese ji-nikayadodenh ne Kanikonra neoni ne na Tokenghske-onweh Jiyuderighwakwarighsyonh:

21 Jonhha ne wahnony desewadaderihhonyenh n'Ise yaghtiyadaaghsadatyadighste Aaghsadaderihhonyen? Ise denghnon yetshirihhonyenh, ne Ronkweh toghsa Aasenenghsko, haden Ise Aaghshe-nenghsko?

22 Ise kenh sheyennighs, ne Ronkweh ne toghsa Aarighwanerake Kanaghkwa, haden Ise sarighwaneren Kanaghkwa? Ise ne enghserighwaghswehseke toghsa ji ok nahhoden Aaghsarighwanekennihheke, haden Ise sarighwaneren Jikanakdadokenghdy?

23 Jonhha ne sewadonnighs ne Yaghdesewaraghk'wa ne Yoderighwakwarighsyonh, jiyodookdanihnon, Desewarighwaghrihtha Nyoderighwakwarighsyonh, yaghdegtshishewakonnyengsstha Eghtshisewa-Niyoh?

24 Ikenh ne Raoghsenna ne Niyoh sewakonnadaghk'-wa wahhy raodinenrakonh ne yaghdehhoderighwiyughstonh, (*Gentiles*) yatyohhetsste Ise, ase Eghniyught Jikaghyadon.

25 Ikenh Karighwiyughstaghkneh akwah Enghsadorghradaghkwe, doka Enghsaderighwenhhawa Nyoderighwakwarighsyonh: ok doka Denghserighwaghrihthake ne Jiyuderighwakwarighsyonh, Sarighwiyughstaghk yaghdejorighwiyu ne sarighwiyughstaghk.

26 Ne waghony dokat ne yaghdejorighwiyu ne sarighwiyughstaghk serighwenhhawaak Natdakwarighsyonghsera ne ne yoderighwakwarighsyonh yaghkady nenne thaesariwarane Jiyaghdejorighwiyu ne sarighwiyughstaghk Ikenh sarighwiyughstonh?

27 Neoni yah genh teyaweht nyaghdeyakorighwiyughstonk ne neh Eghniyakonnhodenh, dokat nonkenh Enkanaghne ne Nyoderighwakwarighsyonh, ten-sayatorehte, Onghka ne ne oweanageh neoni Karighwiyughston serihwahrihtha, ne Jiyuderighwakwarighsyonh?

28 Ikenh Raonhha yagh Jewshaka dekenh, kanikayense Enskat atssteh nonkadyh, yaghden ony ne ken-ikenh nyakorighwiyughstonh atssteh nonkadyh Akowaghronneh:

29 Ok Raonhha na-ah Jewshaka, ken-ikenh Enskat ne Nakonh nonkadighkonh; neoni Nyakorighwiyughstonh ne Nakaweryaghsakonh, Kanikonghrakeh, neoni yaghden ne oweanagonh, yaghnenne Thayondade-nendon Nonkweh, ne ok ne Niyoh.

CHAP. III.

NAHOTENH kadi ne raotsheanonnyahrtsera ne *Jews*-haga? ne denhens ne ra-onatshennonnyaghsera ji-nayawenhonh ne Naodirighwiyughstahonh?

2 Esoe ji ok nonweh: Kayadakwe-niyu-onweh, aoriwa ken-ikenh ne Ro-nonhhakeh yodyehtonh ne raohyatonhseradogenhti ne Niyoh.

3 Ikenh do-nayawenhonh, dokat notyake yaghtaon-dayakaweghdaghkon? ne ne kenkayen ne ne yaghdeh-honneghre orighwiyu ayodon-ongh-kenh Aondayak'-aw'ghdaghkon ne Niyoh-neh yaghdense thiyeyoyen-dah-onh?

4 Niyoh rorighwaghstenh: orighwiyu-onweh, Ethose Niyoh nese Tokengskekennhak, ok Niyadehhadyh ro-di-nowenh: ase eghniyugt jikaghyadon, ne na Aondonse Daondayerarighwayeritshe ne ji-nahhoden Enghsighron-nyon, Neoni Naondon Dasadonkoghde ne o-nenh Enyesajenhhayen.

5 Ok dokat yaghdeyonkwaderighwakwarighsyonh dewarighwenhhawak ne Rastdakwarighsyonghsera ne Niyoh, Oghnahhoden Endewenron? yaghkenh ne Niyoh Tehhoderighwakwarighsyonh ne wahhy shonkwaghrerewaghdane? (I wakadady ji-niyugt Nonkweh.)

6 Niyoh rorighwaghstenh: Ikenh ethoghkeh do-nen-yawen T'Kakonde Niyoh wahhajenhhayen ne Jiyonghwenjade?

7 Ikenh dokat ne raotogenhsketsera ne Niyoh senhha esoe enwaderihwareni jiwake-nowenh-onweh ji nonka raonwesentsera. Oghniotyerenh shekonh lih shaden-yawen En-yonkjenh-hayen ji-niyugt ne Yakorighwanera-axkonh?

8 Neoni yah senha jinayaweane (wahhy ji-nidewayadodenh o-nowenda jiniyonkhiyeren yurighwakare-nyh, neoni ji-niyugt otyake eghna-awen ne ne ji-nedewenron,) Do-wahhetken ji-nidewayer, ne ne yuyanere a-ondawe? ne wahhy En-yondejirenghdaghkwe ethoghjy kady.

9 Atskwyh? senhha kenh I-ih yonkwayanere ji-niyugt ne Ro-nonhha? yaghden, yahhoghthahedewayere: ikenh ne-eh Eghniyonkwatyerenh Tha-o-nenneh yurighwagnirhahonh Dejaronh *Jews*-haka neoni *Gentiles*, yedewakwekonh yonkwarighwaneren.

10 Eghniyugt Jikaghyadon, yaghkaneka Deyakoderighwakwarighsyonh, yaghden yagh-Enskat:

11 Yahhonghka deyonghronkha, yahhonghka ony dehhonwadisax ne Niyoh.

12 Akwekjihhohh yonkwathahharakwaghdonh jinnonweh rayuhhade, Enskat-neh yonkwadonhonh ne yahhothe-non Thiyada-onsayarihondane; yahhonghka Eghdeyakoyerenh ne yuyanere, yaghden yagh-Enskat.

13 Jiyako-nyadakaronde ne na yudennhodonkwenh ne Wadokdane: ne Akennaghsonneh yontha wa-ako-nikonrhaden; ne yotkon ne jiiks nagondiyatodenh, etho nakonh Eghskwendakeh.

14 Onghka jiyeghsakaronde kananonh yerighwayesaghta neoni yuderighwatskarade-nyon:

15 Ne na Ronghsikeh yughsnoratye Ji-en-ye-nekwenghsarine:

16 Yontkaronnyane neoni Karonghyakenghsera jiniyakawe-nonhhatye:

17 Neoni ne jinnonka ne Kayanerenh yaghdehhadiyenderyh:

18 Yahhothe-non Tehhonwatshanighse ne Niyoh ohhendonh ne Radikaghdekeh.

19 Nonwa o-nenh yonkwaderyendare ken-ikenh jinnah-denshon naghtyawenraghtsera jinniwadonnyon, yawenh ne Rononhhakeh Onghka yakowenniyu nyuderighwakwarighsyonh; ne na akwekonh Jiyeghsakaronde dokat Enkannhodonke, neoni Onghwenjakwekonh yonkwaderighwayennire ne ra-ohhendonh Niyoh.

20 Ne waghonny jinnikaghson waderyendaghson naghtyawenraghtserakeh yahhothe-non ne Howaghronneh Thayuyadadery jidehhakanere: ikenh etho, ne Atdakwarighsyongh-tserakeh ne na yakoghronkahonh ne jinkarighwaneren.

21 ¶ Ok nonwa ne Atdakwarighsyonghtsera ne Niyoh neh yaghdekayadare Naghtyawenraghtsera ne ra ok adenoserhenh, waghonny yurighwaghnratsstonh ne Naghtyawenraghtsera neoni ne Rodiyadadokenghdiokon;

22 Shadekade ne Atdakwarighsyonghtserakwekonh ne Niyoy-neh, ne na-ah orighwiyu-onweh Tokenghskeonweh ne Yesus Keristus-neh, jonhha akwekonh akwekjihhohh jinnikonh Nentyakeghdagkwe: yahgkaneka Thadaakyatdihha:

23 Ikenh akwekonh yakorighwaneren, neoni Entyonkwado-okthaghse ne etho Ra-onwesenghtserakonh ne Niyoh-neh.

24 Oksane jakoderighwakwarighsyonh orighwiyu a-oriwa ne ra-odenrad, Tehhodohhetsstonh ne Kenhheya-atneh seghshonkwayadakwenh ne-eh na-ah Yesus Keristus-tserakonh :

25 Wahhy Niyoh-neh etho Tyoyenghdaghkonh Roronghyakenhonh Tehhodohhetsstonh orighwiyu-onweh Tokenghske-onweh ne na Ra-o-nekwenghsa, ne Enkarihhowanaghde Ra-otdakwarighsyonghsera ikenh ne Enjonkwarighwiyughstaghkwen ne Onkwarighwaneraaxhera ne Nentyodonkoghdonh, Tehhodohhetsstonh ne rodaghkatsstadonh ne Niyoh ;

26 Ne Enkarihhowanaghde, Kadon, ne onghwakeh, Ra-oderighwakwarighsyonghsera ; ne na Ra-onhha royanere-onweh, neoni ne Enseghshakorighwakwarighsyase Ra-onhha ne ne tyakaweghdaghkonh ne Yesus.

27 Kanonweh Ehgniyakoyerenh ne ethoghkeh ? ne wahhy shaden-yawenne (wadonghsere.) Oghnikayane-renghserodenh ? Kayudenghserakeh ? Yaghdeyurharats ; neok neh Atdakwarighsyonghtserakonh ji-orighwiyu Deweghdaghkonh.

28 Ne wahhonny yakwarighwisa-aghs ne na-ah ne Ronkweh Aonsahoderighwakwarighsyase Jideweghdaghkonh yaghtha-onhighden jiro-nhikon dayurighwadaty Naghtyawenraghtsera.

20 Ne ok kenh ne Ra-onhha Ra-odi-Niyoh ne *Jews*-haka ? Yaghkenh Ra-onhha Ra-odi-Niyoh ne yaghdeh-hodirighwiyugh-stonh ne *Gentiles* ? Etho, Ra-odi-Niyoh na-ah ne yaghdehhodirighwiyughstonh *Gentiles* shakat :

30 Jatkagthoh nese ok Enskat Niyoh, ne wahhy Enseghshakorighwakwadakwaghse ne yakorighwiyughstonh Jideweghdaghkonh, neoni yaghdeyakorighwiyughstonh aoriwa Jideweghdaghkonh.

31 Eghkenh nendewayere entyonny a-o-kon ne ra-orighwakeh ne agarihoni Jideweghdaghkonh ? Niyoh rorighwaghstenh : orighwiyu-onweh Dewarihhowanaght ne Ra-otdakwarighsyonghsera.

CHAP. IV.

Akwerenh Jithaweghdahkonh Wahhonwarighwakwadakwen.

OGHNAHHODEN Kady ne ken Endewenron ne ethoghkeh, ne-ch na-ah Akwerenh, Eghtshidewanihhah ji-niyught Jiroyadarahonh ne Howaghronneh, etho Jodetshenryonh.

2 Ikenh dokat ne Akwerenh shonwarighwaghseronyennyh Kayudenghsera-okon, Ra-onhha shoyendahonh onwesengh-tsera; ok yaghden ra-ohhendoh ne Niyoh.

3 Ikenh oghnahhoden yawenh ne Kaghyadonghseradokenghdy? Akwerenh Thaweghdaghkonh Niyoh-neh, neoni Eghna-awen sahhonwarighwakwadakwaghse ne Ra-onhhakeh ne na Aderighwakwarighsyonghsera.

4 Nonwa Ra-onhhakeh ne Kayadenghsera ne na ne a-onsahhonwayeritshe yaghta-adewennodaghkwe ne Kendenrad, ne ok yukarode.

5 Ok Ra-onhhakeh ne na yahhothe-non Dekayudenhonh, nok Thonweghdaghkonh Ra-onhhakeh shonwarighwakwarighsyaseh, ne Jiyaghdehhorighwiyughstonne, Jithaweghdaghkonh ne na Enshotyeritshe Enshowarighwakwadakwaghse.

6 Shadeyught ji-niyught Dawed shakat ronwayadare ne shoyadaderihonh ne Ronkweh Ra-onhha na Niyoh Engshakorihhontyeghden Atdakwarighsyonghsera ne yaghtenkayudenhonh.

7 Yakawenh yakodaghskats na-ah n'Onghka sayondaderighwiyughsten ji-nijakoderighwadewaghdonh, neoni Akorighwanera-axhera Ensewaderhoroke.

8 Rodaghskats na-ah ne Ronkweh Onghkaki ok ne Royaner yaghtaorighwaghretssten jirorighwaneren.

9 Dawe ken-ikenh Kayadaderightsera ethoghkeh Enyakorane ne Jiyakorighwiyughstonh ne ok Enskat, nok ony En-yakorane ne yaghdeyakorighwiyughstonh shadeyught? Ikenh yakwadon ne na-ah Deweghdaghkonh ronwadewennodaghkonh ne Akwerenh ikenh Roderighwakwarighsyonh.

10 Do-niyawenhonh ethoghkeh ronwadewennodaghkonh? ne o-nenh Ra-onhha shahharighwiyughste, ne denhens arekho shihhorighwiyughstonh, yaghdehhaya-dare ne Karighwiyughstaghkneh, ok ji-nonkadyh yaghdekarighwiyughstonh.

11 Neoni Ra-onhha Wahhaye-na ne wade-nyendenghstonh, ne Karighwiyughstonh, Wakarighwaghniratsstaghkwe ne Aderighwakwarighsyonghtsera ne ne orighwiyu-onweh Tokenghske-onweh ji-nahhoden Ra-onhha royendaghkwe, shekonh arekho shishonwarighwaghseronnyennyh, ne na-ah ayudonhonh ne Ronwanihhah akwekonh ji-nikonh ne ne Tyakaweghdaghkonh, ok shekonh Ro-nonhha yaghdehhonadewennodaghkonh, ne Atdakwarighsyonghtsera Thiyudonhonghji-honh Ayo-deghyaronke ne Ro-nonhhakeh shakat:

12 Neoni ne Ronwanihhah ne na shonwarighwaghseronnyenny Ro-nonhhakeh Onghka arekho yaghdejondaderighwagh-seronnyennyh ne ok Enskat, ok Onghka shadayawen Eghniya-ayen Jidehhode-khahhaghkwenh Jideweghdaghkonh ne ne Eghtshidewanihah Akwerenh, ne ne shekonh arekho shihhonwarighwaghseronnyennyh.

13 Ikenh ne karharatsstonh, ne na-ah Ra-onhha Enhhayadakweniyuke Natakwarighsyonghtsera ne Onghwenjakwekonh, yaghkenh, dekonh Akwerenh, ne denhens ne ne ra-o-nen yaden-yuhhetsste ne Atdakwarighsyonghtsera, nok yaden-yuhhetsste ne Yoderighwakwarighsyonh ne Deweghdaghkonh ne orighwiyu-onweh.

14 Ikenh dokat Ro-nonhha na-ah En-yeyadarake ne Atdakwarighsyonghtserakeh ne-eh En-yurighwadatye, tewehtahkonh aogon yoton-onh neoni ne Jikarharatsstonh yahhothe-non thadahondohhesste.

15 Hasekenh ne ra-orighwakeh Ji-enwatyoden Kana-k'wenhonh: ikenh ji-nonweh ne yaghdekayen Naghty-awenraghtsera, yaghki-na de kayen ne sewaderighwadewaghdonh.

16 Ne wahhonny ken-ikenh ne na-ah orighwiyu-onweh Deweghdaghkonh, ne-eh Eghnayawen ne Kendenrad, Jiyeyodokde ne karharatsstonh ne-eh orighwiyu enwadon ne etho akwekonh ne wadeghyaronghs Kanen, yaghneok dekenh Kenkayen Jiyoderighwakwarighsyonh, Ok ki ok shadeyught ji-nahhoden ne Thaweghdaghkonh orighwiyu-onweh ne Akwerenh, Ra-onhha na-ah Eghtshidewanihhah yedewakwekonh.

17 (Hase eghniyught Jikaghyadon, I-ih wakyonnisa-aghse ne Kanighsera eso yonghwenjakeh,) ra-ohhendonh ne Onghka Entthaweghdaghkon, shadekade Niyoh, Ra-onhha Enseghshakahonnhede ne yakawenhheyonghseron, neoni yenhharonghyenhhare ok thiyurighwakwekonh Kanikayen yaghden ne ji-niyught ok shekonh yaghdeyakoriwaraght enkenhake.

18 Onghka sane yahteyorharats tahrehtahkwe jinonka nayawen ne-eh na-ah akarihonny ne Ronwanihhah akenhake eso yaka-onghwenjakeh, ne aondayuyanenhawe ne ne Ji-nityakowenninekenhonh, etho kady nenyawenne En-yurighwadatye ne sanen.

19 Neoni yahteyonetskha-onh jithawehtahkon, Ra-onhha yaghdehho-nonghdonnyonghsera ne Ra-onhha Ra-oyeronda nonwa Nen-yawenhheyonh, ne o-nenh Ra-onhha ethone Enskat Tewennyawe Niyughserakeh nithoyenh, yaghden ony arekho ne shiyawenhheyonghne ne Sarenh Kanekwendakonh :

20 Ra-onhha yahthatehogajahrehesron ne agarihonni Ji-nihhorharatsstonh ne Niyoh jideyudokdanihhon yaghdetyakawegh-daghkonh; ok denghnon yughaironh orighwiyu-onweh Jideweghdaghkonh, Ro-nendonghs Tyotkonh ne Niyoh ;

21 Neoni agwah kanaanon Jironwade-weyennonnyenyne na ji-nahhoden rorharatsstonh, rokwe-nyonh ony ne Eghnen-yawenne.

22 Neoni ne wahhonny etho niyawenhonh ronwarighwaghretsstennyh ikenh Roderighwakwarighsyonh.

23 Nonwa, eghniyawenhonh yaghdekaghyadon ne Ra-onhha ra-oriwa akenhake a-oskon, ji Eghniyawenhonh ronwarighwaghretsstennyh Ra-onhha ;

20 Ok ony Nonkyonhhakeh shaden-yawenne, Onghka ok t'kakondane En-yondaderighwaghretssten En-yakoderighwahheghsten, dokat n'I-ih Endideweghdaghkwe ne Ra-onhhakeh ne na-ah Jisshotketskwenh Yesus Eghtshidewayaner Jirawenhheyonghne ;

85 Onghka ronwadewendehton ne ne I-ih Ji-nijonkwaderighwadewaghdonh, neoni ne shotketskewaghdonh ne I-ih Aonsayonkwarighwiyughstaghkwen.

CHAP. V.

Wakarihhonny shoderighwakwarighsyahonh Jideweghdaghkonh.

NE WAHHONNY eghna-awenne Joderighwakwarighsyahonh ne Jideweghdaghkonh, yonkwayen ne skennen ne Niyoh, Wakarihhonny Eghtshidewayaner Yesus Keristus.

2 Ra-onhhakeh wahhy yonkwayen ne kaniyenhentewe wahhonni ne Jideweghdaghkonh ne ethoh ra-onidenrechtserakeh Eghnonweh Nidewade, neoni Endewadonnharen Nayawen ne Ra-onwesenghtserakonh ne Niyoh.

3 Neoni yag'lae-ok dekenh neghnayoghdon, ok Wakyonwesaghdie ji-nonweh niyongwaronhyagea-onh shakat: Jaderyendare ne na-ah ne karonhyagenhsera yoyude nyako-nikonghkatsste ;

4 Neoni yako-nikonghkatsste, En-ye-nikonghraweyendeghdane ; neoni En-ye-nikonghraweyendeghdane, jinnadeyodonghwenjohhonh. (Nayawen.)

5 Neoni ayawen Eghnayeyere yaghtayondehhen ; ne enkarihhonny Jiye-noronghk'wa ne Niyoh yodenhharanoghstonh inonh niyore ne Onkweryaghsakonh ne Ronikonghriyughstonh, ne na-ah yonkhiyawyh I-ih-neh.

6 Ikenh shekonh arekho Dejonkwayadaghnironh, ne ethone Tyorighwayerihonh Keristus rawenhheyonh ikenh ne aoriwa ne yaghderyakoderighwakwarighsyonh,

7 Ikenh yaghdewatyeseh ne raoriwa ne Roderighwakwarighsyonh Ronkweh Eghnayawen Enskat ayahihye; nok shekonh yaghdekadokengh-jihonh ok thantyeren ne akarihonny ne Ronkwediyuh otyake a-areghre eghniyawen Thenwennonghdon ne Nenghrehheye.

8 Ok Niyoh shakawennyh ne ji-nighshako-norongh-k'wa ne Onkyonlhakeh, ji-iwat ne na-ah, ji-shekonh Eghnonweh shekonh Jiyonkwarighwanera-axkonh, Keristus Shonkwennhheyaseh I-ih onkwariwa.

9 Eso senhha ne ethoghkeh, Eghna-awen nonwa eghshonkwayadakwenh ne na a-oriwa ne Ra-O-nekwenghsa, Onkyonhha t'kakonde nethoh Enjonkwayadako ne Ra-O-nak'wenghserakonh Enkarihonny Ra-onhha.

10 Ikenh dokat ne o-nenh Onkyonhha ne etho Enghshonkwaghswen, skariwat idewat ne Niyohneh ne rawennhheyadonh ne Royenhaheso senhha, etho skariwat, idewat t'kakonde ne Onkwayadake-nhaghsera Enjonkwayadako ne na a-oriwa Jironnhe.

11 Neoni yaghe ok dekenh neghnayoghdon, ok Onkyonhha shadeyawan Dewadonnharenh Niyohneh, ne wakarihonny Eghtshidewayanar Yesus Keristus, Raonhhakeh jiwa-onkwayendane nonwa wadewaye-na ne skariwat ondon.

12 ¶ Ne wahnony, ji-niyawenhonh shayadat ne Ronkweh rorighwaneren ondaweyade Onghwenjakwekonh, neoni En-ya-ihheyade jikarighwaneren; neoni Eghnen-yawenne Kenhheyatneh Enwadonkoghde akwekonh ne Onkwehhokon, ikenh ne na-ah akwekonh yonkwarighwaneren.

13 Ikenh jiher waghtyawenre, karighwaneren Watyonghwenjawerho: ok ne Karighwaneren yaghe dekonwarighwaghretsstennyh jinahhe yaghdekayen Natdakwarighsyonghsera.

14 Etho niyawenhonh, Kenhheyon Wakakowanka Tyodaghsawe ne Adonh ji-niyore Oses, Enekenh ony waktotraghkwen sahethoh arekho Deyakorighwaneren noghnaken Denskyatyerenne ki ne Adonh Jirorighwanhikon, Onghka kady neken Denskyatyerenne ne Ra-onhha ne wahy ne tare.

15 Nok yahten ji-niyught ne jiyakorighwanhikon, Ken ony ji-niyught wadadewennyu shonkwawyh. Ikenh dokat neakarihonnony ne jiyako-nhikon ne Enskat yotkade ayahihheye; Eso senhha ne ra-odenrad, ne Niyoh, neoni ne shakowyh ne ra-odenrad, ne ok Raonhhajiwa shayadat, Yesusus Keristus, shakoghnerenghstaghkonh eso yaken.

16 Neoni 'yaghten ji-niyawenhonh ne Jeyadat yakorighwaneren, eghkady niyught ne yondadawyh: ikenh ne Kajenhhayenghtsera-konh eghnen-yawenne Enskat ne etho Jidewadonnhakaryenh Aghsa-dakonh-onweh; ok ne skennen thiyondadawyh ne na yotkade sayakorighwanhighten ne Na-onsayakoderighwakwarighsyahonh.

17 Ikenh dokat shayadat ne Ronkweh Enhhorighwanhikon Kenhhiyat wakakowanha a-oriwa Enskat, Eso senhha ne yakoye-nah yawedowanenh-jihonh ne kendenrad, neoni ne ne yondadawyh ne Ade-righwakwarighsyonghtsera t'kakonde Enkakowanha jiyakonnhe a-oriwa ne Enskat Yesus Keristus:)

18 Ne wahhonnony, ji-niyawenhonh ne Jiyakorighwanhikon ne Enskat Kajenhhayenghtserakonh En-yakorane akwekonh ne Onkwehhokon ne etho ji-nonka Dewadonnhakaryenh n'Aghsadakonh-onweh; Eghkady ho-ne niyught ne Jiyuderighwakwarighsyonh ne Enskat ne skennen Thiyondadawyh En-yakorane ho-nenne akwekonh Nonkwehhokon ne etho Enjondaderighwakwarighsyase ne En-yakonnheke.

19 Ikenh ne ji-niyawenhonh shayadat ne Ronkweh rodewennon-tyonh ne wahhonnony yutkade yonkwarighwanera-axkonh, ne kady ne yondewennaraghk'wa Enskat ne ho-nenne t'kakonde yutkade Tentthennonghdon Dentyerighwayeride.

20 Senhha Issy nonweh, ne Natdakwarighsyonghtsera shondaweyade, ne na nethoh ne Karighwanhightsera ayudonhonh Ayakoghnerenghtonh, ok kakady ne karighwaneren ontkatade kendenrad eghna-awen eso senhha ne ontkatade:

21 Wahhy ji-niyught Karighwaneren ne na yokowanhahonh ne ethoh Kenhheyatneh, Eghkady ho-ne niyught ayodonhonh ne kendenrat ayokowanhahonh, a-oriwa Atdakwarighsyonghtsera, ne etho ji-niyenhenweonweh En-yakonnheke, a-oriwa Yesus Keristus Eghtshidewayaner.

CHAP. VI.

Toghsa Karighwanera-axherakonh Ji-ahetyonnheke.

OGHNAHHODEN kady Endewenron ne ethoghkeh? t'kakonde kenh ok o-nenh ji-nentyonkwayeren ne Karighwanera-axherakonh, ne ne Kendenrad kishen aganagereke aontkatade?

2 Niyoh rorighwaghstenh, Oghnendewayere, ne ne Nen-yakawenhheyonghseron jinonkadih Karighwanera-axhera, en-yonnise-kenh En-yakonnheke ne ethoh neghen-yoghdon?

3 Yaghdesewaderyendare, wahhy eso I tyonh ji-niyught ne Ayonkwat-nekoseraghdon ne ra-onhhakeh Yesus Keristus ne na yonkwatnekoseraghdonh Ra-onhha rawenhheyat?

4 Ne wahnony shadeyonkhiyadat ne Ra-onhha ne etho Adatnekoserhon Jikenhheyon; ne na-ah shadenyawenne Keristus shotketskwenh Jirawenhheyonghne ne Ra-onwesenghtsera ne na Ranihhah, shaden-yawen Onkyonhha Ehhendewaghdendy ji-nonweh ne ase-onweh ji Aetyonnheke,

5 Ikenh dokat Onkyonhha Enkayenthonne Enskatneh shaden-yughdonhake ne Jirawenhheyonh, Onkyonhha ony t'kakonde shaden-yawen ne ji-niyawenhonh Jishotketskwenh:

6 Jaderyendarak ne Ken-ikenh, ne na Eghtshidewaxdenhah wahhy Tehnowayendanhare yeghnikwekonh, ne na ne Oyeronda ne Karighwanera-axhera ne t'kakonde Akenhheye dakarine, ne kady kenthoh yedewadaghsawenh toghsa jidewaderighwaghdentyat ne Karighwaneren.

7 Ikenh Ra-onhha ne ne Nenwaghrenhheye o-nenh waghadekwaghse jiyurighwanera-axkonh.

8 Nonwa dokat Aedewenhheye, Keristus-neh, Entyonkweghdaghkon ne ne t'kakonde shaden-yawenne yentyonnheke ne Ra-onhhakeh.

9 Jaderyendarak ne na Keristus, ne ne shotketskwenh Jirawenhheyonghne, yagh-oya, Thaonsaghrenhheye; yaghtaonsahhokweny shekonh oya ne Kenhheyon.

10 Ikenh ne na-ah Waghrenhheyade, Ra-onhha Waghrenhheyade ne Karighwanera-axherakonh ne ok ne ethone: Ok aoriwa Ra-onhha yesronnhe-onweh, Ra-onhha yesronnhe-onweh Niyoh-neh.

11 Shaden-yawenne Jadewennodaghkonhak jiniyught Niyadejonh Ensewenhheyade orighwiyu ne Karighwanera-axherakonh, nok yenseghsonnhe-ke Niyoh-neh Enkarihonnny Yesus Keristus Egthshidewayaner.

12 Kinyoh toghsa ne Karighwaneren satyenhaghs ne Akakowanha a-ondaweyade Akahhetkenghde Jeronda-keh, ne nasewennaraghkwe a-ondaweyade ne jiniyunnosshat-okon wahhetken wahhy.

13 Yaghden ony Nakanenhhonden Ise Saghsthonderitserakeh jiniyught Jiniwatsheronnyaghkodense ne yaghdeyuderighwakwarighsyonh ne ne Jikarighwaneren: nok Karenhhonden Niyadejonh Niyoh-neh jiniyught notyake ne ne shekonh yakonnhe Jiyakawehheyonghne, neoni Saghsthonderitsera jiniyught Watsheronnya-donh ne Atdakwarighsyonghtsera ne Niyoh-neh.

14 Ikenh ne Karighwaneren t'kakonde toghsa ne Aesatya-dakwe-niyughsten Aesaghdorarake: ikenh yaghwahhy deghsyadare Norighwakeh ne ok jadare Kendenradneh.

15 Do nen-yawenne? Endewarighwanerake kenh, Enkarihonnny Jiyahheghdedewayadare ne orighwakeh, ne ok neh Kendenradneh, Niyoh Enhhohhetkense.

16 Yaghdesewaderyendare, Ongkha na-ah ne Enkanehhonden Jonhha-tserakonh yetshinhase-okon ne Naesewadewennaraghkwe, Ra-onhha shako-nhase-okon Jonhha Ongkha kiok ne En-yondewennaraghkwe; ne denhens ne Karighwaneren En-ya-ihheyade, Kendenhens kayen Konwawennaraghkwenh eghniyakoyerenh ji-nonkadyh Nyoderighwakwarighsyonh?

17 Ok Niyoh Enghtshisewadonren, wahhy ne ise eghniyught ne yetshinhase ne Karighwaneren: ok I-se wahhy sewawennaraghkwenh Tyoyenghdaghkwenh ne seweryaneh wahhy Ji-ni-kayerenh yetshirighwakeghronnyh ne wahhy yeyetshiyaghtkawennyh Jonnhakeh.

18 Ji-niyawenhonh ethoghkeh t'Kaghson Enjisewadadewenniyuke ne Karighwanera-axherakeh. Jonhha eghnen-yawenne ne Enjetshinhaseke Jiyuderighwakwarighsyonh.

19 I-ih wakadady ne ji-nikarihodenh Nonkweh, wakarihhonny jityoriwakonde ne Sewawaghronneh; ikenh ji-niyught I-se sewayen yu-nenhhondahonh sewaghsthonderitsera Ao-nhatsera ne Karigh-waxenh neoni ne sewaderighwadewaghdonghtsera, Sewaderighwa-dewaghdonghtserakonh, ne kady nonwa Aonsakanenhhonden sewaghsthonderitserakeh aesewanhaseke ji-nonka yoderighwakwarighsyonh, ji-nonkadyh orighwadokenghditserakonh.

20 Ikenh ne o-nenh Jonhha ne na ne sewanhatsera ne Karighwanera-axhera, Wesewatyadondako ne Jiyuderighwakwarighsyonh.

21 Oghnahhoden yoghyanyondahonh sewayendaghkwe Jonhha ne ethoghkeh ji-nonweh ji-nikarihodense ka-onghdeh nikayen n'I-se nonwa Ensewadehhen? ikenh ne jiyeyodokde ne kenhenh ji-nikarihodense Kenhheyat na-ah.

22 Nok nonwa ji-niyught kaghson jisewadadewenniyu ne Jikarighwaneren, neoni Eghnen-yawen ra-o-nhatsera ensewadon ne Niyoh Jonhha enjisewahhawe ne sewahhighk ji-nonkadyh orighwadokenghditserakonh, neoni ne jiyeyodokde, ji-niyenhenhwe-onweh yen-yakonnheke.

23 Ikenh ne Ji-nikakaryaxherodenh ne Karighwane-ren Kenhheyat na-ah; nok neh shakowyh ne Niyoh ne na-ah ji-niyenhhenwe-onweh yen-yakonnheke ne enhharihonny Yesus Keristus Eghtshidewayaner.

CHAP. VII.

Yaghdeyushatsstenghserayen norighwakeh Issy nonweh ji-nikariwes ne Ronkweh Enghronnheke.

YAGHDEJADERYENDARE, dewadadeken-okonhah, (ikenh I-ih wakadady Ro-nonhhakeh ne ne ro-naderyendare Norighwakeh) oghniyutyerenh ne Norighwakeh Entho-nonghdonse ne Ronkweh ji-niyught ji-niyore ji-nenwe Enghronnheke?

2 Ikenh ne Tyothonwisen ne na yoyen yo-nyakonh kanerenh ji-nonweh ne orighwakeh ne Jiyo-nyakonh, jinenwe Enghronnheke; nok dokat ne Ro-ne Enghrenheye, Aonhha sontnerenghsy Norighwakeh ne Jiyo-nyakonne.

3 Ethoghkeh kady, dokat, Aghsonh Ronnhe Na-onhha Rodinyakonh, Aonsayo-nyake ne Thihhayadade ne Ronkweh, Aonhha na Enkonwana-donghkwe wakarighwanerake Kanaghkwa: nok dokat Aonhha Ro-ne Enghrenheye, Aonhha sondadewenniyune ne ethoh Orighwakeh; eghkady naawen Aonhha yaghdeyurighwane-ren ne Kanaghkwa, shekonh Aonhha Enwadon Enjo-nyake ne Thihhayadade ne Ronkweh.

4 Ne wahhonny, I dewadadeken-okonhah, Jonhha ony shaden-yawen ne Wedewenheye Norighwakeh Ra-Oyerondakeh Keristus; ne na Jonhha dokat Aonsayakonyake ne shekonh oya, shaden-yawenne ne Raonhhakeh Onghka na Jotketskwenh ne Kenhheyatneh, ne-eh wahhy ya-onsedewahhewe ne Aonghyanyonden ne Niyohneh.

5 Ikenh ne o-nenh eghdewayadare ne Howaghronneh, ne ne ji-niyeyonkwanikonghrehhaghs ne Karighwane-ra-axhera-okon, wahhy Ehhikare ne Orighwakeh, yuyudenhonh Nokwaghsthonderitserakonh, ne Eghya-onse-dewahhewe ne Ji-niyughyaniyondaghkwe ne Kenhhe-yatneh.

6 Nok nonwa Nen-yonkhiyaghtkawennyh Norighwakeh wahhy ji-niyught En-yaihheye ne-eh eghnonweh niyonkwaye-nawakonh; ne wahhy eghnen-yonkwayeren ase-kenhhak ne Kanikonra, neoni yaghden ne Nakayonghnehha ne Jiyonkhighyadonnyh ne wahtyawen-rahtsera.

7 ¶ Oghnahhode kady Endewenron ne Ethoghkeh? Niken-kenh karighwaxhenh Norighwakeh? Niyoh rorighwaghstenh. Yaghden, yaghdekyenderhahon ne Karighwaneren, ne ok Orighwakeh: Ikenh yaghdekaderyendare ne ji-niyu-nosshat ne wahhetken, yawenh sane Norighwakeh, Toghsa ok Aaghshe-nossha.

8 Ok Karighwaxhenh, ne aoriwa senha wahrenene ne Ji-niwennyh, yodyoten I-ih-tserakonh akwekonh ne jini-karihhdodense Kanosshah-tsera Karighwaxhenhhokon, Ikenh yaghdekayadare Natdakwarighsyonghtsera, Karighwaneren yawenhheyonghne.

9 Ikenh I shikonnhe ethone yaghdekayadare ne Kayanerenh: nok ne o-nenh Naghtyawenraghtsera Ji-niwennyh shonwe, Karighwaneren ontyegh-ste, neoni wakhheye.

10 Neoni ne Ji-niwennyh, ne na-ah Karihhowanaghdonh kaweyennendahonh ne En-yonnbeke, waketshenry Kennhheyatneh onghke-kenh.

11 Ikenh ne Karighwaneren, ne a-oriwa senhha wahhe-nene ne Ji-niwennyh Aghtyawenraghtsera, Onke-nikonrhaden, neoni ne a-oriwa Onkeriyu.

12 Ne wahhonny ne Natdakwarighsyonghtsera ne na orighwadokenghdy, neoni t'karighwayery, neoni yuyanere.

13 Ne ethone genh ne Ken-ikenh ne yuyanere Wa-kenhheyaseh ne I-ih-neh? Niyoh rorighwaghstenh, ok Karighwaneren, etho nenne ok Thiyutkwathonh ne Karighwaneren, yoyude Nikihhey-onweh eghnaawen ne nyuyanereghkwe; wahhy Karighwaneren Ji-niwennyh ne a-oriwa eghna-awen ya-neghrakwah yonkwarighwana-axkonh.

14 Ikenh yonkwaderyendare ken-ikenh ne niyoderigh-wakwarighsyonh niken na-ah Kanikonghrehhawe; ok n'I-ih ji-nonkyadodenghste, Onkwadenghni-non Karighwanera-axherakonh.

15 Ikenh ken-ikenh ji-nikatyerha, yaghdeke-nonwese; ikenh ji-nahhoden Eghniwakyerenh, ken-ikenh ji-niyanwenhonh yagh-n'I-ih; ok ji-nahhoden ixwenghse, ken-ikenh ji-niwakyerenh.

16 Toka ethone Eghnenwakyeren ne ken-ikenh yagh-ki Deke-nonwese, Wakeryendiyoghs ne etho Kayanereghserakeh ne na-ah yuyanere.

17 Nonwa denghnon yaghden shegon ne Iih nehni-gatyerha ok Karighwara-axhera ne na Wakatyennyh yekayen I-ih-neh.

18 Ikenh Wakaderyendare I-ih-neh iwat (wahhy Akewaghronneh) Eghhiwat wakatyennyh ne yaghdeyuyanere: ikenh Eghnitkanikonghrodenh Tyotkonh ikhawe; ok do na-akyere ne yuyanere yaghdeketshenryese.

19 Ikenh ne yuyanere Eghna-akyere, yahheghdewakyerenh: nok ne wahhetken ne ne yahheghtha-okyeren Eghniwakyerenh.

20 Nonwa dokat Eghna-akyere yaghdense Dewakatthondadonh, ne-eh wahhy yah lih tegeh nehni-gatyerha, ok Karighwanera-axhera Wakatyennyh I-ih-tserakonh.

21 Waketshenry kady ne Kayanerenh, wahhy, ne o-nenh Eghnakyere ne ne yuyanere, nok shekonh waxhere ne wahhetken.

22 Ikenh I-ih onkeweyensstase ne Raoyanereghserakonh ne Niyoh Oghnaken ne nakonk iwat Ronkweh:

53 Ok wakatgaghtho shekonh, oya Norighwakeh ne I-ih Axthonderitserakonh, Waderiyuh ne Kayanerengherakeh Ake-nikonghrakeh, neoni Eghwakyadenhha-wightha ji-nonweh Ke-naghskwa ya-ondon ji-nonkadyh Norighwakeh jikarighwaneren ji-nahhoden iwat Naxthonderi-tserakeh.

24 O wakidengt n'I-ih Ji-nikonkwedodenh! Onghka Ensewaknerenghsy Noyerondakeh ne Ken-ikenh Jikenhheyon.

25 Wahhiyadonren Niyoh, ne rorihhonnyh Yesus Keristus Eghtshidewayaner, Eghkady niyught Nake-nikonghrakeh ne yadekyadyh Riyudenghse ne Kayanerenh ne Niyoh, nok neh Howaghronneh Kariwanera-axherakeh nenne-eh.

CHAP. VIII.

Onghka Akoyadakaghdeh ne ji-nonkadyh Dewadonnhakarayenh. Oghnahnoden Kahhetkenghtha t'kayenghdaghk'wa Howaghronneh.

NE kadi wahhonny, nonwa yaghdeskayen ne Adewendeghtsera ne Ro-nonhhakeh ne Eghyeyadareghkonh Keristus Yesus, Onghka yaghdékonwakaghdayese Akonwayanenhhawe ne Akowaronh, ok Enkonwayanenhhawe ne Kanikonghrakeh.

2 Ikenh ne Kayanerenh ne Kanikonghrakeh ne na yonnhe Keristus-neh Yesus ne na shakyadakwenh skadadewenniyu Norighwakeh Ji-karighwaneren neoni Jikenhheyon.

3 Ikenh Oghnahnoden ne Kayanerenh ne yaghtakakwe-nyonhhe iwat etho ne wahhonny yukenhhiyonh Jideyudokdanihon Nowaghronneh, Niyoh Tho-nhahonh nakwah Ra-onhha Royenhah Eghnihdotatyerenh ji-niyught nyorigwanera-axkonh Nowaghronneh neoni a-oriwa Karighwanera-axhera, En-yodewendeghdeh ne Karighwanera-axhera iwat ne Howaghronneh:

4 Kenwahhy ne Atdakwarighsyonghtsera Kayanereinghtserakeh ne denhens a-ondon yakayendaghjy Onkyonhha-tserakonh, Onghka yaghdekonwaghsera ne Howaghronneh, ok denghnon ne Konwaghsera ne Kanikonra.

5 Ikenh Aka-onhha ken-ikenh ne Konwaghsera ne Akowaghronneh, eghnen-yeyere den-yeghsnye-ne ne jinahhodenshon ne Oyerondakeh; nok ne ne Aka-onhha ne konwaghsera ne Kanikonra, ne ji-niyadekariwakah ne Kanikonghrakeh.

6 Ikenh ne Nennonghdonnyongh-tsera Karighwane-ren ne na ne Kenhheyon: nok neh Jikanikonghrakweniyu En-yonnonghdonnyonhheke ne-eh En-yak-onnheke neoni kayanerenh.

7 Ne waghonny ne ji-niyu-nosshat wahhetken En-nonghdonnyonghtsera ne na deghyadatswenghse ne Niyoh; ikenh yahheghdeyeadareghkonh Ra-oyanerenghtserakeh ne Niyoh, yaghden orighwiyu-onweh yahheghthayawen.

8 Etho niyught Ako-onhha ne Eghyeyadare ji-niyu-nosshat ne wahhetken ne Howaghronneh yaghdeyaweight a-aweryendiyu ne Niyoh.

9 Nok Jonhha yahehtesewayatare ji-niyu-nosshat Nowaghronneh, ne ok ne Kanikonghrakeh, dokat Eghnenyughdon ne Kanikonra daweghde Niyoh waghyatyenhaghse, Nonwa dokat ji ok Onkweh yaghne deyhawene Kanikonra ne Keristus, yagh Ra-onhha dehhowenh.

10 Neoni dokat Keristus enwadaghke I-sekeh, ne Oyeronda ne na Wakenhheye a-oriwa ne Karighwane-ren, ok ne Kanikonra yonnhe a-oriwa ne aderihwagwarihsyonghtsera.

11 Ok dokat ne Kanikonra Ra-onhhakeh, ne ne shotketskaghdonh Yesus Jirawenhheyonghne, ne Ensatyenhaghse I-sekeh, Ra-onhha na-ah shotketskaghdonh Keristus Jirawenhheyonghne t'kakonde shaden-yawenne En-yonnheke ne Sewayeronda-okon enkarihhonny Ra-onhha Ra-o-nikonghrakeh ne ne satyennyh n'I-sekeh.

12 Ne waghonny, Dewadadeken-okonhah, yonkwatkarode, yagh Nowaghronne, ne Aetyonnheke aedewaghsera Nowaghronneh.

13 Ikenh dokat Eghnenghsonnhodenhake ne Engh-t-sere ne Howaghronneh, Waghshihye, ok dokat Jonh-ha ne enkarihonny ne Kanikonra Eghnenkayere En-kahhetkenghde ji-niwatyeranyonghs ne Oyerondakeh, ne na t'kakonde Enjonhheke.

14 Ikenh Ji-niyakonh neneh ne yakoghsharinonh ne Kanikonghrakeh ne Niyoh, ne na ne shakoyen-okon-hah ne Niyoh.

15 Ikenh yaghne Desaye-nah ne Kanikonra ne a-on-le-naghskonny are, ne Aaghsetshagnighseke, ok sewa-ye-nah ne Kanikonra ne Sewadaderakwaghseh, ne wah-hy dewatstaraghk'wa, Rakenyh, Rakenyh.

16 Ne Kanikonra yadekayadyh Enwadaghkatsste Norighwiyu-onweh enkenhhake Nonkwanikonghrakeh ne na-ah shonkwayen-okonhah ne Niyoh.

17 Neoni dokat Exhahokonhah, ethoghkeh ako-wenghk Natdakwarighsyonghsera akowenghk Ra-ot-lakwarighsyonghsera Niyoh-neh, neoni yadenkayegh-ston ne Ra-otdakwarighsyonghsera ne Keristus, dokat Eghnen-yawenne ne na endewaronghyaken Enskatneh ne Ra-onhha, wahhy ne akarihonny En-skatneh Aaghshonkyonwesaghde.

18 Ikenh I-ih jiyekhess ne kenhenh Ji-nikaronghya-kenghserodenh ne Nonghwakeh yahhothe-non Thades-kyatyerenh Ji-niyukara ne Ra-onwesenghtsera ne na t'kakonde Eghshonkwanadonhaghse Onkyonhhakeh.

19 Ikenh ne orighwiyu odokenhonh yonkwarhare ne ne yonkwadewennodaghkonh wakwennonna a-oriwa ok honderighwattho ne ne shakoyenbokonhah ne Niyoh.

20 Ikenh ne Ji-niyakyonhhe ji-nikaghson Eghyeya-lareghkonh ji-nonkadyh kanayeghsera kanikonrhodon Onowenda, yaghtayakoghnyoda-aghste, ok en-yerigh-wisake ne Ra-onhhakeh Ongka eghyeyadareghkonne He-naghskwa ne shakat ne Ayawen;

21 Aoriwa ne ji-nikaghson yadekayadyh ho-nenne-eh t'kakonde Enjakoghnerenghsy ji-nonka He-naghskwa yudaxenhonh yuhhetkenhonh etho Ra-onwesenghtsera-konh yenjondadewenniyune Ra-oxhada ne Niyoh.

22 Ikenh yonkwaderyendare ne na ne Onghwenjakwekonh Ji-nikaghson yo-nonghshe-nha neoni karonghyakenghsera kanonghwakdenghserakonh oghseronnyh Nonghwakeh.

23 Neoni yagh o-nonhha ok dekenh, ok Onkyonhha ony shatyawenne, wahhy eghtyotyerenghdonh Tyo-nyondahonh ne Kanikonghrakeh, eghkady ony niyught n'I-ih yonkyonghshe-nha Onkyonhhatserakonh, Dewa-nonghne ne ne kanheghtseriyuh, ne ne a-onsayonkwani-konradane, ne Na-onsontnerenghsy Nonkwayeronda.

24 Ikenh ne Enjonkwayadako Jiyonkwadewenno-daghkonh Kayanerenh: ok ne Konwadennodaghkonh ne Yekenghs, yaghnenne Deyudewennodaghk; ikenh Oghna-nahhoden ne Ronkweh ji-ok nihhakenghs, nahhoden kady ne Ra-onhha shekonh rorhare?

25 Ok dokat ne Den-yonkwadonghwenjony ne ne yaghdedewakenghs, wahhy Endewadennikonghkatste Endewennonnake.

26 Shadeyught ony ne Kanikonra shaden-yawenne En-joye-nawase Ji-niyonkwakenhheyonh ji-niyonkwaderighwakeghronnyh; ikenh yaghdeyonkwaderyendare ji-nayakwayere Nen-yakwaderennayen jidenghnon nayonkwayeren, ok ne Kanikonra yaden-yuyadighste Eghnenkayere Tyonkwaderennayennhighs ne ne ayonkyonghshenhake ne ne yaghdeyaweght aondon Daonderihhoghsere.

27 Neoni ne Ra-onhha ne ne resax ne Aweryaghsa-okon roderyendaraghjihhonh ji-nahhoden Jiyonnongh-donnyon ne Kanikonghrakeh, ne wahhonny Ra-onhha roghson Jiyonkhiyaderennayenny orighwiyu-onweh karighwakwe-niyu-onweh Orighwadokenghdy-onweh Egh-nityawenhonh ne Ra-o-nikonra ne Niyoh.

28 Neoni yonkwaderyendare Orighwakwekonh yadekayudenghsarayeghstonh Nyoyanere ne Ro-nonhha-keh ne ne ronwanoronghk'wa ne Niyoh, ne Ro-nonhha-keh Onghika ne youdade-nadonghkwenh ne Ji-nityawenbonh ji-nithorighwisson ji-nihhoyerenh.

29 Ikenh Ra-onhha ok shihhoderyendare, Eghnihhoyerenh ony Jikayadakwe-niyu-onweh Jitho-nakeraghdonh ne ne Ji-nihhayadodenh ne Royenhah, ne kady Ra-onhha ayodonhoh ne a-odayutyerenghdon Ao-nakeradon Kanenhherhen jiyonkwatkade Dewadadeken-
okonhah.

30 Shadeyught ony, Ra-onhha eghnihhoyerenh jiniyagonh ne shagoyataragwen, Ro-nonhha shaden-yawenne yenghshako-nadon: neoni ne-eh na-ah yenghshako-nadon Ro-nonhha shaden-yawenne Enseghshakoyadako enjondadewenniyune; neoni ne-eh Aka-onhha enjondadewenniyune, Ro-nonhha ne na Shaden-yawenne Enseghshakoyadaderighste.

31 Oghnahhoden Endewenron ne ethoghkeh ne Kenikenh Ji-nikarihhdense? dokat ne Niyoh enghshonkwariwawase Onghka En-yekweny En-yonkhirighwaghretssten?

32 Ra-onhha ne ne yahteshongwanonhyani-ekhon ne nakwah Ra-onhha Royenhah, ok seghshonkwaghnerenghsyonh Ra-onhha rodadewendeghdonh yedewakwekonh onkwariwa, Do nayawenhoh ne yaghta-oyadawenghdatye-ne shatyawenne shonkwarighwawyh orighwakwekonh?

33 Onghka eghyen-yeyen ji-ok na-orihhoden ne ne aonwarighwa-yenhaghse ne Niyoh raoghronkwenh? ne wahhy Niyoh ne na Deghshonkwaghsye.

34 Onghka na neh shagodewendehtha? ne wahhy Keristus ne na Rawenhheyonh. Orighwiyu eso thaweryendiyohonh, wahhy shotketskwenh are, Ra-onhha ne shadeyawenhoh ne ji-nonka raweyendeghdaghkonh ne Rasnonkeh ne Niyoh, Ra-onhha ony Deghshonkwadere-mayenny.

35 The-non den-yonkwaghaghsyade erenh En-yonkwayadontyeghde Ji-nihho-nidenreghskonh ne Keristus? T'kakondane kanoronghjihonh, Kendenghthehtsera, Dewennikonghkaryen'h, Adonghkaryakon, Akoyadoskonshon, thenwennonghdon, Karonghyakenghsera? (doka Ashare-kowah.)

36 Eghse-niyught Jikaghyadon, ikenh I-se sariwa yonkhiyawenthoghs Eghniserakwekonh; Eghnaonkwadawen ji-niyught Deyudinakarondonhah Wakonwadiryu.

37 Yaghden, ne akwekonh ne Ken-ikenh ji-nahhodeshon Onkyonhha senhha eso Thenwatkwatho naden-shennyeghtsera, raorihhonyat ne na shonkwanoronghk'wa.

38 Ikenh I-ih Eghniyonke-nikonghrayerenh, ne ne yaghne Kenhheyon, yaghden ony ne yonnhe, yaghden ony ne Karonghyakeghro-non, yaghden ony ne Kondiyadakwe-niyushon, yaghden ony ne Kashatsstenghserakon, yaghden ony Ji-niyutyeranyon nonwa, yaghden ony ne ji-nahhoden ne dawe.

36 Yagh ony ne E-nekenghyy yagh ony ne Nakonghyy, yagh ony ne oya ji ok' nahhoden ne Konnonhhe-nyon, ne Dayonkhikhaghsy ne ne Jironwanoronghk'wa ne Niyoh, ne ne ken-ikenh Keristus-neh, Yesus Eghtshidewayaner.

CHAP. IX.

Paul's *wahho-nikonghraxhen aoriwa ne Jewshaka.*

KADON Tokenghske-onweh ne Keristusneh, yaghdewake-nowenh, Akweryendakeh eghniyught ne kahhawe ne I-ih Jitokengsoke-onweh ne Ro-nikonghriyughstonh-tserakonh.

2 Ne na-ah kowanenh Wak'wisshenghne neoni tyotkonh wake-nikonghraxhenghse Nakweryagsakonh.

3 Ikenh Aakkweny Jidewakadonghwenjonyh ne ne yadekyadyh ne ne Eghnayawenne akadadewendeghde ne Keristusneh ne akarihthonny ne Kadadeken-okonhah, Aknekwaghsa ne Akaghstonde ne ne aonderighwadako akanaghne:

4 Onghka na-ah ne Iserathhaka, ne ne Ra-nonhha ronwana-wyh ne Adadawightseriyuh, ne oni ne Onwesenghtsera, neoni ne Ji-nikarighwison, neoni ne yondadawyh ne Kayanerenh, neoni ne Enhhonwayud'enghse ne Niyoh, *neoni ne Karkratsstonh* ;

5 Onghka agowenhk na ne Kanighsera, neoni Onghkakeh ji-niyutye-renh ne Kanoshaghtsera ne wahhetken, Keristus iroh, Ra-onhha akwekonh rayadakwe-niyu, Niyoh Raoyadaderightsera ji-niyenhenwe. Awend.

6 Yahheghdeyawenhonh shekonh ne raowenna ne Niyoh yahhothe-non thiyeyuyendahonh. Ikenh Rononhha yaghdekakwekonh ne Iserathaka akenhhake ji-nikonh ne Iseratt-neh.

7 Yaghnedekenh, akarihhonny Ro-nonhha ne na ne rao-nen ne Akwerenh, nekenh Rononhha akwekonh Radixha-okonhah : Ok, Eghnonka Aisac, ne na-ah ne sonen Enkonwanha ne Enkonwa-nadonghkwe.

8 Ne wahhy, Ro-nonhha na-ah ne Aoxhada-okon ne ne Kanosshaghsera ne Wahhetken, ne ne Ken-ikenh yaghenne ne Deghshakoyen-okonhah ne Niyoh : ok ne Exha-okonhah ne ne Karharatsstonh Eghyeyadare ji-nonweh Naonsakanenhhonden.

9 Ikenh ne ne Ken-ikenh ne Owenna Jikaratsstonh, ne kady nakwah nonwa Eghnenkyere I-ih Enkewe, Sarenh T'Kakonde En-yuwirayendane Rajin.

10 Neoni yaghne ok dekenh ne kenhenh : nok ne o-nenh *Rebecca* Eghnaawen Wakaneronne aoriwa Jeyadat, Shatyawenne ne Eghtshidewanihah Aisac ;

11 (Ikenh ne Exha-okonhah arekho Deyako-nakera-donh, yaghony arekho Oghdeyakotyerenh Nayuyanereke ne denhens wahhetken, ne ken-ikenh ne ji-nihhoye-renh ne Niyoh, Entyoyanenhawe ne Ji-enhhorakwen enwadon Enkadane, yaghne kayudenghsera, ne ok ne Raonhhakeh ne enhshagoronhyenhare ;)

12 Yakawenh Naonhhakeh, ne ne Tyakoxdenhah ne na-ah En-yondatye-nawase ne Nityakoyensa :

13 Hase eghniyught Jikaghyadon, Yakwek ri-noronghk'wa, nok ne *Esau* righswenghse.

14 Oghnahoden kady Enjidewenron ? Kayenkenh ne yaghdeyuderighwakwarighsyonh ne Niyoh-neh ? Niyoh rorighwaghten.

15 Ikenh rawennyh ne Oses, I-ih Enkhedenre ne Onghka ok I-ih Enkhedenre, neoni I-ih Enwake-nikonghrareke Enkhedenre Onghka ok Enwake-nikonghrareke Enkhedenre.

16 Eghkady niyught yaghraonhha Tethorighwison, yahhony Raonhhakeh Tetyoyenghdaghkonh ne entha-rahtade, ok se Niyoh ne na shako-nadonnyh ne Rao-nidenrechtsera.

17 Ikenh ne Kaghyadonghseradokenghdy Rawen-nyh ne Raonhhakeh ne *Pharaoh*, shaden-yawenne ikenh Ken-ikenh shadeyught thiweghdonh I-ih Konketskwenh E-nekenh, ne na I-ih Enkonnadonhaghse Nakeshatsstenghsera Nisekeh, neoni ne akarihonny Naxhenna Daonderighware-ny Dayonghwenjawerho.

18 Ne wahhonny royen Ennidenrechtsera Onghka ki ok Raonhha Engshako denre, neoni Onghka ki ok Raonhha t'kakonde senhha Enhhaghmirade.

19 Ensewenron nethoghkeh ne I-ih-neh, Oghnaawen ji-shekonh Wahhorighwaxhase? ikenh Onghka Enkonwadonnhiyase ne ase ji-nihhoyerenh?

20 Yaghden ok, O Ronkweh, Onghka n'Ise ne ne Aondaghtshadatyase Daondaghtsewennoko Niyoh? Enwadon ne ji ok nen-yawenne ji-nensewenron ne Raonhakeh ne ne ji-nikayerenh jikaghson, Oghna-ah Eghnaghskwayere?

21 Yaghkenh ne Ratshedonny Thaondahhennonghdon ne Rao-nawaatssta, ne ne ok ne shakat Jiyutwe-nonyh Nenkaghson ne Enskat Nyeraghk'wa ne Nayotkonnyenghston, neoni Nenskat nyaghdeyotkonnyenghst?

22 Do-nayawenne ne Niyoh, nareghre Rhe-nadonhaghs ne Rao-nak'wenghsera, neoni Awe-nene ne Raoshatsstenghsera, Ehhayeyadareghkwen tyotkonh o-nenh eso jiwahhonnise Aderyendakaryaghtsera ne yeraghk'wa-okon ne Kanakwenghsera Nen-yenkayerine Enhhaghdonde-onweh.

23 Neoni Naondon Ashakodokaden ne Atshokowaghsera ne Raonwesenghtsera ne yeraghk'wakeh ne rao-nidenrechtsera, ne ne Raonhha Jityotyerenghdonh rokanonnyh ne Raonwesenghtsera.

24 Shadeyught Onkyonhha, ne shonkwenghnonkdaghkwenh, yaghe ok dekenh ne *Jews*-haka, ok shaden-yawenne nyaghdeyakorighwighstonh? (*Gentiles*.)

25 Ji ony nihoyerasesh ne *Osee*, Ne Enkhe-nadongh-kwe Akonkweda, ne sane, Nyahhi-dewakonkweda, neoni Aonhha yako-noronghk'wa, ne na Nyaghdeyako-noronghk'waghkwe.

26 Neoni t'kakonde Eghnen-yawenne, ne ne ji-non-weh nitkawennendaonh ne Ra-nonhhakeh, Jonhha yagh-na dewakonkweda ; ne wahhy t'kakonde Enhhonwadinadonghkwe ne shakoyen-okonhah ne ne Ronnhe-onweh Niyoh.

27 *Esaias* eghnaawen Wahhatsstaraghkwe ne Jiniyutyerenh ne *Israel*, Ethosane yaghdeweneh Ji-niken-tyoghkwa ne ne Ondatyen-okonhah ne *Israel*-haka Jiniyutkade No-neghsaronghkwa ne Kanyadarakeh-kowah, ne nyaodadenre na-ah Enjakoyadako ;

28 Ikenh Raonhha ennhaweyennendane ne Kayudenghsera, neoni Denkayakon Nenjonsonhhaka ne Aderighwakwarighsyonkeh : Hasekenh Nikayudenghseres-hah jinenhhayere ne Royaner ne n'Onghwenjakeh.

29 Neoni Jiniyawenhonh *Esaias* Rawenh Jityotyereghdonh, ne ok enwadon ne Royaner ne Raodenshen-nyeghtserakonh on-yenghde Shonkwenraseh ne Kanen naonsondeghyaron, Eghnayonkwayadawenhonh jiniyawenhonh ne *Sodoma*, neoni shadayawenhonh ne etho *Gomorrha*.

30 Ognahhoden kady endewenron nethoghkeh ? ne ne yaghdehhodirighwiyughstonh (*Gentiles*), ne Nyaghne dehhadirighwaghsera Nyoderighwakwarighsyonh, ne Naodiyendahonh ayudonhonh Natdakwarighsyonghsera, shadeyught ne Atdakwarighsyongh-sera ne ne Jideweghdaghkonh.

31 Ok *Israel*, ne radirighwaghsera ne Kayanerenh ne Natdakwarighsyonghsera, ne nyaghdehhonwanawighne ne Kayanereghsera Aderighwakwarighsyonghsera.

32 Nahoten wagarihonni ? aoriwa Jiyaghdethhonesax Jideweghdaghkonh, ok jiniyught Egtyorighwaniyonde ne Kayudenghserakeh-hokon ne Kayanerenh : ikenh Ro-nonhha Tahhonaghdeke Tahho-naghsityake Jiyonen-voda.

33 Hase eghniyught Jikaghyadon, Jatkaghtoh, I-ih ehyenghyen *Sion*-neh ne Jiyo-non-yode ne Tyakogh-dex ne Otsstenra ne wako-nhike, neoni Onghkakiok Entyakeghdaghke ne Raonghhakeh yaghdeyaweght Aondehhen.

CHAP. X.

Ne Ji-nadekyatdihhenh ne Atdakwarighsyonghsera ne n'Orighwakeh, neoni ne ne Jideweghdaghkonh.

DEWADADEKEN-OKONHAH. Akweryaneh eghnityoght Jiwakaderennayen Niyoh-neh aoriwa Iserat-haka, ne ne aondon daondonkoghde. (Skennen.)

2 Ikenh I-ih nenne-eh wakheyaderighwanonnaaghse, ne ne Ken-ikneh Ji-nadehhonwadonghwenjonyh ne Niyoh, ok yaghden Eghdetyoght ne Kanikonghrakeh.

3 Ikenh Ro-nonhha ji-nityawenhonh ok Thiyurigh-wendeh ne Niyoh Raotdakwarighsyonghsera, (yaghtihyehhodi-nikonghyendahonh,) neoni wadewadawenrye ne onderihhowanaghde ne Ro-nonhha Rao-natdakwarighsyonghsera, yaghdehoneronh ne Ro-nonhha Eghniyakwayer ne etho ne Raotdakwarighsyonghtsera ne Niyoh

4 Ikenh Keristus-se ne Eghyeyodokde ne ji-nakarikhoden ne Ken-ikenh Atdakwarighsyonghtsera ne Niya-deyakonh ne Tyakaweghdaghkonh.

5 Ikenh Oses royeronnitsstonh ne Aderighwakwarighsyonghtsera ne na ne Kayanerenh, ne ne Ronkweh Eghnaayere ji-neken nikariwakeh ne na Enhhaonn-hede.

6 Ok ne Aderighwakwarighsyonghtsera ne na-ah ne Deweghdaghkonh yudadyh Kenkayen Kajenhhayenghtseriyuh, Toghsa jironh ne Seryaghsakonh, Onghka ne kenhenh En-yontharadade ne Karonghyakonh? (ne ne Aondahhonwayadatsnenghde ne Keristus ne Enkenghjy:)

7 Ne denhens, Onghka Nakonh-kowah niyaayen? (ne ne Daondahhonwayadakaradade ne Keristus are jira-wenhheyonghne.

8 Ok nahhoden watonh? ne Nowenna okhethoh na n'Isekeh, shaden-yawenne ne T'shakonh, neoni ne Ser-yaghsakonh: kenwahhy ne Nowenna ne Deweghdagh-konh ne na ne yakwaderighwaghnodonghk'wa;

9 Wahhy dokat enghserihhondere-ne ne ne Jitshakaronde ne. Royaner Yesus, neoni Kaseghdaghkonhak denghnon ne Seryagh-sakonh ne na ne Niyoh Raonhha shoketskwenh ne Kenhheyatneh, ne ne Ise syayada-kwenh.

10 Ikenh enke-nese Nakaweryaneh Nonkweh Entyakaweghdaghkon Natdakwarighsyonghtserakonh; neoni enke-ne Jiyeghsakaronde ji-en-yondonderene ne na jinkaghson ji-nonka ne yonnhe-onweh.

11 Ikenh ne Orighwadokenghdy Kaghyadonghsera dokenghdy yawenh. Onghkakiok Entyakaweghdaghkon ne Raonhhakeh yaghna Deyaweght Ayondehhen.

12 Ikenh yaghna thadekyatdihhenh ne Thadinihhokenh ne *Jew* nok ne ne *Greek*: ikenh nese Shakayanertserat ne akwekonh shonkwawenniyu Akotshokowaghtsera akwekonh ji-ni-konh nyehhonwaronghyenhha ne Raonhhakeh.

13 Ikenh Onghka kiok Enhhoronghyenharheke ne Raoghsenna ne Royaner ne na Enhhoyadadery.

14 Onghkady ne Nen-yeyere nyenhonwaronghyenhare ne yaghdetyakaweghdakonh? neoni Oghnen-yawen Nenthonneghdaghkwe ne Raonhhakeh yaghdense ne Ro-nonhha: Tehho-naghronkahonh? neoni oghnen-yawenne kady naonronke ne yaghtaonwadirihhowaghden ne ne Radijihenghstajyh.

15 Neoni Oghnen-yawenne Jihen-onderighwaghnodon, ne ok wahhy eghnen-yawenne ne Nyaonwadinonke? Hase eghniyught Jikaghyadon, Tshah wahhy yuweyensonse ne Ronghsikeh ne Ronderighwaghnodonghs ne orighwadokenghdy Kayanerenh, neoni Waherighwihbewe Natshennonnyaghtsera ne karighwiyuse.

16 Nok yaghden akwekonh Dekonwawennaraghkwenh ne orighwadokenghdy. Ikenh rawenh ne *Esaias*, Sayaner, Onghka onghdeh yakaweronh orighwiyu Jinyonkwaderighwakareghraghstonh?

17 Etho kady niyught ne Teweghdaghkonh Ji-Tokenghske-onweh Enka-jistoghkwaren Jiyakothonde, ne oni En-yonronke ne Raowennakeh ne Niyoh.

18 Ok kadon, yaghkenh Tehho-naghronkenh? Etho, orighwiyu, Jiyuwendeght Onghwenjakwekonh Niya-konne, neoni ne Raodiwenna-okon ne nakwah Jiyudonghwenjokdanihkon.

19 Ok kadon, yaghkenh ne *Iarael*-haka Tehho-nade-ryendare? Tyotyere-ghdonh Oses rawenh, I-ih watkwanikonrharen ne Kanosshaghtserakeh Ro-nonhha ne Yagh Onkweh dekenh, ne ne Jikendeghsera Naka-Onghwenjoden ne Engshkwanakonnyade.

20 Ok *Esaias* akwah eso Thihhotshanight thihshatste, neoni rawenh, I-ih yonkyadatshenryonh ne Rononhha ne ne ondohetsste yaghdeyonkyadisakonh; I-ih wakyadarahonh Thiyutkwathonh ne Rononhhakeh ne na yaghdeyuderighwisakonh naknaken.

21 Nok *Israel*-neh Raonhha wahhenron, Eghnisera-kwe-konh yewakennontshakwarighsyonh yadewakagh-iade ji-nonkadyh ne yaghdehhondewennaraghk'wa neoni ok thiyondon yaken yonderighwadekwaghs Nonkwehhokon.

CHAP. XI.

Niyoh yaghdeghshakodontstaghkwenh ne Israel-haka.

KADON ne ethoghke, Shakoyadoghdarhonh-kenh ne Niyoh ne Raonkweda? Niyoh rorighwaghsstenh, ikenh I-ih shadeyught ony ne *Israel*-haka, ne ne Jidakaghnekwaghsadatye ne Akwerenh, ne ne orighwiyu Jidehho-nenrade ne *Benjamin*.

2 Niyoh yagh na-ah Deghshako dontstaghkwenh ne Raonkweda ne na ok shithoderyendare. Yaghkenh dese-waderyendare Ji-nahhoden ne Kaghyaadonghseradokenghdy rawenh wahhy ne *Elias*? Ji-nihhoyerenh Ji-nihhonwaderennayenny ne Niyoh ne Nashakoghswen ne *Israel*-haka, rondon,

3 Sayaner Ro-nonhha wahhy Ronwanawenthonh ne Sonkwedadokenghdi-okonkenhha, neoni Wahhonkwade nakonh eghnonweh ne sa-*altar*-oken; neoni I-ih ok sonkwadadenre Akonhha-ah, ony Ro-nonhha ronnesax Jikonhhe.

4 Ok nahhoden wahhenron ne jidahhadady ne Niyoh ne Raonh-hakeh? shekonh wakadadenraseh ne yadekyadyh Jadaghk Niwennyawe-eghtseraghshenh Onkweh-hokon, ne nenne ne arekho Thadehhonwadontshodany ne ne Kayadonnyh otkon *Baal*.

5 Etho sane niyught nonwa shekonh yudadenrahonh Ji-nityaweryendiyught shondahharighwarako ne Kendenrad.

6 Neoni dokat nonkenh ne ne raodenrad, ethoghkeh nenkenh yahhoya ne Kayudenghsera-okon: Kendenhens kayen Ennidenrechtsera yaghshekonh oya ne Ennidenrechtsera. Ok dokat ne ne kayudenghsera-okon, ethoghkeh ki-na yaghshekonh oya ne Kendenrad Kendenhens kayen ne Kayudenghsera nen-yahhoya shekonh ne Kayudenghsera.

7 Oghkady nen-yawenne? *Israel*-haka yaghdehhodiyendahonh ne ji-nahhoden rarighwisaxkwe: ok ne yondatyadarakwenh ne Rodiyendahonh, nok notyake Tehhodironwekon,

8 (Ji-nityawenhonh hase eghniyught Jikaghyadon, Niyoh shakowyh ne Kanikonra ne rodiserenghdarahonh, Okaghraokon ne ne Ro-nonhha ne yaghtaadiken, neoni Ohhonghdaakon ne ne Ro-nonhha yaghtaonronke) ne ne shekonh ne kenh Weghniserade.

9 Neoni Dawed rawenh, Kinyoh ne Rao-nadek'waraghk ok ne En-yonnyadon Dewennidonnnyade neoni Denwaghskodaghkwen, neoni Okonghretsha ji-enttho-naghdeke, neoni ne Dens-hodikarhadeny ne Ro-nonhha-keh:

10 Kinyoh ne Radikaghdekeh ne thi-nakaraghf ne ne Rononhha ne ne yaghtaadiken, neoni Dahonghtshak-donghseke ne Radighshonneh Tyotkonh.

11 Wakenh ne ethoghkeh haden Tahho-naghdeke ne ne Eghdakeh Enhhadiyendane? Niyoh rorighwaghtstenh: ok denghnon kenkayen Jideyudokdanihnonh ji-wahhadiyendane rao-natshennonnyaghtsera nense onwe etho *Gentiles*-neh, (ne nyaghdeyakorighwiyughstonh) ikenh ne naodighsenghse ne aonsahhadinossha.

12 Nonwa doka ne Jiwahhadikayonde ne Ro-nonhha-keh ne Aotshokowaghtsera Jiyonghwenjade, neoni ne Dendewaghkede ne Ro-nonhhakeh ne Atshokowaghtsera ne ne yaghdehhodirighwi-yughstonh, (*Gentiles*.) to-niyaweta senhha eso yenjoreke ne Enskanaghne?

13 Ikenh I-ih wakadady Isekeh Nyaghdesewarigh-wiyughstonh, (*Gentiles*.) ji-niwakkwenyonh ne I-ih kenneh ne Kaderighwaghnodonghs Norighwadokenghdy, ni-ji-nonkadyh ne arekho Tehhodirighwiyughstonh, I-ih wakkowanaghde nenne-eh;

14 Dokat nonkenh kaneka ji-nikendon I Akhe-nakonnyade ne Aonsahhadinossha Ro-nonhha ne na Nake-wagh-ronneh, neoni Naondon otyake aonsayakoyadako.

15 Ikenh doka ne akde Ayondatyadaghkwide ne Rononhha ne ne shadayuri-wawen ne ne Jiyonghwenjade, Oghkady Nen-yawenne ne Aonsahhadiye-na ne Rononhha nenne-eh, ne ok Naonsayondonnhede ne Kenh-heyatneh?

16 Ikenh doka ne Tyotyerenghdonh Ayughyanyondahonh Oyadadokengh-dy akenhake, ne se yokwekhehonh shakat Oyadadokenghdy na-ah: neoni doka ne Ohg-deghrakeh Oyadadokenghdy Enkenhake, Eghkady ony ne niyught ne Jiyu-nhaghdondon.

17 Neoni doka Otyake ne Ho-nenghra-okon Denwatyakhon, ony n'Ise, Eghnen-yawenne Kayese enwadon ji-niyught *Olive* Karonda, ok Eghthiskayadarekawah ji-nonweh nase yatkonde-nenrayeghste, neoni yatkontyeghste nenky Sayuyadaghnirha ne Oghdera nok ony sondakaridade yonsakayerine ne ne *Olive* Karonda;

18 Toghsa sawennaghse nghdonhhak Naaghse n-haghse No-nhaghde-okon : ok doka Enghsadewennaghse nghde, yaghtaesayendane ne Oghdera, ok ne Oghdera Ise. (Yaghtaesadodaghshyasé.)

19 Ethone T'Kakonde Enghsiron, no No-nhaghde-okoni Jideyutyak-hon, ne na-ah ayudonhonh Daonsonkwaghsonderake.

20 Jadaghraketskoh ; ne waghonny ne nyaghdetyakaweghdagh-konh Ro-nonhha na-ah Deyutyadhon ; nok n'Ise Eghdestak Jideweghdaghkonh. Toghsa se-nikonghranayehhak, ok saghderonsek :

21 Ikenh dokat ne Niyoh yaghtenhhaghtkawane ne Naonsondeghyaron No-nhaghde, ne kady se nikonrarak onwa-hens Raonhha ony yaghtayaghtkawen n'Ise.

22 Ne waghonny se-nirighwakahen-yonh ne Ji-niyu-yanerese neoni ok thaondonnonghdon Daondekhaghsy ne Niyoh-neh : ne Ro-nonhhakeh ne na rodidakerahonh, Thityo-nonghdonhhonh Jide-yudekhaghsyonh ; nok neh Isekeh, yuyanerenghjihonh ; ne Ka-wenniyu nokho-nenh Ji-nendisewayeren ne Raoyanerenghserakonh : nok neh oya Nensewayere t'kakonde Enkaro enwatyake Ensewadayondako.

23 Neoni Ro-nonhha shaden-yawenne, rononha toka yahten ok o-nenh ji-nen-yughdon wahhi nonwa radiyatare jiyahtedyagawehtahkon, t'Kakonde na-ah enshonwadiyadaren ikenh Niyoh se okthihhokwenyajahonh ne Enseghshakoyadaren Ro-nonhha-are shekonh.

24 Ikenh doka nonkenh Jonhha Ehhenjadonnihonh Jikayakonh ne ne Olive Karonda ne ne ok thiyodonnihonh thiyugh-nyohonh, neoni Ehhenjadonnihonh yahheghdeskayadare Akdey ne ne Ji-nikarondiyuh ne Olive Karonda ; Senhha eso Enwadonkoghdene Kenikenh, ne na ne shaoghde-onweh yunhaghdiyuse, ne na yadenskyatyeghste Naodinhaghde ne Olive Karonda ?

25 Ikenh yaghse thakathondade, Dewadadeken-okonhah, ne ne okthahesewarighwendehhake ne ken-ikenh Ayudaghseghdon, onwaneken Eghnen-yawenne ne sewanikonra Esewa-yerade ; ne ne ji-naawenne Dekaronwexhera Wathodikhaghsyonko ne *Israel*, Ji-niyore yakanaghne ne ne *Gentiles* (ne ne yaghde-yakorighwi-yughstonh) enwaderoroke etho.

26 Neoni Eghkady neayaweane akwekonh ne *Israel* ne t'Kakonde Enshonwanadeweyendon enshonwadiyadako, hase eghniyught Jikaghyadon, t'Kakonde na-ah Tenthadiyakenne ne etho *Sion* ne enjakoyadako, Nok ony t'Kakonde Tensshontkarhadeny akde nonkadyh ne Ji-nonweh Niyerighwaneraaktha nonkadyh Yakwek :

27 Ikenh neneken ne Ken-ikenh I Wakwaderighwisa Ro-nonhhakeh, ne o-nenh I-ih t'Kakonde erenh Ensekhawighde ne Rao-dirighwaneraaxheraokon.

28 Ji-niyught Ji-niyutyerenh ne Kaghyadonghseradokenghdy, Ro-nonhha na-ah yetshighswenghse ne ne Ise sewariwa : ok ji-niyught jionghdendy kashatstenghsera ne Jitkarakwenh, Ro-nonhha na-ah Wahhonwadonoronghkwe ikenh ne se aorighwashon ne Sewanighsera.

29 Ikenh ne ronwanawighs nok ony yehshagoronhyenha ne Niyoh ne ne yaghdekayadare Nadatrewaghdon.

30 Ikenh ji-niyught ne Jonhha Nen-yuderihhohhetsstonh yaghwahy Tethonweghdaghkonh ne Niyoh shekonh nonwa wesewayentane Nennidenrechtsera wakarikhonny Ro-nonhha yaghdetho-neghdaghkonh ;

31 Eghkady niyught nonwa yurighwadaty shekonh ji-niyught nyaghtaondayakeghdaghkwe, ne nakarikhonny ne sennidenrechtsera Ro-nonhha shadayawenne Aonsahhodienda-ne Ennidenrechtsera.

32 Ikenh Niyoh na-ah Roweyennendahonh akwekonh Jiyagh-detyakaweghdaghkonh, ne ne doka aondon aon-saghshakodenre akwekonh-

33 O ne Nakonghji Natshokowaghtsera yeke-nikwekonh ne kanikon-rowanenghtsera nok ony Naghronkatsera ne Niyoh-neh ? Do-onghdeh Ji-nenwaderighwisake ne Raojenhhayenghtserakonh, neoni Rao-ahhaakeghshon Enwadetshenryonko !

34 Ikenh Onghka na-ah yakoderyendare ne Raononghdonnyonghtsera ne Royaner? ne denhens Onghka Eghyeyakokwathonh ji-nonweh Tethayadoreghtha?

35 Ne denhens Onghka na-ah Tyotyereghdonh Thonwawyh ne Raonhha, neoni t'Kakondane na-ah Enshonwayeritshe ne Raonhhakeh are?

36 Ikenh Raonhhakeh na-ah, neoni rorihhonyh Raonhha, neoni ne na Raonhha, ne akwekonh ji ok nahhodenshon, Ra-onhha ony Raonwesenghtsera ne jiniyenhhenwe. Awend.

CHAP. XII.

Kanayeghtsera Waghtyawenradonh. Toghkara Agh-tyawenraghtsera ne Ji-niwennyh.

NE WAHHONNY Wakwennidenghden, Dewada-deken-akonhah, Jinihho-nidenreghsikonh ne Niyoh, ne ne Jonhha Eghtshijonh ne Sewa-yeronda-okon jionka yonhe-onweh Eghnonka yajadaghtka orighwadokenghdikih Entthaweyendiyu na-ah ne Niyoh-neh, ne na sennikonghrayendonghsek Kendenrad Jinenghshatyerase.

2 Neoni toghsa ne Aaghsyanenhhawe jiniyutyerenh Jiyonghwen-jade: ok kenkayen Donsase-nidenyh ase Daonsaghsadonnhadeny, ne Naondon Aonseseyadadane jinahhoden ne yuyanere, neoni Enhhaye-na entthaweryendiyu, neoni orighwiyu Enwadeweyen-nendane Jina-dehhodonghwenjonyh ne Niyoh.

3 Ikenh Kadon ne Yurihhonyh ne kendenron yonkwawyh Iih-neh, jiony Niyadeyonkwedakeh ne na ne sewentyoghkwakonh, Toghsa esojy eso Sadadenonghdonnyonhhek naaghserheke Enekenh Jina-kyadodenhake: ok denghnon sennonghdonnyonhhek ne Naaghse-nikonghrakwekon, Kenkayen denghnon jiniyugt ne Niyoh Jiraghtkawaghs shakowighs Jiniyadeyonkwedakeh ne Wade-nyendenghstagh-konh ne Jideweghdaghkonh.

4 Ikenh ji-niyugt ne easo Deyonkwaghsthondere ne ethoh skayerondah, neoni akwekonh Ji-nadeyughsthondere oyashon Nadeyudiyerenh;

5 Eghkady niyugt Nonkyonhha, yonkwatkadese, skayerondat ne Keristus-neh neoni akwekjihonh Ji-niyadeyunhaghdakeh Enskat se ji-niyutyerenh.

6 Yonkwayendahonh ethoghkeh Adadawyh dekadihhanyon Kawennendahonh ne kendenrad-neh ne na ne yonkhiyawyh Onkyonhhakeh, ka ok niyuriware ji-wade-nyendenghstonh, Kinyoh yedewakahen-yonh ohendonh jikawennendahonh shadeyugt Jidewahhawe ne Teweghdaghkonh;

7 Ne denhens ne Rarihhowanaghtha nyuyanere, Nihhennyoh kiasa yetthiyatyeghwathaghs ne yonkwarharek ne yonkhirihhowanaghdenny; ne denhens Raonhha ne ne shakorihhonnyenny, Ashakorihhonnyen;

8 Ne denhens Raonhha ne ne raghrejaronghs, raghrejaronhhek; Raonhha na shakowighs, Eghkiasa Nihhayer Thenhhakwatho Jiyudaghseghdanyon; Raonhha ne ne rarighwakwadakwaghs, yekakwekonh jirotsstenyaronk; Raonhha ne ne ok Thihhokwathonh Jironidenronh, yeke-neghdaghk ne Adonnhaghraghxhera.

9 Kin-yoh jisenoronhkhwa eghniyughdonh hak toghsa ahesaderihwategwahseke Sadahkwahswenhsek ne ne Wahhetken; Eghsatyadontyeght ji-nonka nyoyanere.

10 Kanonghkweseriyuhhak yughnironh hak Ji-niyadejonk wedakeh Desewadade-noronghk'wak Sewadadekenokonhah Kenhhak Atkonnyenghtserakonh senhha Ji-nadensewadade-noronghk'wake Ji-niyadejonh;

11 Toghsa sendorhak sayudenghserakonh; saronk ne Sanikonrakonh; Eghjhudenghs ne Royaner;

12 Sadonnharak Niyawenh; Sanikonghkatsstek Jikanoronghjihonh; yodadenronh Karokdeghkenhha denghnon Saderennayenh;

13 Sheyakhonnihhek ne ne Ji-nadeyudonghwenjohonh (Ehha-yonderade ji-niyugt) ne Rodiyadadokenghdi-okon; Ronwa-nawyh ne ji ok nonweh Denhhonwadighsnye-ne.

14 Sheyadaderighst ne yesaghsweughse yesaronghya-kentha; sheyadaderighsthak, neoni toghsa Aaghshe-ye-saghdanyonhheke sennonghdonnyonghtserakonh.

15 Sadonnharak Enskat-neh yadesewatyeghst ne ne Eghniyught yakodonnahhere, nok ony Desaghsenthoh Enskat-neh yadesewatyeghst ne ne yontsstarha.

16 Skanikonrat kennhak Ji-niyadejonh. Toghsa Satssterist ne ji ok nahhodenshon, ne Desaderighwawerenk yadekyatyeghst ne Onkwehhokon ne ne Eghdakeh yakodadonnyh, Toghsa I-se satdokhatsera ne Aondaghseghdaghkwe eghnaaghsyere. (Akwekonh.)

17 Toghsa Onghka n'Onkweh sasherighwaserakwas ne Wahhetken Ikenh ne na ne Wahhetken. Satsheronnyaghkwenhoh ji-nahhodenshon ne akwekonh Thi-yuanere Then-yutkwathon akwekonh n'Onkweh-hokonkeh.

18 Dokat nonkenh Ensaderighwanoronghkwen, yadesatshaaghdonhak yuanerek Jisonnhak Sayanerenghstonhak Onkwedakwekonh.

19 Akwah Kwanoronghk'wa, toghsa sewadadenakonnighsek Jonhha; ok senhha yoweyenstonh ne se-nakdot-haghs ne Kanakk'wenghserakonh, ikenh eghse niyught Jikaghyadon, Iih Akwawenghk ne Karonghyakenghsera Kanononghwakdenghsera Radon ne Royaner Iih Enkhekaryaxhe.

20 Ne waghonny doka ne ne yesaghsweughse yondonghkaryax, Eghtshe-nont; doka ro-nyadathenghse Eghtshe-nyadanawenght: ikenh Neghnen-yeyere Ise Waghjsiraghronnyon ne Rao-nonji-neh.

21 Toghsa Enekenh satraghkwenh ne wahhetken, ok denghnon ne Enekenh watraghk Nyuanere yughdorarak ne wahhetken.

CHAP. XIII.

*Ne Ji-nenhonwadiyerasa ne Rowennennakeraghdonh.
Adade-noronh ne na orighwiyu wakanaghne ne Kaya-
nerenh.*

KINYOH Niyadewadonnhetsherakeh Eghdakeh yonkwadadonnihhak ji-nonka ne Enekenghy Kashatsstenghseraokon. Ikenh yaghkaneka Dekashatsstenghsereyen ne ok ne Niyoh-neh: ne Kashatsstenghseraokon ne na Roweyennendahonh rokowanaghdonh ne Niyoh.

2 Onghka ki ok ne akarihonny jiyerighwayudats ji-niyontyerha ne Kashatsstenghsera, Konwayudady ne Jinihorihhowanaghdonh ne Niyoh: neoni Ro-nonhha ne ne Konwayudady T'Kakondane yeye-naghsere Rononhha Enhhondejirenghdaghkwe.

3 Ikenh ne Radirighwakwadakwaghs yaghnenne Deyutderonghk Jitkayudenghseryuse, nok ji-nonka wahhetken, Eghkenh nenghsyere yaghkenh ne thaaghseshanike neghnikashatsstenghserodenh? Eghnajer denghnon ji-nahhoden n'yuyanere, neoni I-se T'Kakonde ensayendane ne ne shakat Onwesenghtsera:

4 Ikenh Raonhha na rayadakwe-niyu ne Isekeh n'yuyanere. Ok doka I-se eghnenghsyere ji-nahhoden ne Wahhetken, saghderonsek: igen Raonhha yaghtaathawa ne Ashare-Kowah nokhoriwakon: ikenh Raonhha naah rarighwakwe-niyu ne Niyoh, (Jini-konh ne Radijihhengstajihhokon) yaghdeyaweght ne yaghtaoghrasere aoghkwadase ne Kanak'wenghsera ne ne Raonhha na ne Wahhetken ji-nihhatyerha.

5 Ne kady wahhonny ne Desadonghjo-nihhak ne ne Eghdakeh aesadadonnihhake, toghsa ne ok yakenhake ne Kanak'wenghsera, ok denghnon akwah seryenda-keh T'Kayadakweniyok.

6 Ikenh Kenkayen aoriwa skaryakt ji-nisayen yasaghtka ne shaden-yawenne, ikenh Rononhha naah ne Niyoh shako-nhaonh ne Radijihhengstajihhokon, Tehhadighsnye ok yekakonde ne Ken-ikenh ji-akwah Nikarihodenh.

7 Ne wahnony Sashekaryax ne akwekonh ne ne odokenhoh ji-Akowenghk: skaryak ne Onghka ki ok shekaryax ne ne odokenhoh Akowenghk; Eghnika-rihhodenh ji-ok Onghka Eghnen-yeyere; (Ji-nikarihodenh.) Yotderonghk ji-ok Onghka yokarode yotderonghk; shegonnyenhsthak ji-ok Onghka yagotkonnyenhst.

8 Toghsa Onghka Nonkweh othe-non yesakarodanih-hak, ok denghnon Dejadade-noronghk'wak Ji-niyadejonh; ikenh Raonhha ne ne Engshhako-noronghk'wake Ji-niyadeyakoh Wahhanaghne na neh ne jiniweani.

9 Ikenh Ken-ikenh, Toghsa ok Aaghserighwanerake Kanagh-k'wa, Toghsa ok Aaghsheryu, Toghsa ok Aaghse-nenghsko, Toghsa sheyennowenghdenh, Togh-sa Sanosshenhak; neoni doka kaneka oya shekonh Awennihhake, ne wahhy na-ah toghkara Nityodadyh aedewaronke ji-neken-ikenh Niwadon, ne ne Endewenron, Enkhe-noronghk'wake ji-ok Onkweh Ji-n'I-ih Nika-dade-noronghkwa.

10 Sayudek Nadade-noronh toghsa ne wahhet-ken ji-naaghsyere ne ji-ok onkweh: ne wahnony Adadenoronh ne na-ah wae-naghne ne jiniweani.

11 ¶ Neoni wahhy, Nayonkwaderyendarane ne ne Ethoghkeh nowenh, onenh kady Oxhaji-ok Dewayeh Jiyonkwendas: Ikenh nonwa o-nenh okhethoh Enwadon yenjityonnheke-onweh senha yohsnore jiniyoht ne waditewehtahkwe.

12 Onenh i-nonh Ondaghsondine, Eghnisera o-nenh okhethoh: Kinyoh ne wahnony Issy yeyonkwadyh ne Kayudenghsera Naghsadakonghtsera, neoni Kinyoh ne Dedewennontshondah ne Kaghswatheghtsera.

13 Kinyoh ne Dewathahhida nakwekonh Thiyotkonnyenghst, Jishekonh Kanwendekeh; Toghsa Niyadayonkwarighwakehhake neoni Kanonghwaraghdonghtsera, yagden ne Ji-niyurighwaneraaxkonh ne Howaghroneh ne dayudonghwenjokwadon, toghsa sadenyendenghsek ne Aaghshe-nossha othe-non Akoren akowenghk.

14 Ok denghnon Eghnonka yasadadaghtka Royanerneh Yesus Keristus, Nok-ony toghsa ne Sadennatseronnyh ne Howaghronneh ji-niyunosshenh, ne Aaghsa-tye-nighde ne wahhetkense atkaronnyat netho.

CHAP. XIV.

Onkwehhokon toghsa Dayondatswen nedenhens Dayondadewendeghde ikenh Kayese Enwadon ji-nahhodeshon.

RAONHHA ne ne Royadanetskhah ne Jideweghdaghkonh Je-nah n'I-se, nok toghsa Daesani-konghrakehhake Daesarihhoron.

2 Ikenh Enskat Ji-entyakeghdaghkwe ne na Raonhha irax Akwekjihhonh: Tekyatdihhenh, Onghka ne ne Royadanetskhah, irax Ohhondeshonhah.

3 Kinyoh toghsa Eghtskenghradenh Raonhha ne ne irax ne ne yagh-n'Ise Teghsex; neoni toghsa Raonhha Rojenhhayenh ne ne yaghdehhokonh kenkayen Raonhha ne ne rokonh: ikenh Niyoh se-nenne roye-nah.

4 Onghka akde n'I-se ne ne Aaghshejenhhayen Thihhadideshon Ronnonkweh Shakodinhase-okon; Rowenniyokeh nonkadyh Enhhadake ne denhens Ehhenhoyadanonwireghde Enhhayatye-nenne, orighwiyu, T'Kakondane Raonhha Enhhonwaye-nawakonhatyeseke: ikenh Niyoh Se enhhakweny Enhhadake.

5 Shayadat ne Ronkweh enhadehniseradogenhston Sewegh-niserat yahhondonkoghde ne thikadeshon: Thihhadideshon oya keanityagonigonhrotenh Ji-niyadeweghniserakeh shaden-yughdonhake. Kinyoh Niya-deykonwedakeh sewadatssteronghs Neghnenweryendondenhake akwah Akaonhha Ako-nonghdonnyonghtserakonh.

6 Raonhha ne ne Reghniseranoronghk'wa. Ronoronghk'wa ki ony ne Royaner; neoni Raonhha ne ne yaghdeghreghniseranoronghk'wa, yaghki-ony ne Royaner ne Raonhha Tehho-noronghk'wa. Raonhha ne ne rokonh, rokonh na ne Royaner-neh; ikenh Raonhha thowyh ne Niyoh Enhhodonghrennihheke: neoni Raonhha na neh Yaghdehhokoh, ne Royaner-neh yaghderax; neoni Niyoh rodonhreani.

7 Ikenh yaghonghka Ji-nityonh thaondahhennonghdon ne ji-niyught ne Ji-aronnheke, nokhony yaghonghka ne Ronkweh thayekweny Dayondatsnyene Ji-en-yaihheye.

8 Ikenh Ka-ok niyuriware doka Aetyonnheke, Royaner-neh ki-nonkadyh yentyonnheke; nokhony Ji-enjide-wenhheye, Royaner-neh nonkadyh Enjide-wenhheyade: ne waghonny ka ok niyuriware Naetyonnheke, doka denhens Aedewenhheye, Royaner-neh ki-na-ah.

9 Ikenh Kenwahhy yudokdahonh. Keristus Dejaronh Rawenhheyadonh, neoni shotsketskwenh, nokhony shodonnhedonh, ne na akarihonny Royaner-se akenhake Dejaronh ne ne yakawenhheyonh nokhony nyakonnhe.

10 Ok oghnaawen ji-naghsyere n'I-se wadeghtsyhadoreghde ne Jadadekenhah? ne denhens oghnaawen ji-naghsyere n'I-se yaghjideron ji-nonweh nyahhothenon (aokon.) Ne Jadadekenhah? T'Kakondane Dewakwekonh ohhendonh Dendewadanene Raojenhayenghtserakonh Enhharihodaghsonko ne Keristus.

11 Ikenh eghse-niyught Jikaghyadon, ji-niyught Jikonnhe, Radon ne Royaner, Niyadekakwitshakeh T'Kakondane Denghskwadontshotthaghsen Enjonni-denghde I-ih-neh, nokhony Ji-niyadewennaghsakeh T'Kakondane yaghtakon-derighwadeko thenwatkwa-tho ne Niyoh-neh.

12 Eghkady nen-yawenne Ji-niyadetyonkwedakeh T'Kakondane yenghtshityon ji-niyonkwatyeranyon yadehhadh-ok ne Niyoh.

13 Ne kady wahhony toghsa Dewadatjenhhayen
nok I-ih shekonh: ok denghnon Kenkayen Dowajenh-
hayen, ne ne yahhonghka ne Onkweh thayekonghret-
shayen Jiaundayakoghdeke ne denhens akarihonny aon-
nhighden Da-aghrakwenghdarane Nyadadekenhah Ji-
nyahhawe-nonhhatye.

14 Wakaderyendare nokhony Rake-nikonghrawighs
ne Yesus Royaner ne ne akadenshenny, yaghna othe-
non Dekayen nyahthayoyanereke ne yadakayadihha-
ke; ne ok ne Raonhha ne ne Rayada-noronkawah ji ok
nahhoden jirennonhtonyon nyaghtayuyanereke, ne Ra-
onhhagoh na ah yaghdeyuyanere.

15 Ok doka ne Jadadekenhah Ao-nikonghranengh-
seke ne ne ase sak'wa, Nonwa yahheghnonweh Desa-
deratye nashedenraghseke, Toghsa Eghtshaghdond
akarihonny ne ase sak'wa, ikenh Raonhha wahhy Ke-
ristus rawenhheyadonh.

16 Kinyoh toghsa ne sayen nyoyanere ne Ayesadat-
ya-de ne wahhetken.

17 Ikenh ne Royanertsera ne Niyoh yaghkak'wa
dekenh yahhony neoni nahotenh ayehnegira; ne ok
Naderighwakwarighsyonghtsera nok Kayanerenh ne-
oni Adonharaghk ne Ro-nikongh-riyughstonh-tsera-
konh.

28 Ikenh Raonhha ne ne Eghrayadareghkonh ken-
ikenh ji-nika-rihhodense ne na ne royudenghseghs
ne Keristus, ne na Enhhaweryendiyu ne Niyoh nok-
hony yakotkaghtonh yako-nonghwekonh n'Onkweh-
hokon.

16 Nennyoh ne wahhony ne Dewaghser ne ji-nikarih-
hodense ne neh ne yonnyadonh ne Kayanerenh, neoni
ka ok nikayen ji-neken nikariwakh En-yenghre Tek-
herighwathedenh ne Nayondoghradaghkwe notyake.

20 Ikenh ne Kak'wa yaghtaonghdonde ne Raoyu-
denghsera ne Niyoh, Akwekjihhonh naah Tokenghske-
onweh aoskon karighwakwe-niyu; ok wahhetken na-
ah ne Onghka ne Ronkweh ne kanhightsera arake.

21 Yuyanere naah ne yaghtaarake ne owaron, Yaghden ony Thayeghnekira ne (*wine*) yaghden ony othe-non ne neh ne akarihonny ne Jadadekenhah Daaghra-kwenghdarane, ne denhens ne aorighwanhikon, ne denhens ne Aoyadanetskhahonh.

22 Sayen-kenh Teweghdaghkonh? Sayendak ne yadeghsyadyh ne raohhendoh ne Niyoh. Rodaghs-kats nane Raonhha ne ne yaghddehoriware n'Adewendeghtsera ne yadehhayadyh ne ne Ken-ikenh, rorighwawakonh dehhagsne.

23 Neoni Raonhha ne ne raderighwanowenghtha waghadejirenghe doka Raonhha Enrake Enhhoghneghkwanon, Karihonny Raonhha ne yaghddehokonh ne Teweghdaghkonh: ikenh ji ok nahhoden ne yagh-Teweghdaghkonh dekenh ne na neh Karighwaneren.

CHAP. XV.

Nene Kashatsste yonnhe En-yakoghwanhake T^o Kakkonde enke-ne ne Ho-netskhah ji-nihhoyerenh ne Keristus.

ONKYONHHA kady ne ne Dewashatsste ne enwennonghdon Endewaghkwisron Endewathawa ne nyako-nonghwakdanyonny ne ne yaghdeyakoyadaghnironh, neoni yaghden Iok Ayonkwadade-nikonghrayeridon.

2 Kinyoh Niyadetyonh yethi-nikonghrayerit ne Dewennonghsanekhahhon ikenh ne se Enhhoyanereghse Enhhoyeridonhhatye En-yotketskwenhhatye Jideweghdaghkonh.

3 Ikenh shadeyught ony Keristus yagh Raonhhaah Tehhodade-nikonghrayeridonh; Ok, Hase eghniyught Jikaghyadon, Ne Enhho-naderighwaeghsten ne Rononhha ne ne Wesaderighwaeghstaghkwen Kanoronghjihonh onkrane.

4 Ikenh ji ok nahhoden orighwakwekonh eghniyught Jikaghyadon wahhonnise T' Karighwadadonh eghniyught Jikaghyadon ikenh Onkyonhha ne Enyonkwarihonnyaden, ne ne kenhenh Enkarihhonny En-yonkwani~~kon~~ghkatssteke neoni Ayonkwani~~kon~~ghriyuhake Dayonkwaghsnye-ne ne Kaghyadonghseradokenghdi-okon ne neh ne akarihhonny ayonkwayendane ji-nadeyudonghwenjohhonh ji-niyonkwarhare Nayawan.

5 Nonwa ne Niyoh ony ro-nikongh~~kon~~katsste nokhony aonsesayadako ji-nonka ne kanorongh~~kon~~jihonh aayon neghnayoghdon akaweyennendahongh~~kon~~jihon aye-noronghk'wake Eghnadahesewadatyere, yeyutyery yaweryendiught ne ne Keristus Yesus;

6 Ne na ne akarihhonny ne Jonhha skanikonrat akenhhake nokhony skaghsoghkwah jihen~~kon~~daweyadaghk'wake Jihengh~~kon~~jihonwesaghde Niyoh, shaden-yawenne ne Ranihha ne Eghtshidewayaner Yesus Keristus.

7 Ne wahhonny sewaye-nah Niyadejonh, ji-niyught Keristus shonkwaye-nah n'I-ih, ne Raonwesenghtserakonh ne Niyoh.

8 Nonwa Kadon ne naah Yesus Keristus Raonhha naah Rajihhenghstajyh ne ne Atdakwarighsyonkeh ikenh ne na ne Tokenghske-onweh ne Niyoh, ne Narighwaghnirade Ji-nihhonwadirharatsstennyh ji-nikaweyennedahonh ne yetshinihhahhokon;

9 Nokhony Kenkayen ne nyaghdeyakorighwiuyughtonh (*Gentiles*) ne naondon Aon-yonwesaghde Niyoh ne akarihhonny ne Rao-nidenreghtsera; Hase eghniyught Jikaghyadon, ikenh Kenkayen aoriwah I-ih naah wakerihhonderene onkwaderighwayen~~kon~~hagse I-sekeh Kentyoghkwakonh ne yaghdeyakorighwiuyughtonh (*Gentiles*) neoni tengeriwahkwe ne saghonnakonh.

10 Neoni are shekonh sahhenron, sewadonnharak, Jonhha nyaghdedisewarighwayery-se, yekakwekonh ne Raonkweda.

11 Neoni are shekonh, Eghtshisewanendonh ne Royaner. Yesewakwekonh nyaghdedisewarighwayerise; neoni Eghtshisewadonrenh Eghtshisewakowanaght Raonhha Jonkwedakwekonh.

12 Neoni are shekonh, *Esaias* shawenh, etho-non, weh T'Kakonde na Enkaghdeghronden ne etho *Jesse* neoni Raonhha naneh T'Kakonde Enhhatketsko ne Enhhakowanha Nengshakotssteriste ne nyaghdetyakorighwayerise (*Gentiles*) Raonhhatserakonh Enhhouwayahhese ne *Gentiles* T'Kakonde.

13 Nonwa ne Niyoh ne Deyudonghwenjohhonh se-nan n'I-se yekakwekonh ne sonwesenghtsera neoni Kayanerenh ne Jideweghdaghkonh, ne akarihonnony ne Jonhha ne ahesewagatege ji-nadeyudonghwenjohhonh nayawen, ne akarihonnony ne Raoshatsstenghsera ne Ronikonghriyughstonh.

14 ¶ Neoni I-ih yadekyadyh shaden-yawenne wahhy Jidwanikonghrawighs n'I-sekeh, Dewadadekenhokohah, ehho-ne niyught ne Jonhha kananonh ne akwekonh Thiyuanerese, se-nan, ne ne akwekonh Aaghsaronke Aaghsadaderihonnonyen yeyutyery thiyudonhonghjijonh shaden-yawenne nyoyanere Ji-niyadehhadyh.

15 Ethosane nenne-eh, Dewadadekenhokohah, Wak-yadon naah ne senhha eso ongwatagaritade n'I-sekeh Enskat jiakenhhake, ji-niyught Nen-yesedaaghse ne sanikonrakonh, enkarihonnony ne raodenrad ne ne Jirakwawyh ne Niyoh.

16 Neneh I-ih K'jihhengstajyh akenhhake ne Yesus Keristus nonkadighkonh nyaghdetyakorighwayerise (*Gentiles*) Enkherihhowanaghden ne Raorighwado-k'enghdy ne Niyoh, ne neh ne Aonwanaghtkawen ne *Gentiles* aontyesenhake aondon Aonsahonwadiye-na, ne akarihonnony Aonwayadadokenghdighste netho ne Ronikonghriyughstonh.

17 I-ih wakyen ne waghonnony ka ok nikayen agonwe-sahte akarihonnony Yesus Keristus ne ji-nikonh nahhondenshon ne ne Ehhaonsonkyendaghkon Niyoh-neh.

18 Ikenh yagh n'I-ih Eghdewaketshanight naakkwenny ne Nakadady ne Ken-ikenh Karighwaokon ne na neh Keristus ne nyadehhakerighwawyh naonkyudeke, ne Naondakheyennonghdonse Aakherighwakwadakwaghse ne nyaghdetyerighwayerise (*Gentiles*) ne nahonthondade aondahhadirighwayeride, ne Nowennakeh nokhony origh-wiyu Ji-naontyerhake,

19 Jideyudokdanihohon Kashatsstenghserowanenoh Enwade-nyendenghston Ji-nen-yawenne neoni yuneghrakwaghdenyon, ne Raoshatsstenghserakeh Rao-nikongrakeh ne Niyoh; nokhony ne *Jerusalem* nonkadighkonh, neoni ok thadeyughwadasedonh ne *Illyricum*, I-ih wake-nanonh Kheyaderighwaghnodonse ne Raorighwado-kenghdy ne Keristus.

20 Orighwiyu-onweh, I-ih Enkadennakeraghde jihen-kade-nyenden Jihenkerighwaghnodon n'Orighwado-kenghdy, yagh ji-nonweh ne Keristus Nihonwanadon, onwa niken Ehhenke-nonghsaketsko ji-nonweh Thih-hayadade Nihhoyeronnitstonh Raonghsaketskohhe:

21 Ok, Eghniyught se Jikaghyadon, ne Onghka ne yaghdehohonwadadyh, Ro-nonhha T'Kakonde Enhhontkaghtho: neoni ne Ro-nonhha nyaghdehohonaghrongkonh T'Kakonde En-yonronke.

22 Ikenh kense aoriwa ji-naawenne ji-eso Oghnaken sonkyadontyeghde ne yaonkwa n'I-sekeh.

23 Nok nonwa yaghkaneka tesewagenakte ne kenghnonweghshon, neoni yuneghrakwah neneso yughserakeh shadewakadonghwenjonyh ne ankewe n'I-sekeh;

24 Ka ok nonweh nikenhhatyeh Nendenkatthahhaghkwe eghnonkadyh *Spain*, yadekakonde yenkewe n'I-sekeh, ikenh I-se yakonnyahhese Jikatthahhine ne Dentyadatken, neoni ne ne Eghdayondohhetsste Ji-niyahhonkwenonhhatye Eghnonweh akwah I-sekeh, doka I entkatyerenghde ji-niyught notyake Enke-naghne ne sewanenrakhon, yakatyadaren.

25 Nok nonwa niken wake *Jerusalem* nonka, Eghwakkadatyane Jithodiyadadokenghdi-okon.

26 Ikenh Dahho-neryendiyu ro-nonhha ne *Macedonia* ony *Achaia* ne ne Odokenhonh orighwiyu aondon aonwennon Neghnaadiyere ne ne rodidenh ne Rodiyadadokenghdiokon ne ne etho ronnese *Jerusalem*.

27 Akwah kady Dahhodi-nikonghriyune nokhony nese ro-natkarodon, ikenh doka ne *Gentiles* eghnaadiyeren Aonsahhadiyadarane Kanikonghradokenghdikeh ji-nikarikhodense, kenniyught ne rao-nadeweyenna ne Nenghshako-non Engshako-nadady ne ro-nonhakeh ne ji-nikarikhodense, ne Karighwaxhenghskweokon.

28 Ne-o-nenh, ne wahnony, I-ih eghniwakyerenh ne Kenhheyonkeh ken-ikenh, neoni Wakerighwaghnraddonh ne ro-nonhhakeh Ken-ikenh ayondonghradaghkwe, I-ih kady yenkewe I-sekeh etho *Spain*.

26 Neoni Orighwiyu na net-hoh wakony, ne o'nenh yenkewe n'I-sekeh T'Kakonde Enkerighwanaghnonhhatye ne Kayadaderightsera ne ne Orighwadokenghdy ne Keristus-neh.

30 Nonwa Wakwennidenghden, Dewadadekenhah, ikenh ne enkarihhony ne Royaner Yesus Keristus, Neoni enkarihhony Endewanorongh'wake ne Kani-konghrakeh, ne ne Jonhha jade-nyentha sewathennisaghsh Enskatneh n'I-ih saderennayendaghtserakonh Niyoh-neh ne eh n'I-ih;

31 Ne akarihony onghdony Aonsahhonkwaghtkawe ne ro-nonhhakeh ne ne ji-nikonh ne yaghdethoneghdaghkonh ne *Judea*-tserakonh; neoni ne ji-ni-wakyudenhonh ne I-ih aoriwa *Jerusalem* doka nonna Aonyendiyu aadiye-na ne Rodiyadadokenh dihokon;

32 Ne akarihony Eghyaakewe I-sekeh Aonkwadonnhaghratye ne ne ji-nadehhodonghwenjonyh ne Niyoh, neoni n'I-se ne akarihony Aesonrishendane.

33 Nonwa ne Niyoh ne Kayanerenh Aedeweseke akwekonh. Awend.

CHAP. XVI.

Paul *Thonwadennyeghdonh ne Naarighwakwadako yotshennonnyat eso.*

IWAKONYENHHAGHSE I-sekeh *Phebe* Dewa-dennosenhhah ne wahy ne Konwanhase ne Otyoghkwadokenghdy-keh ne wahy ne *Cenchrea*.

2 Ken-ikenh Ise ji-nah Aonhha Royaner-neh, Hanenyawenne ji-niyught Rodiyadadokenghdihokon, neoni ne I-se Enghsye-nawase Aonhha ji ok nahhoden ji-nakarikhoden ji-nadeyudonghwenjonyh ne n'I-sekeh: ikenh ji-nakayere Aonhha waakoyadake-nha Wahakoye-nawase eso, neoni ne yadekyadyh Eghnanaawen.

3 Wadekhe-nonweron *Priscilla* neoni *Aquila*, yongyenawasehs Keristus-tserakonh Yesus:

4 Neneken aoriwa ne Jikonnhe yadeyune-nonh Eghdakeh wakyendahonh ne nakwah ro-nonhha Radighnyasakeh-okon: Ro-nonhhakeh Onghka ok yaghne ok ne dekenh I-ih wahhiyadonren, ok shaden-yawen okwekonh ne (Otyoghkwardokenghdi-okon) Ononghsadokenghdi-okon ne ne *Gentiles*.

5 Shaden-yawenne Watke-nonweron ne Ononghsadokenghdy ne na ne re-nonhha Raodinonghsakonh. Yadeshennonweronh ne khe-noronghk'wase *Epenetus*, Onghka ne ken ne Tyotyereghdonh yughyanyondaseron (ayondonghradaghkwe) ne *Achaia* ne Keristus-neh.

6 Dese-ninonweronh Waryh; Aonhha wahhy yonkwayadake-nhahonh eso Kayudenghsera Nonkyonhha-keh.

7 Teshe-nonweronh *Andronicus* nok *Junia*, I shakyonkwedat neoni yonkwaghriskonhonh Akwanaghskwa Ongka na ne nekayeronnitstonh Kentyoghkwaakonh ne Ro-diyadadokenghdiokon; ne ne shahhodiriwat ne Keristus akendonh n'I-ih.

8 Teshe-nonweronh *Amplias*, ri-noronghk'wa-onweh ne Royaner-neh.

9 Teshe-nonweronh *Urbane*, ne Nyonkhiyadake-nhahonh ne Keristus-neh; neoni *Stachys* ri-noronghk'wa.

10 Teshe-nonweronh *Apelles* rorighwayeridonh Jirokaben-yonh ne Keristus-neh, Teshe-nonweronh ne ethoh ne *Aristobulus* Raoghwaijira Kanonghsa,

11 Teshe-nonweronh *Herodion* ne ne shakyonwedat Teshe-nonweronh ro-nonhha ne ne Eghyederon Raoghwaijira Kanonghsa ne *Narcissus*, ne neh Eghkayendaghkonh Royaner-neh.

12 Teshe-nonweronh *Tryphena* ony *Tryphosa*, neneh diyudenhonh ne Royaner-neh. Teshe-nonweronh ne ne rowanoronghk'wa *Persis*, ne na neso royudenhonh ne Royaner-neh.

13. Teshe-nonweronh *Rufus*, ronwayadarakwenh ne Royaner-neh; neoni ne Ronisstenhhah neoni Nisstenbah.

14 Teshe-nonweronh *Asyncritus*, *Phlegon*, *Hermas*, *Patrobas*, *Hermes*, neoni ne Ondade-nonghkwe ji-nikonh Nenskaghneh ne Ro-nonhha.

15 Teshe-nonweronh *Philologus*, nok *Julia*, *Nereus*, neoni ne yadennosenhhah, neoni *Olympas*, neoni akwekonh ne Rodiyadadokenghdiokon ji-nikonh Nenskaghnenh ne Ro-nonhha.

16 Dijadade-nonweronh Ji-niyadejonh Orighwado-kenghdikeh Den-yondatkwanyon, ne Otyoghkwardokenghdy ne Keristus-neh Wadisanonweron n'I-se.

17 Nonwa Wakwennidenghden, Dewadadekenhah, jeronnitst sadenikonrarenh ra-nonhha na aoriwa Wadisewadennikonghradihhanyon neoni yako-nhighseron akdeji Ji-nikayadakwe-niyu Jiyondaderihhonnyennh ne ne Ji-nisewaweyendeghdahonh; neoni yadehho-naghjare ro-nonhha.

18 Ikenh ro-nonhha ne ne eghniyught ne ne yaghdeshonwayudenghse ne ji-nihhawenh Eghjahidewayaner *Jesus Christ*, ne ok ne ro-nonhha Raodinekwendakonh neoni ne wadatyatseriyuse neoni Karighwiyuse Enkayadaghdon ne Adonnhets-okon waothahharakwaghde. (Jiyutdakwarighsyonh.)

19 Ikenh n'I-se Jisadewennaraghk yeyurihhowanahonh ne akwekonh Nonkwehhokonkeh, ne wahhonny Wakatshennonnyh ne ne I'se Enjisayanerenghse densaghsnye-ne: nok shekonh Ke-nonwese Naaghsatdohake aondaghserighwayeride ji-nonka nakwekonh Thiyyanere, neoni yaghtiyadeyutheh ne ji-niyutyerenh ne wahhetken.

20 Neoni ne Niyoh ne na ne Kayanerenh T'kakonde Tenhhanonjistarighde ne *Satan* Saghsidokon niyurighwesshah. Ne Raodenrad Eghjhidewayaner *Yesus Keristus* Tyotkonh Aedeweseke. Awend.

21 *Timotheus* ne ne shadeyonke-niyude raknondera-tye, nok *Lucius*, ony *Jason*, ony *Sosipater*, ne n'I khe-nonghkwe, Watyesanonweron n'I-se.

22 I-ih ne *Tertius*, Onghka yughyadon ne Ken-ikenh Thonwanahonh Tehhorighware-nyadonh watye-sanonweron ne Royaner-neh.

23 *Gaius* Akwadorisshenghsera, neoni *Kentyoghkwakwekonh* Notyoghkwadokenghdy, Deyesanonghweradon n'I-se. *Erastus*, ne ne ranonghne ne Enekenghji T'kanadayen Watyesanonweron n'I-se neoni *Quartus* Sadadekenhah.

24 ¶ Ne Raodenrad ne Eghjhidewayaner *Yesus Keristus* Tyotkonh Aedeweseke akwekonh. Awend.

25 Nonwa Raonhhakeh ne ne Raoshatsstenghsera ne karihowanaghdonh n'I-se ji-nityawenhonh ne Akerighwadokenghdy neoni ne Jiyonderighwaghnodonghs ne ne *Yesus Keristus* (Ji-nityawenhonh jityodaghsawe Norighwadokenghdikeh norighwiyuhonweh jinonweh nyaghdeyokend yurighwaneghrakwaght, ne ne eghnahhe shiwaghseghdonh yaghdeyokend jinahhe Tyodonghwenjadaghsawe,

26 Nok nonwa o-nenh kaweyennendahonh *Thiyutkwathonh Adennoserhenh*, ne ne ji-niyugt ne *Kaghyadonghseradokenghdihokon Rodiyadadokenghdihokon Rodighyadon*, (*Prophets*;) ji-nityawenhonh ne ne *Ji-nighshonkwennyh* ne *Kayanerenh* ne ne *ji-niyenhenwe-onweh Niyoh*, *Thighshonkwa-kwathowyh* *Ji-niyadeyonkyonghwenjakeh akarihonny* ne *akonwawennaraghkwe Jideweghdaghkonh*;))

27 *Niyoh ok Raonhhaah Thorighwayery Tehhoyadreghdaghxheriyuh*, *etho Onwesenghdaghk*, *rorih-honnyh* *Yesus Keristus*, *ji-niyenhenwe*. Awend.